

Service of the servic



北齊 魏 收 撰

中 華

書

局

卷一〇八至卷一一四(志)

魏書卷一百八之一

禮志四之一第十

|漢承其弊,三代之禮,蓋如綫焉。 神道,故使三才惟穆,百姓允諧。 及。 聖者因人有尊敬哀思嗜慾喜怒之情,而制以上下隆殺長幼衆寡之節,本於 **夫在天莫明於日月,在人莫明於禮儀。** 劉氏中興,頗率周典,魏晉之世,抑 而淳澆世殊,質文異設,損益相仍,隨時作範。 先王以安上治民,用成風化,尚或失之,斯亡云 有可 知 人心, 會於 秦滅儒經,

劉馬 往。 周禮,國以克固;齊臣撤器,降人折謀。 祖稽古,率由舊則,斟酌前王,擇其令典,朝章國範,煥乎復振。 務恢疆宇。雖馬上治之,未遑制作,至於經國軌儀,互舉其大, 庸宗已降,魏道衰羸,太和之風,仍世凋落,以至於海內傾圮,綱紀泯然。 之迹夫何足數! 自永嘉擾攘,神州蕪穢,禮壞樂崩,人神殲殄。 世宗優遊在上,致意玄門,儒業文風,顧有未洽,墜禮 治身不得以造次忘,治國庸可 太祖南定燕趙, 但事多粗略, 早年厭世,叡慮未從,不爾, 日不暇給,仍世征 而 須臾忽也。 且兼闕遺。高 淪聲, 嗚呼! 初自皇 因之而 魯秉

始,迄於武定,朝廷典禮之迹,故總而錄之。

太祖登國元年,卽代王位於牛川,西向設祭,告天成禮

黄星 月親 罰。 畢,詔有司定行次,正服色。羣臣奏以國家繼黃帝之後,宜爲土德,故神獸如牛,牛土畜,又 時人謀,不可久替,謹命禮官,擇吉日受皇帝璽綬。惟神祇其丕祚於魏室,永綏四方。」事 皇天后土之靈。上天降命,乃眷我祖宗,世王幽都。珪以不德,纂戎前緒,思寧黎元 祀于西郊,徽幟有加焉 顯曜,其符也。於是始從土德,數用五,服尙黃,犧牲用白。祀天之禮用周典,以夏四 殪劉顯,屠衞辰,平慕容,定中夏。 天興元年,定都平城,即皇帝位,立壇兆告祭天地。祝曰:「皇帝臣珪敢用玄牡,昭告于 羣下勸進,謂宜正位居尊,以副天人之望。 ,襲行天 | 珪 以 天

犢各一,五方帝共用犢一,日月等共用牛一。祭畢,燎牲體左於壇南巳地,從陽之義。 神,餟在 在 八宿、天一、太一、北斗、司中、司命、司祿、司民在中壝內,各因其方。其餘從食者合一千餘 其上,南面,神元西面。 二年正月,帝親祀上帝于南郊,以始祖神元皇帝配。 外壝內。 藉用藁秸,玉用四珪,幣用束帛,牲用黝犢,□器用陶匏。 五精帝在壇內, 境內四帝, 各於其方, 一帝在未。 日月五星、二十 爲壇通四陛,爲遺埓三重。 上帝、神元用 天位

冬至祭上帝于圓丘,夏至祭地于方澤,用牲幣之屬,與二郊同。 等用牛一。祭畢,瘞牲體右於壇之北亥地,從陰也。乙丑,赦京師畿內五歲刑以下。其後, 在中境內,四瀆大川於外境內。后土、神元后,牲共用玄牡一,回玉用兩珪,幣用束帛,五岳 地 壇兆,制同南郊。明年正月辛酉,郊天。癸亥,瘞地於北郊,以神元竇皇后配。 五岳名山

性用馬、牛各一,太祖親祀。宫中立星神,一歲一祭,常以十二月,用馬薦各一,〔≡〕牛豕各 豕、犬各一。 叉立神元、思帝、平文、昭成、獻明五帝廟於宮中,歲四祭,用正、冬、臘、九月, 率祀官侍祀。置太社、太稷、帝社於宗廟之右,爲方壇四陛。祀以二月、八月,用戊,皆太 句龍配社,周棄配稷,皆有司侍祀。立祖神,常以正月上未,設藉於端門內,祭牲用羊、 冬十月,平文、昭成、獻明廟成。 歲五祭,用二至、二分、臘,牲用太牢,常遣宗正兼太尉

臘,用馬牛各一,祀官侍祀。 十月,各用羊一。又置獻明以上所立天神四十所,歲二祭,亦以八月、十月。神尊者以馬, 次以牛,小以羊,皆女巫行事。又於雲中及盛樂神元舊都祀神元以下七帝,歲三祭,正、冬、 又立□□神十二,歲一祭,常以十一月,各用牛一、雞三。又立王神四,歲二祭,常以八月、 太祖初,有兩彗星見,劉后使占者占之,曰:「耐之則當掃定天下。」后從之, 明年春,帝始躬耕籍田,祭先農,用羊一。 祀日於東郊,用騂牛 故立其祀。

一。秋分祭月於西郊,用白羊一。

拜,如此者七。 后肅拜,四百官內外盡拜。祀訖,復拜。拜訖,乃殺牲。 外,后率六宫從黑門入,列於靑門內近北,並西面。 廪犧令掌牲,陳於壇前。 門,門各依其方色爲名。 於陛之東,西面。選帝之十族子弟七人執酒,在巫南,西面北上。女巫升壇,搖鼓。帝拜, 大人畢從至郊所。帝立青門內近南壇西,內朝臣皆位於帝北,外朝臣及大人咸位於青門之 天賜二年夏四月,復祀天于西郊,爲方壇一,置木主七於上。東爲二陛,無等, 禮畢而返。自是之後,歲一祭。 性用白犢、黃駒、白羊各一。 祭之日,帝御大駕,百官及賓 執酒七人西向,以酒灑天神主,復 女巫執鼓,立 國諸 周垣四

祭,牲用牛,帝皆親之,無常 義責之, 太宗永興三年三月,帝禱于武周車輪二山。 弗從。 帝懼其變,乃於山上祈福於天地神祇。 日 初淸河王紹有寵於太祖,性凶悍,帝毎以 及卽位壇兆,後因以爲常祀,歲一

皆牧守侍祀。 神配,早則禱之,多有效。 二十八所於宮內,歲二祭,各用羊一。 明年,立太祖廟于白登山。 又立太祖別廟於宮中,歲四祭,用牛馬羊各一。 是歲,詔郡國於太祖巡幸行宮之所,各立壇,祭以太牢,歲一祭, 歲一祭,具太牢,帝親之,亦無常月。 後二年,於白登西,太祖舊遊之處,立昭成、 又加置天日月之神 兼祀皇天上帝,以山 及諸小神 獻明、太

於廟 祖 廟於太祖廟垣後,因祭薦焉。又於雲中、盛樂、金陵三所,各立太廟,四時祀官侍祀 廟,常以九月、十月之交,帝親祭,牲用馬、牛、羊,及親行貙劉之禮。 左右,其神大者以馬,小者以羊。華陰公主,帝姊也,元紹之爲逆,有保護功,故別立其 別置天神等二十三

牢。 郡者,合三百二十四所,每歲十月,遣祀官詣州鎭遍祀。 有水旱災厲,則牧守各隨其界內祈 之陰,春秋遣有司祭,有牲及幣。四瀆唯以牲牢,準古望秩云。其餘山川及海若諸神在州 謁,其祭皆用牲。 有司主之。又六宗、靈星、風伯、雨師、司民、司祿、先農之壇,皆有別兆,祭有常日,牲用少 太皡等及諸佐隨配。侑祭黃帝,常以立秋前十八日。餘四帝,各以四立之日。牲各用牛一, 立春之日,遣有司迎春於東郊,祭用酒、脯、棗、栗、無牲幣。又立五岳四瀆廟於桑乾水 泰常三年,爲五精帝兆於四郊,遠近依五行數。各爲方壇四陛,埓壝三重,通四門。以 王畿內諸山川,皆列祀次祭,若有水旱則禱之。至

帝,孝子能饗親。 伏惟陛下孝誠之至,通於神明。 近嘗於太祖廟,有車騎聲,從北門入,殷 殷轞轞,震動門闕,執事者無不肅慄。 正月,南巡恒岳,祀以太牢。 辛未,幸代,至雁門關,望祀恒岳。 明年八月,帝嘗於白登廟,將薦熟,有神異焉。 幸洛陽,於遺使以太牢祀嵩高、華岳。 斯乃國祚永隆之兆,宜告天下,使咸知聖德之深遠。」 後二年九月,幸橋山,遣有司祀黃帝、唐堯廟。 太廟博士許鍾上言曰:「臣聞聖人能饗 還登太行。 五月,至自 明年

洛陽,諸所過山川,羣祀之。 後三年二月,祀孔子於國學,以顏淵配。

神熙二年,[+]帝將征蠕蠕,省郊祀儀。 四月,以小駕祭天神,畢,帝遂親戎。 大捷而

還,歸格於祖禰,徧告羣神。

九月,立密皇太后廟於鄴,后之舊鄉也。 置祀官太常博士、齋郎三十餘人,侍祀,歲五

祭

太延元年,立廟於恒岳、華岳、嵩岳上,云各置侍祀九十人,歲時祈禱水旱。 其春秋泮

涸,遣官率刺史祭以牲牢,有玉幣。

福 希 拓 啓闢之初,祐我皇祖,于彼土田。 祭天地,以皇祖先妣 烏洛侯國遣使朝獻,云石廟如故,民常祈請,有神驗焉。其歲,遣中書侍郎李敞詣石室,告 仰 定 祿 四邊。 永延。」敞等旣祭,斬樺木立之,以置牲體而還。 餘 魏先之居幽都也,鑿石爲祖宗之廟於烏洛侯國西北。 光。 冲人纂業,德聲弗彰。 王業之興,起自皇祖。 ·配。祝曰:「天子/燾謹遣|敞等用駿足、一元大武敢昭告于皇天之靈。 歷載億年, 聿來南遷。 豈謂幽遐,稽首來王。 綿綿瓜瓞,時惟多祜。 後所立樺木生長成林,其民益神奉之。 惟祖惟父,光宅中原。克翦凶 具知舊廟,弗毀弗亡。 敢以丕功,配饗于天。 自後南遷, 其地隔遠。 子子 悠悠之懷, 眞君 孫 自

咸謂魏國處靈祇之應也。石室南距代京可四千餘里。

明年六月、司徒崔浩奏議:「神祀多不經、案祀典所宜祀、凡五十七所、餘復重及小神、

請皆罷之。」奏可。

至魯,以太牢祭孔子。遂臨江,登瓜步而還。 十一年十一月,世祖南征,逕恒山,祀以太牢。 浮河、濟,祀以少牢。 過岱宗,祀以太

文成皇帝即位,二年正月,遣有司詣華岳修廟立碑。「云」數十人在山上,聞虛中若有音

聲,[10]聲中稱萬歲云。

州,北至中山,過恒岳,禮其神而返。明年,帝南巡,過石門,遣使者用玉璧牲牢,禮恒岳 和平元年正月,帝東巡。歷橋山,祀黃帝,幸遼西,望祀醫無閭山。遂緣海西南,幸冀

四月旱,下詔州郡,於其界內神無大小,悉洒掃薦以酒脯。年登之後,各隨本秩,祭以

牲牢。至是,羣祀先廢者皆復之。

顯祖皇興二年,以靑徐旣平,遣中書令兼太常高允奉玉幣祀於東岳,以太牢祀孔子。

祀,皆無用牲。」於是羣祀悉用酒脯 雖行潦菜羹,可以致大嘏,何必多殺,然後獲祉福哉! 五百。 正直,享德與信,何必在牲。爲曰:『東隣殺牛,不如西隣之於祭,實受其福。』苟誠 高 顯祖深愍生命,乃詔曰:「朕承天事神,以育羣品,而咸秩處廣,用牲甚衆。 祖 延 興二年,有司奏天地五郊、社稷已下及諸神,合一千七十五所,歲用牲 其命有司, 非郊天地、宗廟、社稷之 七萬 夫 感有著, 神 五千 聰明

祭文、武二廟。 先是,長安牧守常有事於周文、武廟。 以廟玉露見,若卽而埋之,或恐愚民將爲盜竊,敕近司收之府藏 四年,坎地埋牲,廟玉 一發見。 四月,詔東陽王丕

主七,立碑於郊 六月,顯祖以西郊舊事,歲增木主七,易世則更兆,其事無益於神明。 所 初革前儀, 定置

太和二年,旱。 帝親祈皇天、日月五星於苑中、祭之夕大雨、遂赦京師。

三年,上祈於北苑,又禱星於苑中。

俎豆之器,百官助祭位次,樂官節奏之引,升降進退之法,別集爲親拜之儀。」制可。 事,稽合古王禮之常典。 殷宗躬謁,介福 六年十一月,將親祀七廟,詔有司 **道降**。 大魏七廟之祭,依先朝舊事,多不 臣等謹案舊章,幷採漢魏故 依 禮具儀。 於是羣官議曰:「昔有虞親虔、祖考來格; 事,撰祭服 親謁。 今陛下孝誠發中, 冠履牲牢之具,罍 思親祀 於是上 洗 簠 簋

乃親祭。 其後四時常祀,皆親之。

十二年閏九月,帝親築圓丘於南郊。曰己十年四月,帝初以法服御輦,祀於西郊。

不稱 說 給,五年一稀,總而互舉之,故稱五年再殷祭,不言一稀一給,斷可知矣。 嘗、給烝。』其禮傳之文如此。 堂,引見羣臣。 祭俱稱 子先禘祫而後時祭,諸侯先時祭而後禘祫。 五年一禘。 禘、烝、嘗,周改禘爲酌。曰曰祭義稱『春禘、秋嘗』,曰司亦夏殷祭也。 王不禘』。 ,盡具於此。 禘,宗廟稱禘。 十三年正月,帝以大駕有事於圓丘。五月庚戌,車駕有事於方澤。 禘"祭有兩禘明也。 論曰:『禘自旣灌。』詩頌:『長發,大禘。』爾雅曰:『禘,大祭也。』夏殷四時祭::礿、 詔曰:「禮記祭法稱:『有虞氏禘黃帝。』大傳曰『禘其祖之所自出 卿等便可議其是非。」 禘、祫一名也,合而祭之故稱祫,審諦之故稱禘,非兩祭之名。 王肅解禘給,稱天子諸侯皆禘於宗廟,非祭天之祭。 鄭玄解禘,天子祭圓丘曰禘,祭宗廟大祭亦曰 魯禮,三年喪畢而給,明年而稀。 禘則增及百官配食者,審諦而祭之。天 王制稱『惟 壬戌, 高祖臨皇信 禮文大略,諸儒之 禘。 圓丘、宗廟大 三, 又 酌、船碲、船 郊祀后稷, 三年一祫, 稱

『長發 於 之禘。 祖 義 儀 禮 言給,宗廟時 其 同 曹 異,故名殊。 時,止於一 令李 所 據王氏 大祭圓 尙 大禘 與鄭 自出 書 魯行天子之儀,不敢專行圓丘之禘,改殷之禘,取其 部、中 游 之祖 也」,殷王之祭。 義 明 丘 合故言

。 謂之禘 根 同 時 書侍 依 者,以 ,又非在 者,祭不 {∥禮 左丞郭 赤春 郎高遵等十三人對稱:「稀祭圓丘之稀 而 者,審諦 爲 **禘祭之**,故言禘 廢植剂,於 廟之文。 有虞禘黃帝 斯則宗 祚、 欲數,數則 斯皆 五. 中書侍郎封琳、 精 廟 非諸侯之禮,諸 論 嘗於蒸則給,不於三時皆行禘給之禮。」曰曰中 星 祫 黷 黄帝 稱 辰 禘 祫 並行 也;大祭宗廟謂之禘 丽 總謂 非虞在廟之帝,不在 自旣 歲) 圓丘一 著作郎崔光等對曰:「鄭氏之義, 而 再般祭,明 灌 侯無 ر 🗀 諦 一愚以 事似據。[三爾雅 諦 而 不 已。 與鄭義 諦 禮 爲 異 者, 唯 名於宗廟, 過數 也。 宜於宗廟俱行 南,非 夏 審 殷, 同, 諦 諦 其宗廟 船 圓 其 夏祭 稱『禘,大祭也』。 昭 丘 因 穆。 名 而 先 稱 也。 何? 禘祫之祭 諦 有 禘, 船 圓 旈 書監高 之禮。 其 叉 者 丘 又大傳稱 非 常合不 稲 逐 大祭之 與王 宗 船 生 閭 廟 止 兩 {頌

情 用 祫 爲 ,外協尊卑之序。 理 名,義 帝 有 国 未 稱 同 尚書、 王氏、禘 俱 據 中書等。 故天子七廟,諸侯五廟,大夫三廟,數盡則毁,藏主於太祖 祭圓 義, 丘,事 據二家之義,論 時 禘 與鄭 **給**,而 同 闕 無 禘 時 所 船 之禘, 詳 間 然。 矣。 事有 然於行 尙 書等與鄭 難 從。 事 取 夫 衷, 氏 先 同 猶 Ξ 有未允。 制 兩 禮 名 兩 之廟,三年 內 緣 監 等 並 子 存 以 Z III 並 斋

若 爲當。 事 而後時祭。便卽施行,著之於令,永爲世法。」 船祭之。 不究四時,於情爲簡。 以數 無所據。 《則黷,五年一禘,改祫從禘。 五年一禘,則四時盡禘,以稱今情。 今互取鄭、王二義。禘祫幷爲一名,從王,禘是祭圓丘大祭之名,上下同用,從鄭。 世盡則毁,以示有終之義,三年而給,以申追遠之情。 毁廟三年一給,又有不盡四時,於禮爲闕。 王以禘祫爲一祭,王義爲長。 鄭以圓丘爲禘,與宗廟大祭同名,義亦 七廟四時常祭,給則三年一祭,而又 **禘哈旣是一祭,分而兩之,** 禘則依禮文,先禘

偏 疑。 之。」帝曰:「詳定朝令、祀爲事首、以疑從疑,何所取正? 比敕臣等評議取衷,附之祀典。 聖世,以爲論者雖多,皆有所闕,莫能評究。遂相因承,別立六宗之兆,總爲一位而祭之。 稱星辰之屬,或曰世代所宗,或云宗廟所尚,或曰社稷五祀,凡有十一家。 事 用一家,事或差舛。 以證情,故能通百家之要,定累世之疑。 漢魏及晉諸儒異說,或稱天地四時,或稱六者之間,或稱易之六子,或稱風雷之類,或 高閻曰:[[k][書稱:『肆類于上帝,禋于六宗。』六宗之祀,禮無明文,名位壇兆,歷代所 衆疑則從多,今惑則仍古。 臣等承旨,披究往說,各有其理。較而論之,長短互有,若 況今有文可據,有本可推,而不評而定之,其 請依先別處六宗之兆,總爲一祀 而 祭 昔石渠、虎閣之議,皆準類 自晉已來,逮于 以引義。

以關 之目,焚煙非他祀之用。六宗者,必是天皇大帝及五帝之神明矣。 致 六宗之位。 禋,六宗言禋而不別其名。 帝在焉,其 安在。 其他,故稱六以證之。 朕躬覽尚書之文,稱『肆類上帝,禋於六宗』,文相連屬,理似一事。 上帝 、、牲幣俱禋,故稱肆類上帝,禋于六宗。 一祭而六祀備焉。 便可依此附令,永爲定法。」 然則肆類上帝,禋于六宗,一祭也,互舉以成之。 以此推之,上帝、六宗當是一時之祀,非別祭之名。 種是祭帝之事, 六祭旣備,無煩復別立 **今祭**圓丘 肆 類 稱 故 非 肆 稱 丽 獨 一, 五 祭 無 禋

往漢、未詳之說、疑在今史。 十四年八月詔曰:「丘澤初志,曰己配尙宜定, 羣官百辟,可議其所應,必令合衷,以成萬代之式。」 五德相襲,分敍有常。 然異同 之論,著於

漢爲水德, 敍; 奪, 允應明命者 有優劣,至於受終嚴祖,殷薦上帝,其致一也。 厲 惠 善惡 中書監高閣議 爲 至 賈誼、 是非。 昏, 了莫不 不 公孫臣以漢爲土德,劉向以漢爲火德。 闕周晉之錄。 以中原爲正統,神州 以爲。「帝王之作,百代可知,運代相承,書傳 故堯舜禪揖, 計五 一身異尚; 德之論, 爲帝宅。 魏晉相代, 始自漢劉 故敢述其前載, 苟位當名全,化迹流洽,則 少紀運殊。 以爲水德者,正以嘗有水溢之應, 時之議,三家致別。 舉 可 其大 驗。 桀紂至虐,不 略。 雖祚 不專 臣聞 命有 빓 長 居尊據 故 廢 世 短,德政 張 承 數 蒼以 歷之 爲 與

無 德 所 代 故 周 生 厥 **祚流於周** 夷,非關中夏。 **奄岱踰河,境被淮漢。** 滅,皇魏 則 又秦趙 之君 以魏 後 論 損 在 水 不 岐 が放 事 於 懸 推運代相承之數矣。 功 之陽。 明明 此 及 承秦、魏爲土德、又五緯表驗、黃星 趙 以爲 未克神州,秦氏旣亡,大魏稱制玄朔。 證 漢,正位 (燕,雖非明聖,各正號赤縣,統有中土,郊天祭地,肆類咸秩,明 , 而 爲 赤帝 賢之史,皆因 垂之萬葉。 水德。 常。 有成 若繼晉,晉亡已久,若棄秦,則中原有寄。日心推此而言,承秦之理,事爲明驗 伏惟聖朝,德配天地, 斬蛇之符,棄秦之暴,越惡承善, 於彼,廢之無益於今,而有傷於 魏承漢,火生土,故魏爲 中境, 燕承趙,水生木,故燕爲木德。 宜 非若齷齪邊方, 其可褒褒之, 並 奄有萬 以土德者,則以亡秦繼曆,相卽爲次,不推逆順之異也。 集 中 方。 秘羣儒,人 今若幷棄三家,遠承晉氏, 可貶貶之。 道被四海, **僭擬之屬,遠如孫權、劉備,近若劉裕** 土德。 |曜彩,考氏定實,合德軒轅,承土祖未,事爲著矣。 人別議,擇其所長,於 故平文之廟,始稱『太祖』,以明受命之證,如 不以世 晉承 事。 承乾統曆, 今議者 秦承燕,木生火,故秦爲火德。 臣愚 魏,土生金,故晉爲 次爲正 偏 以爲 據 功侔 可 也,故 宜從尙黃,定爲土 絕之義,而不錄可全之禮 則蔑中原正 理 百王。 爲 悉。 以承 刑制 金德。 光格 周 、道成 爲 次之實。 禮,不失舊章。 同於唐虞,享 火德。 趙承晉, 德 了事繫蠻 秦之未 以爲 存之 自 叉前 火 玆

秘 書丞 臣李彪、著作郎崔光等議以爲一尚書閻議,繼近秦氏。 臣 職掌 國籍,頗覽前書,

排虐 惜此 晉武 耶? 況劉、石、苻、燕,世業促編, 自周 聰、 有因。 雲空結哉 應,玄同漢始。 不 勒, 嬴 夫皇 之滅及漢正號, ,抗衡符石,終平燕氏,「云 可,而 E 同 世 次,慨 以 然此帝業,神元 思存晉氏, 一統崇極,承運至重,必當 • 比共工, 蔑暴項 欲 桓、 自 次效 彼 有晉傾淪,暨 穆與 非 且秦幷天下,革創 係僭 懷 毎助劉 幾六十年, 為首。 一一一世非 **輙仰推帝始,遠尋** 愍接時。 而同 琨, 綱紀弗立。 登 、惑乎? 吳廣。 案神元、晉武、往 國 申威幷冀。 大造 著符尙赤。 肇 晉室之淪, 推協 法度,漢 號, 臣所以 近 中 天緒,考審 魏接 蠲 亦幾六十餘載, 區 百王。 仍其 謬偽,遠即神 0 **慺慺惜之**, 是以晉室銜扶救之仁,越石深代王之請。 其弊。 平文始大,廟 後雖張 則是司馬祚終於郟鄏,而元氏受命於雲代。 制, 來和好。 魏雖建國君民, 王 自有 少所 次, 、賈殊議, 唯垂察納。」 正,若此之明也。 不可 彝 變易。 物色 至于桓、穆,洛京破亡。 號 典,豈可異漢 太祖 雜 旗 暫疑而 以 幟, 猶 兆联振古,祖 僭竊, 仰 詔 抑 率多 推五 令 亦 卒從火德,以繼 羣官 有 之承木, 參之强狡。 從 運, 由 寧使 黑。 議 竟 紹晉 黄制 之。 白 捨晉 是又 踵 蛇 二帝志摧 隆 定德 朔,縣迹 徒 神元 自 姬 而 平文、 斬 周 1然合 爲 氏 雕 旣 蓋 孰 土 而

根,「同的散騎常侍、南部令鄧侍祖 中山 十 五. 王 年正 王 元 一月,侍· 孫 侍 中 中、 · 司 空、長 尙 書、 樂王穆亮, ,秘書中散李愷 駙馬 都尉、 侍中、 南 平王 ,尚書左丞郭祚,右丞、霸城 尚書 左僕射 馮 誕 散 騎 、平原 常侍、都 王 曹尚 陸 叡 子 書 侍 衛慶 新 中 泰 中 侯 吏 游 部 明 尙

載。 大魏 曰:「越近承遠,情所未安。 魏、晉,趙、秦、二燕雖地據中華,德祚微淺,並獲推敍,於理未愜。 義,以皇魏承晉爲水德。二家之論,大略如此。 平文,逮于太祖,抗衡秦、趙,終平慕容。 我。 彪等二人所議皇魏行次。 郎 封琳,中書郎、泰昌子崔挺,中書侍郎賈元壽等言:「臣等受敕共議中書監高閣、秘書丞李 次秦 故因 彪等職主東觀,詳究圖史,所據之理,其致難奪。 中原 爲 土德,皆以地據中夏,以爲得統之徵。 有寄,即而 承之。 尚書高閭以石承晉爲水德,以燕承石爲木德,以秦承 然考次推時,頗亦難繼。 彪等據神元皇帝與晉武並時,桓、廖二帝,仍修舊好。 晉祚終於秦方, 大魏興於雲朔。 臣等謹共參論,伏惟皇魏世王玄朔,下迄 皇魏建號,事接秦末,晉旣滅亡,天命在 朝賢所議,豈股能有違奪。 今欲從彪等所議,宜承晉爲水德。」 詔 又國家積德修長,道光萬 據漢棄秦承周之 燕爲 便可依為 火德, 始 自

未多於昭成,然廟號爲太祖,道武建業之勳,高於平文,廟號爲烈祖。 號,定將來之法。 居二祧之廟。 四 月,經始明堂,改營太廟。 仰惟先朝舊事,舛駁不同,難以取準。 烈祖有創基之功,世祖有開拓之德,宜爲祖宗,百世不遷。 詔曰 「祖有功、宗有德、自非功德厚者,不得擅祖宗之名, 今將述遵先志,具詳禮典,宜制祖宗之 比功校德,以爲未允。 而遠祖平文功

水德,祖中臘辰。」

宗廟之靈,獲全首領以沒于地,爲昭穆之次,心願畢矣。必不可豫,設可垂之文,示後必令 不言。」詔曰「理或如此。 遷之。」司空公、長樂王穆亮等奏言: 「升平之會, 事在於今。 推功考德,實如明旨。 但七廟 朕今奉尊道武爲太祖,與顯祖爲二祧,餘者以次而遷。 平文旣遷, 廟唯有六,始今七廟,一 之祀,備行日久,無宜闕一,虛有所待。臣等愚謂,依先尊祀,可垂文示後。 則無主。 唯當朕躬此事,亦臣子所難言。夫生必有終,人之常理。朕以不德,忝承洪緒,若 比有間隙,當爲文相示」。 理衷如此,不敢

八月壬辰、詔郡國有時果可薦者、並送京師以供廟饗。

樹,設五帝坐。 又詔曰「禮云自外至者,無主不立。 此旣無可祖配,揆之古典,實無所取,可去此祀。 先朝以來,以正月吉日, 又探策之祭,旣非禮典,可 於朝廷設幕, 中置松栢

悉罷之。」

行事。 約。 也。」又詔 光武之世,禮儀始備,饗祀有序。 昔漢高之初,所祀衆神及寢廟不少今日。 戊午詔曰:「國家自先朝以來,饗祀諸神, 馮宣王誕生先后,復因在官長安, 曰:「明堂、太廟,並祀祖宗,配祭配享,於斯備矣。 凡祭不欲數,數則贖,贖則不敬。 立廟宜異常等。 至于元、成之際,匡衡執論,乃得減省。 凡有一千二百餘處。今欲減省羣祀,務從簡 可敕雍州 白登、崞山、雞鳴山 神聰明正直,不待 ,以時供祭。」又詔曰: . 廟 唯遣 !煩祀 後至 有司

「先恒 祭門、戶、井、竈、中霤,每神皆有。 有水火之神四十餘名,及城 北星神。 此四十 神計 今圓丘之下,旣祭風伯、雨師、司 不 須立,悉可罷之。」 中、司命, 明堂

行 等嘗論 無常準。 甲寅,集羣官,詔曰 此事,以 若一 爲朝日以朔, 依分日 :「近論朝日夕月, ,或值月出於東,而行禮於西,尋情卽 夕月以朏 卿等意謂朔朏二分, 皆欲以二分之日,於東西郊行禮。 理,不可施行。 何者爲是。」尚書游明根 11 秘 然月有 書監 餘閏, 對日 薛謂

考案舊式,推校衆議,宜從朏月」。

不作。 衣, 子,帝衮冕辭太 主於齋車,至新 **舄,侍臣** 拜山 丁卯,遷廟,陳列冕服,帝躬省之。 一朝服。 陵 月己未朔,帝釋禪祭於太和 而還宮。 辭太和廟,之圓丘,升祭柴燎,遂祀明堂,大合。 和廟 廟。 有司 ,臨太華殿,朝羣官。 庚申, '升神主於太廟,諸王侯牧守、四海蕃附,各以其職 帝親省齊宮冠服及郊祀俎豆。 廟。 旣而 旣 帝衮冕, 與祭者朝服。 而帝冠通天,絳紗袍,臨饗禮。 帝衮冕,辭太和 癸亥冬至,將祭圓 廟,之太廟,百官陪從。 旣而還之太和廟, 旣而帝冠黑介幘,素紗深 來祭。 帝 丘, 威慕,樂懸而 帝衮 乃入。 奉神 冕劍 F

義。 君,祭以首時,無田之士,薦以仲月。 今將仰遵遠式,以此孟月,植於太廟。 十六年正月戊午,詔曰:「夫四時享祀, 人子常道。 況七廟之重,而用中節者哉!自頃蒸嘗之禮,頗違舊 但朝典初改,衆務殷湊、無遑齋潔、遂及於今。 然祭薦之禮,貴賤不同。 故有邑之

又接 神饗祖,必須擇日。 今禮律未宣,有司或不知此。 可敕太常令剋日以 聞

利,可 別敕 也 治,可祀於平陽。 及今日。 途,奕世 德配享,夏殷私己,稍用其姓。 有司 記於 月丁酉, 一共軌。 小安邑。 可令仍 饗薦之禮,自文公已上,可令當界牧守,各隨所近,攝行祀事,皆用淸酌 詔曰"「夫崇聖祀德,遠代之通典,秩□ 今遠遵明令。

憲章舊則,

比於祀令,

已爲決之。 以仲月而饗祀焉。 虞舜播太平之風,致無爲之化,可祀於廣寧。 周文公制禮作樂,垂範萬葉,可祀於洛陽。 且法施於民,祀有明典,立功 凡在祀令者,其數有五。 其宣尼之廟,已於中省,三三當 中古之近規。 垂惠,祭有恒 其孟春應祀者,頃 帝堯樹則天之功, 夏禹禦洪水之災,建天下之 式。 故三五至仁, 斯 以事殷,遂 與巍巍之 乃異代 尹祭 唯 同

丙午,詔有司剋吉亥,備小駕,躬臨千畝,官別有敕。

之諡。於是昶等就廟行事。旣而,帝齋中書省,親拜祭於廟 癸丑,帝臨宣文堂,引儀曹尚書劉昶、鴻臚卿游明根、行儀曹事李韶,授策孔子,崇文聖

九 月甲寅朔,大享於明堂,祀文明太后於玄室,帝親爲之詞

然而有節。 十月己亥,詔曰:「夫先王制禮,所以經綸萬代,貽法後昆。 白登廟者,有爲而興,昭穆不次。 故太祖有三層之字,已降無方丈之室。〇三又 至乃郊天享祖,莫不 配祭

敕有司,但令內典神者,攝行祭事。獻明、道武各有廟稱,可具依舊式。」自太宗諸帝,昔無 之高,未若九室之美,幃次之華,未如淸廟之盛。將欲廢彼東山之祀,成此二享之敬。 冬之始,奉烝太廟。若復致齋白登,便爲一月再駕,事成褻瀆。 常用季秋、躬駕展虔、祀禮或有褻慢之失、嘉樂頗涉野合之譏。今授衣之旦,享祭明堂,玄 回詳二理,謂宜省一。 可具 白登

十八年,南巡。正月,次殷比干墓,祭以太牢。

殿宇,因停之。

三月,詔罷西郊祭天。

十九年,帝南征。正月,車駕濟淮,命太常致祭。又詔祀岱岳。

鹵簿,如出代廟。百官奉遷,宜可省之。但令朝官四品已上,侍官五品已上及宗室奉迎。」 正廟。「三」其出金墉之儀,一準出代都太和之式。入新廟之典,可依近至金墉之軌。其威儀 二月癸亥,詔曰:「知太和廟已就,神儀靈主,宜時奉寧。 可剋三月三日己巳,內奉遷於

虧漏,門牆傾毀,簠簋故敗,行禮有闕。 烝嘗,冠服從事,刺史具威儀,親行薦酌,升降揖讓,與七廟同儀,禮畢,撤會而罷。 之故鄉,有歸魂之舊宅,故爲密皇后立廟於城內,歲時祭祀,置廟戶十家,齋宮三十人。春秋 六月,相州刺史高閭表言:「伏惟太武皇帝發孝思之深誠,同渭陽之遠感,以鄴土舅氏 臣備職司,目所親覩。 若以七廟惟新,明堂初制,配 今廟殿

饗之儀 備 於京邑者 「,便 應罷壞,輟其常祭。 如以功高特立, 宜應新 其 、靈字。 敢陳所 見,伏

請恩裁。」詔罷之。

牲之禮 之事, 部 將 案周官祀昊天上帝 但 與諸賢考之厥衷。」帝曰 皇,下考叔世近代都祭圓 尙 脱 有 先 書、任城王澄及議禮之官。 事 終無 于上 っ實 以 月庚 郊配、意欲廢告、而卿引證有據、當從 無殺 夕而 帝 必必 午, 牲之事。」 殺 先有 帝幸委粟山,議定圓丘。 牲, 於圓丘, 待 事于泮宫,注 -秘書· 「夕牲之禮,無可依準,近在代都,已立 丘之禮,復未考問官,爲不刊之法 明 而祭。」員 禮之大者。 令李彪 詔 日 日『先人』。 日「夕不 外散騎常 「朝集公卿、欲論 兩漢 己卯,帝在合溫室,引咸陽王禧,司空公穆亮,吏 禮有參差, 殺 卿 侍劉芳對曰:「臣謹案周官牧 性,誠 議 以此 推之,應有告廟。」帝曰:「卿言有 圓丘之禮。 如聖旨。 魏晉 令。 猶 其 以 亦 未審告廟以不? 此祭 議 未 今短 o -- 殺 圓 晷 牲 丘 我魏氏 斯極,長 祼 之禮示 神,誠 下 正 臣 雖上參三 卿等,欲 日方至 . 聞 是 有 魯人 夕展 日

其 準 所 據 、義。」帝曰:「天何時不玄,地何時不黃,意欲從玄。」 秘 帝 書 舜 叉 之命 | 令李彪 日 禹 圓丘之牲,色無常準,覽推古事,乖 曰:「觀古用玄,似取天玄之義,臣謂宜用玄。 ,悉用堯辭,復言玄牡告于后帝。 互不一。 今我 國家,時用夏正,至於牲色, 周 家用騂,解言是尚。 至於五帝,各象其方色,亦有 晉代靡知 未 知 何

又曰:「我國家常聲鼓以集衆。 易稱二至之日,商旅不行,后不省方,以助微陽、微陰。

今若依舊鳴鼓,得無闕寢鼓之義。」員外郞崔逸曰:「臣案周禮,當祭之日,靁鼓靁鼗,八面而

作,猶不妨陽。臣竊謂以鼓集衆,無妨古義。」

癸未,韶三公衮冕八章,太常鷩冕六章,用以陪薦。

甲申長至,祀昊天於委粟山,大夫祭。疑。

二十年,立方澤於河陰,仍遣使者以太牢祭漢光武及明、章三帝陵。

校勘記

牡 用 黝 犢 諸本「牲」訛「牡」、今據册府卷三二下三五二頁、 通典卷四二郊天上後魏道武帝條改。

(三) 牲共用玄牡一 諸本「牡」訛「牲」、今據册府同上卷頁改。

用馬薦各一 班府同上卷頁「薦」作「鹿」。 按旣云「各一」,應是二物,疑作「鹿」是,但他處不見祭

祀用鹿,今不改。

帝拜后 云:「后率六宮從黑門入」,則后亦參與祭祀,「若」字形近而訛,今據改。 肅拜 諸本「后」作「若」、無府卷三二下三五三頁作「后」。 按通典卷四二也作「后」。 Ŀ

二三 若有水旱則禱之 諸本「若」訛「各」,今據册府同上卷頁改。

禮志一 校勘記

- ペレ 幸洛陽 册府同上卷頁「幸洛陽」上有「四月」二字。 按事見卷三太宗紀泰常八年 ·四月, 此條前後
- 都記月,不應獨缺,當脫「四月」二字。
- <u>~</u> 神麝二年 上 當有「世祖」二字,傳本脫去。 册府同上卷頁上有「太武」二字。 册府例改 廟號為 按志例凡始見於志的某帝,在年號上必加廟號,這裏 諡 號
- ヘベン 立廟於恒 岳華岳嵩 岳上 諸本「華」下 脱「岳」字、今據册府同上卷頁補
- 九九 帝卽位」、當是卽位後不久事。 本月改元興安,興安只二年,次年改元興光,興光也只二年。 文成皇帝卽位二年正月遣有 卷三二作「興光元年」,恐是以意改。 「二年」、卷三二下三五四頁作「興光元年正 司詣 興安二年正月實在卽位後第三個月, 華 岳修 又魏書例稱廟號,不應此處獨稱「文成皇帝」, 月。 廟 立 碑 按拓跋濬於 諸 本「二年」作「三年」。册府卷二六二七七頁作 拓跋燾 這裏「三」字必誤。 的 今據册府卷二六改。 正平 二年 十月卽位 觀上稱「文成 上當脫一高 ₩府 刨 皇 在
- 聞虛中若有音聲 諸本脫「有」字,今據冊府卷二六二七七頁補。
- 甲子。 十二年閏九月帝親築圓丘於南郊 子。 按卷七下高祖紀作「閏月甲子」。 這裏「十月」顯誤,今據紀及册府改。志例只記年月,其一月不止一事者始記日。 諸本「閏九月」作「十月」、册府卷三二三五四頁作「閏九月甲 是年魏閏 九月,丁未朔 了甲子是十八日,十月丁**丑** 一朔,無

「甲子」疑據紀增,今不補。

- 周改稀為於 船嘗、祫烝」,鄭注:「周改夏祭日汭。」「祠」乃「礿」形近而訛,今據改。 諸本「約」作「祠」,册府卷五八○六九五三頁作「約」。按禮記王制「天子**植**酌、祫禘、
- 祭義稱春禘秋嘗 諸本「稀」作「祭」、册府同上卷頁作「稀」。 按禮記祭義作「禘」、「祭」字訛,今

據改

依禮春廢植的於嘗於蒸則給不於三時皆行禘給之禮 哈 之 禮 醴 碲下載此議作「依禮,春廢特剂,於嘗於烝則給嘗祫烝,不於三時皆行締祫之禮」。 按禮記王制: 疑原文當作「依禮:春廢哈 則四時缺一,也當從册府有「於碲則祫禘」册府倒作「禘祫」一句。最後一句「不於三時皆行禘祫之 「廢」下當從册府有「給」字,即鄭注「春一酌而已,不合」之意。 物無成者,不殷祭。」則四時之祭,唯春不祫,其餘三時之祭,禘、嘗、烝都祫。 「天子犆衲、祫禘、祫嘗、祫烝。」鄭注:「犆猶一也,祫合也。中略凡祫之歲,春一礿而已,不祫,以 船,植衲,於禘則禘給,嘗則禘嘗,於烝則祫烝,不廢三時,三時皆行禘祫之禮」。 」,和 王制本文不合,「不於」二字乃「不廢三時」之訛脫。 通典訛脫與此志略同,不可解。 植酌 ,於稀則 **船禘,於嘗、於烝則船嘗祫烝,不廢三時,三時皆行禘** 册府卷五八〇六九五四頁作「依禮: 前云「廢」,後云「不廢」, 下文只說嘗、烝,不及夏祭之稀, 這裏文有訛脫, 通典卷五〇祫 前 後 相 春廢 應。

二三 論 事 稱 似 禘 據三 自 旣 字。 灌 事 似 {通 {典 據 錄 文本 按語未足,下當有 有 節 略,「以往」二字乃據論語 脱文。 通典 (卷五 增 ○「稀自旣灌 , 此 文本 下 必同 有 以 {通 {美 往 一二字,無 今於「 據

下句

斷

- 二台 衷 節 高 ,上有「時大議禋祀之禮」七字,始接「高閭曰」,知 閭 附之祀典」,似當有元宏命羣臣 日 按這是關於祭祀六宗之議,上未叙明,乍觀不知 . 議六宗語,所 脫 或不 上必 止通典所 有 脱文。 高間 所議 有的 高間 1 何事。 議有 云 通典 比 較臣 卷四四注引此 等 評 議 取
- [1十] 丘澤初志 册府卷四四三頁「志」作「制」,疑是。
- 若棄秦則中 也 可 能「有」爲「無」之訛 ·原有寄 按高間、 主張以魏承苻秦, 此語與閩本意不合了棄」當是「承」或「繼」之訛,
- ニカン 祖 平文太祖抗衡苻石終平燕氏 號「太祖」,豈得先有此稱。疑本作「烈祖」,後 原 」即平文帝廟 議稱「始自平文」建於太祖, 號, 下文明云「平文始大、廟號太祖」,拓跋珪廟號是烈祖 抗衡 按此「太祖」乃指拓跋珪、故云「終平燕氏」、下穆亮等議引述李彪 一燕趙,終平慕容」, 人所改。 平文和太祖 分述,意更明白。 , 至次年四月始改珪 但此 、時、太 廟
- 新泰侯游明根 就拜東兗州刺史、改爵新泰侯』。」 諸本「泰」作「秦」。 按新泰屬北徐州東泰山郡、「新秦」、北魏不聞有此縣 洪氏考異卷一〇云:「『新秦』當作『新泰』。 游明根傳卷五五 洪說

已於中省 按下文稱策諡孔丘,「帝齋於中書省」,當時洛陽孔廟卽在中書省,這裏「中省」下當

是,今改正。

故太祖有三層之字已降無方丈之室 「已降」。按元宏以前北魏諸帝並無會封「巴陵」者。「巴陵」乃「已降」之訛,指拓跋嗣已下諸帝, 諸本「已降」作「巴陵」,通典卷四七太和十六年十月條作

口言) 二月癸亥詔曰知太和廟已就至可剋三月三日己巳內奉遷於正廟 此志所云所遷者似指歷代神主,紀唯云遷馮太后神主,又差一日,不知何故。 庚午即二日「遷文成皇后馮氏神主於太和廟」。疑「三月三日已已爲「五月朔日己已」之訛。但 乃「二月」之訛,今據改。 叉三月亦無「已已」,五月己巳朔,非三日。 卷七下高祖紀下是年五月 卷四七作「二月」,又「三月三日己巳」,通典作「五月」。按太和十九年三月庚午朔,無「癸亥」, 成。」戊辰乃三十日,當是不知確在哪一日,故系於月盡,其廟成實在二月癸亥前。這裏「三月」 二月庚子朔、「癸亥」乃二十五日。卷七下高祖紀下太和十九年二月戊辰:「行幸碻嗷。太和廟 諸本「二月」作「三月」,通典

魏書卷一百八之一

禮志四之二第十一

泯滅。 於和中,行一極公於洛邑。 靈誕載,玄思洞微,神心暢古,禮括商周,樂宣韶濩,六籍幽而重昭,五典淪而 持論有深淺,及義有精浮,

「〕故令傳記雖一,而探意乖舛。 傳,雖時有片記,至於取正,無可依攬。是以兩漢淵儒、魏晉碩學,咸據斯文,以爲朝典。 物之體,蔑有具焉。今之取證,唯有王制一簡,公羊一册。考此二書,以求厥旨。 廟之祭、禘祫之禮盡亡。曲臺之記,戴氏所述,然多載尸灌之義,牲獻之數,而行事之法,備 中,百順應於外。是以惟王創制,爲建邦之典,仲尼述定,爲不刊之式。暨秦燔詩書,鴻籍 禘祫,所以嚴祖敬宗,追養繼孝,合享聖靈,審諦昭穆,遷毀有恒,制尊卑,有定體,誠慇著於 世宗景明一年夏六月,秘書丞孫惠蔚上言:「臣聞國之大禮,莫崇明祀,祀之大者,莫過 漢氏興求,拾綴遺篆,淹中之經,孔安所得,唯有卿大夫士饋食之篇。而天子諸侯享 陛下叡哲淵凝,欽明道極,應必世之期,屬功成之會,繼文垂 伏惟孝文皇帝,合德乾元,應 復顯, 自餘經 舉二經 然

『魯禮 『殷 秋公羊 爲常。 **給**。 無所 者, 也。 嘗、給 月 遍 永 則 脢 殊 積 實 諦 。 盛 來 就 毁廟 制 散 羣 遺 一三年 陳 月 烝 惟 ·魯文 騎 臣 廟 也 又古之祭法,時船並行,天子先給後時,諸侯先時後給。 失。』察記 + 列 中 至 。 二 下 常侍 聞 之主,陳 太祖 謂 於 旬 武 五 鄭 二年 喪畢 此 司 晦 喪 三年船,五 玄 禮 宗 禮 王 前。 畢之於,明 爲 而 肅、 目 傳之文,何、鄭 而 初 應 之正也,古之道 於太 大祥。[三] 船 船 灵天 開 八月丁 太祖 博 稀 致 於 子諸 祖 士 年禘 太祖, 東 殷 禮 一樂詳等 六室 年之禘 卯, 太常孔美、博士 鄉, 清 未 侯 國 明年春 之 毁廟之主, 廟 大事 之大 神 船 禘 昭)喪畢, 也。 敢 以爲 一,其議 所 而 褯 南 升 于太廟。』傳 竭 以 事 之義,略 鄉, 又案魏氏 稀 禪 ,蒸嘗 愚管, 異 合先 食太祖 於 在 穆 皆升,合食 於給者 羣 焉。 祥 趙怡 北 君之主 輒 可 廟,自爾 合 Ħ, 鄉,其 享, 故 得 陛 陳 等以爲 E 下 至 功 事 所 聞 [:『大事 朝 於 ٠, 于太 其 明 餘 永 臣 懷 之後, 魏 祖 之 皆 年 年二 惟 然 孫 醰 盛 明 廟 從 祖 謹 則 孝 祭 春 者 在二 帝 禮。 而 案王 月, 享, 思 也。 王 \equiv 五. ·何? 以景初 祭之, 父。 车 五 年 十七七 因 咸 宜 此 {制 喪畢 船 此於古爲當,在今則煩。 年 丽 大船 心 禘 應 先 父 獪 而 日 再 万_, 刨 船 三年正 皇 羣 一,給祭 再 = 合 日 殷 禮,取 也 祭。 一之所留 廟 天子 殷 也 到 昭 祭, 0 祭。 , 共 太祖 大 自茲 月崩 子 雖 旈 黛 年 犆 船 後 猶 日 孔 船 心 拾 四 酌 何 一,明 者 因 穆 以 王 諦 王 月, 至 休 聖 何 以 後, 異 船 禘 也 年 禪 曰 懷 爲 五 依 議 旈 叉曰 春 Ŧi. 審 年正 常 終 禮 合 以 記, —1 此 六 陳 {春 之 .目. 年 祭 應 船

蒙允,請付禮官,集定儀注 禮 思無經遠,徒閱章句,蔑爾無立。 而闕之,唯行 羣議或殊,以臣觀 三代,治邁終古,而令徽典缺於昔人,鴻美慚於往志,此禮所不行,情所未許。 有升降,事有文節,通時之制,聖人弗違。 .時祭,七聖不聞合享,百辟不覩盛事,何以宣昭令問,垂式後昆乎? 之,理在 無怪。 何者? 但飲澤聖時,銘恩天造,是以妄盡區 心制旣終,二殷惟始, 當祫之月,宜減時祭,以從要省。 船 諦 之正, 區,冀有塵露。 實在 臣 然大禮 於 學不 皇朝 斯。 · 鈎深, 久廢, 所陳 若停 同等

尙 請移仲月,擇吉重聞。」制可。 依 議,國之至重,先代碩儒,論或不一。可付八坐、五省、太常、國子參定以聞。」七月,侍中、錄 前剋敬享清宮,其求省時祭,理實宜爾。 書事、北海王詳等言:「奉旨集議,僉以爲禘祫之設,前代彝典,惠蔚所陳,有允舊義。 韶曰:「禮貴循古,何必改作。 且先聖人遵,綿代恒典,豈朕冲闇,所宜革之。且禮祭之 但求之解注,下逼列國,兼時奠之敬,事難輙省。 請

十一月壬寅,改築圓丘於伊水之陽。 乙卯,仍有事焉。

「秋七月應祫祭于太祖,今世宗宣武皇帝主雖入廟,然烝嘗時祭,猶別寢室,至於殷祫,宜存 延昌 四年正月、世宗崩、肅宗卽位。三月甲子、尚書令、任城王澄奏、太常卿崔亮上言:

尋太 古典。 年 誕 而 春 並 禘 宜 和 旈 以 待三年終 案 魏 於 爲 十三 今除 羣 武 禮 一,三年 朝。 宣 年 卽 后 乃後 吉 亦 四 以 喪 太和 $\stackrel{\sim}{=}$ 月一 ,故特 畢 治諦 一年乃 ¬,給於· 日 匹 時 高 船。 年 祭。 六 太祖,明 祖 詔 謹 月 至於 孝文皇帝崩 崩 準 曰:「太常援引古今,並 古禮及晉魏 年春 其 諦 **給**,宜 月 旣 諦 於羣 其 葬 存 一,除服 之議 年 古 廟。 + 禮 ,
弁景 月祭廟 卽 又案杜預 高堂隆 古。 有證 明 四 ,景明二年秋 據 故 亦 時 亦 一, 可 事 如 行 芸 , 肅 依 事 愚謂 , 而 議 卒哭而 來 於是 獪 七 秋 月 未 除, 七月, 停 船 旈 於 不 三年 殷祭。 王 太 船 肅 祖 喪 應 仰 韋 畢

配 旈 頊 不 丘,道穆皇后劉氏 嚳 零祀。 敢專 、清河王懌,太保、領司徒公、廣平王懷,司空公、領尚書令、任城王澄,侍中、 而 褯 宗堯。 熙平 而 郊 決,請召羣官集議 郊 祖 稷 二年三 太宗明元皇帝之廟旣毀,上帝地祇,配祭有式。 於 宗, 周 夏后氏 祖 世 文王 配 月癸未,太常 酡 用 配方澤, 亦 記祭不 而宗武王。』鄭 有 禘 德者。 黄帝 毁。 以聞。」靈太后令曰 太宗明元皇帝配上帝,明密皇后杜氏配地 而 案{禮, 自夏 少卿 郊縣 元端 以 玄 祖 嚳雖 **下**, 注云 [於] 顓 上言:「謹案 稍用 無 頊 廟 「依請」。 而宗禹 ,配食締祭。 其 。禘郊 姓代之。』 禮 祖宗,謂 記祭法 於是太師、高陽王雍 殷 人 國之大事,唯祀 是故周 諦 謹 -: -祭 嚳 詳聖朝以太祖 祀 而 有 虞氏 郊 人 以 冥,祖 祇; 以 配 后稷 稀黃帝 食 叉以 也 與戎, 契 っ。有 、太傅、 爲始祖,文 顯 道武皇帝 而 而 宗湯 虞氏 祖 中書監胡國 郊嚳 廟 獻文皇帝 配 領太尉 以 一,祖 事 武 周 上 配 一尚 圓 顓 爲

太武皇帝以神武纂業, 期 ,惟新魏道,刑措勝殘,功同天地,宜配明堂。」令曰:「依議施行。」 侍 中、領著作郎崔光等議:「竊以尚德尊功,其來自昔, 克清 禍 亂, 德濟生民, 功加四 海, 宜配 郊稷宗文, 南郊。 周之茂典。 高 祖孝文皇帝大聖膺 仰惟世祖

準。」靈太后 族 於下。 族,周隆本枝,故能磐石維城,禦侮於外。 之孫,亦不霑出身之敍。 烝嘗之薦,不預 是曾孫。 《者也。 祖 爲帝,而不見錄。 七月戊辰,侍中、領軍將軍、江陽王繼表言:「臣功總之內,太祖道武皇帝之後,於臣始 臣曾祖是帝,世數未遷,便疏同庶族,而孫不預祭。 伏見高 然道武皇帝傳業無窮,四祖三宗,功德最重,配天郊祀,百世 · 今曰:「付八座集禮官議定以聞。」 **一拜於廟庭,霜露之威,闕陪奠於階席。** 祖孝文皇帝著令銓衡,取曾祖之服,以爲資蔭,至今行之,相傳不絕。 **伏願天鑒,有以照臨,令皇恩洽穆,宗人咸敍。請付外博議,永爲定** 校之墳史則不然,驗之人情則未允。 今臣之所親,生見隔棄,豈所以楨幹根本,隆 今七廟之後, 非直隔歸胙之靈, 五服 斯之爲屈,今古罕有。 何者? 禮云,祖遷於上,宗易 不遷。 而 曾 昔堯敦 玄之孫, 建公 而 九 況

。』然則太祖 四 門小學博士王僧奇等議:「案孝經曰:『郊祀后稷以配天,宗祀文王於明堂,以配上 一不遷者,尊王業之初基,二祧不毁者,旌不朽之洪烈。 其旁枝遠胄,豈得同四

服盡,豈得同於此例乎? 也。』「判鄭君別其四廟,理協二祭。而四廟者,在當世服屬之内,可以與於子孫之位,若廟毀 列於庶人,賤無能也。』 室。』又文王世子曰:『五廟之孫,祖廟未毀,雖庶人冠娶必告,死必赴,不忘親 廟之親哉?故禮記婚義曰:『古者婦人先嫁三月,祖廟未毀,教於公宫。祖廟既毀, 鄭注云:『赴告於君也。 敢竭愚昧,請以四廟爲斷。」 實四廟,言五者, 容顯考爲始封君子故 也。 親 教于宗 未絶而

各聽 且國家議親之律,指取天子之玄孫,乃不旁準於時后。 而言五者,容顯考始封之君子。』今因太祖之廟在,仍通其曾玄侍祠,與彼古記, 變法,禮有其説。 使世祖之子男於今存者,既身是戚蕃,號爲重子,可得賓於門外,不預碑鼎之事哉? 同宗父子皆來。』古禮之制,如是其廣,而當今儀注,唯限親廟四,愚竊疑矣。 壽有短長,世有延促,終當何時可得齊同。 盡其玄孫。 國子博士李琰之議:「案祭統曰:『有事於太廟,羣昭羣穆咸在。』鄭氏注:『昭穆咸在,謂 使得駿奔堂壇、肅承禘礿、則情理差通。 記言。『五廟之孫,祖廟未毀,爲庶人,冠娶必告,死必赴。』注曰: 謂宜人廟之制,率從議親之條, 至於助祭,必謂與世主相 不宜復各爲例,令事 何以明之?設 事 ,舛駁。」 袓 倫 甚相符會 『實四廟 桃之裔 ,將難均 又因宜

爲始封君子,又祭統曰:『有事於太廟,羣昭羣穆咸在,而不失其倫。』鄭注云昭穆,謂同宗父 侍 中、司空公、領尚書令、任城王澄,侍中、尚書左僕射元暉奏:臣等參量琰之等議,雖

哀恤斷自緦宗。卽之人情,冥然符一,推之禮典,事在難違。此所謂明王相沿,今古不革 立無殊,吉凶之赴,同止四廟。祖祧雖存,親級彌遠,告赴拜薦,典記無文。 四遷,吉凶尙不告聞,拜薦寧容輒預。 見仁親之義疏,宗易於下,著五服之恩斷。江陽之於今帝也,計親而枝宗三易,數世則廟應 子皆來也。言未毁及同宗,則共四廟之辭。云未絕與父子,明崇五屬之稱。 高祖孝文皇帝聖德玄覽,師古立政,陪拜止於四廟, 斯由祖遷於上, 天子諸侯,繼

者也。」

預列。 也。 孫,祖廟未毀』,雖爲有所援引,然與朝議不同。 羣,不繫於昭穆也。若一公十子,便爲羣公子,豈待數公而立稱乎?文王世子云『五廟之 長幼親疏之序,而無亂也」,是故有倫。注云:『昭穆咸在,同宗父子皆來。』指謂當廟父子爲 .祖考廟,遠廟爲祧,有二祧。 而祖考以功重不遷,二祧以盛德不毁。 迭遷之義,其在 祭統云:祭有十倫之義,六曰見親疏之殺焉。 『夫祭有昭穆,昭穆者所以別父子遠近、 太常少卿元端議:「禮記祭法云:王立七廟,曰考廟,曰王考廟,曰皇考廟,曰顯考廟, 旣無正據,竊謂太廣。臣等愚見,請同僧奇等議。」 如依其議,匪直太祖曾玄,諸廟子孫,悉應 四廟

骨肉之恩重。 靈太后令曰:「議親律注云:『非唯當世之屬籍,歷謂先帝之五世。』此乃明親親之義篤, 尚書以遠及諸孫,太廣致疑。 百僚助祭,可得言狹也! 祖廟未毀,曾玄不預

與戎。 也。 稱,正月二十六日祭亦吉。請移禘祀在中旬十四日,時祭移二十六日,猶曰春禘,又非退 未有以祭事廢元會者。禮云『吉事先近日』,脫不吉,容改筮三旬。尋攝太史令趙翼等列 武宮。』傳曰『稀於武公。』謹案明堂位曰『魯,王禮也。』喪畢於稀,似有退理。詳考古禮, 歸,不及於給,多,公如晉,明十四年春,歸給,明十五年春乃禘。經曰:『二月癸酉,有事於 十一年夏五月,夫人歸氏薨。十三年五月大祥,七月釋禪,公會劉子及諸侯于平丘,八月 臣等謂元日萬國賀,應是諸侯旅見之義。若禘廢朝會,孔子應云五而獨言四,明不廢朝賀 曰:諸侯旅見天子,不得成禮者幾。孔子曰:四,太廟火、日蝕、后之喪、雨沾服失容則廢。 納,可否必陳。 鄭玄禮注云『魯禮,三年喪畢,給於太祖,明年春,稀羣廟。』又鄭志:檢魯禮,春秋昭公 祭則無疏怠之譏:三元有順軌之美。 十二月丁未,侍中、司空公、領尚書令、任城王澄,度支尚書崔亮奏、「謹案禮記:曾子問 君舉必書。恐貽後請。 冒陳所見,伏聽裁衷。」靈太后令曰:「可如所執。」 輒訪引古籍,竊有未安。 旣被成旨,宜卽宣行。臣等伏度國之大事, 臣等學缺通經,識不稽古,備位樞 在祀

復議之、韶從五室。及元叉執政、遂改營九室。值世亂不成、宗配之禮、迄無所設。 初,世宗永平、延昌中,欲建明堂。 而議者或云五室,或云九室,頻屬年饑,遂寢。 至是

祖宗。 此又立廟明法,與今事相當者也。又禮緯云:「夏四廟,至子孫五。殷五廟,至子孫六。」 其廟爾。」 者,祖此受封之君,不得祀別子也。公子若在高祖已下,則如其親服,後世遷之,乃毁 已祀五世、則鄭無爲釋高祖爲始封君之子也。此先儒精義、當今顯證也。又喪服傳曰: 封君之子。」「<<!>引用始封之君,在四世之外,正位太祖,乃得稱五廟之孫。 之孫、祖廟未毁、雖爲庶人、冠、娶妻必告。」鄭玄云:「實四廟而言五廟者,容高祖 「高祖已下,與始祖而五。」明立廟之正,以親爲限,不過於四。其外有大功者,然後爲 神龜初,靈太后父司徒胡國珍薨,贈太上秦公。時疑其廟制。 注云『言至子孫,則初時未備也。」此又顯在經籍,區別若斯者也。 「若公子之子孫,有封爲國君者,則世世祖是人也,不祖公子。」鄭玄云:「謂後世爲君 案王制云:諸侯祭二昭二穆,與太祖之廟而五。又小記云:王者立四廟。鄭玄云: 然則無太祖者,止於四世,有太祖乃得爲五,禮之正文也。文王世子云:「五廟 明始封猶在親限,故祀止高祖。又云如親而遷,尤知高祖之父,不立廟矣。 太學博士王延業議曰。 又晉初,以宣帝是 若未有太祖,

前 世 祖 始封之君,應爲太祖,而以猶在祖位,故唯祀征西已下六世。待世世相推,宣帝出居太 ",廟及於五;玄孫已後,祀止於四。 一與一奪,名位莫定,求之典禮,所未前 不遷,故親 之位,然後七廟乃備。 **「廟之外,特更崇立。苟無其功,不可獨居正位,而遽見遷毀。且三世已** 此又依準前軌,若重規襲矩者也。 竊謂太祖者,功高業大,百 聞。

之廟。 蒸嘗,宜於秦公之廟。 謂爲允。 夫循文責實,理貴允當,考創宗訪,得禮爲美。不可苟薦虛名,取榮多數,求之經記,竊 父,以合五者之數。太祖之室,當須世世相推,親盡之後,乃出居正位,以備五廟之典。 今太上秦公,疏爵列土,大啓河山,傳祚無窮,永同帶礪,實有始封之功,方成不遷 但親在四世之內,名班昭穆之序,雖應爲太祖,而尙在禰位,不可遠探高祖之 又武始侯本無采地,於皇朝制令,名準大夫。案如禮意,諸侯奪宗,武始四時

博士盧觀議:

者統近。 而五,大夫三,士一。自上已下,降殺以兩,庶人無廟,死爲鬼焉。 考廟,曰王考廟,曰皇考廟,皆月祭之。顯考廟,祖考廟,享嘗乃止。去祖爲壇,去壇 案王制:天子七廟,三昭三穆,與太祖之廟而七,諸侯五廟,二昭二穆,與太祖之廟 是以諸侯及太祖,天子及其祖之所自出。祭法曰:「諸侯立五廟,一壇一墠, 故曰,尊者統遠,卑

主。」虛主唯四,祖考不與焉。明太祖之廟,必不空置。 者從太祖而毁之。若不遷太祖,不須發祖是人之文,「云」明非始封,故復見乃毁之節。 廟,要待六世之君,六世已前,虛而蔑主。求之聖旨,未爲通論。 者、謂世世祖受封之君;不得祖公子者,後世爲君者,祖此受封之君,不得祀別子也;公 不得禰先君,公孫不得祖諸侯。」鄭說不得祖禰者,不得立其廟而祭之也;世世祖是人 何以知之?案諸侯有祖考之廟,祭五世之禮。五禮正祖爲輕,一 子若在高祖以下,則如其親服,後世遷之,乃毀其廟耳。愚以爲遷者,遷於太祖廟,毀 爲 ,墠,去墠爲鬼。」至於禘祫,方合食太祖之宮。 | 大傳曰:「別子爲祖。」 喪服傳曰:「公子 曾子問曰:「廟無虛 朝頓立。 而祖考之

待禹 不得 所說 有 子謂啓、誦之世,言孫是迭遷之時。周爲受命,不毀親,陽爲始君,不遷五主,文武爲 二融,亦不 爲 而五,殷人郊契,得陽而六,周有后稷,及文王至武王而七。言夏卽大禹之身,言 國者事五世。」假使八世,天子乃得事七,六世,諸侯方通祭五, 推情準理,不其謬 云然,鄭玄、馬昭亦皆同爾。 **禮繰曰:「夏四廟,至子孫五;殷五廟,至子孫六;周六廟,至子孫七。」 見夏無始祖,** 五乎。今始封君子之立禰廟,頗似成王之於二祧。 去三昭三穆。三昭三穆謂通文武,若無文武,親不過四。 且天子逆加二祧,得幷爲七。 孫卿曰:「有天下者事七世, 諸侯預立太祖,何爲 觀遠祖漢侍中植

乎 雖未居正室,無廢四祀之親。 立 廟,竊謂爲是。禮緯又云:「諸侯五廟,親四,始祖一。」明始封之君或上或下,[10] 雖王侯用禮,文節不同,三隅反之,自然昭灼。且文宣公方爲太祖,世居子孫,今 小記曰:「王者禘其祖之所自出,以其祖配之,而 立四

廟。」此實殷湯時制,不爲難也。聊復摽牓,略引章條。愚戆不足以待大問

侍中、太傅、清河王懌議:

毁,非禮 若以功業隆重,越居正室,恐以卑臨奪,亂昭穆也。如其權立始祖,以備五廟,恐數滿便 唯當仰祀二昭二穆,上極高曾,四世而已。何者。秦公身是始封之君,將爲不遷之祖 古誼,然用捨從世,通塞有時,折衷取正,固難詳矣。今相國、秦公初搆國廟,追立神位, 據立神位之事也。良由去聖久遠,經禮殘缺,諸儒注記,典制無因。 之廟而七、諸侯五廟,二昭二穆,與太祖之廟而五。」並是後世追論備廟之文,皆非當 也。 太祖之神,仍依昭穆之序,要待子孫,世世相推,然後太祖出居正位耳。 太學博士王延業及盧觀等,各率異見。案禮記王制:「天子七廟,三昭三穆,與太祖 又禮緯云:「夏四廟,至子孫五,殷五廟,至子孫六,周六廟,至子孫七。」 意也。 太祖之位,虚俟宣、文,待其後裔,數滿乃止。 昔司馬懿立功於魏,爲晉太祖,及至子晉公昭,乃立五廟,亦祀四世,止 此亦前代之成事, 雖稽考異聞,引證 遠稽禮緯諸儒 方今所殷鑒 明 知 當 時

所 說 ,近循晉公之廟 故事,宜依博士王延業議,定立 四主,親止高曾,且虛太祖之位,以

待子孫而備五廟焉。

道也。」 不然。 主 意謂 有 依 存。[1]上自天子,下逮於士 仐 何 心 神, 以爲 主, 可 明 無主 矣。 此 叉 主無貴 主莫依 此 延業 攝 議 君 位 雖 聞 爲 主者,攝神 孔 獨 盧 公羊傳「君有事于廟,聞大夫之喪,去樂卒 悝 出 臣喪,尙爲之不懌,況臣聞君 埋 闕,求諸情禮,實所未安。 賤、紀座 反 前 重 今銘: 觀 而 儒 則立主矣。自己故 前 ,載之左史,饋食設主,著於逸禮。 之事,實未允情禮。 旌紀 經詳 斂主而已,不暇待徹祭也。 而已。 柩 議,並據許慎 一,如 設 若位擬諸侯者,則 此 重憑神,祭 王肅 四事,並 目 、鄭玄之解,謂天子、諸侯作主, 宜 何 喪, 豈得安然代主終祭也。 以言 通為主,以 「重,未立主 必 同 其禮。 有尸,神必有廟,皆所 之 ? 有 何 主 休 原夫作主之禮, 何 銘 云、宗人攝行 位爲大夫者,則無主。 之禮也。」士喪禮 至於主,惟謂 大夫及 神 事;大夫聞君 位 士,旣得 以展 王侯。禮 主事 本 之喪,攝 又 以 大夫 相 亦設 有 事 丽 依 孝 國 廟 往 一立廟 神 題 敬 及 重 云 <u>U</u>, 便是三神 主 紀 列則 士 一而往。 孝子之 想象平 一則無。 設 祖考, 重,主 意謂 主 有

架,北 懌 又議 廂設坐,東昭西穆。」是以相國構廟, 目 「古者七 廟,廟堂皆別。 光武已來,異室 唯制一室, 同祭祖考。 同 堂。 故先 朝祀堂令云 此 來諸王立廟者,自任私 『廟皆四栿五

實 造 合 不不 朝 依 令。 公 令 宜 卽 或 依 Ŧi. 此 或 展 , 其 參 差 享 祀 無 L° 準。 詔 依 要 懌 須 議 議 行 新 令, 然後 定其法 制 相 國 之 廟 已 造

郎 或 引 裴 伯 天 戴 平 茂 禮 時 四 年 遷 爲 祖 四 廟 视 月,七帝 用 文, 幣 伯茂 今遷 神 據 主 社 故 旣 宜 遷於太 事 不 殊。 太 和 廟, 伯 中 太 遷 社 社 宫 石 主 高 召誥, 將 祖 遷 用 於 應 牲 社 用 不 宮。 牲 用 孵 禮 詔 官 遂 遂 以 云 從 奏 應 之。 聞 用 鸺 子 時 中 書 議 侍

置 開 之 陽 各 封 毓 秘 禮 之君 休 書 太學 器 門, 頰 之、 監 {大 武 室,夏 及祭服。 定 旣 王元 餘 前 便 博 有 六年二 是 面 土 南 景、 東 及 青 頭 太 高 門, 外院, 散 徘 祖 元 州 月 內 一,旣 騎 明 壽 徊 刺 外門牆,並用赭堊。 常 將 非 鵄 史 四 通 國 鄭 尾。 侍 營齊獻 子 親 面 門。 裴 伯 皆 廟 助 猷 獻 叉 教 案 不 獻 秘 伯 武 門。 王 容立 武 禮 王 顯 書 國 禮 }圖 廟 季等議 其 丞 子 敷旣 五室。 諸 "; 內院牆 祭 崔 議定 廟東門道南置齋坊; 侯 劼 酒 隆, 李渾、 茂據 11: 室 且帝王 案禮 開南 國 備 數 四 子 ()) 物 面 御 博 門, 形 }書 , 殊 皆 親 史 諸 士 制 等。 架 中 而 廟 侯 邢 ō 爲 尉 二王後 Ŧi. 峙 兼 準 亦 步 陸 廟 1 度支 道 據 不 廊 國 操、 太 北置二坊, 今廟, 過 耐 子 祖 尚書崔昂 黄 四。 祭儀 博 南 及 闸 出 土 宜 親 今宜 侍 宗 |法 夾 開 廟 郞 門 惠 西為 四 几 執 四 李 振 司 Ö 門。 事 室二 騫 各 大太 農 典祠 列 置 今 卿 獻 內 於 學 中 間 盧 解幷 院 屋, 廟 武 博 書 元 侍 南 王 東 兩 土 明、 以 厨 門 始 面 頭 張 息

校勘記

- [一] 及義有精浮 册府卷五八○☆ガ五七頁「及」作「析」。按「析義」與上「持論」爲對文,疑「及」字訛。
- [二] 舉二經於和中 按「和中」不詳,疑「淹中」之訛。 漢書卷三〇藝文志:「禮古經者出於魯淹中及

孔氏。」

- 二三 魏明帝以景初三年正月崩至五年正月積二十五晦爲大祥 「五」字疑爲「正」字之訛,下脫「始二」二字。 年」作「廢帝正始二年」。按景初止三年,明年曹芳廢帝改元正始,正始二年正月正得二十五晦。 通典卷五〇禘祫下載孫惠蔚議 五
- /\ 129 \ 升食太祖 諸本「升」訛「外」,不可通,今據通典卷五〇改。
- 万五 宜待三年終乃後船禘 元恪之死不及二年,與所云「三年乃給」的歷代禮制不合,豈得謂「準古禮及晉魏之議, 幷景明 ·諸本無「三」字, 通典卷五〇載崔亮議有。 按若作「年終」,指明年年終,去
- ヘベン 鄭玄注云 而 禮記祭法鄭注原文無「大」字,且於文義亦贅,知是「云」之訛,今據改。 諸本「云」作「大」、册府卷五八二六九七七頁作「云」。 按若作「大」,當與下「稀郊」連

故事」?知「年」上當脫「三」字,今據補。

禮志二 校勘記

- 七 實 者 四 容 廟 顯考爲 言 五. 者容顯考 始封子 也, 爲 始 與 一个本 封 君 禮記文王 子 故 也 世子 {册府 合。 卷五八二六九七八頁此. 然觀 下 文李琰之議 句作「實四 引鄭 注 與 此 廟 同 孫 或當 而言五 時漫 廟
- 1 鄭 }記 下 玄 自 無「孫 云實 有 別本 」字、「始封」下有「君」字 四 廟 與 而 今傳本不 言 五 廟者容高祖 同,非 必 並 脫誤,册府 爲始封君之子 與上王僧奇、 當據今傳本改 李琰之議 按 此 引 鄭 元繼請預 注亦與今傳本 祭祀 所 引 不同見上條。 鄭注 合 但 四四 傳 本禮 廟
- $\overline{}$ 九 若不遷太祖不須發祖是人之文 說 禮 一後世 爲君者祖此受封之君」語,「廢」字與上下文不貫,乃「發」字形近 諸本「發」作「廢」,册府 卷五八二六九七五頁作「發」。 而訛、今據 改。 按這 是申

意

改易,今不改。

}記

及王、李二

議「高

祖」並

作「顯考」。

原文當作「顯考」,

而風考廟

郎高

祖

廟

當是

Ŧ.

延

業以

- 今皆據? 廟 九七六頁有。 諸侯五 知是脫文。 廟親 按禮緯 四始祖 又「明 稱 一明始封之君或上或下 始封之君」云云乃盧觀釋禮緯語, 五 廟,始祖 廟 加 四親廟爲五,若無「始祖一」三字,則止 諸本「四」下無「始祖一明」四 無「明」字, 則禮緯. 字, 本 文與盧觀 册府卷五 四親廟,何云 語 八二六 相 五
- 此爲埋 想象平存 重則立主矣 **通典** 卷四八卿大夫士神主及題板條載此議「平」作「乎」,疑是。 諸本「埋」作「理」,册府卷五八二六九七六頁及王先謙魏書校勘記

所據

宋本

乃復作主。」「理」乃「埋」形近而訛,今據改。

魏書卷一百八之三

禮志四之三第十二

深誠 制禮, 雖 下至孝發衷,哀毁過禮,欲依上古,喪終三年。誠協大舜孝慕之德,實非俯遵濟世之道。 喪,雖則自古,然中代已後,未之能行。 弔,大行太皇太后崩背,溥天率土,痛慕斷絕。 元,侍中、司空、長樂王穆亮,侍中、尙書左僕射、平原王陸叡等,率百僚詣闕表曰:「上靈不 羽,潁川王雍,始平王勰,北海王詳,侍中、太尉、錄尚書事、東陽王丕,侍中、司徒、淮陽 和 中夏穆清,庶邦康靜,然萬機事殷,不可暫曠,春秋烝嘗,事難 十四年文明 魏自太祖至於武泰帝,及太皇太后、皇太后、皇后崩,悉依漢魏旣葬公除。 `副億兆之企望, 喪期禮數, 一從終制, 則天下幸甚。 必 有隨世之變,前賢創法,亦務適時之宜。 太后崩,將營山陵,九月,安定王休,齊郡王簡,咸陽王禧,河南王幹, 先朝成式,事在可準,聖后終制,刊之金册。 伏惟陛下孝思烝烝,攀號罔極。 良以世代不同,古今異致故也。 日月有期, 一廢闕。 山陵將就,請展安兆 伏願天鑒,抑至孝之 臣等聞先王 唯高 伏惟陛 廣 三年之 王尉 陵 祖 今 太

域,以備奉終之禮。」詔曰「凶禍甫爾,未忍所請。」

尙。 **兆之望。」詔曰:「仰尋遺旨,俯聞所奏,倍增號絕。** 聖淵識,慮及始終,明誥垂於典策,遺訓備于末命。 宗社廢禮,其事尤大。伏願天鑒,抑哀毀之至誠,思在予之深責,仰遵先志典册之文,俯哀 即位, 獲申其慕. 如 百辟元元之請。」詔曰三自遭禍罰,慌惚如昨,奉侍梓宮,猶悕髣髴。山陵遷厝,所未忍聞。」 高德,曠世之絕軌。 魏晉所以綱理政術。 高宗徒有諒闇之言,而無可遵之式,康王旣廢初喪之儀,先行卽位之禮。於是無改之道或 虧,三年之喪有缺。 が吹っ 陛下雖欲終上達之禮,其如黎元何。 十月,休等又表日三臣等頻煩上聞,仰申誠款,聖慕惟遠,未垂昭亮。 伏讀哀灼,憂心 |休等又表日||||臣等聞五帝已前,喪期無數,三代相因,禮制始立,名雖虛置,行之者寡。 不暇改年,踰月而卽葬,豈待同軌,葬而卽吉,不必終喪。此乃二漢所以經綸治道, 臣等聞承乾統極者宜以濟世爲務、經綸天下者特以百姓爲心。 漢文作戒,孝景不得終其禮。 然天下至廣,萬機至殷,曠之一朝,庶政必滯。 夫豈無至孝之君,賢明之子。皆以理貴隨時,義存百姓。 伏惟陛下以至孝之性,遭罔極之艱,永慕崩號,哀過虞舜,誠是萬古之 臣等不勝憂懼之誠。敢冒重陳,乞重 此乃先代之成献,近世所不易。 山陵可依典册,如公卿所議。 聿修厥德,聖人所重,遵承先式,臣子攸 又聖后終制,已有成典, 故萬機在躬,周康弗 伏惟太皇太后叡 一聽訪, 是以君薨而 衰服之宜, 以副億

情所未忍,別當備敍在心。」

依 義 Ш 以 陛 深誠 所 辰。 晉 位 數代之故 重 前 優懼 造 陵告終,百禮 F 一於萬 在官 **,葬不過踰月,服不淹三旬。** 愍億兆 (式)、求定 終制 以 文質 旣 至 失守。臣等所以肝腦 機 ,與國休戚 伏 葬 質、俯 孝之誠,哀毀過禮,三御不充半溢,晝夜不 事 讀未 不 休 悲惶 至尊, 同,古今異制,其來 練日,以備祔禪之禮。」詔曰:「比當別敍在 合世 叉 周, 之心,抑思割哀,遵奉終制,以時卽吉,一日萬機,則天下蒙恩,率土仰賴。謹 咸 表 副兆民之企望, (里) (E) 典。 悲威 庇 目言 故 不 心之至,不 送終之禮旣明,遺誥之文載備, 交切。 奉被 得以常 日已淹月,仍不卜練,比之前世,理爲過矣。 塗地。 癸酉詔 H 良以 禮任己; 入矣。 **豈伊不** 妏 月 不陳。 王者之尊,躬行 有 書,述遺滅之旨,昭違從之義,遵儉 叔 期, 自皇代 世事廣 懷,理宜 至 Щ 重, 咸以爲天下之至尊,莫尊於王業,皇極之至重,莫 陵 革 禮 刨 亦 一然也。 命,多 就 弗獲 隨 一日,固可以感徹 、伏惟 釋経帶, 時 以世 奉而 歷年 變,不可 Ę, 文明太皇太后欽明 陛 一祀,四 典 行之了 下 永思 申 永慕崩 以無 情。 足以 祖 纏綿,滅 三宗, 爲 是以二漢已降, 上靈,貫被 號, 願陛 垂 之法, 葬之重 風 倍增摧絕。 下思 性 稽 相 百王,軌 幾 古、聖 行之於 繼纂業。 式, 及。 大孝終始之 图到 顯 稱孝 儀 思 逮于魏 百 有 臣 萬葉 温深, 況 為之 一等具 思之 姓 今 所

旣 而,帝引 見太尉丕及羣臣等於太和殿前,哭拜盡哀,出幸思賢門右,詔尚書李沖宣旨

衰服 舊式 高 敎。 夕食 食,不 者凶 行 長 朽 言 於 閭 之 前 安 及 王 粥 之 朕 式, 服 年 喪 等 滿 不 中 今仰 事 公 所 粗 左 無 半 在 歷 , 仰 未 且 以 侍 亦 失 溢 追 右 奉 禀 惟 悉, 支 可 喪 舊 累 送之列 盡 惟 聖 先 聽 任 禮 典 臣 皆 聖 茶 且 訓 之。 后 $\stackrel{\frown}{}$ 等 1從吉。 事 毒, 可 二公何足 國 平 庶 詔 重 加口 知 竊 家 五 H 習古道 日 心 情 肸 聞所 , 近 舊 內 絕 四祖 大 「追 在 事 崩 氣, 集 意。 傳 以 必 ,頗 摧 冷論 惟 羣 行 至 坐不 , <u>.</u>. 宗 官, 慈恩,昊天 無 所 が故 其 憂怖。 時 丕 異 知 安席。 餘 此 因 對 共 暫 前 聞 喪 事 論 而 日 式。 抑 禮 所 無 政 哀 又與先 伏惟 之儀, 奏 改。 罔 願 治 伏 慕 伏 先朝 暫抑 極 • 奉 惟 遠祖 平 躬 , 明 世 陛 世 古 哀 秩 自 成 至 祖 詔 1 不 重 毀常 今異同 尋 事 慕 民 同 以至孝 高 光 羣 覽。 之情, 務 小亦 Ó 宗 情 世 事 太 所 襲, 臣 , 圮 *今*且 何 漢 豈 尉 遵 之 具 所 絕。 晶 等 至 魏 性 聞 先 足 目 以 有 鄸 成 朝 國 見。 臣 所 日 哀 大 老 事 祖 言。 成 與 懷 禍 諱 宗 毁 及 事 唯 元 酷 政 之 別 先 過 情 , 旣 等不 先 奄 之 思 禮 日 儒 帝 問 專 不 鍾 所 金 尙 所 武 升退, 能 識 , 伏 寄, 唯 論 册 書 略 待 獨 古 聞 侍 遺 游 沒 義 見 股 於 未 送 臣 所 令, 明 公 雖 典 修 而 御 受 梓 以 卿 在 記 文 朝 任 奉 宫 老

前 服 所 表, 高 重 聞 加 除 所 謂 釋衰麻,聞 奏 明 根 倍 日 增))) 號 之實 哽。 T 用悲恨。 罹 前 酷 者 罰 事 , 逼 日 于 月 山 時 陵,哀 推 親侍梓宮,匍 移, 疚 Щ 頓 陵 弊, 已 過 匐筵儿,哀 未 得 公卿 論 敍 叉 今 依 號痛 金 故 册, 慕, 相 引 情未 據 案 欲 暫闋,而 魏 具 晉, 通 所 請 懷 公卿 除 卿 衰

道, 蓋 損 洽 易之情 義 册 不 日 何 不 遺旨 奪 四 由 忍 喪紀 方 洽 君 卿 便 人 等咸 之喪, 「踰月 天 上違 有 化行 踵 圮壞者,深 備 :此言。 誨 以 下 稱 世,繼主初立,故身襲衮冕,以行 爲 顒 萬 而 亦 三年之喪, 國 法。 顒,未知 葬, 雖自蒙 不 何於 可 仰 可痛恨。」 葬 諒 奪 稟聖訓 而 人情之不足! 味,粗 喪。 知 所傒,故頒備朝 卽 敦厚之化,不易遵 雖則自古, 古。 今則 解告旨, 足令億兆知 故於 旬 日之間 然中代 夫聖人制卒哭之禮 卜葬之初,因 庶望量行,以 後 一示· 有君 也。 以 言及即 卽 皇極 後 矣。 位 朕 一之禮。 奏練 未之能 一之尊。 古, **発**答戾。 少蒙鞠育,慈嚴 於此之日,而不遂哀慕之心, 除 特 一,授練 之事 行。 又從儲宮而登 成 及后之喪也, 傷 朕 股 謂 , 之變,皆奪情 理 誠不德,在位 仰 傷 **兼至**, 中代所 明 聖 根 心 因 極 對 臣子之情, , [父在 者 以不 伏增 日 以 過紀,雖 漸 君 遂三年 不 悲 臣 德 遂 使情 恢。」高 等伏 叉聞 未 未 君 卽 沇 ·之喪, 禮 能 父之 生 尋 君 俱 臣 恩 惰 金 子

伏願 漢文 良是 幾 致 之制 陛 君 刑措 高 下述遵遺令,以副 人之道,理自宜然。 閭 ,闍與古合。 ,猶垂三旬之禮。 對曰:「太古旣遠, 雖叔世所行,事可承踵,是以臣等慺慺干謁。」高祖曰:「漢魏之事,與 羣庶之情。 又漢稱文景,雖非聖君, 孝景承平,遵而 事難襲用,漢魏以來,據有 杜預晉之碩學,論自古天子無有行三年之喪者, 不變。 以 亦中代明主。 此言之,不爲 :成事。 漢文繼高 即位之際, 今遺册之旨, 惠之蹤,斷獄四 有 司 所 於 逼 前式。 懼 以爲 自 也

寧戚 慕, 執。 告奪 今仰 親,誠 今不 奉 臣 同 至 無失 是 備 而 如 册令,俯 子之心令早卽吉者, 天 預 杜 漢酶之志 屬 如 於 預 之 向 孝 之論,雖暫適 順羣 重, 說 道 簡 然 下不 心,不 孝景 聖母 略、股無 雖 乖 敢 之德,昊天莫報 時 承昇 慮遺絕 衆官 闇 事 取 默 ,於孺 焉。 平之基, 所請, 不言,以荒 萬機, 慕之君 情 然 荒廢 思思 在 由 庶 可 , 自 嫡子卽位, 政。 政 諒 許, 殞 事 闇 滅 故專欲 唯 之主, 岢 欲 羣官所 存 從 君德未 蓋亦 行 衰 衰 之。 麻, 服 以 誣 慢慢, 而 廢吉 顯 公卿宜 矣。 틴 • 無 禮,朔望 亦 孔 竊 異 聖 審 懼 尋 前 稱『 思 機 숲 股 務 盡 册 喪 之不 懷 哀 之旨,所以 與 又 父子之 不不 寫 其 理 别 當 泄 矣 固 悲

默 而 錦 眷 心,兆 之親, 旬 戀衰 在念,不顯所懷。 欲 而 尋 肆 服 祕 以從 庶 抑 之於 経,不 粗 書 所 亦 衰 丞 吉。 願 可 外。 李 高高 從 擬 內 **彪**對 然漢章 所議 外 金册之意,已具前答,故不復 祖 願 相 曰:「漢明德馬后,保養章帝,母子之道, 陛 今奉終之事,一以仰遵遺册,於令不敢有乖。 者,仰感 曰:「旣言事 稱, 下 不受譏於 覽 非虛 前 慈恩,情不能忍故也。 世 加 一之成 前代,明 殊, 也。 固不 規 今者豈徒 ,遵金册 宜 德 不損 仰匹至德,復稱 重 顧 論。 名於往 之遺令, 禮 盖 違 叉卒日奉旨,不忍片言。 聞 議, 史。 孝 割 苟免嗤 子之居喪,見美麗 孝章從吉,不受譏前 哀 雖論 無可間 從議,以 功 嫌 但痛慕之心, 此 然。 而 親 德, E 萬 及后之崩, 事 機。 抑 有 則 後 殊絕? 亦 代。 斯 感 事繫於予。 事 情 誠 親 發於 遂 葬不 股 臣 然 非, 故 所 7 丹 衷 釋 以 至 子 淹

功,未修文德。 仰 雖 上下輯諧。 惟 無丁蘭之處,庶聖靈 太祖 龍 稽參古式,憲章舊典,四 飛 九五 高宗、顯祖亦心存 ,初定中原,及太宗 不奪至願,是以謂無違旨嫌。 武烈,因循 海移風,要荒革俗。 承基,世 無改。 祖纂 朕承累世之資,仰聖善之訓,撫 歷,皆以四 諸公所表,稱先朝成式,事 仰遵明軌,庶無愆違。 方未一、羣雄競起,故銳意武 在 而方於禍酷 可 和內 準。 朕

之辰

,引末朝因

循之則,以爲前準,非是所喻

無闕 見前 雖 H 庶 賢 高閻 夏穆清,庶 政,得展 、論者,稱卒哭之後,王者得 對日 一臣等以 罔 邦康靜,然萬 極之思,於情差申。」 先朝所行 機事 理庶 廣, 頭頗 不可 同魏晉, 事。 暫 依 曠。 據此文,又從遺册之旨,雖存衰服,不 叉 適於時,故敢仍請。」高祖曰:「卿等又稱今 **股以卿苦見逼** 奪, 情不自 勝。 **尋覽喪儀**, ·廢萬

之若 遂 不害於凶,凶無妨於吉。 何 麻 乃 令股 復聽朝政,吉凶 Į, 字 高 ,視之猶傷。 閭 獨忍於親舊 將欲居廬服衰,寫朝夕之慕,升堂襲素,理 對曰:「君 1 事 不除服於上,臣則釋衰於下,從服之義有違,爲臣之道不足。 卿等哀慕之思,旣不求寬;朕欲 論云,王者不遂三年之服者, 雜,臣竊爲疑。」高祖 以心處之,謂爲可爾。 日:「卿等猶 遺旨之文,公卿所議, 盡罔 日昃之勤。 屈己以寬羣下也。 以股之未除於上,不忍專釋於 極 一之慕,何爲 使大政不荒,哀情 不可? 皆服終三旬,釋衰襲 先后之撫羣下也,念 但逼 獲遂, 又親御衰 遺册,不 下, 吉

來年三月晦脫之練也,除凶卽吉,侍臣君服斯服,隨股所降。 賤之差,遠近之別。」 服以終三月,內職及外臣衰服者,變從練禮。外臣三月而除,諸王、三都、駙馬及內職,至 日,庶民及小官皆命卽吉。 從此 雖不盡三年之心,得一經忌日,情結差申。 而行,情實未忍;遂服三年,重違旨誥。今處二理之際,唯望至期,使四氣一周,寒 內職羽林中郎已下,虎賁郎已上,及外職五品已上無衰服者,素 案禮,卒哭之後,將受變服。 此雖非舊式,推情即理,有貴 於股受

官,久曠衆務。 序改易,且足申至慕之情,又近遺誥之意,何待期年。」高祖曰:「册旨速除之意,慮廣及百 期年之心。」 明根對曰:「聖慕深遠,孝情彌至,臣等所奏,已不蒙許,願得踰年卽吉。旣歷冬正,歲 豈於朕一人,獨有違奪。

今既依次降除,各不廢王政,復何妨於事,而猶奪

終之事,及其遵也,豈異今日。 之約,明器幃帳,一無所陳。 改其父之道,可謂大孝。 相 ·似,臣敢借以爲諭。 今親奉遺令,而有所不從,臣等所以頻煩干奏。」李彪亦曰:「三年不 高閭對曰:「昔王孫裸葬,士安去棺,其子皆從而不違,不爲不孝。 今不遵册令,恐涉改道之嫌。」高祖曰:「王孫、士安皆誨子以儉,送 如斯之事,卿等所悉。衰服之告,乃至聖心卑己申下之意,寧 改父之道者,蓋謂慢孝忘禮,肆情違度。今梓宮之儉,玄房 此雖貴賤非倫,事頗

秋烝嘗,事難廢闕。 股聞諸夫子,『吾不與祭,如不祭』。 自先朝以來,有司行事,不必躬親, **幽顯同切,想宗廟之靈,亦輟歆祀。 脫行饗薦,恐乖冥旨。 仰思成訓,倍增痛絕。 豈忍身襲** 比之聖言,於事殆闕。賴蒙慈訓之恩,自行致敬之禮。今昊天降罰,殃禍上延,人神喪恃, 可苟順沖約之旨,而頓絕創巨之痛。縱有所涉,甘受後代之譏,未忍今日之請。又表稱春

卿如能獨行,事在言外。」 高祖曰:「祭祀之典,事由聖經,未忍之心,具如前告。 脫至廟庭,號慕自纏,終恐廢禮。 公 高閭對曰:「古者郊天,越紼行事,宗廟之重,次於郊祀。今山陵已畢,不可久廢廟饗。」 衮冕,親行吉事。」

服美不安,先賢有諭;禮畢居喪,著在前典。或虧之言,有缺之義,深乖理衷。」 矣。復云,康王旣廢初喪之儀,先行卽位之禮。於是無改之道式虧,三年之喪有缺。 無可遵之式』。朕惟信闇默之難,周公禮制,自茲以降,莫能景行。言無可遵之式,良可怪 曰:「此乃宰予不仁之說,己受責於孔子,不足復言。羣官前表,稱『高宗徒有諒闇之言,而 李彪曰:「三年不爲禮,禮必壞,三年不爲樂,樂必崩。 今欲廢禮闕樂,臣等未敢。」高祖 股謂

旨。 臣等竊惟曾參匹夫,七日不食,夫子以爲非禮。及錄其事,唯書七日,不稱三年,蓋重 高閭對曰:「臣等據案成事,依附杜預,多有未允。至乃推校古今,量考衆議,實 如明

草創 未解 虞禹 昔平日之時,公卿每奏稱當今四海晏安,諸夏淸泰,禮樂日新,政和民悅。蹤侔軒唐,事等 晉之興,豈由 庶 所足 教之德,尋之曠代,未有匹擬。 棄子禪舜,而 兆,使君 高 其初慕之心 政。 祖 而 論 所由。 及之,過之者俯 ,萬務惟始,**朕以不德**,沖年踐祚。 ,漢魏已下,固不足仰止聖治。 冠冕黼黻,行禮廟庭;臨軒設懸,饗會萬國。 曰:「恩隆德厚,則 腦 也。 臣 股 塗地。 協和,天下緝穆。 以爲旣葬卽吉,蓋其季俗多亂,權宜救世耳,諒非光治 昔文母上承聖主之資,下有賢子之化,唯助德宣政,因風致穆而已。 叉前 舜自有聖德,不假堯成。 .簡略喪禮,遺忘仁孝哉。 公卿偏執一隅,便謂經治之要,皆在於斯,殆 伏惟陛 躬行 !表,稱『古者葬而卽吉,不必終禮,此乃二漢所以經綸 一日,足 而就之。 下以萬乘之尊,不食竟於五日,旣御則三食不 思戀自深,雖非至情,由所感發。 上代已來,何后之功, 以貫被幽顯,豈宜衰服三年, **伏願陛下抑至慕之情,俯就** 旣受非常之恩,寧忍從其常式。 及至今日,便欲苦奪股志,使不踰於魏晉。 及其徂也, 而聖母匡訓以義方,詔誨以政事,經綸內外,憂勤 尋事求心,實所未忍。」 **猶四海遏密**, 得以仰比? 然曾參之孝,曠代 以曠 典禮 之重, (機務。 如 終於三年。 況未殊一時,而公卿欲令卽 有可擬, 興邦之化。二漢 充半溢 誠是臣等慺 治道, 夫 /聖人 則從衆議。 丽 今慈育之思,詔 魏晉所以 制 有,豈朕 臣等伏 禮 如此之意, 當今衆事 慺之 了, 不 非義 之盛,魏 堯雖 用悲 綱 今日 願。 及者 也。 億 理

稽古, 周覽填籍,孝性發於聖質,至情出於自然,斟酌古今,事非臣等所及。」 問對曰:「臣等遵承册令,因循前典,惟願除衰卽吉,親理萬機。 至德所在,陛下欽明 李彪曰:「當今

測。 雖治風緝穆,民庶晏然。江南有未賓之吳,朔北有不臣之虜,東西二蕃雖文表稱順,情尚 是以臣等猶懷不虞之慮。」高祖曰:「魯公帶経從師,晉侯墨襄敗寇,往聖無譏, 如有不虞,雖越紼無嫌,而況衰麻乎。豈可於晏安之辰,豫念戎旅之事,以廢喪紀哉 前典所 難

情備 默, 心 申至痛, 委政冢宰。二事之中,惟 從遺告之重。 如 李彪對曰:「昔太伯父死適越,不失至德之名。 今陛下孝慕深遠,果不可奪,臣等常辭,知何所啓。」高祖曰:「太伯之言,有乖 前論,更不重敍古義。 理萬機以 臣聞知子莫若父母,聖后知陛下至孝之性也難奪,故豫造金册 從 遺旨,興曠世之廢禮,制一代之高則。 公卿所擇。」明根對曰:「陛下孝侔高宗,慕同 亦有稱王者除衰而諒闍終喪者,若不許朕衰,朕則當 夫豈不懷, 有由然也。 臣等伏尋淵默不言,則代 大舜, 伏願抑至慕之 服 明著 丧 除衰閣 政將 脈 う諸 遺 以

先朝舊 月,必須迎 東陽王丕曰:「臣 事 神於西,攘惡於北,具行吉禮。 誠 如 所陳。 與尉元,歷事五帝,雖衰老無識,敢奏所聞。 但聰明正直,唯德是依。 自皇始 若能以道,不召自至。 以來,未之或易。」高 自聖 祖 世 苟 日:「太尉 以來,大諱 失仁 · 義, 國 雖請: 之後 老,言

恐是先朝萬得之一失,未可以爲常式。朕在不言之地,不應如此。 大禍三月,而 備行吉禮,深在難忍。 縱卽吉之後,猶所不行,況數旬之中,而有此理。 但公卿執奪,朕情未忍

從,遂成往復,追用悲絕。」上遂號慟,羣官亦哭而辭出。

受服,以葛易麻。旣衰服在上,公卿不得獨釋於下。故於朕之授變從練,已下復爲節降。斷 度今古,以情制衷。 罔極之痛。思遵遠古,終三年之禮。比見羣官具論所懷,今依禮旣虞卒哭,剋此月二十日 壬午詔曰:「公卿屢上啓事,依據金册遺旨,中代成式,求過葬卽吉。 朕仰惟恩重,不勝 但取遺旨速除之一節,粗申臣子哀慕之深情。欲令百官同知此意,故

陳服笥於廟陛南,近侍者奉而升列於堊室前席。 祥日 旣 三公、令僕已下,奏事中散已上,及刺史、鎭將,立哭於廟庭,三公、令僕升廟。 以異羣議。 追感不飯。侍中、南平王馮誕等諫,經宿乃膳。 用宣示。 敬 事之志, 韶曰:「便及此期,覽以摧絕。 五年四月癸亥朔,設薦於太和 便及變禮,威痛彌深。」 尋惟 又違永慕之心。今將屈禮厲衆,不訪龜兆。 永往,言增崩裂。」丁亥,高祖宿於廟。 廟。 敬祭卜祥,乃古之成典。 是日, ,高祖及從服者仍朝夕臨,始進蔬食,上哀哭 甲子罷朝,夕哭。 侍中、南平王馮誕跽奏請易服,進稿冠、皂 至夜一 已企及 刻,引諸王、三都大官、駙馬、 但世失其義,筮日 九月丙戌,有司上言求卜 (此晦, 寧敢 旣 出 重違册旨, 求吉,三 ,監御令

逐出。 薦羞 外臣及諸部渠帥入哭,次引蕭賾使幷雜客入。 幘易幍,羣官易服如侍臣,又引入 朝服、革帶、黑屨,侍臣各易以黑介幘、白絹單衣、革帶、烏履,遂哀哭至乙夜,盡戊子。 ,奏事中散已上,冠服如侍臣,刺史已下無變。 有司陽祥服如前。〔三侍中跽奏,請易祭服,進縞冠素紕、白布深衣、麻繩 如前。 儀曹尚書游明根升廟跽慰,復位哭,遂出。 至甲夜四刻,侍御、散騎常侍、司衞監以上 高祖薦酌,神部尚書王諶讚祝訖, 履。 侍 引太守 哭拜 質明 臣 开 去

廟哭,旣而出。

帝出廟,停立哀哭,久而乃還。

後當 不得 寢 **旭之主**。 日 廟、旣 ,須得國之大姓,遷主安廟。 越局、 親 十月,太尉丕奏曰:「竊聞太廟已就,明堂功畢,然享祀之禮,不可久曠。 拜山陵,寫泄哀慕。」 而粗就。 先朝舊式,不敢不聞。」詔曰:「具聞所奏,尋惟平日,倍增痛絕。 ,專委大姓。 先王制禮,職司有分。 王諶所司,惟贊板而已。 神部尚書王諶旣是庶姓,不宜參豫。 移廟之日,遷奉神主,皆太尉之事,朕 時運流速,奄及縞制,復不得哀哭於明堂, 臣昔以皇室宗屬,遷世 今遵述先旨,營建 亦親自行 至於移廟之

旣 不 幸,其赴使垂至,將爲之舉哀。 是年,高麗王死,十二月詔曰:「高麗王璉守蕃東隅,累朝貢職,年踰 而古者同姓哭廟,異姓隨其方, 皆有 期頤,動 服制 (徳彌) 今旣久廢, 著。今

有司

·可申敕備辦。」事如別儀。

甚悼惜之。 不可卒爲之衰,且欲素委貌、白布深衣,於城東爲盡一哀,以見其使也。 **朕雖不嘗識此人,**

申。高超以忌日哭於陵左,哀至則哭,侍哭如昨。帝二日不御膳。 十六年九月辛未,高祖哭於文明太后陵左,終日不絕聲,幕越席爲次,侍臣侍哭。 癸酉 朝中夕三時,哭拜 壬

常服 降成人。衰麻之服,略爲不異。 聽去之,以便其使。 聽 長幼俱服。 帶,「巴旣有佩觿之革,又有錦紐之紳。此明童子雖幼,已備二帶。以凶類吉,則腰絰存焉。又 取諸身,遠取諸禮,驗情以求理,尋理以推制。 而 於陵前。 曰"童子無總服。 不経,又無腰麻繆垂,唯有絞帶。 事 麻 類深衣,衰裳所施,理或取象。 十九年,太師馮熙薨,有數子尚幼。 矣。 夜宿監玄殿,是夜徹次。甲戌,帝拜哭辭陵,還永樂宮。 童子爲服之緦,猶免深衣,况居有服之斬,而反無裳 故注曰:『無麻往 鄭注曰:『雖不服總、猶免深衣。』是許其有裳,但不殊上下。又深衣之制 往則不麻,不往則絰。 給 以玉藻二簡,微足明之,曰:童子之節,錦紳幷紐 事 了。』此 時博士孫惠蔚上書言:「臣雖識謝古人,然微涉傳記。近 但典無成言,故未敢 明族 議者以爲童子之節,事降成人,謂爲衰而不裳, 如使童子本自無麻,禮腰、首,聽與不聽,俱闕兩 人之喪, 竊謂童子在幼之儀,居喪之節,冠杖之制,有 童子有事, 孤斷。 貫経 叉曰 乎? 一帶麻, . . . 聽事 臣又聞先師舊說,童子 則 執 不 事 麻 不 錦紳即大 則 故暫 知不

節,理 衰,去其裳絰,此必識禮之所不行,亦以明矣。 際,如使無裳,袵便徒設,若復去袵,衰又不備。 學,釋菜上庠之內,將命孔氏之門,執燭曾參之室,而唯有掩身之衣,無蔽下之裳,臣愚未之 手,故許其無裳,以便易之。若在志學之後,將冠之初,年居二九,質並成人,受道成均之 從制以誤人。 猶有絰,斬重無麻,是爲與輕而奪重,非禮之意, 此臣之所以深疑也。 衣殊狄褖。 之服、寧無其備。 安矣。又女子未許嫁,二十則笄,觀祭祀,納酒漿,助奠廟堂之中,視禮至敬之處,其於婉容 將謂童子時甫稚齡,未就外傳,出則不交族人,內則事殊長者,饄旨父母之前,往來慈乳之 絰,唯舉無麻,足明不備,豈得言聽事則不麻乎?以此論之,有絰明矣。 儉於責; (三) 不裳不経之制, 未覩其說。又臣竊解童子不衣裳之記, 是有間 無名之服,禮文罕見。童子雖不當室,苟以成人之心,則許其人服緦之絰。 恕禮而行,理將異此。」詔從其議。 以此推之,則男女雖幼,理應有裳。但男女未冠,禮謝三加,女子未出, 若不行於己,而立制於人,是爲違制以爲法, 設有齊斬之故,而便成童男女唯服無袵之 又衰傍有袵,以掩裳 且童子不杖不廬之 之言。公

校勘記

百禮 醴 志 咸畢 = 校 百衲本「百禮」二字空二格,南本已下諸本並注「闕二字」,今據 通典 卷八〇總論喪 勘 記

期後魏條補。

筮日求吉 諸本作「筮曰永吉」,通鑑卷一三七四三二三頁如上摘句。 按上云「有司上言,求卜祥

日」,知通鑑是,今據改。

有司陽祥服如前 按「陽」字不可解,上云「監御令陳服笥於廟陛南」,此云「如前」,疑「陽」乃

「陳」之訛。

錦紳幷紐錦紳即大帶 諸本「紐」作「細」,下「錦紳」無「紳」字。 册府卷五八〇六九五六頁如上摘

句。按禮記玉藻本文作紐,正義謂「絢,帶之紐」,「細」字無義,今據改。又「錦紳」連文,「錦」不

得云「卽大帶」,今據補。

万五 且童子不杖不廬之節理儉於責 諸本「責」下旁注「疑」字。按童子不杖、不廬見禮記雜記下,注

云:「未成人者,不能備禮也。」這裏是說童子不杖不廬的禮節,於理不該苛責。並無可疑,今删。

ハベン 是有間之言 諸本「間」訛「聞」,不可通,今據册府卷五八〇六九五六頁改。

魏書卷一百八之四

禮志四之四第十三

嫡子 旣如 復行 劉懷義、封軌、高綽,太學博士袁昇,四門博士陽寧居等議:「嫡孫後祖,持重三年,不爲品庶 有宗廟。 其中時復下同庶人者,皆別標顯。 生二,終德宜先諸父。」太常卿劉芳議:「案喪服乃士之正禮,含有天子、諸侯、卿大夫之事, 以無世爵之重,不可陵諸父,若下同衆孫,恐違後祖之義,請求詳正。國子博士孫景邕、 元士二廟,諸侯之上士亦二廟,中、下士一廟。』一廟者,祖禰共廟。 嫡 此 此禮矣。 世宗永平四年冬十二月,員外將軍、兼尚書都令史陳終德有祖母之喪,欲服齊衰三年, 孫耳。 分明, 豈得通於庶人也? 傳重者主宗廟, 非謂庶人祭於寢也。 世儒多云,嫡孫傳重,下通庶人。以爲差謬。何以明之。禮稽命徵曰:『天子之 案喪服經無嫡孫爲祖持重三年正文,唯有爲長子三年,嫡孫期。 不爾者,不得繼祖也。又鄭玄別變除,云爲五世長子服斬也。 至如傳重,自士以上,古者卿士,咸多世位,又士以上,乃 祭法又云『庶人無廟』。 兼累世承嫡, 魏晉以來,不 傳及注因說 方得為

德資階,方之於古,未登下士,庶人在官,復無斯禮。 嫡 孫 傳重之義。 今世旣不復爲嫡子服斬,卑位之嫡孫不陵諸叔而持重 考之舊典、驗之今世,則茲範罕行 則 미 知 也。 且 淮 終 且

其嫡 假令終德 列 承重. {經 承襲,末代僭踰,未可 霜處露濡,異識咸感,承重主嗣, 矣。 亦不 義 重,不涉於孫祖。 [,[1] 逮於庶人,含而不述,比同士制,不復疑也。[1] 雖 叔見存,喪主有寄,宜依諸 可 乎? 謂 無嫡 戴德 重 景邕等又議云:「喪服雖以士爲主,而必下包庶 者,以其將代己爲宗廟主,廟主了不云寢,又其證 之位,未是成 喪服 服祖 篇之內全不 孫 未 爲祖 班朝次,苟曰志仁,必也斯遂。 變除 三年, 三年正文,而有 且受國於曾祖,廢疾之祖 云 人之善也。」 芳又議:「 此 以語通 『父爲長 下同庶 則近 世未嘗變也。 典。[四]是以春秋 孫、服期爲允。」 人,正言嫡 子 祖 寧甄寢廟,嫡 斬, 爲嫡 自天子達 孫 孫 期,包豈祖以嫡服己,己與 國子 傳 準古士官不過二百石已上, 況乃官歷 父,亦無 重, 譏於世卿, 王制稱大夫不世,此 孫之制,固 ·所云, 於士。」此皆 專士 重 士流, 人。 喪服 以上。此經、傳之正 可 也。 唯有庶 不 傳,而猶三年,不 何以論之? 同 雖 當訓章之運,而 所引大夫不世者,此公羊、穀梁 士以上 殊。三 以 人爲 士 爲主,而 万有: 或 又古自卿以下,皆不殊 君 終德 庶 自大夫以上,每 嫡 孫 此則 必 必下 文, 子之明 同 以 刨 明 由 爲 庶 古之廟 不 包庶 訓 明 世 祖 叔 據 及 義 也。喪服 重 之嫌, 服 服之輕 庶 也 也 期,於 條標 λ 1 木 明 替 夫 H.

皇朝官令皆有正從,若以其員外之資,爲第十六品也,豈得爲正八品之士哉。推考古今,謹 據,可謂覩其綱,未照其目也。案晉官品令所制九品,皆正無從,故以第八品準古下士。 也。 絕爾善。」詩云:『惟周之士,不顯弈世。』論語曰:『興滅國,繼絕世。』國謂諸侯,世謂卿大夫 皆得世祿。、傳曰『官族』,易曰『食舊德』,舊德,謂食父故祿也。 春秋公羊、穀梁說卿大夫世位,則權并一姓,謂周尹氏、齊崔氏也。 如前議。」 儒 斯皆正經及論語士以上世位之明證也,士皆世祿也。八品者一命,斯乃信然。 小道之書,至如左氏、詩、易、尚書、論語皆有典證,或是未寤。許叔重五經異義云,今 尚書曰:『世選爾勞、予不 而古春秋左氏說卿大夫 但觀此

制 卿大夫無罪誅絕者耳。 然無惑。且官族者,謂世爲其功,食舊德者,謂德侯者世位,長因興滅國,繼絕世,主謂諸侯 史殷遂以父祥不及所繼,求還爲祖母三年。 ,何勞方致疑請也。 ,此卽晉世之成規也。」尚書邢巒奏依芳議。 景邕等又議一喪服正文,大夫以上,每事顯列,唯有庶人,含而不言。 可如國子所議。」 且金貂七毦,楊氏四公,雖以位相承,豈得言世祿乎。晉太康中, 時政以禮無代父追服之文,亦無不許 三年之 詔曰:「嫡孫爲祖母,禮令有據,[+]士人通 此通下之義,了

大祥 禪郎 刑五歲。」三公郎中崔鴻駁曰:「三年之喪,二十五 求之經 十七月, 上言 之後,喪事終矣。 吉之月。 ::「案違制律,居三年之喪而冒哀求仕, 延 昌 律,理實未允。」下更詳辨 各有其義, 年 如其 偏 **.依鄭玄二十七月,禪中復可以從御職** 未知何者會聖人之旨。 將 旣可 軍乙龍虎 以從御職事,求 喪父,給假二十七月,而虎幷數閏 上何爲不 五歲刑。 龍虎居喪已二十六月,若依王、杜之義,便是過 月大祥。諸儒或言祥月下 **前** ? 龍虎未盡二十七月 事。 若如府判,禪中鼓琴,復有 禮云:『祥之日鼓 月,詣 府 而 求 請 旬 上。 宿 而 素琴。』然則 衞, 禪, 領 罪乎? 軍 或言二 依 ·元珍 律

後五 子作 除衰,杖而素縞麻衣,大祥之服也。 徒 存 也 樂 越 歌謂之謠,徒吹謂之和。 』,『自喪至此,凡二十七月』。又禮言:『祥之日鼓素琴。』鄭云 歌 也,非所謂樂。 H 珍又上言:「案士虞禮,三年之喪,期而 於聲音者,此乃所謂樂也。 惟 ,彈琴而不成,十日而成笙歌。 以告哀」,魏詩曰「心之憂矣,我歌且謠」。若斯之類,豈可謂之金 樂者,使工爲之。 記曰:『比音而樂之,及干戚羽毛謂之樂。』 至於素琴以示終、笙歌以省哀者,則非 雜記注云:『玄衣黃裳,則是禪祭,黃者,未大吉也。』「八」 晉博士許猛 鄭注 小祥,又期而大祥,中月而 與鄭志及踰月可以歌,皆身自逾月可爲。 解三驗曰:案黍離、麥秀之歌,小雅曰「 :『鼓琴者, 禪。 若夫 樂矣。間傳云一大祥 存樂也 石之樂哉?是 鄭玄云『中猶間 禮樂之施於金 孔 此 子 災 祥 君

虎居 杜之義 除, 冒 說者。 之謂 謂在二十八月,工奏金石之樂耳。 語云:『喪與其易寧戚。』 音,融然成韻,旣未徙月,不罪伊 禪,謂二十七月,非謂 檀 言於晉武 又駁云:『禪中鼓琴,復有罪乎? 王 月 一、杜之義見敗者,晉武知其不可行故也。 仕求榮,實爲大尤,罪 弓云:『祥而 何忽忽者哉? 喪二十六月,始是素縞麻衣 如猗 ,起於魏末晉初。 鄭 猗及王肅 玄 帝 說 之意,謂鄭義廢矣。 日 稿,是月禪 = 二十七月禪,甚乖 夫禮國之大典,兆民所 下府愚量,鄭爲得之。 爲失。 上祥之月也。 而服限三年,痛盡終身。 其焉捨 ,徙月樂。』鄭志 而博士宋昌等議猛扶鄭爲衷,晉武從之。 及越騎 ! 大義。 校尉程猗贊成王肅 』然禪則黃裳,未大吉也,鼓琴存樂,在禮 太康中,許猛 何! 又省依汪、杜, 大祥之中, 而駁云:『大祥之後,喪事終矣。』脫 徙月而 叉駁云 日用,豈可二哉。 臣每難鄭失,六有徵,三有驗,初未能破臣難 何者? 樂。 趙商 而 何謂 :『禪中旣得從御職事,求上何 上省同騎而贊圧,欲虧鄭之成軌,竊所未寧。 上言扶鄭,釋六徵,日,解三驗,以鄭 許猛釋六徵曰:樂者,自謂 問, 禮記云: 禪祥同 中月之解,雖容二義,尙遠寧戚 譚子? 鄭玄答云: ,駁鄭禪二十七月之失,爲六徵三驗,上 j, 『吉事尙近 三年 今服禪者各各不 全乖鄭 ·沒閨, 祥謂. 王、杜之義,於是敗矣。 大祥, H 義。 理 如 無可 車図 喪凶尚 此駁, 所許。若使工奏八 八音克諧之樂也。 一同,非 二十五月。 疑。 爲 尚 遠 日 不 禪復焉施? 遠, 可? 脈 禪二十七 聖世一統 衣 又檢王、 而欲速 而 在體, 一檢龍 是月 又論 通 玄

更無異義,還從前處。」

樂必使工爲之。庶民凡品,於祥前鼓琴,可無罪乎。律之所防,豈必爲貴士,亦及凡庶。府 歌者,以喪事旣終,餘哀之中,可以存樂故也。而樂府必以干戚羽毛,施之金石,然後爲樂, 古之訓,數月成年,便懼違緩。原其本非貪榮求位,而欲責以義方,未可便爾也。 十五升、布深衣、素冠、縞紕及黄裳、綵纓以居者,此則三年之餘哀,不在服數之內也。 衰経 禪議,然初亦從程綺,贊成王、杜之言。二論得否,未可知也。聖人大祥之後,鼓素琴,成笙 在 以示終也。 琴笙歌,經禮所許。 之此義,彌不通矣。 圧、杜豈於必乖聖意。旣諸儒探賾先聖,後賢見有不同,晉武後雖從宋昌、許猛之駁,同鄭 喪,再期而 則埋之於地,杖則棄之隱處,此非喪事終乎。,府以大祥之後,不爲喪事之終,何得復言素琴 在斬焉草土之中,不謂除衰杖之後也。 情責。 鴻 又駁曰「案三年之喪,沒閨之義,儒生學士,猶或病諸。龍虎生自戎馬之鄉,不蒙稽 便以深衣素縞之時,而罪同杖絰苫塊之日,於禮憲未允。 大祥,中月而禪。 喪事尙遠日,誠如鄭義。 魯人朝祥而暮歌,孔子以爲踰月則可矣。爾則大祥之後,喪事已終,鼓 龍虎欲宿衞皇宮, 豈欲合刑五歲。 鄭玄以中爲間,王、杜以爲是月之中。鄭亦未爲必會經旨, 龍虎未盡二十七月而請宿衞,實爲忽忽,於成之理,合 又龍虎具列居喪日月,無所隱冒,府應告之以禮,造 就如鄭義,二十七月而禪,二十六月 詳之律意,冒喪求仕 且三年之

刑,忽忽之失,宜科鞭五十。」 還終月。 便幸 彼昧識, 欲加之罪, **豈是遵禮敦風,愛民之致乎?** 正如鄭義, 龍虎罪亦不合

鐃以警衆,聲笳以淸路者,所以辨等〕列,明貴賤,曰己非措哀樂於其間矣。 於聲作,明不得也。 之,明義服葬容有樂理。 樂之,世叔母、故主、宗子,直云飲酒食肉,不言不與人樂之。鄭玄云:『義服恩輕。』以此推 子洗 故於樂貴縣,有哀 之後,義不 重,其於王服,皆有厭絕。 允。 馬員外亡,[10]並上言,未知出入猶作鼓吹不,請下禮官議決。 三年七月,司空、淸河王懌第七叔母北海王妃劉氏薨,司徒、平原郡開國公高肇兄子太 闕樂。」國 川廢。 雖復功總,自己樂在宜止。」四門博士蔣雅哲議:「凡三司之尊, 子助教韓神固議。「夫羽旄可以展耳目之適、三絲竹可以肆遊宴之娛, 至若德儉如禮,升降有數,文物昭旂旗之明,錫鸞爲行動之響,〔鳴 又禮:『大功言而不議,小功議而不及樂。』言論之間,尚自不及,其 若尊同體敵,雖疏尚宜徹樂。 如或不同,子姓之喪非嫡者,旣殯 太學博士封祖冑議: 謂威儀鼓吹依 開國 之 {喪

兼儀曹郎中房景先駁曰:「案祖胄議以功緦有喪,鼓吹不作,雅哲議齊衰卒哭,簫管必

崇,鼓吹公給,不可私辭者,魏絳和戎,受金石之賞,鍾公勳茂,蒙五熟之賜,若審功膺賞, 案詩云『鍾鼓旣設』,『鼓鍾伐鼛』,又云『於論鼓鍾,於樂辟雍』。言則相連,豈非樂乎?八音 者,旣 兼 君命必行,豈可陳嘉牢於齊殯之時,擊鍾磬於疑祔之後?〔三〕尋究二三,未有依據。 之數,本無笳名,推而類之,簫管之比,豈可以名稱小殊,而不爲樂。 若以王公位重,威飾宜 所以辨等列,明貴賤耳,雖居哀恤,施而不廢。粗而言之,似如可通,考諸正典,未爲符合。 大倫之痛,旣殯而樂乎?又神固等所議,以爲笳鼓不在樂限,鳴鐃以警衆,聲笳而清路者, 臣,本無服體,但恩誠相感,致存隱惻。是以仲遂卒垂,笙籥不入,智悼在殯,杜蕢明言。 正 更詳得失,據典正 而 奏樂。 文學,令問所歸,宜明據典謨,曲盡斟酌,率由必衷,以辨深惑。何容總議並申,無所析剖, 服一 殯之後,義不闕樂。 期,何以爲斷。或義服尊,正服卑,如此之比,復何品節。 議。 案古雖有尊降,不見作樂之文,未詳此據,竟在何典。然君之於 雅哲所議,公子之喪非嫡 國子職 분

樂,本無作理,但以鼓吹公儀,致有疑論耳。案鼓吹之制,蓋古之軍聲,獻捷之樂,不常用 祕 書監、國子祭酒孫惠蔚,太學博士封祖胄等重 議 司空體服衰麻,心懷 修切 了, 其 、於聲

之非 顯槐 有哀 異。 也。 廢 而不樂,今陳之以備威儀,不作以示哀痛。 而 鼎 勿作。 私 用之,無變於吉,便是一人之年,悲樂並用,求之禮情,於理 是以禮云 有重位茂勳,乃得備作。 当出 之至貴,彰宰輔之爲重。 入聲作,亦以娛己。 但 1.禮崇公卿出入之儀,至有趨 『鼓無當 於五 聲,五聲不得不和。』竊惟今者,加台司之儀,蓋 方之金石,準之管絃,其爲音奏,雖曰 今既有喪,心不在樂,笳鼓之事,明非欲聞,其從寧戚 今二公地處尊親,儀殊百辟,鼓吹之用,無容全去。 以采齊,行以肆夏,和鑾之聲,佩玉之飾 述理節情,愚謂爲 允。 未盡。 詔 小殊,然其大體 曰:「可從國子後議。」 二公雖受之於公,用 欲 兼 廣 者, 威 與與 禮 之義, 華 有 所 懸 以

式,而 所謂 敢服 也。 子為 崔 光 至 周公制禮而子姪共尊。漢世諸王之國,稱太后,宮室百官,周制京邑,自當一 也 其 議 清河王懌所生母羅太妃薨,表求申齊襄三年。 不 如 ,母練冠麻衣縓緣,旣葬除之。』傳曰:『何以不 :「喪服大功章云:公之庶昆弟爲母。 用公庶之軌。魏氏已來,雖羣臣稱微,然嘗得出臨民土,恐亦未必捨近行遠,服功衰 應、韓啓宇、厥母固 此皆謂公侯枝子,藉父兄以爲稱,其母本妾,猶繫之於君,不得 [自申] 內主之尊,凡、蔣別封、日之其親亦容盡君 傳曰:『先君餘尊之所 ·在五 詔禮官博議。 一服中 也? 君 派不 侍中、 之厂所 得過 中書監、 以子貴 妣 不 之重 服、三子亦不 大功。』記:『 傍天子之 爲夫 太子 ,若然,便 ,少傅 人 者

文, 則三年之喪,無乖 與 大 功。 練 上祔 禮 麻 樂 也。 周 備 漢 羅太妃 陳, 侯王之體, 吉慶凶哀宜稱情 於自達,巨創之痛,有遂乎在中,寧成過哀,情禮俱允。」時議者不 居王母之尊二十許載,兩裔藩后,並建大邦,子孫 成母后之尊, 典。 則不應傍之公第,仍拘 蠲帝妾之賤,申疏喪之極慕,擬功練之輕 先厭。 愚謂 盈第,臣吏滿 可遠準春秋 悲。誠 國,堂堂列 同,詔服 子 如 ·貴之

禮 降 服 文。 從 君 服 文殘缺,制無正條,竊附情理,謂宜小功。 厭 屈,而 今太妃旣捨六宮之稱,加太妃之號,爲封君之母,尊崇一國。 期。 時 等。 又疑清 今司 更有降。 君爲母三年,臣則期。今司空以仰厭先帝,俯就 空自 河國官從服之制,太學博士李景林等二十一人議:「按禮文, 爲先帝所」厭,不得 禮有從 輕 而 重,義包於此。」太學博士封偉伯等十人議:「案臣從君 申其罔極。 庶君臣之服,不失其序,升降之差,頗會禮意。」 依禮大功,據喪服厭降之例,並 大功,臣之從服,不容有過。 臣 下固宜 君爲 服期,不 母三年, 無從 得 以王 一脈之 臣 但

四河國郎中令韓子熙議:

憂,議者援引斯條,降王之服。 不 敢過大功也。」夫 謹 案 喪服大功章 以一國之貴,子猶 云:公之庶昆弟爲其母妻。 **尋究義例,頗有一途。但公之庶昆弟,或爲士,或爲** 見 厭,況四海之尊, 傳曰:「何以大功? 先君餘尊之所厭, 固無申理。 頃國王遭太妃

之庶昆弟,不云有臣從期。若依爲君之父母,則出應申三年。此之二章,殊不相干,引 明臣之後期,行引由君服斬。若由君服斬,然後期,則君服大功,安得亦期也。若依公 大功〕則令王依庶昆弟,見不杖章有爲君之父母,便令臣從服以期。此乃據殘文,守一 卒,然後爲祖後者服斬。」孫所以深釋父卒爲祖服斬者,蓋恐君爲祖期,臣亦同期也。 不杖章云:爲君之父母、妻、長子、祖父母。 傳曰:「父母、長子,君服斬,妻則小君,父 服,今王有臣,復不得一準諸士矣。議者仍令國臣從服以期,囂味所見,未曉高趣。案 彼則須去此,引此則須去彼。終不得兩服功期,渾雜一圖也。議者見餘尊之厭不得過 大夫。士之卑賤,不得仰匹親王,正以餘厭共同,可以奪情相擬。然士非列土,無臣從

其皇姑」,直是禮記之異、獨此一條耳。 從服之通旨,較然之明例。雖近臣之賤,不過隨君之服,未有君輕而臣服重者 者云,禮有從輕而重,臣之從君,義包於此。 唯近臣關寺,隨君而服耳。 若大夫之室老,君之所服,無所不從,而降一等。 衰,獨涉兩歲。案禮,天子諸侯之大臣,唯服君之父母、妻、長子、祖父母,其餘不服也。 且從服之體,自有倫貫,雖秩微闇寺,位卑室老,未有君服細経,裁踰三時,臣著疏 何以知其然?案服問,經云:「有從輕而重,公 愚謂服問所云「有從輕 而重,公子之妻爲 此三條是 也。 議

隅,恐非先聖之情,達禮之喪矣。

遠近者,ᠬ᠐別與臣之從君,聊自不同矣。 域,過期而後聞喪,復可不稅服乎。若姑亡必不關公子有否,日立聞喪則稅,不計日月 父母妻子,君已除喪而後聞喪,則不稅,蓋以恩輕不能追服。假令妻在遠方,姑沒遙 從,徒從之體,君亡則已。妻爲皇姑,旣非徒從,雖公子早沒,可得不制服乎? 何爲不備書兩條,以杜將來之惑,而偏著一事,彌結今日之疑。且臣爲君母,乃是徒 爲 文,以釋大傳之義。明從輕而重,唯公子之妻。臣之從君,不得包於此矣。 皇姑。」若從輕而重,不獨公子之妻者,則鄭君宜更見流輩廣論所及,不應還用服問之 子之妻爲其皇姑。」而大傳云:從服有六,其六曰「有從輕而重」。注曰:「公子之妻,爲其 (母大功,臣從服期,當云有從輕而重,公子之妻爲其皇姑,爲母大功,[1<]臣從服期。</p> 若復有君 爲君之

之臣。 諫待決;妻無去就,一醮終身。 本服,君屈大功,不可過從以期。 以降,可得無服乎。臣妻事殊,邈然胡越,苟欲引之,恐非通例也。愚謂臣有合離,三 又案,臣服君黨,不過五人,悉是三年,其餘不服。妻服夫黨,可直五人乎?期功 尋理求途,儻或在此。 必以臣妻相準,未覩其津 親義旣有參差,喪服固宜不等。 所以從麻而齊,專屬公子之妻,隨輕而重,何關從服 也。 故見厭之婦,可得申其

子熙誠不能遠探墳籍,曲論長智,請以情理校其得失。 君遭母憂,互創之痛,臣之

降一等,兄弟之服,不可以服君 齊疏者,蓋以在心實輕,於義乃重故也。 同小功。 之論,脫君仍九月,不得如議者之談耳。 申三年之服。 輕,從義而反重。 爲服,從君之義。 愚謂律無正條,須準傍以定罪,禮闕舊文,宜準類以作憲。 所以然者,重其衰麻,尊君母,蹙其日月,隨君降。 雖經典無文,前儒未辨,然推例求旨,理亦難奪。 緣之人情,豈曰是哉。侍中崔光學洞今古,達禮之宗,頃探幽立義, 如何君至九月,便蕭然而卽吉,臣猶期年,仍衰哭於君第。 母。 詳諸二途,以取折衷,謂宜麻 嬴氏焚坑,禮經殘缺,故今追訪靡據,臨 今欲一依喪服,不可從君九月而服 如此,衰麻猶重,不奪君母 若臣服從期,宜依侍中 禮有 布,可如齊衰,除 期同 總功,而 周 創巨而反 年; 服如 事多 限則 如欲

之嚴,日月隨降,可塞從輕之責矣。

故不 還應 景林等議。」尋詔曰:「比決清河國臣爲君母服期, 尙 理。 年,臣服 書字平奏,以謂:「禮,臣爲君黨,妻爲夫黨,俱爲從服, 服 得 禮記大傳云『從輕而重』,鄭玄注云『公子之妻爲其皇姑』。 申 其 〈本服。 其 一期。今司空臣懌自以尊厭之禮,奪其罔極之心,國臣厭所 過隙,衆臣古無疑厭之論,而有從輕之據,曷爲不得申其本制也。 此則是其例。」詔曰:「禮有從無服而有服,何但從輕 以禮事至重,故追而審之。 各降君、夫一等。 旣 舅 而重乎? 不 不 厭 ·及,當 婦, 懌今自以厭, 今更無正據, 可 明 無 故 從尙書及 不 隨 君 厭者, 降之 服三

除之。」

不可背章生條。 但君服旣促,而臣服仍遠。 禮緣人情,遇厭須變服。 可還從前判,旣葬

服。 夜直羣官於庭中北面稽首稱萬歲。 光曰:「帝崩而太子立,國之常典,何須中宮令也。」光與于忠使小黃門曲集奏置兼官行事 于忠與詹事王顯,中庶子侯剛奉迎肅宗於東宮,入自萬歲門,至顯陽殿,哭踊久之,乃復。 謁者僕射。 於是光兼太尉,黃門郎元昭兼侍中,顯兼吏部尚書,中庶子裴儁兼吏部郎,中書舍人穆弼兼 王顯欲須明乃行卽位之禮。 太尉光奉策進璽綬,肅宗跽受,服皇帝衮冕服、三三御太極前殿。 四 年春正月丁巳夜,世宗崩于式乾殿。侍中、中書監、太子少傅崔光,侍中、領軍將軍 光等請肅宗止哭,立於東序。一一思、一元昭扶肅宗西面哭十數聲,止,服太子之 崔光謂顯曰:「天位不可暫曠,何待至明。」顯曰:「須奏中宮。」 太尉光等降自西階,

紀 文,而論 斯 極 莫不隨時所宗,各爲一代之典,自上達下,罔不遵用。 熙平二年十一月乙丑,太尉、清河王懌表曰:「臣聞百王所尙,莫尙於禮, 情別緒;或各言所見, 世代沿革,損益不同,遺風餘烈,景行終在。 而討 事共端。 雖 憲章 祖 至如前賢往哲,商搉有異。 述, 人自名家, 是使叔孫之儀,專擅於漢朝,王 而論 議 紛綸, 於 禮之重 或 並 理 證 歸 , 喪 經 羣

令曰:「禮者爲政之本,何得不同 行天下。 謹略舉恭、顥二國 萬國、綴旒四海。 規;或一代詞宗,較然爲則。 戚,尙或如斯。自茲已降,何可紀極。 是帝孫,語貴則二人並爲蕃國,不知兩服之證,據何經典。 修,稽考古今,莫專其任。 無一定之章,英賢贊治,家制異同之式。而欲流風作則, 肅之禮,獨行於晉世。 爾議之。 證據不明,卽詆訶疵謬,糾劾成罪。 去來閩巷之容,出入閨門之度,尙須疇諮禮官,博訪儒士,載之翰紙,著在通法。 廣陵王恭、北海王顯同爲庶母服,恭則治重居廬,顯則齊期堊室。 使禮: 無異準,得失有歸,幷因事而廣,永爲條例。 不同之狀,以明喪紀乖異之失。乞集公卿樞納,內外儒學,博議定制,班 臣忝官台傅,備位喉脣,不能秉國之鈞,致斯爽缺。 所謂共同軌文,四海畫一者也。 暨乎宗室喪禮,百僚凶事,冠服制裁,日月輕重,率令博士一 況堂堂四海、藹藹如林,而令喪禮參差,始於帝族,非所以儀刑 如此!可依表定議。」事在張普惠傳 此乃簡牒成文,可具閱而知者也。 歷觀漢魏,喪禮諸儀,卷盈數百。或當时名士,往復 至乃折旋俯仰之儀,哭泣升降之節, 永貽來世。 庶塵岳沾河,微酬萬一。」靈太后 俄爲舛駁,莫有裁正。 具瞻所誚,無所 **比學官雖建, 庠序未** 未聞有皇王 論親則恭 辯答乖 垂範,國 懿王昵 逃罪。 、類俱 人 成 輕

方融 靈化, 奄至崩殂。 神龜 元年 九月,尼高皇太后崩於瑤光寺。 朕幼集荼蓼,夙憑德訓,及翕虣定難,是賴謨謀。 肅宗詔曰:「崇憲皇太后,德協坤儀,徵符月 夫禮沿情制,義

羣官,權改常服,單衣邪巾,奉送至墓,列位哭拜,事訖而除。止在京師,更不宣下。」詔可。 非容百官之位。但昔逕奉接,義成君臣,終始情禮,理無廢絕。輒準故式,立儀如別。內外 官哭臨,其禮甚多。今尼太后旣存委俗尊,憑居道法。凶事簡速,不依配極之典,庭局狹隘, 循事立,可特爲齊衰三月,以申追仰之心。」有司奏:「案舊事,皇太后崩儀,自復魄斂葬,百

除。』愚以爲允。」 葬總。」鄭注:「臣爲君,子爲父,妻爲夫。親見屍柩,不可以無服,故服總。」 [18]三年者總,則 據,至於注解,乖異不同。馬融、王肅云本有三年之服者,鄭及三重。然而後來諸儒,符融 期已下無服。 君之母妻,唯期而已,並應不服。』又太常博士鄭六議云:『謹檢喪服幷中代雜論,記云:「改 於爲姑,不得過期,計應無服。其淸河、汝南二王母服三年,亦宜有緦。自餘王公百官,爲 注云:「爲君服斬,夫人齊衰,不敢以親服至尊也。」〔三〕今皇太后雖上奉宗廟,下臨朝臣,至 者多,與玄者少。今請依馬、王諸儒之議,至尊宜服總。案記:「外宗爲君夫人,猶內宗。」鄭 尊、皇太后、羣臣服制輕重。四門博士劉季明議云:『案喪服, 記雖云「改葬總」、〔三〕文無指 十一月,侍中、國子祭酒、儀同三司崔光上言:「被臺祠部曹符,文昭皇太后改葬,議至 竊謂鄭氏得服總之旨,謬三月之言。如臣所見,請依康成之服總,旣葬而 詔 可

二年正月二日元會, 高陽王雍以靈太后臨朝, 太上秦公喪制未畢, 欲罷百戲絲竹之 **蕢所以諫晉平公也。今相國雖已安厝,裁三月爾,陵墳未乾。** 聲聞于外,況在內密邇也。君之卿佐,是謂股肱,股肱或虧,何痛如之!智悼子 由此 有喪服,聲之所聞,子不舉樂。今太后更無別宮,所居嘉福,去太極不爲大遠。 記云:「朋友之墓,有宿草焉而不哭。」是則朋友有期年之哀。 子貢云: 夫子喪顏淵,若喪子 不舉樂也。 懌謂光曰:「宜以經典爲證。」光據禮記「縞冠玄武,子姓之冠」,父母有重喪,子不純吉。安 定公親爲外祖,又有師恩,太后不許公除,衰麻在體。正月朔日,還家哭臨,至尊輿駕奉慰。 而無服,喪子路亦然。 而制。 清河王懌以爲萬國慶集,天子**臨享,宜應備設**。 孔子旣大練,五日彈琴,父母之喪也。 雖古義難追,比來發詔,每言師、祖之尊。是則一期之內,猶有餘哀。 顏淵之喪,饋練肉,夫子受之,彈琴而後食之。若子之哀,則容一期, 由是喪夫子若喪父而無服。 太后訪之於侍中崔光,光從雍所執。 懌以理證爲然,乃從雍議 鼓鍾于宫, 心喪三年, ,喪未葬,杜 且禮,母

三月。及將窆,中練。 孝靜武定五年正月,齊獻武王薨,時秘凶問。 齊文襄王請自發喪之月,帝使侍中陸子彰舉詔,三往敦喻,王固執, 六日,孝靜皇帝舉哀於太極東堂,服齊衰

太祖天賜三年十月,占授著作郎王宜弟造兵法。

詔不許。

乃從薨月。

於北,各擊鍾鼓,以爲節度。其步兵所衣,靑赤黃黑別爲部隊。 南北二軍皆鳴鼓角,衆盡大譟。 相赴就。 高宗和平三年十二月,因歲除大儺之禮,遂燿兵示武。 更爲制,令步兵陳於南,騎士陳 有飛龍騰蛇之變,爲函箱魚鱗四門之陳,凡十餘法。 各令騎將六人去來挑戰,步兵更進退以相拒擊,南敗北捷, **跽起前却**,莫不應節。 盾稍矛戟相次周 回轉易,以 陳畢,

以爲盛觀。

自後踵以爲常。

四通 司馬 意 朕旣從之,復令有失。 之國,問其年幾,而行冠禮。 故令有三誤。 更順 而 彪志,致使天子之子,而行士冠禮, 天冠。 行 將 事在恂傳。 高 來。 拜禮,雖不得降神,於理猶差完。 祖 太和十九年五月甲午,冠皇太子恂於廟。 朕見家語冠頌篇,四加冠,公也。 禮古今殊制,三代異章。近冠恂之禮有三失,一,朕與諸儒同誤,二,諸儒違朕, 今中原兆建,百禮惟新,而有此三失,殊以愧歎。 六月,高祖臨光極堂,引見羣官。 孔所云『斐然成章』,其斯之謂。」太子太傅穆亮等拜謝。 古者皆灌地降神,或有作樂以迎神。 此朝廷之失。 司馬彪云,漢帝有四冠:一緇布,二進賢,三武弁, 家語雖非正經,孔子之言與經何異。 韶曰:「比冠子恂,禮有所闕, 丙申,高祖臨光極堂,太子入見,帝親詔 冠禮 ·朕以爲有賓,諸儒皆以爲無賓, 春秋,襄公將至衞,以同 昨失作樂。至廟庭,殷以 高祖曰:「昔 當思往失, 諸儒忽 姓

裴頠作冠儀,不知有四,裴頠尚不知,卿等復何愧。」

正 |光元年秋,肅宗加元服,时年十一。 既冠,拜太廟,大赦改元。 官有其注。

輿服之制,秦漢已降,損益可知矣。 魏氏居百王之末,接分崩之後,典禮之用, 故有闕

焉。 太祖世所制車輦、雖參采古式,多違舊章。 今案而書之,以存一代之迹。

爵立衡, 乘輿輦輅:龍輈十六,四衡,穀朱班,繡輪,[三]有雕虬、文虎、盤螭之飾。 圓蓋華蟲, 金雞樹羽,蛟龍游蘇。 建太常十有二族,畫日月升 龍。 郊 龍首銜扼、鸞 天 祭廟 則

乘之。

皇后助祭郊廟則乘之。 義、遊龍、飛鳳、朱雀、玄武、白虎、靑龍、奇禽異獸可以爲飾者皆亦圖焉。太皇太后、皇太后、 乾象輦:羽葆,圓蓋華蟲,金雞樹羽,二十八宿,天階雲罕,山林雲氣、仙聖賢明、忠孝節

大樓輦: 轉十二,加以玉飾,衡輪雕綵,與輦輅同,駕牛十二。[云]

小 樓輦:,朝八,衡輪色數與大樓輦同,駕牛十二。天子、太皇太后、皇太后郊 廟,亦

乘之。

左右 鳳凰,白馬,仙 人前却飛行,駕二象。 羽葆旒蘇, 龍旂游麾, 其飾與乾象同

太皇太后、皇太后助祭郊廟之副乘也。

馬輦:重級,其飾皆如之。 績漆直輈六,左右騑駕。 天子籍田、小祀時、則乘之。

臥輦:其飾皆如之。丹漆,駕六馬。

遊 觀輦:其飾亦如之。 駕馬十五匹,皆白馬朱髦尾。 天子法駕行幸、巡狩、小祀時,則

乘之。

七寶旃檀刻鏤輦:金薄隱起。

馬輦:天子三駕所乘,或爲副乘。

緇漆蜀馬車:金薄華蟲隱起。

軺軒"駕駟,金銀隱起。 出挽解合。 〔日〕

步挽:天子小駕遊宴所乘,亦爲副乘。

金根車:羽葆,旒,畫輈輪,華首,綵軒交落,左右騑。太皇太后、皇太后、皇后助祭郊

廟,籍田先蠶,則乘之。長公主、大貴、「云」公主、封君、諸王妃皆得乘,但右騑而 브

太祖初,皇太子、皇子皆鸞輅立乘,畫輈龍首,朱輪繡轂,綵蓋朱裏,龍旂九斿,畫雲楱。

皇子封則賜之,皆駕駟。

又有軺車:緇漆,紫幰朱裏,駕一馬,爲副乘。

公安車:緇 漆,紫蓋朱裏,畫輈,朱雀、青龍、白虎,龍旂八斿,駕三馬。 軺車與王同。

侯車 與公同。 七斿,紫蓋青裏,駕二馬。 副車亦 如之。

子車 :緇漆,草蠡交,六斿,皂蓋靑裏,駕一 馬。 副車亦如之。

阙 及公、侯、子陪列郊天,則乘之。 宗廟小祀, 乘軺軒而已。 至高祖太和中,詔儀曹令

李韶監造車輅,一遵古式焉。

以爲迎送之節焉。 宴離宮則設之。二至郊天地,四節祠五帝,或公卿行事,唯四月郊天,帝常親行,樂加鍾懸, 巡狩、小祠則設之。三曰小駕,屬車十二乘。平城令、太僕奉引,常侍陪乘,奉車郞御。 麗雁行。 祠則設之。 乘。平城令、代尹、司隸校尉、丞相奉引,太尉陪乘,太僕御從。輕車介士,千乘萬騎,魚 太祖天興二年,命禮官捃採古事,制三駕鹵簿。一曰大駕,設五輅,建太常,屬車八十 前驅,皮軒、關戟、芝蓋、雲罕、指南,後殿,豹尾。 鳴葭唱,上下作鼓吹。 軍戎、大 二曰法駕,屬車三十六乘。平城令、代尹、太尉奉引,侍中陪乘,奉車都尉御。 遊

四達,五色車旗各處其方。諸王導從在鉀騎內,公在幢內,侯在步矟內,子在刀盾內,五品 天賜二年初,改大駕魚麗雁行,更爲方陳鹵簿。 列步騎,內外爲四重,列標建旌,通門

朝 臣 使 列 乘 輿 前 兩 廂 官官 卑 者 先引。 王公侯 子 車 旒 麾蓋、 一、信幡 及散官構服, 皆 純 黑

當今 踰。 周 卿 謹 厭翟,后從王賓饗諸 彫 遷 ₹禮 京 元 以 面 備 聖 (周 端 以此言之,後王 鷖總,皆 已來,未 肅 禮 造 后 博 五. 臨 聖 熙平元 士鄭六 輅 制 朝, 復 有容蓋;翟車 形 一不刊 親覽 更造。 年六 飾 劉 之制 興服 庶 之典,其禮文尤備。 侯所 月, 臺龍等議:「案周禮王后之五輅: 請集 政,輿駕 隨 典章, 乘,安車,后朝 中 貝 禮官 侍 時 面 中劉 之式 增 組總,有握 多放 減。」 以 騰 7,宜備 周式。 裁 等奏:「中宮僕刺 其制。」靈太后 見於王所 孔 典禮 · 董車,組輓, 子云『其 雖 文 0 質 臣 乘,翟 、時變, 人或繼周 等學缺 令曰 重翟錫面 列 車,后出桑則 有婴,羽 車 輅名宜 「付尚書量 通 者 輿朽 經, 雖 蓋。重翟,后從王 朱總, 敗。 叨 存, 百 | 參議 世 乘, 益 彫 自昔 нJ 厭 議。」太常 末,輒 飾 知 翟 舊 雖 車 也 勒 異 都, ر 🖳 ,后宫中所 率短 面 以 繢 理 祭 卿 禮 其法不可 無 總, 穆紹, 見,宜準 祀 物 全捨 所 頗

左 Щ 朝 太后皆 車 見 右騑、同己駕三馬。 于王,翟 太 金根之色,殷人以爲 御 學 企 博 根 士 車 車 王 以 ,加交絡、帷裳,**非** 延業議:「案周禮 親 桑,輦車 阮諶禮圖幷載秦漢已來輿服,亦云:金根輅,皇后法駕乘之,以禮婚見 大輅,於是始皇作金根之車。 宮中所乘。 ,王后有五輅,重翟以從王祠,厭翟以從王饗賓客,安 法駕則 又漢輿服志云 乘紫罽棋 車,雲機文畫 秦幷天 漢承秦制, 下,閱三代之禮, 朝,黄金塗五 御爲 乘輿。太皇太后 末、蓋爪、公司 或日 殷 車 皇 瑞 以

之文。今之乘輿,又皆駕四,義符古典,宜仍駕四。其餘小駕,宜從駕三。其制用形飾,備 見,理 益不同,用捨隨時,三代異制,其道然也。 無結 駉,即 事考實,亦宜闕廢。又哭公主及王妃,周禮所無,施之於今,實合事要。 又金根及雲母,駕馬或三或六,訪之經禮,無駕六 損

見圖志。」

假令欲作,恐未合古制 議,唯恩裁決。」靈太后令曰「羣官以後議折中者,便可如奏。」 賈天度、艾僧爝、呂太保、王當百、槐貴等五十人,議以爲:「皇太后稱 唐荆寶、王令儁、吳珍之、宋婆羅、劉燮、高顯邕、杜靈儁、張文和、陳智顯、楊渴侯、 晏、高諒、奚延、太學博士邢湛 天祭地,宗廟 景先、外兵郎中石士基、長兼右外兵郎中鄭幼儒、都官郎中李秀之、兼尚書左士郎中朱元 旭、度支郎中谷穎、左民郎中張均、金部郎中李仲東、庫部郎中賈思同、國子博士薛禛、 游思進、三公郎中崔鴻、長兼駕部郎中薛悅、起部郎中杜遇、左主客郎中元韡、騎兵郎中房 欽、尚書元昭、尚書左丞盧同、右丞元洪超、考功郎中劉懋、北主客郎中源子恭、南主客郎中 司空領尚書令任城王澄、尚書左僕射元暉、尚書右僕射李平、尚書齊王蕭寶夤、尚書元 之禮,所乘之車,宜同至尊,不應更有製造。 ,而不可以爲一 、崔瓚、韋朏、鄭季明、〔三〕國子助教韓神固、四門博士 代典。 臣以太常、國子二議爲疑,重集羣官,並從今 周禮,魏晉雖 制臨 有文辭,不 朝, 躬親 庶政,郊 楊 辨形制 趙安慶、 那 那

便習而已。至高祖太和中,始考舊典,以制冠服,百僚六宫,各有差次。早世升遐,猶未周 服,隨品秩各有差,時事未暇,多失古禮。」世祖經營四方,未能留意,仍世以武力爲事,取於 |太祖天興元年冬,詔儀曹郎|董謐撰朝覲、饗宴、郊廟、社稷之儀。 六年, 又昭有司制冠

肅宗時,又詔侍中崔光、安豐王延明及在朝名學更議之,條章粗備焉。

傳、清河王懌、給事黄門侍郎韋延詳奏:〔三〕「謹案前敕,制五時朝服,嘗訪國子議其舊式。太 曰:「太傅博學洽通,多識前載,既綜朝儀,彌悉其事。便可諮訪,以決所疑。」二年九月,太 舊,未聞有變。 今皇魏憲章前代,損益從宜。 五時之冠,愚謂如漢晉用幘爲允。」 靈太后令 悉如其色。自漢逮于魏晉,迎氣五郊,用幘從服,改色隨氣。斯制因循,相承不革,冠冕仍 及祭祀志云:迎氣五郊,自永平中以禮讖并月令迎氣服色,因采元始故事, 用之玄黄。以此而推,五時之冠,禮既無文,若求諸正典,難以經證。案司馬彪續漢書輿服 飾亦别,都無隨氣春夏之異。唯月令有青旂、赤玉、黑衣、白輅,隨四時而變,復不列弁冕改 制,輒勒禮官詳據。」太學博士崔瓚議云:「周禮及禮記,三冠六冕,承用區分,璅玉五綵,配 又云五郊衣幘,各如方色。又續漢禮儀志:立春,京都百官,皆著青衣,闕服青幘。〔圖〕秋夏 熙平元年九月,侍中、儀同三司崔光表三奉詔定五時朝服,案北京及遷都以來,未有斯 兆五郊於洛陽。

冠冕 學博 以 從衣變。 請更集禮官下省定議,蒙敕聽許。 同 國 禮 式不 子前 仍 士崔瓚等議:『自漢 舊,未聞 經,請訪議事,奉敕付臣,令加 議。 臣等謂從國子前議爲允。」靈太后令曰:「依議。」 幘隨服變、冠冕弗改。 有變。 **今皇魏憲章前代**, 逮于魏晉,迎氣五 謹集門下及學官以上四十三人,尋考史傳,量 叉四 考決。 損益 .門博士臣王僧奇、蔣雅哲二人,以爲五時冠冕,宜 郊,用幘從服,改色隨氣。 從宜。 臣以爲帝王服章, 五. 時之冠,謂 方爲萬世 如 斯制 漢晉用 因循, 則, 幘 爲允。』尚書 不 古校 相 承 可 今, 輕裁

校勘記

自 「每條標列」,下又說「逮於庶人,含而不述」,作「以下」不可通。 「以上」指「天子」「諸侯」,才 母 及 大夫以上每條標列 祖 母 持 重服 議條載孫景邕等議作「以上」。 百衲本「以上」二字墨釘,南本以下諸本作「以下」,通典卷八九爲高 按大夫以下唯士及 庶人,喪服本是士禮 無無 在 曾祖 所 謂 喪

ヘニン 不復疑 儿 比同士制,不復疑也」,上下相貫。 頁、 通典卷八九載孫景邕等又議並 也 百衲本「不」字墨釘,「復」作「後」,南本以下諸本作「起後疑也」,册府卷五八一六九六 如摘句。 當是先脫「不」字,又「復」字訛「後」,南本以意補「起」字。今 按上云「喪服雖以士爲主,而 必下包庶人」,這裏說

服

中「毎條標列」、今據通典補

據册府、通典補改。

- []] 固不同殊 册府同上卷頁[同]作「宜」,當是。
- 末代僭踰未可以語通典 百衲本「踰未」二字墨釘,南本以下諸本作「妄不」,當是以意補, 今 據

册府同上卷頁補。

ŦĪ. 而有祖爲嫡孫期 諸本「期」作「者」,册府同上卷頁作「期」,通典卷八九載孫景邕等議作「周」。

按祖爲嫡孫期在儀禮喪服期服章。 這裏當是寫作「替」,殘壞訛作「者」。通典避唐諱改「期」爲

「周」。今據册府改。

, . 公 し 且官族者謂世爲其功食舊德者謂德侯者世位 ·册府 卷五八一 六九六五頁、 通典卷八九孫景邕等

議「謂世爲其功」並作「謂世有功」,當是。下句通典作「食舊德者謂德繼於位」,册府與諸本同。

按原文不可解,疑「侯」乃「厚」音近而訛,通典避唐諱「世」字,並改其句,非必原文。

- $\overline{}$. --禮令有據 諸本「有據」訛「者處」,今據册府同上卷頁、通典卷八九載詔書改。
- 雜記注云玄衣黃裳則是禪祭黃者未大吉也 諸本「衣」上無「玄」字、册府同上卷頁有。 按禮記雜

記下「祥,因其故服」下注有「玄」字,知此志脫文,今據補。又雜記注「禪祭」下有「玄冠矣」三字,

「黄者」作「黄裳者」,或是引書省文,今不補。

醴

志四

校

勘記

か 釋六徵 諸本「徵」作「禪」、册府卷五八一六九六六頁作「徵」、按上文已引許猛「釋六徴」、「禪」字

訛,今據改。

高 聞 司徒平原郡開國公高肇兄子太子冼馬員外亡 [偃子,官至太子洗馬,死於延昌三年,與此志合,自卽其人。疑本作「太子洗馬貞卒」,「貞卒」 有員外置,且何以有官而無名。檢八瓊室金石補正卷一五有贈營州刺史高貞碑,乃高肇兄 册府卷五八一六九六七頁無「亡」字,按洗馬官不

二字訛作「員外」,後人又補「亡」字。、册府已訛作「員外」,但下尙無「亡」字可證。

雖復功總 飲酒食肉,不與人樂之」,五月、三月卽功、總。「功德」或「功得」乃「功總」之訛。下房景先駁封 諸本「總」作「德」, 一般頁作「得」。 按上引禮喪大記:「五月、三月之喪,比葬,

夫羽旄可以展耳目之適 百衲本「夫羽旄」三字空一格,南本注「闕一字」、北、汲、殿、局四本注

祖青議中引此語、諸本也作「德」、册府却作「總」、可證。今改正、下文同改。

「闕」。今據册府同上卷頁補。

「鳴鐃以警衆聲笳以淸路者所以辨等」列明貴賤 府同上卷頁有。 按下房景先駁議引韓神固語也有此十五字。今據册府補 諸本「列」字上無括號內十五字,顯有脫文,册

擊鍾磬於疑耐之後 册府卷五八一六九六八頁空格作「升」字。按此指大祥前之祔祭,似不得逕

謂之「升祔」,今不補。

君之(所不服 諸本「君之」下脫括號內「所不服」至「自爲先帝所」三百二十五字,在百衲本恰好

脫 一頁,但今頁碼相連,不知是宋本原來就這樣,還是後人挖改,南本以下諸本因此也都連接。

且 因文義似乎可通,無人疑有脫文。今據册府卷五八一六九六八——六九頁補。

- 凡蔣別封 册府卷五八一六九六八頁「蔣」作「將」。 按左傳僖二十四年:「凡、蔣、邢、茅、胙、祭,周
- 公之胤也。」「將」乃「蔣」之訛、今改正。
- 明臣之後期 按「後」字於文義不協,疑當作「服」,涉下「然後期」而訛。
- 爲母大功 按「爲」上當脫「君」字。無「君」字連上文便是「公子之妻」爲母大功,大誤,和下「臣

從服期」也連不起來。

- 不計日月遠近者 若姑亡必不關公子有否 諸本「計」訛「許」,不可通,今據册府同上卷頁改。 册府卷五八一六九七〇頁「有」作「在」、疑是、但作「有」亦通、今不改。
- 服皇帝袞冕服 按文義不像有脫字,增「用」字也似贅,今從汲、局本。 百衲本「服」下空一格,汲、局本不空,南、北、殿本也不空,但「帝」下有「用」字。
- 改葬緦 今從局本。 百衲本「總」作「總」,諸本作「總」,獨局本作「總」。按「總」古文作「總」,訛作「總」「總」,
- 不敢以親服至尊也 按禮記雜記下重「服」字,不宜省,疑此脫一「服」字。
- 鄭注 臣爲君子爲父妻爲夫親見屍柩不可以無服故服緦 按儀禮喪服 傳鄭注此條「親見屍柩」上

醴

有「服總者」三字,或引文省,末句「故服總下有「三月而除之」句。觀下文云:「竊謂鄭氏得服總 之旨,謬三月之言。」若上不引「三月而除之」,忽駁「三月」之謬,令人不解,當是脫文。

轂朱班繡輪 太子、皇子條稱「朱輪繡轂」可證。 按「朱班輪」「朱班漆輪」見續漢書、晉書輿服志。疑這裏當作「朱班輪繡轂」、下皇

駕牛十二 百衲本「十二」作「二十」、北、汲、殿三本作「一十」、南本、局本作「十二」。 七七四三四三四頁引作「十二」,下小樓輦條亦稱「駕牛十二」,今從南、局本。 按御覽卷

〔三十〕 出挽解合 四字不可解〕疑有訛脫。

大貴 車。。 北魏宮中有「貴人」,不見「大貴人」之號,卷一三邊后傳,可能是襲用前史舊文。 按「大貴」下當脫「人」字。續漢書輿服志上稱「大貴人、貴人、公主、王妃、封君油畫軿

蓋爪 「爪」,今從局本。 諸本「爪」作「瓜」,獨局本作「爪」。 按續漢書 輿服志上作 | 蚤」、晉書卷二 五輿服志作

左右騑 諸本「左」作「在」、册府卷五八二六九七二頁作「左」。按續漢書、晉書輿服志並作「左右

騑。

今據改。

諸本「桑」作「乘」、册府同上卷頁作「桑」。按下云:「阮氏圖,桑車亦飾以雲母」,知作「桑」

- 竊以爲秦滅周制 諸本「滅」作「減」,冊府卷五八二六九七三頁作「滅」。按下云「百事創革」,豈
- 得謂「減」。「減」乃「滅」形近而訛、今據改。
- 鄭季明 諸本「明」作「期」,册府同上卷頁作「明」。按鄭季明附見卷五六鄭義傳,「期」乃「明」形
- 近而訛,今據改。
- 京都百官皆著青衣 闕服靑幘 百衲本「服」上空一格, 諸本不空。 按續漢書禮儀志上立春條:

「京師百官皆衣靑衣,郡國縣道官下至斗食令史皆服靑幘。」則「服靑衣」和「服靑幘」者有區別。

這裏「服靑幘」上當有闕文,故百衲本空格,今注「闕」字。

「詳」。「詳」是審議之意,今從百衲本。 按册府卷五八二六九七四頁也作

諸本「詳」作「祥」,獨百衲本作「詳」。

〇量

給事黃門侍郎韋延詳奏

二八二三

魏書卷一百九

樂志五第十四

和之琴瑟,雲門之舞,奏之六變,天神可得而降矣,函鍾爲宮,大蔟爲角,沾洗爲徵,南呂爲 所以移風易俗也。故在過之際,義明崇德。書云:「詩言志,歌詠言,聲依永,律和聲,八音 阮瑜之管,定小一之律,[1]以成咸池之美,次以六莖、五英、大章、韶、夏、護、武之屬,聖人 葦籥,其來自久。伏羲絃琴,農皇制瑟,垂鍾和磬,女媧之簧,隨感而作,其用稍廣。 爲事,羽爲物,五者不亂則無蛇滯之音。宮亂則荒,其君驕;商亂則陂,其官壞;角亂則憂, 奏之九變,人鬼可得而禮矣。此所以協三才,寧萬國也。凡晉,宮爲君,商爲臣,角爲民,徵 大呂爲角,大蔟爲徵,應鍾爲羽,路鼓、路鼗,陰竹之管,龍門之琴瑟,九德之歌,九磬之舞, 羽,靈鼓、靈鼗,孫竹之管, 空桑之琴瑟,咸池之舞,奏之八變,地示可得而禮矣;黃鍾爲宮, 克諧,神人以和。」周禮圜鍾爲宮,黃鍾爲角,大蔟爲徵,沾洗爲羽,雷鼓、雷鼗,孤竹之管,雲 氣質初分,聲形立矣。聖者因天然之有,爲入用之物;緣喜怒之心,設哀樂之器。 軒轅

聽之,莫不和順;閨門之內,父子兄弟同聽之,莫不和親。又有昧任離禁之樂, [三以娛四夷 使放心邪氣得接焉。樂在宗廟之中,君臣上下同聽之,莫不和敬,在族長鄉里之中,長幼同 擊足樂而不流,使其文足論而不息,使其曲直、繁瘠、廉肉、節奏足以感動人之善心而已,不 焉,正聲感人,順氣應之,順氣成象而和樂興焉。先王耻其亂,故制雅頌之聲以道之,使其 其民怨;徵亂則哀,其事勤;羽亂則危,其財匱。 之民。斯蓋立樂之方也。 姦聲感人,逆氣應之,逆氣成象而淫樂興

樂亡缺。 矣。 雜以趙、代、秦、楚之曲,故王禹、宋曅上書切諫,丙强、景武顯著當時,通儒達 雅聲古器幾將淪絕。 **感者著,所識者深也。樂之崩矣,秦始滅學,經亡義絕,莫探其眞。人重協俗,世貴順耳,則** 治國之音安以樂,亡國之音哀以思,隨時隆替,不常厥聲。延陵歷聽諸國,盛衰必舉,蓋所 魏文侯聽古雅而眠睡,鄭、宋、齊、衞,流宕不反,於是正樂虧矣。大樂感於風化,與世推移, 滋甚,競其邪,忘其正,廣其器,蔑其禮,或奏之而心疾,或撞之不令。晉平公聞清角而 後漢東平王蒼總議樂事,頗有增加,大抵循前而已。 三代之衰,邪音間起,則有爛漫靡靡之樂興焉。周之衰也,諸侯力爭,澆爲萌生,淫慝 魏武旣獲杜變,令其考會古樂,而柴玉、左延年終以新聲寵愛。 漢興,制氏但識其鏗鏘鼓舞,不傳其義,而於郊廟朝廷,皆協 及黃巾、董卓以後,天下 晉世荀勗典樂,與 士所 喪 共 律新變, 顚隕, 歎 息

矣。 郭夏朱識之徒共加研集,謂爲合古,而阮咸譏之。 夫大樂與天地同 和,苟非達識至精,何以體其妙極。 金行不永,以至亡敗,哀思之來,便爲驗 自漢以後,舞稱歌名, 代相改易,

服章之用,亦有不同,斯則不襲之義

也。

中山。 平鄴,入於關右。 **周,而**絃管具矣。 分崩,頗有遺失。 永嘉已下,海內分崩,伶官樂器,皆爲劉聰、石勒所獲,慕容儁平冉閱,遂克之。曰 自始祖內 和魏晉,二代更致音伎,穆帝爲代王,愍帝又進以樂物,金石之器雖 逮太祖定中山,獲其樂縣,旣初撥亂,未遑創改,因時所行而用之。 苻堅旣敗,長安紛擾,慕容永之東也,禮樂器用多歸長子,及垂平永,並入 王猛 有 世歷

未

奏八佾舞,次奏送神曲。 門,奏王夏,太祝迎神于廟門,奏迎神曲,猶古降神之樂,乾豆上,奏登歌,猶古清廟之樂,曲 禮,咸奏舞八佾之舞, 孟夏有事于東廟, 用樂略與西郊同。 終,下奏神祚,嘉神明之饗也;皇帝行禮七廟,奏陛步,以爲行止之節,皇帝出門,奏總章,次 用 八佾,舞皇始之舞。 天興元年冬,詔尚書吏部郎鄧淵定律呂,協音樂。 皇始舞,太祖所作也,以明開大始祖之業。 又舊禮:孟秋祀天西郊,兆內壇西,備列金石,樂具,皇帝入兆內行 及追尊皇曾祖、皇祖、皇考諸帝, 太祖初,冬至祭天于南郊圓丘, 後更制宗廟。 皇帝入 廟 樂

時饗會亦用焉。凡樂者樂其所自生,禮不忘其本,掖庭中歌眞人代歌,上叙祖宗開基所由, 下及君臣廢興之跡,凡一百五十章,昏晨歌之,時與絲竹合奏。 舞。正月上日,饗羣臣,宣布政教,備列宮懸正樂,兼奏燕、趙、秦、吳之音,五方殊俗之曲。四 樂用皇矣,奏雲和之舞,事訖,奏維皇,將燎,夏至祭地祗於北郊方澤,樂用天祚,奏大武之 郊廟宴饗亦用之。

虎及諸畏獸、魚龍、辟邪、鹿馬仙車、高絙百尺、長趫、緣橦、跳丸、五案以備百戲。 於殿庭,如漢晉之舊也。 六年冬,詔太樂、總章、鼓吹增修雜伎,造五兵、角觝、麒麟、鳳皇、仙人、長蛇、白象、白 太宗初,又增修之,撰合大曲,更爲鍾鼓之節 大饗設之

世 祖破赫連昌,獲古雅樂,及平涼州,得其伶人、器服,並擇而存之。 後通西域,又以悅

般國鼓舞設於樂署。

高宗、顯祖無所改作。 諸帝意在經營,不以聲律爲務,古樂音制,罕復傳習,舊工更盡,

聲曲多亡。

於時卒無洞曉聲律者,樂部不能立,其事彌缺。 ·,

弁訪吏民,

有能體解古樂者,與之修廣器數,

甄立名品,以諧八音。 太和初,高祖垂心雅古,務正音聲。 時司樂上書,典章有闕,四求集中祕羣官議定其 然方樂之制及四夷歌舞,稍增列于太樂。金 韶「可」。雖 經 衆議

石羽旄之飾,爲壯麗於往時矣。

五 年 ·,文明 太后、 、高祖 並爲歌章,戒勸上下,皆宣之管絃。

七 年秋,中 書監高允奏樂府歌詞,陳國家王業符瑞及祖宗德美, 又隨時歌謠,不準古

舊,辨雅、鄭也。

十一年春,文明太后令曰:「先王作樂,所以和風改俗,非雅曲正聲不宜庭奏。 可集新

舊樂章,參探音律,除去新聲不典之曲,裨增鍾縣鏗鏘之韻。」

以播 官,實須任職,不得仍令濫吹也。」遂簡置焉。 故使樂章散缺,伶官失守。 德於無外。 十五年冬,高祖詔曰:「樂者所以動天地,感神祇, 由此言之,治用大矣。 今方釐革時弊, 逮乎末俗陵遲,正聲頓廢,多好鄭衞之音以 稽古復禮,庶令樂正雅頌, 調陰陽,通人鬼。 各得其宜。 故能關山川之風, 悦耳目, 今置樂

韻,粗 司樂失治定之雅音,習不典之繁曲。比太樂奏其職司,求與中書參議。覽其所請,愧感兼懷。 有周之季,斯道崩缺,故夫子忘味於聞韶,正樂於返魯。 用,其致遠矣,所以通感人神,移風易俗。 十六年春,又詔曰:「禮樂之道,自古所先,故聖王作樂以和中,制禮以防外。 有篇條。 自魏室之興,太祖之世尊崇古式,舊典無墜。 至乃簫韶 九奏,鳳皇來儀,擊石拊石, 逮漢魏之間,樂章復闕,然博採音 但干戈仍用, 文教未淳, 百獸率舞。 然音聲之 故令

閭 然 祖 外 崩 有 器 i 喪在 , 未 堪 識 此 詳 幾 富 用 躬 閭 者,任 志 未 量 忍 其参議 明 聞 えった。こ 此 o 毎間 (三)但禮樂事 也。」間 陳奏樂典,頗體音律, 歷年考度,粗 大,乃爲化之本,自 以成成 立,遇遷洛不 可 令 與 非通博之才,莫能措 太樂詳採 及精盡,未得施 古今, 以 備 意。 行 兹 典 中 尋屬 書 其 監 內

濫,作 去。 其 可 月,尚書李崇奏 令 中否, 論 座已下、 公孫崇 先是, 辨。 八月初,詣署集 ... 研 將 自斯 更調 間引給事 來, 窮 四門 音律 寧容 金 已降,莫有 前 博 石 一,辨括 士 聊 變 被旨 中公孫崇共考音律,景明中,崇乃上 議。 以上 爾 理音準,其書二卷弁 權衡。 詳之。 敕 但六樂該深,五聲妙遠。 試, 此 月下 以 便垂 若 兼 今旣草創,悉不窮解 旬集太樂署, 可 太樂令公孫崇更調 一竹帛。 施用 (``別以聞請。」制「可」。時亦未能考定 今請依前 表 悉付 考論 治 十 治 書。 至 同 所召之官幷博聞通學之士 雖 如 金石,幷其 異, 仲尼淵識, 夫禮 微有詰論 言樂事。 博採古今, 樂之 書表付 事 ,略無究悉。 正始 故將忘 `, 有 以 外考試 元年秋, 成 或 味; 所 一代之典 也 重 更申 吳札善聽,方 ,登依旨敕 方欲 可 詔 日:「太樂 依 也。」十 商推 其請 淫 以

字內,兇醜尙繁,戎軒仍動,制禮作樂,致有闕如。 四 年 春,公孫崇復表言「伏惟皇魏龍 躍 鳳舉,配 高 天光宅。 祖孝文皇帝德鍾後仁之期,道協先 世 祖 太武皇帝革靜 荒 嵎,廓

代 軍、尚書右僕射臣高肇器度淹雅,神賞入微,徽讚大猷,聲光海內,云宜委之監就, 才,詔曰:「王者功成治定,制禮作樂,以宣風化,以通明神,理萬品,贊陰陽,光功德,治之大 載,豈遠乎哉。 六十餘韻,又有交始、五行、勺舞。「於」太祖初興,置皇始之舞,復有吳夷、東夷、西戎之舞。樂 謬,其來久矣,頃蒙付||幷|||民||王顯進所獻古銅權,稽之古範,考以今制,鍾律準度,與權參 章,或文或武,以旌 不同,漢之祖宗,廟樂又別。 府之內,有此七舞。太和初,郊廟但用文始、五行、皇始三舞而已。守獨惟周之文武,頌聲 合。 迄今,率多褫落,金石虛懸,宮商未會。 管絃,略以完具,八音聲韻,事別粗舉。 實允所寄。乃命閻廣程儒林,究論古樂,依據六經,參諸國志,錯綜陰陽,以制聲律。 天之日,顧雲門以興言,感簫韶而忘味。 典謨之美。昔晉中書監荀勗前代名賢,受命成均,委以樂務,崇述 昔造猶新,始創若舊,異世同符,如合規矩。 謹卽廣搜秬黍,選其中形,又採梁山之竹,更裁律呂,制磬造鍾,依律並就。 叉 (先帝) 功德。 明詔 自非懿望茂親、雅量淵遠、博識洽聞者其孰能識其得失。 ,內外儒林亦任 伏惟皇魏四祖、三宗,道邁隆周,功超鴻漢,頌聲廟樂,宜有表 伏惟陛下至聖承天,纂戎鴻烈,以金石未協,詔臣 值遷邑崧瀍,未獲周密,五權五量,竟不就果。 以故中書監高閭博識明敏,文思優洽,紹蹤成均, 高間 申請。 樂府先正聲有王夏、肆夏、登歌、鹿鳴之屬 **今之所須**, 求依 舊章,儀刑 前比。一 古典, 世宗 但權量差 事 知肇 以成 衞 光 自爾 緝 皇 非 將

本,所宜詳之。可令太常卿劉芳亦與主之。」

度依 是芳主修營。 請 善者。」詔「可」。一芳上尚書言:「調樂諧音,「亞」本非所曉,且國之大事,亦不可決於數人。 宗之茂 器 頗 其 《解雅樂正聲,八佾、文武二舞、鐘聲、管絃、登歌聲調,芳皆請令教習,參取是非 所 并 更集朝彦,衆辨是非,明取典據,資決元凱,然後營制。」肇及尚書邢巒等奏許,詔「可」。於 五度五 經,而聲 以, 永 平二 功,垂之後王。 稱 必依 一年秋, 量,太常 調差謬。 時揚州民張陽子、義陽民兒鳳鳴、陳孝孫、戴當千、吳殿、陳文顯、陳成等七人 經文, 尚書令高肇,尚書僕射、淸河王懌等奏言:「案太樂令公孫崇所造八音之 卿劉芳及朝 、聲則不協,以情增減, 臣等參議、請使臣芳準依周禮更造樂器,事訖之後,集議 不刊之制,宜憲章先聖,詳依經史。 之儒學,執 諸經傳,考辨合否,尺寸度數悉與周禮 殊無準據。 竊 惟樂者皇朝治定之盛 且二漢、魏、晉歷諸儒 並呈,從 事 哲、未聞 T, 光贊 不 同 其 祖 問

家之德美。」詔芳與侍中崔光、郭祚,黃門游肇、孫惠蔚等四人參定舞名幷鼓吹諸曲 功德。自己晉氏失政,中原紛蕩。 冬,[10]芳又上言:「臣聞樂者, 感物 施之郊廟, 永 平三年冬,芳上言:「觀古帝王,罔不據功象德而制舞名及諸樂章,今欲教文武二舞, 請參制二舞之名。 竊觀|漢|魏已來,鼓吹之曲亦不相緣,今亦須制新曲,以揚皇 劉石以一時姦雄,跋扈魏趙,苻姚以部帥强豪,趦趄關輔。 移風, 諷氓變俗,先王所以教化黎元,湯武所以 [改章 其 年

旨,賜令博採經傳,更制金石,幷教文武二舞及登歌、鼓吹諸曲。 擊拊會節,元日大饗,則須陳列。 闕,詢求靡所,故頃年以來,創造非一,考之經史,每乖 公卿幷一時儒彥討論終始,莫之能異。 鼓舞之式,尚闕於庭陛。 於是禮壞樂隳,廢而莫理。 如蒙允許,賜垂敕判。」 韶曰:「舞可用新,餘且仍舊。」鼓吹雜曲遂寢焉。 臣忝官宗伯,禮樂是司,所以仰慚俯愧,不遑寧處者矣。 大魏應期啓運,奄有萬方,雖日不暇給,常以禮樂爲先。 旣歲聿云暮,三朝無遠,請共本曹尙書及郎中部率呈試 **謹以申聞,請與舊者參呈。** 典制。 **遂使鏗鏘之禮,未備於郊** 今始校就,謹依 若臣等所營形合古制, 前敕、延集 自獻 古樂虧 春被 廟;

陽王雍等奏停之。 初,御史中尉元匡與芳等競論鍾律。 孝明帝熙平二年冬,江三匡復上言其事,太師、 高

先是,有陳仲儒者自江南歸國,頗閑樂事、〕請依京房,立準以調八音。 神龜二年夏,有

司問狀。仲儒言:

頗愛琴,又嘗覽司馬彪所撰續漢書,自即見京房準術,成數昞然,而張光等不能定。仲儒 不量庸昧,竊有意焉。 不能定絃之急緩,聲之淸濁。仲儒授自何師,出何典籍而云能曉。」但仲儒在江左之日, 前被符,問:「京房準定六十之律,後雖有器存,〔1三曉之者尠。至熹平末,張光等猶 遂竭愚思, 鑽研甚久。 雖未能測其機妙, 至於聲韻,頗有所得。

奪倫 會歌 與微 度量 千 聲清濁 至於準 里。 管 濁 衡 之韻 ,若分 皆 歷, 者,本以代律,取其分數,調核樂器, 如不 自 非管應時候,聲驗吉凶,則是非之原,諒亦難定。 得應合。 出 練此,必有 ;若善琴術,則 數 自黃鍾、雖造管察氣、經史備有,但氣有盈虛, 加 短 雖積 ,則六十徵羽 乖謬。 黍驗氣,取聲之本,淸濁諧會,亦須有方。 知 五 調 調音之體。 類皆小清。 則宮商 語其大本,居然微異。 參此二途,以均樂器,則自然應和 易辨。 若尺寸小長, 此 黍有 則非 巨細, 一件儒 若閑 至於清濁 差之毫氂,失之 淺識所 則六十宮商相 準意, 敢聞 相宣,諧 則辨 "; 不 . 相 五

爲商 爲十二之窮,曰曰變律之首。依京房書,中呂爲宮,乃以去滅爲商,執始爲徵,然後方韻。 取中呂爲徵,其商角羽並無其韻。 林 五. 依 鍾 聲 公孫崇 二之律 次第 ,蕤賓 爲徵,則宮徵相順。若均之八音,猶須錯採衆聲,配成其美。 案後漢順 必須 ,自是不足。 止以十二律聲,自己而云還相爲宮,淸濁悉足,非唯未練五 爲徵,則徵濁 次第爲宮,而商角徵羽以類從之。 帝陽嘉二年冬十月,行禮辟雍,奏應鍾,始復黃鍾作樂,器隨月律。 何者。黃鍾爲聲氣之元,其管最長,故以黃鍾爲宮,太蔟爲商, .而宮淸,雖有其韻,不成音曲。若以夷則爲宮,則十二律中唯得 若以中呂爲宮,則十二律內全無所取。何者? 尋調聲之體,宮商宜濁,徵羽用 若以應鍾 調 調器 之法,至於 爲宮,大呂 清。若 中呂 是爲

而崇乃以中呂爲宮,猶用林鍾爲商,[12]黃鍾爲徵,何由可諧。仲儒以調 五聲,非 準不妙。 若如嚴嵩父子,心賞淸濁,是則爲難。若依案見尺作準,調絃緩急,淸 和樂器,文飾

濁可以意推耳。

律清濁之節。[三]其餘十二絃,須施柱如筝。又凡絃皆須豫張,使臨時不動,即於中絃 徵旣定,又依琴五調調聲之法,以均樂器。其瑟調以宮爲主,清調以商爲主,平調以角 案盡一周之聲, 气 三度著十二絃上。 促,雖復離朱之明,猶不能窮而分之。雖然仲儒私會考驗,但前却中柱,使入準常尺分 與琴宮相類。 之內,「三則相生之韻已自應合。分數旣微,器宜精妙。其準面平直,須如停水,其中絃 千六百八十三分。然則於準一分之內,乘為二千分,[10]又為小分,以辨强弱。中間至 四十七分,一尺之內爲萬九千六百八十三分,又復十之,是爲於準一寸之內亦爲萬九 餘十二絃復應若爲?致令攬者望風拱手。口亞又案房準九尺之內爲一十七萬七千一百 中一絃,令與黃鍾相得。案畫以求其聲,日己遂不辨準須柱以不?柱有高下,絃有粗細, 一柱,高下須與二頭臨岳一等,移柱上下之時,不使離絃,不得舉絃。又中絃粗細,須 但音聲精微,史傳簡略,舊志唯云準形如瑟十三絃,隱間九尺,以應黃鍾九寸,調 中絃須施軫如琴,以軫調聲,令與黃鍾一管相合。中絃下依數盡出六十 然後依相生之法,以次運行,取十二律之商徵。 商

三五五 調各以一聲爲主,然後錯採衆聲以文飾之,方如錦繡

之者 準。 爲 儒 奇 尋準之分 哉 欲教 旣 自 未 L 但仲儒 識 而 代 其器,又焉能施絃也? 數,精微如彼,定絃緩急,艱難若此。 無從,心達者體 來消息調 自省膚淺,才非一足,正 準之方並史文所略,自己出仲儒所思。 知 而 無師」。苟有一毫所得,皆關心抱,豈 且燧人不 可粗 師資而習火,延壽不束脩以變律,故云「知 . 識音韻,纔言其理致耳。 而 張光等親掌其事,尚 若事 有 乖此,聲則不和。仲 必要經 不 知 師授然後 藏 中 有

說 時尚 己心,輕欲制作。 而 [書蕭寶夤奏言:「金石律呂,制度調均,中古已來尠或通曉。 學不師授,云出己心,又言舊器不任,必須更造,然後克諧。 臣竊思量,不合依許。」詔曰:「禮樂之事,蓋非常人所明,可如所奏。」 仲儒雖粗述書文,頗有所 上違成敕用舊之旨,輒持

屬天下多難,終無制造。 正 光 中,侍中、安豐王延明受詔監修金石,博探古今樂事,令其門生河間信都芳考算 芳後乃撰延明所集樂說并諸器物準圖二十餘事而注之,不得

在樂署考正聲律也。

普泰中,前廢帝詔錄尚書長孫稚、太常卿祖瑩營理金石。 臣聞安上治民莫善於禮,移風易俗莫善於樂。 湯曰::'先王以作樂崇德,殷薦之上 永熙二年春,稚、瑩表日

帝,以配祖考。」書曰「憂擊嗚球、拊搏琴瑟以詠,祖考來格。」詩言志,律和聲,敦叙九 大矣哉! 形容,金石所以發其歌頌,薦之宗廟則靈祇饗其和,用之朝廷則君臣協其志,樂之時義 族,平章百姓,天神於焉降歆,地祇可得而禮。故樂以象德,舞以象功,干戚所 雖復沿革異時,晦明殊位,周因殷禮,百世可知 也。 以此其

成為 內難 時故 則,於今尙在。而一一代碩儒,斯文攸屬,討論之日,必應考古,深有明證 和,共用一笛,施之前殿,樂人尙存,又有沽洗、太蔟二格,用之後宮,檢其聲韻,復是夷 常卿劉芳以崇所作、體制差舛,不合古義、請更修營、被旨聽許。芳又釐綜,久而申呈。 宗、世祖 去世,未就其功。間亡之後,故太樂令公孫崇續修遺事,十有餘載,崇敷奏其功。 太平之緒,纂無爲之運,帝圖旣遠,王度惟新。 太樂令張乾龜答稱芳所造六格:北廂黃鍾之均,實是夷則之調,其餘三廂,宮商不 灰燼。 (孔殷,外敵滋甚。:永安之季,胡賊入京,燔燒樂庫,所有之鍾悉畢賊手,其餘磬石, 東平王元匡共相論駁,各樹朋黨,爭競紛綸,竟無底定。及孝昌已後,世屬艱虞, 太祖 重輝累耀,恭宗、顯祖誕隆丕基,而猶經營四方,匪遑制作。 !道武皇帝應圖受命,光宅四海,義合天經,德符地緯,九戎薦舉,五禮未詳。太 普泰元年,臣等奉敕營造樂器,責問太樂前來郊丘懸設之方,宗廟施安之 太和中命故中書監高閭草創古樂,閭尋 高祖孝文皇帝承 。乾龜之辨, 時太

恐是歷歲稍遠,伶官失職。 **芳**久殂沒,遺 文 銷 毁,無可遵訪。 臣等謹詳周禮,分樂而

六。 絕,漢魏已來,未能作者。案春秋魯昭公二十年,晏子言於齊侯曰:「先王之濟五味、 八十六枚。」漢成帝時,犍爲郡於水濱得古磬十六枚獻呈,漢以爲瑞,復依禮圖編懸十 爲徵,南呂爲羽,應鍾爲變宮,蕤賓爲變徵。一懸十九鍾,十二懸二百二十八鍾,八十 八風、九歌以相成也。」服子愼注云:「黃鍾之均,黃鍾爲宮,太蔟爲商,沾洗爲角,林鍾 和五聲也,以平其心,成其政也。聲亦如味,一氣、二體、三類、四物、五聲、六律、七音、 不具,則聲豈成文;七律不備,則理無和韻。八音克諧,莫曉其旨。聖道幽玄,微言已 太蔟爲徵,應鍾爲羽,若樂九變,人鬼可得而禮。至於布置,不得相生之次,兩均異宮, 四,不知何據。 四律。」卽如此義,乃可尋究。今案周禮小胥之職,樂懸之法,鄭注云:「鍾磬編縣之,二 並無商聲,而同用一徵。書曰:於予擊石拊石,百獸率舞,八音克諧,神人以和。計五音 爲宮,太蔟爲角,沽洗爲徵,南呂爲羽,若樂八變,地示可得而禮;黃鍾爲宮,大呂爲角, 去正始中,徐州薛城送玉磬十六枚,亦是一懸之器。 凡樂:圜鍾爲宮,黃鍾爲角,太蔟爲徵,沾洗爲羽,若樂六變,天神可得而禮;函鍾 魏侍中繆襲云:周禮以六律、六同、五聲、八音、六舞大合樂以致鬼神。 檢太樂所用鍾、磬,各一懸十

倫,元日備設,百僚允矚。雖未極萬古之徽蹤,實是一時之盛事。 塤、箎、筝、筑聲韻區別。蓋理三稔,於兹始就,五聲有節,八音無爽,笙鏞和合,不相奪 雲翹兼祀圓丘天郊,育命兼祀方澤地郊。今二舞久亡,無復知者。臣等謹依高祖所制 洗,舞武德,巡狩以祭四望山川,奏蕤賓,舞武始、大鈞以祀宗廟。祀圓丘、方澤,羣廟 義,以律呂爲之劑量,奏請制度,經紀營造。依魏晉所用四廂宮懸,鍾、磬各十六懸, 尺,周官考工記鳧氏為鍾鼓之分、磬氏為磬倨句之法,「云」禮運五聲十二律還相爲宮之 於祭之時則可兼舞四代之樂。

漢亦有雲翹、育命之舞,罔識其源,漢以祭天。魏時又以 可以備四代之樂。奏黃鍾,舞文始,以祀天地,奏太族,舞大武,以祀五郊、明堂,奏姑 今之樂官,徒知古有此制,莫有明者。又云:樂制旣亡,漢成謂韶武、武德、

廟奏武德、文始、五行之舞,孝文廟奏昭德、文始、四時、五行之舞,孝武廟奏盛德、文 奏永至,登歌再終,下奏休成之樂,通所作也。 淪 韶堯舜之異名,大夏、大濩禹湯之殊稱,周言大武,秦曰壽人。及焚書絕學之後,舊章 洞樂,高祖唐山夫人所作也。 滅,無可準據。漢高祖時,叔孫通因秦樂人制宗廟樂,迎神廟門奏嘉至,皇帝入廟門 竊惟古先哲王制禮作樂,各有所稱:黃帝有咸池之樂,顓頊作承雲之舞,大章、大 孝惠二年,使樂府令夏侯寬備其簫管,更名安世樂。高祖 高祖六年,有昭容樂、禮容樂,又有房中

晉氏之樂更名正德。 自昔帝王,莫不損益相緣,徽號殊別者也。 而皇魏統天百三十 載,至於樂舞,迄未立名,非所以聿宣皇風,章明功德,贊揚懋軌,垂範無窮者矣。 勃興、魏武廟樂改云韶武,用虞之大韶、周之大武,總號大鈞也。曹失其鹿,典午乘時, 昭德舞爲盛德。 名曰五行也,四時舞者,孝文所作,以明天下之安和也。孝景以武德舞爲昭德,孝宣以 舜韶舞,高祖六年更名曰文始,以示不相襲也,五行舞者,本周舞,秦始皇二十六年更 光武廟奏大武,諸帝廟並奏文始、五行、四時之舞。 及卯金不祀,當塗

裁訖,續復營造,尋蒙旨判。今六懸旣成,臣等思鍾磬各四,鈲鎛相從,〔曰〕十六格宮懸 后土於汾陰,皆盡用,明其無減。普泰元年,前侍中臣字及臣瑩等奏求造十二懸,六懸 踰牲,燕衣不踰祭服」,論語「禹卑宮室,盡力於溝洫」,「惡衣食致美於黻冕」。何有殿庭 言:「嚴父莫大於配天。」宗祀文王於明堂,以配上帝,卽五精之帝也。禮記王制「庶羞不 已足,今請更營二懸,通前爲八,宮懸兩具矣。一具備於|太極,一具列於顯陽。若圓丘、 之樂過於天地乎!失禮之差,遠於千里。昔漢孝武帝東巡狩封禪,還祀泰一於甘泉,祭 諸侯軒懸,大夫判懸,士特懸。皇后禮數,德合王者,名器所資,豈同於大夫哉。 孝經 案今后宮饗會及五郊之祭,皆用兩懸之樂,詳攬先誥,大爲紕繆。古禮,天子宮懸,

通。傳曰:「魯有禘樂,賓祭用之。」然則天地宗廟同樂之明證也。其升斗權量,當時未 、澤、上辛、四時五郊、社稷諸祀雖時日相交,至三用之無闕。孔子曰:周道四達,禮樂交

定,請卽刊校,以爲長準。

黑介幘、生黃袍、單衣白合幅袴,服同上。其魏晉相因,承用不改。古之神室,方各別 (正)德。 亡缺。 所,[三]故聲歌各異。今之太廟,連基接棟,樂舞同奏,於義得通 生絳袍、單衣絳領袖、CMOJ皂領袖中衣、虎文畫合幅袴、白布袜、黑韋鞮;文舞者進賢冠、 袴袜、黑韋鞮;文舞執羽籥,冠委貌,其服同上。 其奏於廟庭:[lē]武舞,武弁、赤介幘、 制,其祭天地宗廟:武舞執干戚,著平冕、黑介幘、玄衣裳、白領袖、絳領袖中衣、絳合幅 唐 今聖朝樂舞未名,舞人冠服無準,稱之文、武舞而已。 漢世唯有虞韶、周武、魏爲武始、咸熙、錯綜風聲、爲一代之禮。 晉無改造、易名 存六代之樂,雲門、咸池、韶、夏、濩、武用於郊廟,各有所施,但世運遙緬,隨時 依魏景初三年以來衣服

美。 周。 部 伏惟陛下仁格上皇,義光下武,道契玄機,業隆寶祚,思服典章,留心軌物,反堯 今日所有王夏、肆夏之屬二十三曲,猶得擊奏,足以闡累聖之休風,宣重 ,正聲歌五十曲,工伎相傳,間有施用。 自 中原喪亂,〔三晉室播蕩,永嘉 已後,舊章湮沒。 自高祖遷居,世宗晏駕,內外多事,禮物未 太武皇帝破平統萬,得古雅樂 光 之盛

舜 地 之 平,於是乎在。 淳 風 復文武 樂舞 之境 之名, 土,飾宇宙 乞垂旨 之儀 判。 刑,納生人於福地,道德 臣等 以愚昧參廁問道,呈御之日 熙 泰, 樂 載 伏增 新 惶懼 天成

詔:「其樂名付尙書博議以聞。」

第。 揚 宮陰極 於 者 帝 治定,於是乎在。 說,良無間然。又六代之舞者,以大爲名,今可準古爲大成也。 大業。」錄尚書事長孫稚巳下六十人同議申奏, 成 也 四 壽 作咸池之樂,顓 絲 海 人 滅 其 竹申 五, 學以後,經禮散亡,漢來所存,二舞而已。請以韶舞爲崇德,言三武舞爲章烈,總名曰 皇魏 漢樂章云『高張四縣,神來燕饗。』宗廟所設,宮懸明矣。 、體同至尊。理無滅降,宜皆用宮懸。其舞人冠服制裁咸同 漢爲大子,魏名大鈞,晉 夏,集羣官議之。 聲 其歌 道格三才,化清四字,弈世 有序,八音克諧,樂舞之名,宜以詳定。 詠。 及主上龍飛載造,景命惟新 項有承雲之舞,堯爲大章,舜則大韶 郊天 洞 地之道,雖 日正德。 載德,累葉 百世 雖三統 而 書軌· 可 知,奉神育民之理 詔 重光,或 互變,五 曰:「王者 自同? 案周 禹爲大夏,湯 以文 典刑 **兼六代之樂**,聲律 運代降,莫不述作相 功成作樂,治定制禮, 罔二,覆 教 計五郊天神,尊於 舊式。庶得以光贊 興邦,或 凡音樂以舞爲主,故干戈 ,經千載 爲 載 大濩,周日 均於 以武 丽 功,金石 所 不 因 兩儀 功平亂 施 昧。 一徽號殊 心成 大武 鴻功,敷 人鬼;六 一、仁澤被 以『成』 是以 播其風 功 有 別 黄 次 成 秦

黃鍾,終於中呂。今古雜曲,隨調舉之,將五百曲。恐諸曲名,後致亡失,今輒條記,存之於 句。 古雅,尤多亡矣。 其本意。又名多謬舛,莫識所由,隨其淫正而取之。 樂府。」瑩依而上之。九龍所錄,或雅或鄭,至於謠俗、四夷雜歌,但記其聲折而已,不 後太樂令崔九龍言於太常卿祖瑩曰:「聲有七聲,調有七調,以今七調合之七律, 初,侍中崔光、臨淮王彧並爲郊廟歌詞而迄不施用,樂人傳習舊曲,加以訛失,了無章 樂署今見傳習,其中復有所遺,至於 起於 能 知

祗、五郊、四時拜廟、三元、冬至、社稷、馬射、籍田、樂人之數,各有差等焉 過之屬,及江南吳歌、荆楚四聲,總謂清商。 過之屬,及江南吳歌、荆楚四聲,總謂清商。 初,高祖討淮、漢,世宗定壽春,收其聲伎。「高」江左所傳中原舊曲,明君、聖主、公莫、白 至於殿庭饗宴兼奏之。其圓丘、方澤、上辛、地

校勘記

軒轅桴阮瑜之管定小一之律 之陰, 是『瑜』當作『隃』,『小一』當作『十二』。」按呂氏春秋又云:「次制十二筒, 殿本考證云:「呂氏春秋:仲夏紀適音篇伶倫自大夏之西,乃之阮隃 以至阮隃之下,

樂

志

校勘記

聽鳳凰之鳴,以別十二律。」考證說是。

又有昧任離禁之樂 諸本「昧任離禁」作「靺昧任禁」。 盧文弨魏書樂志校補下簡稱盧校 云:「『靺』

即『昧』也,不當複出,又闕『離』字,今依爲官鞮鞻氏注補正。」按盧說是,今據 改。

又說「克之」。「克」當是「得」或「獲」之訛 莫容儁平冉閔遂克之 按此段說的是「伶官樂器」的轉移,「克」字不協,且上旣云「平」, 也不應

29 典章有闕 册府卷五六七六八〇六頁、通典卷一四二歷代沿革後魏條「典」作「樂」。 按「典」當是

「樂」之訛,但作「典」亦可通,今不改。

Ħ. 未忍聞此 諸本「聞」訛「闕」、今據册府卷五六七六八〇七頁改。

又有文始五行勺舞 諸本「文」作「皇」」盧校改「文」,云:「皇始在下文。」按下云「太祖初興、置皇

始之舞」、豈得先有此舞。今從盧校改。

. -L \Box 郊廟但用文始五行皇始三舞 有「中京造次」四字,疑這裏脫去。 而已

器度淹雅神賞入微徽讚大猷聲光海內 諸本「淹雅」作「徽雅」、「徽讚」作「淹讚」、册府同上卷頁作

「淹雅」「徽讃」。按文義册府是,今據改。

ナぃ 調樂諧音 百衲本「調」作「訂」,爲字不成,諸本作「詞」,當是以意補,於文義也未協,今據册府

同上卷頁補。

- 其年冬 按上云「永平三年冬」,又云「其年冬」,重複。 册府卷五六七五八〇九頁無此三字,若非
- 上文「冬」字訛,則此三字當是衍文。
- 爲此卷之十二頁。一九四四年商務印書館重印百衲本二十四史,依勵芸書屋據册府卷五六七 湯武所以[改章功德 自括號內「改章功德」至「頗閑樂事」,共二百八十九字諸本皆闕,在宋本
- 六八〇九頁及通典卷一四三歷代制造後魏條補頁補。 今據商務重印本魏書,加括
- 孝明帝熙平二年冬 「肅宗」。 按魏書於魏帝例稱廟號, 册府通典改稱 諡號,這裏「孝明帝」 原文 當作
- 後雖有器存 諸本脱「器」字、盧校據通典卷一四三補、今從補。
- 頗愛琴又嘗覽司馬彪所撰續漢書 七六頁,通典卷一四三作「愛」、「又」。按當時「授」「受」通用」「頗受琴文」,雖亦可通,然較晦, 且 諸本「愛」作「授」、「又」作「文」、册府同上卷頁、卷八五七一〇一
- 二吾 若依公孫崇止以十二律聲 卷八五七一〇一七七頁並有「依」字,今從盧校補 諸本脫「依」字,盧校據通典一四三補。按册府卷五六七六八一〇頁、

中呂爲十二之窮 諸本「窮」作「竅」,下注「疑」字,盧校據通典一四三改「窮」。 按七調起於黃

樂

志

校

勘記

鍾、終於中呂、見下崔九龍語、今從盧校改、並删「疑」字。

而崇乃以中呂爲宮猶 用林 鍾 爲商 諸 本 無「爲宮」二字, 盧校據通典卷一四三補。 按册府卷八

五七一〇一七七頁亦有「爲宮」二字,今從盧校補。

改。 按畫以求其聲 按續漢書律曆志上 諸本「畫」作「盡」、册府卷五六七作「尺」。 稱京房所製之準,「中央一絃,下有畫分寸,以爲六十律淸濁之節」。 通典卷一四三作「畫」, 盧校據通典 知

準刻劃分寸爲節,作「畫」是,今從盧校改。

二九 致令攬者望風拱手 册府: 卷八五七、通典卷一四三「望風」作「迎前」。 按原文當作「迎前」,但

作「望風」亦通,今不改。

乘爲二千分 諸本「千」作「十」,盧校據通典一四三改「千」。 按册府卷五六七六八一〇頁也作

「千」,今從盧校改。

使入準常尺分之內 盧校據通典一四三「準常」乙作「常準」。

中絃下依數盡出六十律淸濁之節 孫典卷一四三無「盡」字。 盧校「盡」字下注「疑畫」。 按據上

引續漢書律曆志、「盡」當是「畫」之訛。

卽於中絃案盡一周之聲 通典卷一四三「盡」作「畫」,疑是。

平調以角爲主 諸本「角」作「宮」、册府卷五六七作「徵」、卷八五七及通典卷一四三作「角」、盧

校據通典改「角」。按作「角」是,今從盧校改。

- **三**吾 自上代來消息調準之方並史文所略 諸本「自上代來」作「上來」二字,語較晦,今據册府卷八五
- 七一〇一七七頁、通典卷一四三補。
- 全台 **磐氏爲磐倨句之法** 諸本「句」字空格或注「闕」字。殿本考證云:「考工記:磬有倨句。 則此所

闕當是一『句』字。」按册府卷五六七六八二三頁正是「句」字,今據補。

鈲鎛相從 諸本「鎛」作「鐏」,删府卷八五七六八一四頁作「鎛」。按鎛是大鐘或云小鐘,「鐏」非樂

器,今據改。又「鈲」字册府作「釧」,皆非樂器。、稱雅釋樂:「大鍾謂之鏞,其中謂之剽。」、宋書卷

一九樂志云「剽音瓢」。疑「瓠」乃「瓢」形近而訛)「瓢」即「剽」。

「礙」,北、汲、局三本作「凝」,都大字作正文。 雖時日相交 百衲本「交」作「六」,旁注「疑」字。諸本無「交」或「六」字。 册府同上卷頁作「交」。按「六」是「交」的殘闕,不可 南本、殿本「疑」作

通,後人旁注「疑」字,南本以下諸本遂逕删「六」字,以意改「疑」爲「礙」或「疑」。今據册府改,並

- 其奏於廟庭
- 單衣絳河 領袖 諸本「絳」作「練」。按宋書樂志一作「絳」。上文已見絳及白、皂領袖,都以顏色識

不改。

删

「疑」字。

別、「練」乃「絳」形近而訛、今改正。

方各別所 册府同上卷頁「方」作「房」,疑是。

自中原喪亂 諸本「原」訛「煩」,不可通,今據册府同上卷頁改。

禮樂志:「文始舞者,日本舜招舞也。」「招舞」即「韶舞」。「武」乃涉下「武舞」而訛,今從盧校改。 請以韶舞爲崇德 諸本「舞」作「武」、盧校改「舞」。 按上云「漢來所存,二舞而已」。漢書卷二二

收其聲伎

諸本「伎」訛「役」,盧校據通典卷一四二改。按册府同上卷頁也作「伎」,今從盧校改。

魏書卷一百一十

食貨志六第十五

也。 州。且一夫不耕,一女不織,或受其飢寒者。飢寒迫身,不能保其赤子,攘竊而犯法,以至 死於干戈,或斃於飢饉,其幸而自存者蓋十五焉。 於殺身。迹其所由,王政所陷也。夫百畝之內,勿奪其時,易其田疇,薄其稅斂,民可使富 以九職任萬民,以九賦斂財賄。是以古先哲王莫不敬授民時,務農重穀,躬親千畝,貢賦九 旣飽且富,而仁義禮節生焉,亦所謂衣食足,識榮辱也。晉末,天下大亂,生民道盡,或 夫為國為家者,莫不以穀貨為本。 故洪範八政,以食為首,其在易曰「聚人曰財」,周禮

東平公儀 名馬三十餘萬、牛羊四百餘萬,漸增國用。 太祖定中原,接喪亂之弊,兵革並起,民廢農業。 墾闢河北,自五原至于個陽塞外爲屯田。 既定中山,分徙吏民及徒何種人、工伎巧十萬餘 初,登國六年破衞辰,收其珍寶、畜產, 方事雖殷,然經略之先,以食爲本,使

躬耕 盡參 家 以 籍 合 充京都 田 爲 率先 畿 內 各 之 給 百) 田 姓 耕 一。自後 牛,計 其 外 比 四 口 歲 方 授 四 田。 大 熟,匹 維 置 天 八 興初,制定京邑, 中八十餘 部 帥 以監之,勸 斛。 是 時 課 東至代郡 戎車不 農 耕, 量校 息, ·, 西 及善無,南 雖 收 頻 入, 有 以爲 年 , 極 獪 殿 陰館 未 最 足以 北 叉

買 牲 行 就 叉不 久 () 阜通 示不 園 贍 食 囿 Ш 熟 太宗 耕 一,毓 東。 貨貨 者 京畿 永 賄 長 祭無盛,不 敕 興 ,教行嬪婦,化治絲枲,教行臣妾,事勤 草木,教行 之內, 有 中,頻有 司 勸 路 樹者死. 課留農者 水旱,詔簡宮人非所當御及非執作伎巧, 有 、虞衡,山澤作材;敎行 行 饉。 無槨,不蠶 曰:「前志有之,人生 帝 以飢 將 者衣無帛,不績 遷都 藪牧,養蕃 於鄴 在 力役。」自是民皆力勤, 用 勤 者 博 鳥 う勤 喪 土 獸;教行 人無衰。 崔 則 浩 不 自餘 匱 計 敎行 百工,飭成 乃 出 凡 止 賜 庶 三農,生 鰥民。 於是 民之不畜者 故歲數豐穰, 器用 分簡 殖 神 、教行 九穀; 瑞二年, 尤 祭 貧 含者 教 無 商

泰常六年,詔六部民羊滿百口,調戎馬一匹。

牧滋

息

其 貢 世 以 旭 充 卽 (倉廩) 位,開 收其貨 拓 四 海,以五 物以實 方之民各有 庫 藏, 又於 歳時 其性,故修其 取鳥獸之登於俎用者 へ 教不 改其俗, 以 齊其 牣 膳 政不易其宜, 府

先 是,禁網疏闊,民多逃隱 天興中,詔採諸漏戶,令輸綸綿 自 後諸逃戶占為細繭羅

穀者甚衆。[1]於是雜營戶帥遍於天下,不隸守宰,賦役不周,戶口錯亂。 始光三年詔一切

罷之,以屬郡縣。

然山 於恭宗。 ,卑那單騎奔龜兹,舉國 ,大破之,虜其種落及馬牛雜畜方物萬計。 度歸遂入龜兹,復獲其殊方瓌詭之物億萬已上。是時方隅未克,帝屢親戎駕,而委政 神麍二年,帝親御六軍,略地廣漠。 眞君中,恭宗下令修農職之教,事在帝紀。 臣民負錢懷貨,一時降款,獲其奇寶異玩以巨萬,駝馬雜畜 分命諸將,窮追蠕蠕,東至澣海,西接張掖,北度燕 其後復遣成周公萬度歸西伐焉耆,其王 此後數年之中,軍國 用 足矣。 不 可勝 鳩

詔使者察諸州郡墾殖田畝、飲食衣服、閭里虛實、盜賊劫掠、貧富强劣而罰之, 高宗時,牧守之官,頗爲貨利。 太安初,遣使者二十餘輩循行天下,觀 風俗,視民所疾 自此牧

守頗改前弊,民以安業。

新。」其 具珍。 年七十已上太官厨食以終其身。 十二具,徑二尺二寸,鏤以白銀,鈿以玫瑰,其銘曰:「九州致貢,殊域來賓, 自太祖定中原,世祖 鍜 《年冬,詔出內庫綾綿布帛二十萬匹,令內外百官分曹賭射。 以紫金,鏤以白銀,範圍擬載,吐燿含真。 平方難,收獲珍寶,府藏盈積。 纖文麗質,若化若神,皇王御之,百 和平二年秋,韶中尚方作黃金 四年春,詔賜京師之民 乃作兹器, 錯用 一合盤 福惟

軍圍 錢。 밂 之制 之, 劉 顯 彧 祖 數年乃拔。 千 淮 刨 里 北 位 內納粟,千里外納米,上三品戶入京師,中三品 靑 親 、冀、徐、克、 行 山東 儉素,率先公卿,思所以賑益黎庶。 之民 司 成勤於征 五州 告亂請降, 戍轉運,帝深以爲念。 命將率衆 至天安、皇興 以援之。 入 遂因 他 州 旣臨 民貧富, 要倉、下三品 間 其 歲頻 境, 爲 大旱,絹 青冀懷 租 入 輸三等九 本 貮 匹千 州 進

足。」 軍 國 資 遂発之。 先是太安中,高宗以常賦之外雜 用,今頓罷之,臣愚以爲 未幾,復 調 如前,至是乃終罷焉。 不可。」帝曰:「使 調十五,頗 於 地 為煩 是賦 利 無窮,民力不竭, 重,將與除之。 斂 稍輕,民復 贈矣 尚書 百姓 毛 有 法仁 餘, 日 孰 與不 此 是

後 司 乃 漸 不 舊 檢 至 制 察 濫 、民間 惡,不 與 同 所 罪 依 織 尺 絹 度。 、布、皆幅 高祖延興三年秋七月,更立嚴制,令一準前式, 廣二尺二寸,長四十尺爲一匹, 六十尺為一 違者 端, 罪各有差, 令任服用。

絲,幽、平、幷、肆、岐、涇、荆、凉、梁、汾、秦、安、營、豳、夏、光、郢、東秦,司州萬年、 雍、華、定、相、泰、三路、豫、懷、兗、陝、徐、青、齊、濟、南豫、 匹、絮二斤、絲一斤、粟二十石,叉入 三匹,粟二石 太 和 八 年, 九斗,以爲官司之祿。 始準古班百官之祿,以品第各有差。 **| 帛一匹二丈,委之州庫,以供** 後 增調外帛滿二匹。 先是,天下戶以九品混 所調 東兗、東徐十九州 各隨其土所 調 外 之費。 Щ 至 通,戶 是,戶 ? 貢綿 其同 雁門、上 調 絹 增帛 帛 及

州華山 諸、東莞縣,雍州 武平昌縣、高密郡之昌安高密夷安黔陬縣,泰州 谷、靈丘、廣寧、平涼郡,懷州邵上郡之長平、白水縣,〔三〕青州北海郡之膠東縣、平昌郡之東 郡之夏陽縣,徐州北濟陰郡之離狐豐縣、「三東海郡之贛楡襄賁縣,皆以麻布充稅 馮翊郡之蓮芍縣、四成陽郡之寧夷縣、北 河東之蒲坂、 地郡之三原雲陽銅官宜 汾陰縣, 東徐 州東莞郡之莒、 君縣,華

九年,下詔均給天下民田:

諸男夫十五以上,受露田四十畝,「ミ゙」婦人二十畝,奴婢依良。 丁牛一 頭受田三十

畝,限四牛。 所授之田率倍之,三易之田再倍之,以供耕作及還受之盈縮

諸民年及課則受田,老兔及身沒則還田。 奴婢、牛隨有無以還受。

諸桑田不 在還受之限, 但通入倍田 分。 於分雖盈,沒則還田,不得 以充露 田 之

數。[刊不足者以露田充倍。

諸初受田者,男夫一人給田二十畝,課蒔餘,種桑五 十樹,棗五株,楡三根。 非 桑

之土,夫給一 畝、依法課蒔楡、棗。 奴各依良。 限三年種畢,不 畢,奪其不畢之地。 於

桑榆地分雜蒔餘果及多種桑榆者不禁。

諸 應還之田,不得種桑楡棗果,種者以違令論,地入還分。

食货志

桑 田皆爲世業,身終不還, 恒從見口。 有盈者無受無還,不足者受種 如法。 盈

賣其盈,不足者得買所不足。 不得賣其分,亦不得買過所足。

諸麻布之土,男夫及課,別給麻田十畝,婦人五畝,奴婢依良。 皆從還受之法

諸有舉戶老小癃殘無授田者,年十一已上及癃者各授以半夫田,年踰七十者不還

所受,寡婦守志者雖免課亦授婦田。

諸還受民田,恒以正月。 若始受田而身亡,及賣買奴婢牛者,皆至明年正月乃得

還受。

諸土廣民稀之處,隨力所及,官借民種蒔。 役有土居者, [公] 依法封授。

又不足家內人別減分。 諸地狹之處,有進丁受田而不樂遷者,則以其家桑田爲正 無桑之鄉準此爲法。 樂遷者聽逐空荒,不限異州他郡,唯不聽 田分,又不足不給倍田

避勞就逸。其地足之處,不得無故而移。

諸民有新居者,三口給地 畝 ,以爲居室,奴婢五口給一畝。 男女十五以上,因

地分,口課種菜五分畝之一。

受,先貧後富。 諸一人之分,正從正,倍從倍,不得隔越他畔。 再倍之田,放此爲法。 進丁受田者恒從所近。 若同時俱

諸遠流配謫、無子孫、及戶絕者,墟宅、桑楡盡爲公田,以供授受。 授受之次,給其

所親,未給之間,亦借其所親。

郡丞六頃。更代相付。賣者坐如律。 諸宰民之官,各隨地給公田,[c]刺史十五頃,太守十頃,治中別駕各八頃,縣令、

子不從役。孤獨癃老篤疾貧窮不能自存者,三長內迭養食之。」 大率十匹爲公調,[10]二匹爲調外費,三匹爲內外百官俸,此外雜調。民年八十已上,聽一 |沖上言:「宜準古,五家立一隣長,五隣立一里長,五里立一黨長,長取鄉人强謹者。 隣長復 口當未娶者四,耕牛二十頭當奴婢八。其麻布之鄉,一夫一婦布一匹,下至牛,以此爲降。 一夫,里長二,黨長三。所復復征戍,餘若民。三載亡愆則陟用,陟之一等。其民調,一夫 婦帛一匹,粟二石。民年十五以上未娶者,四人出一夫一婦之調;奴任耕,婢任績者,八 魏 初不立三長,故民多蔭附。蔭附者皆無官役,豪强徵斂,倍於公賦。十年,給事中李

以通有無,并乘定賦,所以均勞逸。有無通則民財不匱,勞逸均則人樂其業。此自古之常 書奏、諸官通議、稱善者衆。 高祖從之,於是遣使者行其事。 乃詔曰:「夫任土錯貢,所 又隣里鄉黨之制,所由來久。欲使風敎易周,家至日見,以大督小,從近及遠,如身

事施行後,計省昔十有餘倍。於是海內安之。 所牧守,宜以喻民,使知去煩卽簡之要。」初,百姓咸以爲不若循常,豪富幷兼者尤弗願也。 之鄉無異。致使淳化未樹,民情偸薄。朕每思之,良懷深慨。今革舊從新,爲里黨之法,在 益。故鄭僑復丘賦之術,鄒人獻盍徹之規。雖輕重不同,而當時俱適。自昔以來,諸州戶 之使手,幹之總條,然後口算平均,義興訟息。是以三典所同,隨世洿隆,貳監之行,從時損 重之殊;力役同科,無衆寡之別。 口,籍貫不實,包藏隱漏,廢公罔私。富强者幷兼有餘,貧弱者餬口不足。賦稅齊等, 雖建九品之格,而豐埆之土未融;雖立均輸之楷,而蠶績 無輕

商皂隸,逮于六鎭邊戍,幾內鰥寡孤獨貧癃者,皆有差。 具、內庫弓矢刀鉾十分之八、外府衣物繒布絲纊諸所供國用者,以其太半班齎百司,下至工 察,郊甸間甚多餧死者。時承平日久,府藏盈積,詔盡出御府衣服珍寶、太官雜器、太僕乘 主司審覈,開倉賑貸。其有特不自存者,悉檢集,爲粥於術衢,以救其困。 民就豐。行者十五六,道路給糧稟,至所在,三長贍養之。遣使者時省察焉。留業者,皆令 十一年,大旱,京都民飢。 加以牛疫,公私闕乏,時有以馬驢及橐駝供駕輓耕載。 然主者不明牧 詔

餘,各立官司,豐年糴貯於倉,時儉則加私之一,糶之於民。曰曰如此,民必力田以買絹,積財 十二年,詔羣臣求安民之術。 有司上言:「請析州郡常調九分之二,京都度支歲用之

幷征戍雜役。行此二事,數年之中則穀積而民足矣。」帝覽而善之,尋施行焉。 自此公私豐 陸之宜,斷頃畝之數,以贓贖雜物市牛科給,令其肆力。一夫之田,歲責六十斛,甄其正課 以取粟。 官,年登則常積,歲凶則直給。又別立農官,取州郡戶十分之一,以爲屯民。 相水

贍,雖時有水旱,不爲災也。

之備。 駝將半之,牛羊則無數。高祖卽位之後,復以河陽爲牧場,恒置戎馬十萬匹,以擬京師軍警 正光以後,天下喪亂,遂爲羣寇所盜掠焉。 世祖之平統萬,定秦隴,以河西水草善,乃以爲牧地。 每歲自河西徙牧於丹州,以漸南轉,欲其習水土而無死傷也,而河西之牧彌滋矣。 **畜產滋息,馬至二百餘萬匹,**

鑄鐵爲農器、兵刃,在所有之,然以相州牽口冶爲工,故常鍊鍛爲刀,送於武庫。 漢中舊有金戶千餘家,常於漢水沙淘金,年終總輸。 Ш 有銀鑛,八石得銀七兩,錫三百餘斤,其色潔白,有踰上品。 世宗延昌三年春,有司奏長安驪山 有銀鑛,二石得銀七兩。 後臨淮王 ||彧爲梁州刺史,奏罷之。 詔並 其年秋,恒州又上言,白登 置銀官,常令採鑄。 其 叉

之屬 無遠不 自 魏 德旣廣,西域、東夷貢其珍物,充於王府。 又於南垂立互市, 至。 神龜、正光之際,府藏盈溢。 靈太后曾令公卿已下任力負物而取之,又數 以致南貨, 羽毛齒革

賚禁內左右,所費無貲,而不能一丐百姓也。

於小平、石門、自己白馬津、漳涯、黑水、濟州、陳郡、大梁凡八所,各立邸閣,每軍國有須、應 之兵、營起屯田、又收內郡兵資與民和糴、積爲邊備。 自徐揚內附之後,仍世經略江潍,於是轉運中州,以實邊鎮,百姓疲於道路。 有司又請於水運之次,隨便置倉,乃 乃令番戍

船 州 絹及貲麻皆折公物,雇車牛送京。道險人弊,費公損私。略計華州一車,官酬絹八匹三丈 九尺、別有私民雇價布六十匹,河東一車、官酬絹五匹二丈、別有私民雇價布五 機漕引。自此費役微省。 剩絹七十八匹,布七百八十匹。 艘、舉十三車、車取三匹、合有三十九匹、雇作手幷匠及船上雜具食直、足以成 那,雖未練多少,推之遠近,應不減此。 近者一石布一匹。準其私費, 門都將醉欽上言:「計京西水次汾華二州、恒農、河北、河東、正平、平陽五郡年常綿 一車布遠者八十匹,近者四十匹。 又租車一乘,官格四十斛成載,私民雇 今求車取雇絹三匹,市材造船,不勞採斫。 造船一 價,遠者五 艘,計舉七百 十匹。 一斗布一 計一 計船 自餘

更召。 所。 私 石 干一 準 爲 便。」 船之所 其雇 汾州 百 匹。 價 運 有 ()應有 租 叉 唯達 其 . 調 造 之處, 一千 潘陂。 船 冱 之處,皆 去汾不 百 其陸路從擂陂至倉庫, 匹。 須 過 今取 鋸 日 材 里, 布 人 三百 華州 功 幷削 匹,造 去 河不滿六十, 船站 譋 船 車雇絹 依 艘幷 功 船 多 並 一匹,租 小 上 令 , 覆治雜 計程 卽 給 依 當 車 事 舊 州 布 郡 酬 五. 價 門 匹 船 兵, 一,則 車 有 於公 送 不 剩 船 假 布

實,脫 塡所損。 納 險 無容 Ħ 州 雕 以 郡 跡 通 不 迅 隨 至 驗 四 綱 尙 有 驚 得 運 載之宜 依。 典 未 書度支郎中朱元旭計稱:「效立於公,濟民爲本,政列於朝,潤 至 乖越,別 雜 千里,未易 今始 、各受 彰 合 京 '', 而 宜令 消將 開 違 租 ,有漢 指 創 更裁量。」尚書崔休以爲刳木爲舟,用興上代, 失 共 調 取 况 不可 其功。 常體。 监 於 雇 基善。 穿引 愼,如 將所,三三然後付之。 車之物,市 一受納 懸生減折, 然旣陳 必使量 所云 有耗損,同其陪徵。口門河 百川 材 以船代車,是其策之長者。 便利,無容 上數下,謹 執 之用。 具依請營立。 作,及 厥績 倉庫 + 輒 其受入, 車 抑。 所 顯 之中 須 於當 若效 中 」, 留 年之後, ,悉以營辦。 自餘 缺 時,嘉聲播 充 失,專歸 車 其說,則 若以 士四 如 須 鑿渠 其 知 門兵造舟,便 人佐其守護。 列。 運司。 於 七月之始, 贏 附 通 圖 國 費。 例 運, 是先。 計底柱 史。 陋 輸京之時, 利 嵗 庸, 今校 盡 遣 十月 之難 如 爲 故 中 御 粟帛 其 大禹 薛 闕 史校其虚 初 不 號 彼 欽 聽其 E ·驗,徵 句, 防禦, 之說, 疏 是以 船之 爲 決, 刨 天 令

關西 高陽王 此冬閑月,令疏通咸訖,比春水之時,使運漕無滯。」詔從之,而未能盡行 此請蒙遂, 治,使理 用舟檝。 次, 洛之饒。 事高 存;討虜之通幽冀,古迹備在。 通,遠近必至,苟利公私,不宜止在前]驗,斯損益不可同年 輓 校計 晉世 面 河渭 已,若 雍 有可通,必無壅滯。 利饒, 尚 若船數有闕,且賃假充事,比之僦車,交成息耗。 况乃漳洹夷路, ,留侯以爲偉談,方舟蜀漢,酈生稱爲口實。 必須 其爲 域 .書僕射李崇等奏曰:「運漕之利,今古攸同,舟車 溝 、內同行,足爲公私 **猶為不** 利益,所 洫 通 流, ·
而語。 少。 從來久矣。 河湾 卽 其欽 求 如此,則發召匪多,爲益實廣,一 請諸通水運之處,皆宜率同此式。 開 平流, 而不 舟車省益,理實 所列州郡,如請 興 巨盆 、修築。 案欽 件。 **謹輒參量**,備如 均彼省煩,同兹巨益。 所列,實允事宜;郎中之計,備盡公理。 昔人乃遠通褒斜 或先以開治,或古跡仍在,舊事可 相懸,水陸難易,力用不等。 興造。 豈直張純之奏,見美東都,陳勰之功, 東路諸州皆先通水運,今年 前計,庶徵 以利關中之漕,南達交廣以增京 其先未通流, 息耗, 爾暫勞,久安永 縱復五百、三百里,車運 且鴻溝之引宋衛, 召有 實相 也 減, 殊絕。 宜遣 昔忝 勞 因 逸。」 檢行,閑月修 止小 ,用功差易。 欽 東 但舟檝 之所 錄 租調,悉 州 康。 史牒具 尙 親 列 水 逕 所

正 |光後,四方多事,加以水旱,國用不足,預折天下六年租調而徵之。 百姓怨苦, 民不

堪命。 竭。 後寇賊轉衆,諸將出征,相繼奔敗,所亡器械資糧不可勝數,而關西喪失尤甚,帑 五十六斤,米五萬三千九百三十二石。 十斛,麪三十萬五百九十九斤。其四時郊廟、百神羣祀依式供營,遠蕃使客不在 有司又奏內外百官及諸蕃客稟食及肉悉二分減一,計終歲省肉百五十九萬九千八百 有司奏斷百官常給之酒,計一歲所省合米五萬三千五十四斛九升,孽穀六千九百六 藏益 斷 限。 以空 爾

孝昌二年冬,自己稅京師田租畝五升,借賃公田者畝一斗。 又稅市, 入者人一 錢,其店

含又爲五等,收稅有差。

外州郡倉七百石者,京倉三百石者,授縣維那 出 栗四千石入京倉者,授本州統,若無本州者,授大州都,自己若不入京倉,入外州郡倉者, 四千石,散子,三千石,散男。 (身),一千石,加一大階;無第者輸五百石,聽正九品出身,一千石,加一大階。 `\畿郡都統,依州格;若輸五百石入京倉者,授本郡維那,其無本郡者, 授以外郡; 莊帝初,承喪亂之後,倉廩虛罄,遂班入粟之制。 職人輸七百石,賞一大階,授以實官。 輸票八千石,賞散侯;六千石,散伯; 白民輸五百石,聽依第 諸沙門有輸 栗入

稟各四十日。 孝 靜 天平初,以遷民草創,資產未立,詔出粟一百三十萬石以賑之。三年夏,又賑遷民 其年秋,并、肆、汾、建、晉、泰、陝、東雍、 南汾九州霜旱,民飢流散。 四年春,

詔 班 所 海 在 內 開 悉 倉 赈 以 恤 四 之, 十 户 而 爲 死 度。 者 甚 天 衆。 下 利 時 諸 州調絹不依舊式, 齊獻武王 以其害民, 興 和 三年冬,

朝 不少。 司 則 此 所。 之民 貴 池 罷 得 事 而 封 天 其 資 取 闕 護 藏 推 且 叉 禁, 益 河 颠 及鼓 十一 ,或近者吝守 東 禁之爲便。 非 資育 自 請 輒 與百 郡 延 由 依 可 障 之稅。 吹主 興 有 稍 常禁為 羣 吝 姓 貴賤 鹽 末, 計。 生 共 簿 9 池 自古 之。 强 復 任 王後 一舊立 允。 後中 防姦息暴,斷遣輕重,亦準前旨。 仰 弱 立 口 卑賤遠 惟 監 及今, 相 其 0 興等詞 詔 尉 先 官司 陵 國 若 司 依 甄 朝限者,亦 , 量 用 無大 來, 聞 琛 琛 取 所須 以收稅 稱請 工
其
貴 於遠 計。 啓求 輙 超 宥 以 然 罪 供 、賤,節 别 近 罷禁,被敕 次,所 乃 利, 絕 不 百官食 爲 合推 爲 望。 茍 條 神 繞 是時罷之,自己而民 其賦 濟 與細 龜 制 斷 池之民尉保光等擅 是 鹽二 爲 取 初 以因 入,於是公私 付議 廣。 民 大太 詳 足 一萬斛 競兹 度二三, 師、 而 置 自 所置監司 틴。 主 尚 贏 之外,歲 高 爾 司, 書執 霑 陽 利。 自後豪貴之家復乘 洽,遠 深 王 兼 有 **令其裁察**, 奏,稱 但利起 雍 利。 那 富 求 自 ,太傅、淸河王 王 固 輸 强 近 同往式。」於是復置監官 法。 世 者 護, 齊平, 琛 馬 天 宗 專擅 啓 千匹、牛五 語其 池 卽 臣等商 强 坐 取取 位 公私 弱 其 談 障 則 用, 相 勢 用 政 懌等奏:「 禁, 量, 兩 兼 理 無 占 存 百 貧弱 宜 奪 法 寬 請 倍 務 頭 行行 或或 近近 簡 依 於 儲 者 令 先 官 豪 以 益 得 鹽 池 不 復

以監檢焉。其後更罷更立,以至於永熙。

十萬九千七百二斛四升。軍國所資,得以周贍矣。 四 百五十二,幽州置竈一百八十,青州置竈五百四十六,又於邯鄲置竈四,計終歲合收鹽二 自遷鄴後,於滄、瀛、幽、靑四州之境,傍海養鹽。 滄州置竈一千四百八十四,瀛州置竈

初,京師及諸州鎭或鑄或否,或有止用古錢,不行新鑄,致商貨不通,貿遷頗隔 備爐冶,民有欲鑄,聽就鑄之,銅必精練,無所和雜。世宗永平三年冬,又鑄五銖錢。 五銖」,詔京師及諸州鎭皆通行之。內外百官祿皆準絹給錢,絹匹爲錢二百。 |魏初至於||太和,錢貨無所周流,高祖始詔天下用錢焉。十九年,冶鑄粗備,文曰「太和 在所遣錢工

鑄,隨利改易,故使錢有小大之品。 異。 法,於是圜貨始行,自己定銖兩之楷。 奉順天德,治國安民之本也。夏殷之政,九州貢金,以定五品。 聖人之大寶曰位,何以守位曰仁,何以聚人曰財。』財者,帝王所以聚人守位,成養羣生, 吳濞、鄧通之錢,收利遍於天下,河南之地,猶甚多焉。 熙平初,尚書令、任城王澄上言:「臣聞洪範八政,貨居二焉。 易稱:『天地之大德曰 竊尋太和之錢,高祖留心創制,後與五銖並行,此乃不 齊桓循用,以霸諸侯。 逮于孝武,乃更造 降及秦始、漢文,遂有 周仍其舊。太公立九府之 五銖,其 輕 中毁 重之

貴 者,據律罪之。」詔曰:「錢行已久,今東尚有事、〔三〕且依舊用。」 流不已。 救 云: 之肆,王 爲尺,以濟 儉, 貧民 五. 無 刊 、賤之差,自依鄉價。 一銖,設 、餘禁。 恤 刺 『不行之錢,雖有常禁,其先用之處,權 有 凍餒,子育黎元。 史啓奏求行土錢,旨聽權依舊 而 重 有舊者,而復禁斷,並不得行,專以單絲之緣,疏 愚意謂今之太和與新鑄五銖,及諸古錢方俗所便用者,雖有大小之異,並得通行。 計 不入徐揚之市。 但臣 困 \有無。至今徒成杼軸之勞,[li0]不觅飢寒之苦,良由分截布帛,壅塞錢貨。 河 之切,王道 南諸州,今所行者,悉非制限。 竊 聞之,君 **謹惟自古以來,錢品不一,前後累代,易變無常。** 庶貨環海內,公私無壅。其不行之錢,及盜鑄毀大爲小,巧爲不如法 上貽隔化之訟。 子行禮,不求變俗, 土貨 旣 一殊,貿鬻亦異, 用。 去永平三年,都 謹 尋不行之錢,律有明式, 可 因其所宜,順而致用。 昔來繩禁,愚竊 聽行, 便於荆郢 座奏斷 至年末悉令斷 . 樓之布,狹幅促度,不中常式,裂匹 之邦者, 惑焉。 天下用 『太和 則 之。 指謂 錢不 叉河 礙於 Ħ. 依準式者, 北 雞眼、「豆」鐶鑿,更 五銖』 延昌二年,徐州 一錢之爲名, **兗豫之域** 州鎮、旣無新 雖 利 時被敕 於 質 京邑 致 非 造 民 使

入 出。 爰暨周景,降逮亡新,易鑄相尋,參差百品,遂令接境乖商,連邦隔貿。
(三)臣比奏求宣 澄 布猶· 又奏:「臣猥屬樞衡,庶罄心力,常願貨物均通,書軌一範。 泉也, 其藏曰 泉, 其流曰 布。 然則錢之興也始於一品, 謹詳周禮,外府掌邦布之 欲令世匠均同 曩 流 無

若 之 河 其 五 小 平 布 依 下 ·, 濟 鎌 二 聽 恋悉 舊 北 不 通 帛 海 貨 諸 繩 依 內, 不 爲 聽行之。 世 錢 州 以 舊 可 便。 示 之宜, 依 之處, 户 嚴 舊 得 朽 式行錢。 法,無 用 寸 至 少 之恒模, 謂爲 而 於京西 公造新者,其餘 錢貨,猶以 與 雞 裂,五 太和 以 眼、鐶鑿,依律 深 肅 登被旨敕、『錢行已久,且可 寧可 允。 、京北 錢及 兹違 穀 則 請 他物交易,錢略 專貿於京邑,不行 新 犯。 域 有 並下 雜 負 造 內州鎭 五銖 符旨 檐 種,一 而 諸方 之難 禁。 並行 未 一宣,仍不 州 用古錢,生新 河 ,錢之爲用 甪 鎭,其太和 若盜 南 錢 不 入市 於天 州 處,行之則 鎭先 一鑄者 依舊 遵用 也 下 " 貫繦· 之類 1 及新 用 罪重 i. 者, 錢 但 不足為 者,旣 今戎 普 鑄 相 謹 常常 刺 五 屬, 重 史守 憲。 同 銖幷古錢 馬 參量,以爲『太和 禁約。 聽 難 不假 在 旣欲 令依 塞 依 郊 舊 斗 乏則 律治罪。」 江 不不 均 諸方之錢,通 斛 內 齊 疆 之器 在斷 外 有 物 未 全 乖 品, 限。 五. 通 好者,不 , 不勞 詔 廛井 典。 銖 東 從之。 沙乃 用 唯 南 秤 何 太和、 京 之州, 斯 ·限大 尺之 者? 師, 而

齊州 得 銅 自 商 五 後 Щ 兩 年冬,尚 所 並 鸞帳 行之錢,民多私鑄,稍就 是往昔 山 書崔亮奏:「恒農郡銅青谷 鑛 銅官,舊迹 計 斗得 見在。 銅 四 兩;河 小薄,價 謹按 鑄 內 有 錢方 用 郡 鲖 彌 王 鑛 屋山 興, 賤 計 用銅處廣,旣有冶利,並宜 鑛,計 斗得 銅 斗得 五 兩四銖;葦池谷鑛,計 鲖 八兩 南 青州 開鑄 苑燭 。」韶從 斗

建 義 初 · ,重盜鑄之禁,開糾賞之格。 至永安二年秋,詔更改鑄,文曰「永安五銖」,官自

錢 同。 立 爐 百 起 自 而 私 九 市 月 者 至 **猶三百。** 年 正 月 利 而 之所 非 在 官欲貴 一, 盗 鑄 錢, 彌 乃 出 巧僞 藏 絹 旣 多 分 , 遣使 輕 重 人於 非 二市賣之, , 四 方 州 了言網 鎭 用 匹止 各

以定 錢 錢 有 銤 此 文 若 年。 五 悉 加 爲 輕 數 銖,名須 多 遷 卽 更改鑄,其文 雑 鄴 上從 重 禁斷 之後, 其京 鉛 之 鑞 凡 稱實,宜 而 並 恐 有 邑二市、天下 輕濫 私 止 人交乏絕。 不聽 鑄 仍 尤多 稱錢 舊。 悉不 用。 o 然 禁斷 若 州鎭 文重 武定初,齊文襄王奏革 畿 姦僥 有 內 輒 郡縣之市 五. 但 五 之 以 徒,越 十月 重 銖者, 聽 小 五. 薄 ·,外 銖 雜 ,各置二稱 法 然後 州 錢 趨 入 市 利 入 百 聽 ·; 未 市 用。 日 ·共弊。 爲 用。 幾之 有 懸 限 計 人 若入 於 百 間 糾 於是詔遣 錢 市 羣官參議, 獲, 門, 重 漸 市之錢, 復 其錢 私 斤 細 使人 民 匹 薄 悉 咸 所用 重 兩 以時穀 入告者。 治諸 不 六年 之 五 十 銖 稱 州 銖 文 鎭 頗 其 或 皆 襄 自 貴 進 餘 收 小 雖 王 請 薄 皆 市 以 銅 重 淮 錢 及 五 稱

校勘記

自 繭 後 諸 按 逃戶 〔北史卷九○仇洛齊傳作「紬 占 爲 細 繭 羅穀者甚 綾」, {册 府 疑「細」乃「紬 卷四 八七五八二五頁、 一形近 而訛, 卷五 但本書卷九四仇洛齊傳 四六〇五四頁「細繭 作 也 一紬 作

「細繭」,今不改。

<u>へ</u> こ 版之「秦州」實爲「泰州」之訛,已改正,見她形志下校配(BO),此「秦」字及下文「秦州河東」之「秦」字 也都是「泰」之訛,今同改。 州 十九州之一,知非一州。下文又舉「以麻布充稅」的郡縣有「秦州河東之蒲坂、汾陰」,與司、懷等 其司冀雍華定相泰 既在出綿絹州之中,而又舉出所屬個別郡縣「以麻布充稅」同例。卷一〇六下地形志下治蒲 諸本「泰」作「秦」。按下出麻布諸州中又見「秦州」,而此爲出綿絹及絲之

- = U 懷州邵上郡之長平白水縣 說是,今删。 册府卷五○四六○五五頁作「懷化郡、上郡之長平白水縣」,亦誤。 當云『邵上郡』,誤多一『郡』字。」按懷州無上郡,長平、白水也不得屬上郡,「邵」下衍「郡」字,錢 「按地形志:卷一〇六上地形志上東雍州邵郡皇興四年置邵上郡,太和中併河內,孝昌中改邵郡。此文 諸本並作「懷州邵郡、上郡之長平白水縣」。 錢氏考異卷三〇云:
- 四 雍州馮翊郡之蓮芍縣·諸本「蓮」作「連」,册府同上卷頁作「蓮」。 按本書卷一〇六下班形志下和 (漢書卷二八上述2000年)以及其他地志都作「蓮」。當時地名雖多用同音或音近字,但據册府知其書卷二八上地理志上以及其他地志都作「蓮」。當時地名雖多用同音或音近字,但據册府知 原文也作「蓮」,今據改。
- 工 徐州北濟陰郡之離狐豐縣 作『北濟陰郡』,志脫『陰』字。」按卷一〇六中地形志中徐州北濟陰郡屬縣有豐、離狐,錢說是, 諸本無「陰」字,册府同上卷頁作「濟北郡」。 錢氏考異卷三〇云:「當

食

貨

志

校勘記

今補「陰」字。濟北郡屬濟州,且無此二縣,册府亦誤。

Д 樹者謂之露田」。魏收修史時似無必要對露田加以說明,疑是通典所加,册府此條實據通典, 諸男夫十五以上受露田四十畝 册府卷四九五五九二三頁、通典卷一田制上此句下並有注「不栽

不補。

. -U 於分雖盈沒則還田不得以充露田之數

删,册府據通典。

一 一 役有土居者 册府同卷五九二四頁、通典卷一此句作「後有來居者」,疑是。

ナレ 各隨地給公田 班府同上卷頁「地」作「所」,卷五○五六○六四頁作「近」。 按通典卷一作「匠」,乃

「近」字形近而訛,疑作「近」是。

税中,通鑑卷一三六四二七一頁都作「公」。 按「工調」無義了「工」字訛,今據改。又通典「十匹」 大率十匹爲公調 諸本「公」作「工」。 册府卷四八七五八二六頁、卷五○四六○五五頁,通典卷五賦

下有「中五匹」三字。

之直。 時儉則加私之一糶之於民 所謂「加私之一」, 參卷六二校記[E]。 當指加於糴入時之價,故下云「歲凶則直給」,意謂凶歲糶出足以給往時糴 又「糶」字諸本訛作「糴」,今據册府、卷四八七五八二七頁、通典及李彪 卷六二李彪傳「一」作「二」,通典卷一二輕重作「減私之十二」。按 入

}傳 改。

石門 為堰通渠,咸曰金隄。靈帝建寧中又增修石門,以遏渠口。」、水經注他處所見「石門」多處,唯此 馬津」之間,應是黃河的津口。水經注卷五河水篇稱:順帝陽嘉中,又自汴口以東, 諸本「石」作「右」、册府卷四九八五九六四頁、通典卷二〇漕運作「石」。 按地在「小平」、「白 緣河積石,

在「小平」及「白馬津」之間。當卽其地。這裏「右」乃「石」形近而訛,今據改。

- 令州郡綱典各受租調於**將**所 諸本脫「受」字,不可通,今據册府同上卷頁通典卷一○補。
- 所」,册府、通典並作「所在」,疑是。
- 至 孝昌二年冬 ??
 ?
 ?
 事在是年十一月丙午,作「冬」是,今據改。 同其陪徵 諸本無「同」字、册府同上卷頁、通典卷一○有。按文義當有此字,今據補 諸本「冬」作「終」、册府卷四八七五八二七頁、通典卷五賦稅中作「冬」。 按卷九肅宗
- 授大州都 有「統」字。 班府卷五○九六一○九頁「都」下有「統」字。按上云「本州統」,下云「幾郡都統」,疑當
- 是時罷之 月 知何時。)疑上本有敍此事文字,舊本已脫。 據卷六顯祖紀皇興四年十一月稱「韶弛山澤之禁」,所云「是時」,當卽指皇興四年十一 册府卷四九三五八九四頁「是時」作「旣而」,通典卷一○鹽鐵作「先是」。 通典、册府皆以意改。 按「是時」不

食货志 校勘記

- 於是圜貨始行 諸本「圜」訛「國」,今據册府卷五○○五九九○頁、通典卷九錢幣改。
- 指謂 雞眼 、隨書卷二四食貨志,乃南朝惡錢,似作「鵝」是。但下文元澄再奏,仍作「雞眼」,或南稱「鵝 册府卷五○○五九九○頁、通典 卷九「雞」作 鵝。 按 「鵝眼錢」 見宋書卷七五顏

眼」、北方自稱「雞眼」、今不改。

- 至今徒成杼軸之勞
- 今東尚有事 未一,東南諸州,依舊爲便。」這襄疑亦作「東南」是,但作「尙」亦通,今不改。 册府同上卷頁、通典卷九「尙」作「南」。 按下元澄再奏,有云:「但今戎馬在郊,江疆
- 連邦隔貿 諸本「貿」訛「質」,不可通,今據册府同上卷頁、通典卷九改。
- 分遣使人於二市賣之 網匹止錢二百,而私市者猶三百」,這裏說官使人在二市貶價賣絹,故云「官欲貴錢」。「賞」乃 諸本「賣」作「賞」,册府卷五〇〇五九九二頁、通典卷九作「賣」。 按下云

賣」形近而訛,今據改。

魏書卷一百一十一

刑罰志七第十六

弱,赦耄耋,赦惷愚。周道旣衰,穆王荒耄,命呂侯度作祥刑,以詰四方,五刑之屬增矣。夫 災肆赦。」舜命咎繇曰:「五刑有服,五服三就,五流有宅,五宅三居。」夏刑則大辟二百,臏辟 令,立刑賞。故書曰:「象以典刑,流宥五刑,鞭作官刑,扑作敎刑,金作贖刑,怙終賊刑,眚 陶,下以惇朴。故異章服,畫衣冠,示耻申禁,而不敢犯。其流旣銳,姦黠萌生。是以明法 聖人處天地之間,率神祇之意。生民有喜怒之性,哀樂之心,應處而動,動而逾變。 疑獄氾問,與衆共之,衆疑赦之,必察小大之比以成之。先王之愛民如此,刑成而不可變, 八議以申之,三刺以審之。左嘉石,平罷民,右肺石,達窮民。宥不識,宥過失,宥遺忘,赦幼 呈形,鼓之以雷霆,潤之以雲雨,春夏以生長之,秋冬以殺藏之。斯則德刑之設,著自神道。 三百,宮辟五百,劓墨各千。殷因於夏,蓋有損益。周禮:建三典,刑邦國,以五聽求民情, 二儀旣判,彙品生焉,五才兼用,廢一不可。 金木水火土,咸相愛惡。 陰陽所育,稟氣 淳化所

故君子盡心焉。

決比, 除婦 間,律 愼也。 非僧 密於 囚 法。 雖 獄 關 五十 咎 吏 人 蠲 餘篇 凝 人加答之制。 綵 不 痛 風 逮 人 .<u>:</u> 章 非 削 脂 于定 勝 聽 俗 於 乎 也,自安之道,在人之死。 凡三千 不 無大增減。 煩 一、姦偽 痛 之, 凋 戰 慈仁 宣帝 薄 國 或 獄 則飾辭 吏 爲 四百七十二條,日諸 猶 致 也。 號 並 競 時,路溫 之害也久矣。 以 廷尉,集諸法 任 三章之約。 生,赭衣塞路,獄 爲 爲 晉武帝以魏制峻密,又詔車騎賈充集諸儒學,删定名例,爲二十卷,幷合 魏武帝造甲子 虎 威 以示人。 上下相 死 刑, 狼 有餘 舒上 以相 殿,以刻 及於始皇, 罪。 文帝 律,凡九百六十卷,大辟四百九十條, 書曰:「夫獄 吏治者利 故日,古之立獄,所以 吞噬。 夫 何 ·科條,犯釱左右趾者,易以斗械。 以仁 犴 則 ? 爲 斷罪常 人情安則樂生,痛 淹 逐兼 商君 明,深者獲公名, 其然, 厚 積 文致之罪明 ', 斷 者天下之命,書曰: 用者, 以法經六篇,入說於秦, 天下,毁先王之典, 囹 則指 獄 吾 兀 成 合二萬六千二百 百,幾致刑措。 市。 導以明之; 求生,今之立獄,所 也。 則 於是天下 平者多 思 故天下之患, 死, 與其 上奏畏卻, 制挾 捶 後 怨叛, 楚之下, 患。 孝武 殺 千八 七十二條。 書之禁,法 議參夷 不 明帝改士 辜,寧失 故治獄 世 莫深 以求 十室 百八十二 則 以姦 何 之誅,連 鍛 於 殺 求 而 「繁於 民罰金 完滋 練 吏皆欲 後漢二百年 有罪。 獄。 人。 而 九。 而 不 事 甚 秋茶, 周 漢祖 不可 宣帝善 得。 相 芝坐, 內之。 一,增 人死, 死 今治 坐之 故 律 罪 不 網 入

二千九百餘條。

以著于篇。

亂,蕩滌華夏,至于太和,然後吏清政平,斷獄省簡,所謂百年而後勝殘去殺。 晉室喪亂,中原蕩然。 魏氏承百王之末,屬崩散之後,典刑泯棄,禮俗澆薄。 故権舉行事 自太祖撥

魏初,禮俗純朴,刑禁疏簡。 宣帝南遷,復置四部大人,坐王庭決辭訟,以言語約束,

契記 事,無囹圄考訊之法,諸犯罪者,皆臨時決遣。 神元因循,亡所革易。

以違 穆帝時,劉聰、石勒傾覆晉室。 帝將平其亂,乃峻刑法,每以軍令從事。 民乘寬政,

以禮交皆死;民相殺者,聽與死家馬牛四十九頭,及送葬器物以平之;無繫訊連逮之坐;盗 命得罪,死者以萬計。 昭成建國二年 當死者,聽其家獻金馬以贖,犯大逆者,親族男女無少長皆斬,男女不 於是國落騷駭。平文承業,綏集離散。

官物,一備五,私則備十。

法令明白,百姓晏然。

患前 民久苦兵亂,畏法樂安。 代刑 太祖幼遭艱難,備嘗險阻,具知民之情爲。 網峻密,乃命三公郎王德除其法之酷切於民者,約定科令,大崇簡易。 帝知其若此,乃鎭之以玄默,罰必從輕,兆庶欣戴焉。 及在位,躬行仁厚,協和民庶。 然於大臣持 是時,天下 旣定中原,

法 不 捨 季 年 災 異 、屢見 大太祖 不豫,綱紀 褫頓,刑罰 随為濫 酷

太宗 卽 位 為爲 修 一廢官. 恤 民 隱 命 南 平公長 孫嵩、北新 侯 安同 對 理 民 訟, 庶政復有敍焉。

親 求 瀆 部 官階 國 鞭 九 者轘之。 爲 帝 貨,帝 覽百揆,經營內外,昧旦而興,諮詢國老。 牧宰之失,迫脅在位,取豪於閭閻。 案 滅 之大辟 旣 奏聞 科死 時 白。 九 練 世 非 輿 品 祖 精 思 殺 震數親征討及行幸四方,眞 ,皆先讞 得 畿內 爲 ,斬死,入絞。 刨 庶 有 人不 蠱 以 位 事 以 以官 死 毒 民富者燒炭於 肅 坐。 以 不 者 之。 報乃 爵除刑。 刑禁 吏 可復生,懼監官不能 拷訊 る者浸 男女皆斬, 施 太延三年,詔天下吏民,得舉告牧守之不 重 大逆不 一,神麝 行。 不 以深 踰四 婦 Щ 闕 人 文避 道 ,貧者役 中, 而 十九。 當 左 焚其 腰斬 懸登聞 刑 詔 罪 君五 而 司 而 家。 沸 平,獄 論 孕 於 徒崔浩定律令。 長 年, 產後 鼓, 其同 刑 唐 吏咸 巫蠱 臣 者, 溷,女子入春稾, 命恭宗總百揆監國。 成皆呈,帝 人有 . 職忝疑承, 司是獻替。 籍, 降 部主 百 者,負羖羊抱 心 H 窮 年十四 以待之,苟免 乃決。 具狀,公車 冤 則 除五 親 撾鼓, 臨問 已下腐 年十四已下 一歲四 其 大沉 法。 · 無異 、鞫辭,而 固疾不逮于人,守苑 公車 刑 而不耻,貪暴猶 諸 歲刑,增一 少 於是 淵 傅游雅上 辭 漢武 上奏其 女子 降 怨言 三都決 凡庶之凶 當 時, 沒縣 刑 刑 万 絕 表。 年 之半 者贖 疏 始啓河右四 之。當 官。 刑。 日 自 之。 是後民官 一八十及 悖者,專 岩 貧 害其 囿 分大 死者 殿下 也。 諸 則 州 親 辟 加

此,姦邪 刑 事 郡 議 也。 可 諸疑罪而 帝王之於 從徙, 可息,邊垂足備。」恭宗善其言,然未之行 雖 謫徙之。 罪 舉家投遠,忻喜赴路, 人,非怒 十數年 而 誅 之, 後,邊郡充實,並修農戍,孝宣因之,以服 欲 其 力役 、徙善 終 身, 加 懲 不 惡。 敢言苦。 謫 徙 之苦, 且遠流 其 懲 分離, 亦 北方。 深。 心或 自 思 此近 非 善。 大 逆 世之 IE. 加

其詳 盜 大 百 律 辟,民多慢政,峻其 復 案律令, 二十一條。 六年春, 舊,加故 務 以有司 縱、通 求 有司 厥中, 斷法 雖 情、 法 增損 ,贓三匹皆死。 有不 止舍之法 不平,詔諸疑獄皆付中書,依古經義論決之。 條章,猶未 便於民者增損之。」於是游 及 他罪,凡三百九十一 能 正 平 闡明刑 元年,詔曰 典。 一刑網大密, 雅與 條。 申 門誅四、大辟 書侍郎胡 犯者 初盜律,贓四十匹致 方 更衆, 回 等 百 改定律 朕 四 十 五 甚愍之。 制。 刑

戍。 惻,而 辟三十五 官, 政。 韶從之。 伺察諸曹 高宗. 帝惡其若此,故一切禁之,釀、沽飲皆斬之,吉凶賓 多相 ,刑六十二。 初 誣 逮 仍遵 外部州鎮,至有微服 一,輒劾以不敬。 舊式。 和平末,冀州刺史源賀上言:「自非大逆手殺人者,請原其命,謫守邊 太安四年,始設酒禁。 諸司官贓二丈皆斬。 雜亂於府寺間,以求百官疵 是時年穀屢登,士民多因酒致酗訟,或 叉增律 親 則 七十九章,門房之誅十有三, 失。 開禁, 其所 有日 第治, 程。 有 增置 司 書 內 議 加 外 訊 候

顯 即位 ,除口誤,開酒禁。 帝勤於治功,百僚內外,莫不震肅 及傳位高祖, **猶躬覽**

萬機 刑政嚴明,顯拔淸節,沙汰貪鄙。 牧守之廉潔者,往往有聞焉。

事無大小,皆令據律正名,不得疑奏。 法,遂罷之,獄有大疑,乃平議焉。 先是諸曹奏事,多有疑請,又口 延興四年,詔自非大逆干犯者,皆止其身,罷門房之誅。自獄付中書覆案, 合則制可,失衷則彈詰之,盡從中墨詔。 傳詔敕,或致矯擅。 自是事咸精 後頗 上下 於是

年,詔曰:「刑法 下,則 捶 以 羣 詳,下莫敢相罔 福堂同居。 細捶 用荆,平其節,訊囚者其本大三分,杖背者二分,撻脛者一分,拷悉依令。 臣頗以爲言。 高 顯祖末年,尤重刑罰,言及常用惻愴。 狂 祖 ,欲陷之則先大杖。 愚多僥幸,故自延 馭字,留心 **股**欲 所以禁暴息 其改悔,而 帝曰:「獄滯雖非治體,不猶愈乎倉卒而濫也。 刑法。 興,終於季年,不復下赦。 故事,斬者皆裸形伏質,入死者絞, 一姦,絕其命不在裸 民多不勝而 加以輕恕耳。」由是囚繫雖淹滯,而 誣引,或絕命於 每於獄案, 必令覆鞫, 形。 其參詳 理官 、 杖下。 鞫囚,杖限五十,而 舊典, 顯祖 刑罰 雖 夫人幽苦則思善,故 務從 有律, 諸 知其若 多得其 有囚繫, 寬仁。」司徒 未之行 所。 此,乃爲 皆從於 有司 或積. 也。 叉以 元 欲発之則 輕簡 之制。其 年不斷 丕 太和 赦 囹 一等奏 令屢 圄 也。 元 與

言:「聖心垂仁恕之惠,使受戮者殆裸骸之耻。

普天感德, 莫不幸甚。

臣等謹議,

大逆及賊

陷者 各 棄市 彌 甚 祖斬,盜及吏受賕各絞刑,踣諸甸師。」又詔曰:「民 今犯 法 至 死, 同 入斬 刑,去 衣 裸 體, 男女媟 見。 由化穆,非嚴刑所制。 法,示之以禮者 防之雖峻, 也。

毛 而 舉。 三年,下詔曰:「治因政寬,弊由網密。 其一 切罷之。」於是更置 一謹直 一者數一 百 今候職千數,姦巧弄威, 人,以防諠 鬭 於 街 術 **重罪受賕不列**, 吏民安其 職 業。 細 過吹

具

爲

之制

減。 之罪二百三十五,刑三百七十七,除羣行剽劫首謀門誅,律重者止梟首。 叉敕 先是 奉官 以律令不 ,參議厥衷,經御刊定。 具,姦吏用法, 致 有 五年冬訖,凡八百三十二章, .輕重。 詔 中 書令高閣 集 中秘 門房 官等修改 之誅十 (舊文) 有六,大辟 隨 例 增

使壯 不 款 辟者,不得 卒迭搏之。 時 法官及州 大枷 和縣不能以情折 囚 率 不堪,因 以誣服。 獄。 乃爲重枷 更持此以爲能。 ,大幾圍,復以縋石懸於囚頸,傷內至骨,更 帝聞而傷之,乃制 非大逆有明證 而

絕。 死。 帝哀 是秋遣使者巡行天下,糾守宰之不法,坐贓死者四十餘 律:「枉法 **矜庶獄,至於奏讞,率從降恕,全命徙邊,歲以千計。** 十匹, 義贓二百匹大辟。」至八年, 始班祿制, 人。 更定義贓一匹,枉法無多少皆 京師決死獄,歲竟不過五六, 食祿者跼蹐, 財謁 之路殆

刑罰志

州

鎭

亦

簡

詳 半之校,罪有死生之殊。 情,意甚無取。 改。」又詔曰 十二年詔:「犯死罪,若父母、祖父母年老,更無成人子孫,又無期親者,仰案後列奏以 年春 :「前命公卿論定刑典, ,詔曰:「三千之罪,莫大於不孝,而律不遜父母,罪 可更議之, 可詳案律條、諸 删除繁酷。」秋八月詔曰:「律文刑限三年,便 而門房之誅猶在律策,違失周書父子異罪。 有此類,更一刊定。」冬十月,復韶公卿 止髠刑。 入極 於 默 理 未衷。 令參議 推 坐 無太 古 口 求 更

先朝 書外省論 垂 世宗卽位,意在寬政。 心 律 典憲? 令。 刊革令軌,但時屬征役,未之詳究,施於 諸有疑事 ,斟酌新舊,更加思理,增減上下,必令周備, 正始元年冬,詔曰:「議獄定律,有國攸愼,輕重損益,世 時用,猶致疑舛。 隨有所立,別 尚書門下 可 以申

待報,著之令格。」

聞。

庶於

循

變協

時,永作

通

制。」

之以 廣 下子 河王 垂 昭 一懌, 尚 愛蒼生, 恩侔天地, 德化,齊之以 永 恤 平元年秋 書邢巒,尚書李平,尚書、江陽王繼等奏曰:「臣等聞王者繼 雖有虞愼獄之深,漢文惻隱之至,亦未可共日而言矣。 七月,詔 刑 法,小大必以情,哀矜而勿喜,務於三訊五 疏網 尙書檢枷杖大小違制之由, 科其罪失。 改祝, 仁過商后。 以 枷 杖之非度,愍民命之或傷, 聽, 尚書 謹案獄官令:諸察獄,先 不以木 天子 令高肇,尚 石定獄 物,爲民 **爰降慈旨**, 書僕射、清 父母,導 伏惟陛

已上 理 上。 但踵 肆虐,稍復重 參量,造大枷長一丈三尺,喉下長 備 用石之文。 了量人强弱,加之拷掠,不聽非法拷人,**策以拷石。」自是枷杖之制,頗有定準**。 五聽之理,盡求情之意,又驗諸證信,事多疑似,猶不首實者,然後加 一枷鎖. 行已久,計不推坐。 諸臺、寺、州、郡大枷,請悉焚之。 ,流徙已上,增以杻 而法官州郡,因緣增加,遂爲 大。 檢杖之小 械。 迭用 一丈,通頰木各方五寸, 大,鞭之長短,令有定式,但枷之輕重, **枷本掌囚**,非拷訊所用。 不俱。 恒法。 非大逆外叛之罪,皆不 進乖五聽,退違令文,誠宜案刻,依旨科處, 以擬 大逆外叛;杻械 從今斷 大枷、高杻 獄 以拷掠, 諸犯厂 ,皆依 先無 成制。 以掌流刑已 、重械,又無 令盡聽 未幾,獄官 臣等 訊 年刑 之

降爲 典旣 除名,於例 罪本除名, 城 等。」延昌二年春,尚書邢 縣公,公爲侯,侯爲伯,伯爲子,子爲男,至于縣男,則降爲鄕男。 王 同 法 名復 室。 }例 實爽。 以 至於五等之臂,亦以功錫,雖臂秩有異,而號擬河山,得之至難,失之永墜。 :「五等列爵及在官品令從第五,以階當刑二歲,免官者,三載之後聽仕,降先階 職當 一殊絕,請議所宜,附爲永制。」詔議律之制 愚謂自王公以下,有封邑,罪除名,三年之後,宜各降本爵一 刑,猶有餘資,復降階而叙。 戀奏:「竊詳王公已下,或析體宸極,或著勳當時, 至於五等封爵,除刑若盡,永卽 ,與八坐門下參論。 五等爵者, 亦依 皆以爲:「官 等。王 咸胙 甄削,便同之 土授民, 及 此而 郡 人若 刑 公

維

降,至於散 男。 其鄉 男無可降授者,三年之後,聽依其本品之資 出身。」詔 從之。

其宅循 依律 除其 於其爲 愉 便 獨除反者 瀛,遘茲 可 逆,除名 悉 名。 則 其年秋,符 罪 聽 棄 幸。 禍 之身。 而 何有罪 復 合孥戮 亂,據律 爲 任。」 然反逆坐重,故支屬 況 民, 人乎? **墾**郎 ,準赦則例皆除名。 又緣坐之罪,不得以職除流。 極裂冠,釁均毁冕,父子齊刑,兄弟共罰,赦前 會赦之後,被旨勿論 準犯,罪當孥戮,兄叔坐法,法有明典。 中 請依 高口 :律處,除名爲民。」詔曰:「死者旣在赦前,又員外非在正侍之限, 賢、弟員 相及。 外散騎侍郎 古人議無將之罪者,毁其室,洿其宮,絕其蹤,滅 體旣 尚書邢巒奏:「案季賢旣受逆官,爲其 相 且貨 及,事同 仲賢、叔司 城小 一科,豈有赦前皆從流 愆,寇盜 賴蒙大宥,身命獲全,除名還民, 徒府主簿六珍等,坐弟季 同 微戾,贓狀露驗 斬從流,赦後 斬 有復官 傳檄,規 者,會赦 之罪,赦後 賢 其 類 之理 同 扇 猶 欧 元

賣 婢。 回故買羊皮女,謀以轉賣。 (女),告回稱良,張回利賤,知良公買。 回 轉 年,尚書李平奏:「冀州阜城民費羊皮母亡,家貧無以葬, 賣於鄃縣民梁定之, 依 :律處絞刑。」詔曰:「律稱和 而 不言良狀。 誠於律俱乖, 而兩各非詐。 案盜律『掠 賣 人、掠賣 人者 謂 人、和 賣七歲子 兩 此 人詐 女雖父賣爲婢,體本 賣 人 與同城 取 爲 他財。 奴 婢 人張 者, 今羊皮 死 回 爲

回轉賣之日,應有遲疑,而「決從眞賣。〔三於情不可。更推例以爲永式。」

故得有差等之理?又案別條:『知人掠盜之物而故買者,以隨從論。』依此律文,知人掠良, 『賣五服內親屬,在尊長者死』,此亦非掠,從其眞買,暨於致罪,刑死大殊。 皮,乃眞賣於定之。准此條例,得先有由,推之因緣,理頗相類。 喝幼賤求之。』然恐喝體同,而不受恐喝之罪者,以尊長與之已決故也。而張回本買婢於洋 者之罪,律所不載。竊謂同凡從法,其緣服相減者,宜有差,買者之罪,不得過於賣者之咎 和掠之罪,固應不異。及『知人掠盜之物,而故買者,以隨從論』。然五服相賣,皆有明條,買 歲刑』。賣良是一,而刑死懸殊者,由緣情制罰,則致罪有差。又詳『群盜强盜,首從皆同』, 妾與子婦流』。唯買者無罪文。然〕賣者旣以有罪,買者不得不坐。 但賣者以天性難奪,支屬 之於女父,便賣之於他人,准其和掠,此有因緣之類也。又詳恐喝條注:『尊長與之已決,恐 也。但羊皮賣女爲婢,不言追贖,張回眞買,謂同家財,至於轉鬻之日,不復疑慮。緣其買 自應一例,不得全如鈞議,云買者之罪,不過賣者之咎也。 易遺,尊卑不同,故罪有異。買者知良故買,又於彼無親。 三公郎中崔鴻議曰: [於] 「案律『賣子有一歲刑;賣五服內親屬,[刊] 在尊長者死,期親 廷尉少卿楊鈞議曰:四「謹詳盜律『掠人、掠賣人爲奴婢者,皆死』,別條『賣子孫者,一 若買同賣者,即理不 且買者於彼無天性支屬 即狀准條,處流爲允。」「吾 明知買者之坐, 可。 之義,何 何者? 及

眞奴: 其 爲 從 而 、罪狀 復 其 宜 決 婢 買 賣 準 與掠 更或 律 不不 罪 斟 ·告前 (轉賣) 無 止 降 異。 於 合刑 人 流 因此流漂, 良 且. 法 狀 然 五. 其親 嚴 歲。 由 緒 而 處 屬 姦易息 至 相 如 同掠 罔 買 賣 知 者 つ, 坐 政寬 所 罪 殊 在 知 是良 、 家 凡掠。 而 民 人追贖,求訪無處,永沉 入,決 多 犯,水火之喻 至於買者,亦 便眞賣,不語前 宜 ,先典明文。 不 等。 人得之 賤 隸 若 處 , 今謂 由 無 同 復 緖 流 良 買 坐,於 人 期 前 親 人 案 謂 法 屬

等。 結 論 殺 身 五. 無罪文。 矣。今引 相 之與 罪。 歲 死 謀 刑 此 俱是良人,所以容有差等之罪者,明去掠盜理遠,故從親疏爲差級, 流 强 明 殺 臣 已傷 何 漂之與腐骨,一存一亡,爲害孰 以 之與 鴻 ..、高 禁暴掠之原,遏姦盜之本, 盜 以言之? 盜 以 及 律 陽 倶 轉 和 得 殺 王 之條,處 掠 賣 爲 而 雍 (流漂) ,同是良 例 還蘇者 議 羣 。 而 日 以和 盗强 罪 似從輕 人,應爲 與掠等,可謂『罪 州 死,從者流 盜 掠 處張 ,無首從皆 之罪,原 · (元) 回 非謂 潍 , 其義 例。 專 甚? 已殺 情究律,實 引 市之於親尊之手,而 同 安在? 盜 所 然 者 <u>ٰ</u> 人 律, 以 賊 斬, 斯 和 不引 律 得 掠 爲 檢回所犯,本非和 從 叉云:『知 殺 <u>_</u> 之罪,故應不 案 乖 殺 而 人,有首從之科,盜 當 加功者死, **城**建云 人減之,降從强 如 人掠 同 臣 = 異。 鈞 之於盜掠之刑。 **%盗之物** 謀殺 不 之議 明 掠,保證明 加者流 人 此 盗之一 而 人賣 知 而 自 尊卑為輕 故買 買掠 發 無 二詳 (買,無 (覺者: 正 科。 者, 然, 良 條 竊 沉 流, 引 人者 重。 以 謂 唱 賤 去 縱 從 盜 Ŧi. 隨 令 之 和 類 「, 本 依 遠 服 與 者 從 以

以德導民之謂。請免羊皮之罪,公酬賣直。」詔曰:「羊皮賣女葬母,孝誠可嘉,便可特原。 之愆,宜鞭一百。賣子葬親,孝誠可美,而表賞之議未聞,刑罰之科已降。恐非敦風厲俗, 狀者,處同掠罪。旣一爲婢,賣與不賣,俱非良人。何必以不賣爲可原,轉賣爲難恕。張回 買者之罪,宜各從賣者之坐。又詳臣鴻之議,有從他親屬買得良人,而復眞賣,不語後人由 買心,則羊皮爲元首,張回爲從坐。首有沾刑之科,從有極默之戾,推之憲律,法刑無據。 律:『諸共犯罪,皆以發意爲首。』明賣買之元有由,魁末之坐宜定。若羊皮不云賣,則回無 張回雖買之於父,不應轉賣,可刑五歲。」

格,而空相矯恃,以長違暴。諸在議請之外,可悉依常法。」 爲定式。」詔曰:「雲來綿遠,繁衍世滋,植籍宗氏,而爲不善,量亦多矣。先朝旣無不訊之 奏:「以帝宗磐固,周布於天下,其屬籍疏遠,蔭官卑末,無良犯憲,理須推究。 先是,皇族有譴,皆不持訊。 時有宗士元顯富,犯罪須鞫,宗正約以舊制。 請立限斷,以 尚書李平

已申省,[10]事下廷尉,或寺以情狀未盡,或邀駕撾鼓,或門下立疑,更付別使者,可從未成 寺謂犯罪逕彈後,使覆檢鞫證定刑,罪狀彰露,案署分昞,獄理是成。 若使案雖 其年六月, 兼廷尉卿元志、監王靖等上言:「檢除名之例,依律文,『獄成』謂處罪案成 成,雖

案 之條 者 文, 推 承 枉 枉 民 備 一。處 一鑫於 之情 前 滯 雖 辭 獄 之徒 立 以 Ŀ 已 來, 理 F, 其 案 廷 相 成 僥 謂 家 尉,解 背 倖 終 成 及 如 隳 人 無 決 崔纂等議 之輩 此 國 刑 陳 御 竟, 例 申 法 訴 送至省, 憲 史 皆 理。 於 不 經 信 更 風 得 上, 起 輕, 所館,而 彈 若 爲 復 其 異端 ٠, 允。 及家 竊 專 職 從 理 以 ō 辭,而 其 須 所 痛 、案成 詔從 愚謂 人訴 訊 未 疑 進 誣 安。」 鞫。 有 求 伏 阻 之。 姦 延 枉 經 便乖 或 成斷,便是曲 奏遇 欺 旣 大 罪 尙 拷 不直 於 爲 理 書納 覆治 赦, 公正 不 正 漏 承引 崔纂、評楊機 刻, 之律。 於法 辭, 及已覆治 一, 豈 退 遂於 連 疑 及 希 解下 依 於 然未 不 證 訴冤 私, 私。 測 而 ·鞫,未檢遇 得 剕 丞 之恩宥, ·科 有 枉 爲 經 如 乖 甲休 者 或 赦, 謂 獄 公體。 得 有 成。」 規 辯 及 私 宥者 律博 不 攝 以惑正 覆治 嫌, 尙 測 訊 何 書李韶 之澤, 覆治 ,不得爲案 土 者 强 理 劉 逼 狀, 之。 安元 曲 五. 抑 成 奏『使 詐 眞 以 罪 絕 檢 以 亂 旣 了; 家 成 訟 偽 使 爲 端 直 窮 未 **公雖結** 處 人 則 罪 訴 律 長 六

首 言 敢 以 (為:「 專執。 。三三其延 熙 景 例 平 當 暉 {律 中 陵 今不諱之朝,不應行無罪之戮。 云 , 有冀 能 法 諸逃亡,赦書斷 變爲 權等所謂 州 妖 蛇雉,此乃傍 賊 延陵 月光童子劉景暉 限 王 一買,負 之後,不自歸首者,復罪 人之言。 罪 逃亡,赦書斷限之後,不自 者、自己妖言惑衆,事 雖殺 景暉 暉爲無理, 九歲小兒, 如初 恐赦暉復惑衆。 。」依 口尙乳臭, 在 一赦後、 (賊律, ·歸首。 亦合 舉動 謀 廷 反 死坐。」 一尉卿裴 是 云為 大逆,處 辺 依 延 並不關 正 違 買 崔 儁 不 纂 梟 Ŀ

以 已上,八歲已下,殺傷論坐者上請。』議者謂悼耄之罪,不用此律。 加横罪,可謫略陽民。 甘羅、此非常之士、可如其議、景暉愚小、自依凡律。」靈太后令曰:「景暉旣經恩宥,何得議 惑衆,據律應死,然更不破□惑衆。 取信於天下, 天下焉得不疑於赦律乎!書曰:與殺無辜, 寧失有罪。 "月光』之稱,不出其口。 餘如奏。」 皆姦吏無端,橫生粉墨,所謂爲之者巧,殺之者能。 赦令之後方顯其事;[三]律令之外, 愚以老智如尚父,少惠如 更求其罪。 又案法例律。『八十 若以妖言 赦律何

庶, 請之言,非應府州所決。 成人子孫,旁無期親者,具狀上請。 琰謂州判爲允。[15]主簿李瑒駁曰:「案法例律:『諸犯死罪,若祖父母、父母年七十已上,無 且 例合上請。』檢籍不謬,未及判申,憐母身喪。 憐旣懷 肅是刑章。」尚書蕭寶夤奏從瑒執,詔從之。 時司州表:「河東郡民李憐生行毒藥,「回案以死坐。 且給假殯葬,足示仁寬,今已卒哭,不合更延。 :酖毒之心,謂不可參隣人伍。<a>(1821)計其母在,猶宜闔門投畀,況今死也,引以三年之 毒殺人者斬,妻子流,計其所犯,實重餘憲。 流者鞭笞,留養其親,終則從流。 州斷三年服終後乃行決。」司徒法曹參軍許 可依法處斬,流其妻子。 其母訴稱:『一身年老,更無期親, 準之情律,所虧不淺。 不在原赦之例。』檢上 實足誡彼氓

舊制,直閤、直後、直齋,武官隊主、隊副等,以比視官,至於犯譴,不得除罪。尚書令、任

下 城 ,有宿衞之勤,理不應異。」 靈太后令準中正。 [澄奏:「案諸州中正,亦非品令所載,又無祿恤,先朝已來,皆得當刑。 直閣等禁直上

劚斃,而問牛喘,豈不以司別故也。 雖律. 其首罪而 刑 加一等。 雖 劉 坐。」詔曰:「容妃、慧猛恕死,髡鞭付宮,餘如奏。」尚書三公郎中崔纂執曰:「伏見旨募若獲 人劉宣明之格。 流 **一輝者,職人賞二階,白民聽出身進一階,厮役発役,奴婢爲良。** 恕其命,竊謂未可。 殿主傷胎。輝懼罪逃亡。門下處奏:「各入死刑,智壽、慶和並以知情不加防限,處以流 及死,皆首罪判定,自己後決從者。』事必因本以求支,獄若 無正條,罪合極法,並處入死。其智壽等二家,配敦煌爲兵』。天慈廣被,不卽依決,日刊 神 龜中,蘭陵公主駙馬都尉劉輝,坐與河陰縣民張智壽妹容妃、陳慶和妹慧猛,姦亂耽 雖王 成其末愆。 姬下降,貴殊常妻,然人婦之孕,不得非子。 又尋門下處奏,以『容妃、慧猛與輝私姦,兩情耽惑,令輝挾忿,殿主傷胎 流死參差,或時未允。 夫律令, 高皇帝所以治天下, 不為喜怒增減, 不由親疏改易。案關 案容妃等,罪止於姦私。 門下 中禁大臣, 又依永平四年先朝舊格:「」こ『諸 職在敷奏。 若擒之穢席,衆證分明,卽律 以輝逃避,便應懸處,未有 案輝無叛逆之罪,賞同反 昔邴吉爲相 不存 捨

旨,依卽行下,非律之案,理宜更請。」 私於天下,無欺於耳目。 緣之坐。 貴,[三]已生二女於其夫,則他家之母。 母之刑,已醮之婦,從夫家之刑。』曰曰斯乃不刊之令軌,古今之通議。 凡罪。〔三〕況姦私之醜,豈得以同氣相證。 不越刑 不可借輝之忿,加兄弟之刑。 坐。 何得同宮掖之罪, 何得以非正刑書、三三施行四海。 齊奚官之役。[10]案智壽口訴, 禮云婦人不二夫,猶曰不二天。若私門失度,罪 夫刑人於市,與衆棄之,爵人於朝, 論刑過其所犯,語情又乖律憲。 何曾諍之,謂:『在室之女, 刑名一失, 妹適司士曹參軍羅顯 律,『期親 駟馬不追。 案?律, 與衆共之, 相隱』之謂 姦罪 旣有詔 明不 從父 無相 在

| **妃**、慧猛與輝私亂,因此耽惑,主致非常。 但責徵舒,而不非父母。 兄,推據典憲,理實爲猛。 存,劾罪結案,本非其事。 僕射游肇奏言:「臣等謬參樞轄,獻替是司,門下出納,謨明常則。 乞付有司,重 尚書元脩義以爲:「昔哀姜悖禮於魯,齊侯取而殺之,春秋所譏。 更詳議。」詔曰:「輝悖法亂理,「言罪不可 明婦人外成,犯禮之愆,無關本屬。 叉輝 容妃等姦狀,罪止於刑 [雖逃刑,罪非孥戮,募同大逆,亦謂 此而不誅,將何懲肅! ,並處極法,準律未當。 縱。 况出適之妹,釁及兄弟乎。」右 且. 厚賞懸募,必望擒 加重。 至於 已醮之女,不應坐及昆 又夏姬罪濫於陳國, 無良犯法, 乖律之案,理宜 出適之女, 坐 獲。 職有 及 其 容 陳

崔纂可免郎,都坐尚書,悉奪祿一時。」 言所屬。 結獄,不拘恒司,豈得一同常例,以爲通準。 弟,但智壽、慶和知妹姦情,初不防禦,招引劉輝,共成淫醜,敗風穢化,理深其罰,特敕門下 弗究悖理之淺深,不詳損化之多少,違彼義途,苟存執憲,殊乖任寄,深合罪責 且古有詔獄,寧復一 歸大理。 而尚書治本,納

攻之彌甚。 刑』,經 秦 典故者矣。臣以爲升平之美,義在省刑,陵遲之弊,必由峻法。 路,班捉獲之賞。斯乃刑書徒設,獄訟更煩,法令滋彰,盜賊多有。 重。 死,妻子配驛,從者流。 樂戶,其不殺人,及贓不滿五匹,魁首斬,從者死,妻子亦爲樂戶,小盜贓滿十匹已上, 爲能。 、酷五 案律,公私劫盜,罪止流刑。 孝昌已後,天下淆亂,法令不恒,或寬或猛。 典 刑,率士瓦解。 至遷鄴,京畿群盜頗起。 垂言,國朝成範。 請諸犯盜之人,悉准律令,以明恒憲。 禮訓君子,律禁小人,舉罪定名,國有常辟。 侍中孫騰上言:「謹詳,法若畫一,理尙不二,不可喜怒由情,而 隨時所用,各有司 有司奏立嚴制:諸强盜殺人者,首從皆斬,妻子同籍, 而比執事苦違,好爲穿鑿,律令之外,更立餘條,通相 存。 及尒朱擅權,輕重肆意,在官者,多以深酷 不宜巨細滋 庶使刑殺折衷,不得棄本從末。」 詔從之。 煩,令民 是以漢約三章,天下歸德, 至如『眚災肆赦,怙終賊 非所謂不嚴 豫備。 恐防 而治, 之彌堅, 遵守 魁首 致 配 糾之

物,大改其風。 天平後,遷移草創,百司多不奉法,貨賄公行。 至武定中,法令嚴明,四海知治矣。 興和初,齊文襄王入輔朝政,以公平肅

校勘記

- 大辟四百九十條千八百八十二事死罪決比凡三千四百七十二條 按漢書卷二三刑法志云:「其
- 後姦滑巧法,轉相比況,禁網寖密。 律令凡三百五十九章,大辟四百九條,千八百八十二事,死
- 罪決事 比萬三千四百七十二事。」當卽此志所本,然記於于定國爲廷尉前,非定國所集。 漢志大
- 辟四百 九條,此志「九」下多「十」字,疑行。 又漢志死罪決事比萬三千四百七十二條,此 志「萬」
- 作「凡」,疑亦音近而訛。
- 便入極 默 按「默」本當作「墨」了「墨」本五刑之一,引伸泛指刑法。「極墨」猶言「極刑」、「極法」。
- 但當時「墨」常作「默」,如「墨曹」常作「默曹」。下文高陽王雅議費羊皮、張回罪,亦云:「從有極
- 默之戾」,今仍之。
- 而「決從眞賣 自「決從眞賣」至「然」字括號內共三百十七字,爲百衲本所據底本之十五頁。此
- 頁脫去,第十四頁與十六頁相連,「而」字逕接「賣者旣以有罪」,不加細察,文字啣接,似亦可
- 通。 南本以下諸本遂也不管舊本頁碼不合,接合無痕。百衲本且於十六頁邊欄注「此與十五合
- 刑罰志 校勘記

頁 以解釋缺頁問題。 今據册府卷六一五七三九四頁補。 所缺崔鴻議首數行亦見通典卷一六七

雜議下,幷用以校册府訛脫。

廷尉 少卿楊鈞議曰 删府卷六一五七三九四頁「鈞議」作「均義」,宋本删府作「鈞義」。 按下崔鴻

議 中有云:不得全如鈞議。」楊鈞附卷五八楊播傳。宋本册府作「鈞」是,「義」字乃「議」之訛,

今並改正。

五 處流爲允 册府明本同上卷頁「處」訛「虔」,今據宋本册府改。

. .__ 三公郎中崔鴻議日

賣五 服內親屬

及妾與子婦流」上、「因」作「內」。按「買」「因」二字顯訛、今並據通典改。

, , , , 因此流漂 諸本「漂」訛「洞」,不可通,今據册府卷六一五七三九五頁改。

/へ タレ _/ 而似從輕

文當作「以」,但作「似」亦可通,今仍之。

雖已申省 解」是一種公文形式,疑作「解」是,但作「雖」亦通,今仍之。

處買梟首 諸本一買」作「置」,獨百衲本作「買」。按册府卷六一五七三九五頁也作「買」,指「王

買」。今從百衲本。

旋廢,或地形志失載,今不可考。「法權」或「權」,疑是一法掾」之訛,故下文稱「姦吏無端,橫 其延陵法權等所謂月光童子劉景暉者 云冀州 妖賊延陵王買」, 延陵應是冀州郡、縣名,今地形志冀州下不載,可 諸本及册府同上卷頁「權」作「權」,百衲本作 能字訛, 摧 也可能 按上 生繩 旋置

墨」。但「法」亦姓,今姑作人名標。

- 方顯其事 諸本脱「事」字,今據册府卷六一五七三九六頁補。
- 河東郡民李憐生行 毒藥 册府同· 上卷頁、通典卷一六七一生」作「坐」、疑是。但「憐生」作雙名,下稱

「李憐」乃單稱,亦通,今仍之。

- 司徒法 曹參軍許琰謂州判爲允 諸本脫「法」字,今據册府同上卷頁補。
- 不可參隣 人伍 諸本「伍 」訛「任」,不可通,今據册府同上卷頁改
- 子上 不即依 語意義不同,「不卽依決」是說不卽依從判決,「不卽施行」則是暫不施行。 決 百衲本「依決」二字空二格、諸本作「施行」、册府卷六一五七三九七頁作「依決」。 上文門下處奏容妃、 按二

慧猛「各入死刑」,詔書「恕死,髡鞭付宮」,則是不依門下的判決,並非暫不 施行。 舊本二字脫,

南本當是以意補、諸本從之、今據册府補。

然人婦之孕不得非子又依永平四年先朝舊格 諸本「子又依」三字作「一夕生」,册府同上卷頁、通

刑

罰志

校

記

是說按照永平舊格,定罪應先首後從,這是另一理由,故云「又依」。無所、通典是,今據改。通典 是說公主雖貴,懷孕之胎,不得謂之「非子」,則劉輝毆公主以至傷胎,也只能算作父殺子。下文

二
立 皆首罪判定 諸本「定」訛「官」,不可通,今據册府同上卷頁、通典卷一六七改。通典「首罪」訛「首末」。

「永平」訛「初平」。

卷一六七作「役」。 齊奚官之役 百衲本「役」字空格,北、汲、殿三本注「闕」,南本、局本作「律」,册府同上卷頁、通典 按南本當是以意補、局本從之、今據册府、通典補「役」字。

 \subseteq 妹適司士曹參軍羅顯貴 按「司」下當脫「徒」或「空」字。

從夫家之刑 文體 通 行駢偶、疑作「戮」是。

〔三〕 期親相隱之謂凡罪 册府同上卷頁「之」作「指」,疑是。

何得以非正刑書 百衲本「非」字空格、諸本作「非」、、册府同上卷頁無「非」字,也不空格。 按這裏

闕 字無疑 ,册府不闕,乃刊本之誤。 但所闕不 知何字,今姑從諸 本。

至 輝悖法亂理 諸本「亂理」作「者之」,不可通,今據册府同上卷頁、通典卷一六七改。

魏書卷一百一十二上

靈徵志八上第十七

微志。 休,而不敢怠也。 之孽,隨方而作,厥迹不同,眇自百王,不可得而勝數矣。 主所以仰瞻俯察,戒德愼行,弭譴咎,致休禎,圓首之類,咸納於仁壽。 帝王者,配德天地,協契陰陽,發號施令,動關幽顯。 化之所感,其徵必至,善惡之來,報應如響。 是以克躬修政,畏天敬神,雖休 今錄皇始之後災祥小大,總爲靈 斯蓋 神祇眷顧,告示 然則治世之符,亂邦 禍 福,

地震

太宗 洪範論曰:地陰類,大臣之象,陰靜而不當動,動者,臣下强盛,將動而爲害之應也。 泰常 四年二月甲子,司州地震,屋室盡搖 動。

世祖太延二年十一月丁卯,幷州地震。

靈徵志上

四年三月乙未,京師地震。

十一月丁亥,幽兗二州地震。

眞君元年五月丙午,河東地震。

高祖 延興四年五月,雁門崎城有聲如雷,自上西引十餘聲,聲止地震。

十月己亥,京師地震。

太和元年四月辛酉,京師地震。

五月,統萬鎭地震,有聲如雷。

閏月,秦州地震,殷殷有聲。 四年正月,雍州氐民齊男王反。

二年二月丙子,兗州地震。 四年十月,蘭陵民桓富反,殺其縣令。

七月丁卯,幷州地震有聲。

三年三月戊辰,平州地震,有聲如雷,野雉皆雊。

四年五月已酉,幷州地震。

七月丁卯,京師地震。

五年二月,沙門法秀謀反。

五年二月戊戌、秦州地震。

六年五月癸未,秦州地震有聲。

八月甲午,秦州地震,有聲如雷。乙未又震。

七年三月甲子,秦州地震有聲。

四月丁卯、肆州地震有聲。

六月甲子,東雍州地震有聲。

八年十一月丙申,幷州地震。

十年正月辛未、幷州地震,殷殷有聲。

閏月丙午,秦州地震。

丙午,秦州地震有聲。 二月甲子,京師地震。 丙寅又震。

三月壬子,京師及營州地震。十二年三月,中散梁衆保謀反。

十九年二月己未,光州地震,東萊之牟平虞丘山陷五所,一處有水。

二十年正月辛未,幷州地震。

四月乙未,營州地震。十二月,恒州刺史穆泰等在州謀反,行 二十二年三月癸未,營州地震。

八月戊子,兗州地震。

九月辛卯,幷州地震。

二十三年六月乙未,京師地震。

世宗景明元年六月庚午,秦州地震。

四年正月辛酉,凉州地震。

壬申, 幷州地震。

六月丁亥,秦州地震。

十二月辛巳,秦州地震。 正始三年正月,秦州民王智等聚衆二千,自號王公,尋推秦州

主簿呂苟兒爲主。

正始元年四月庚辰,京師地震。

六月乙巳,京師地震。

二年九月己丑,恒州地震。

三年七月己丑,凉州地震,殷殷有聲,城門崩。

八月庚申,秦州地震。 九月,夏州長史曹明謀反。三

永平元年春正月庚寅,秦州地震。 三年二月,秦州沙門劉光秀謀反。(三)

九月壬辰、青州地震、殷殷有聲。

二年正月壬寅,青州地震。

四年五月庚戌,恒、定二州地震,殷殷有聲。

十月己巳,恒州地震,有聲如雷。

州之秀容、雁門地震陷裂,山崩泉湧,殺五千三百一十人,傷者二千七百二十二人,牛馬雜 延昌元年四月庚辰,京師及幷、朔、相、冀、定、瀛六州地震。恒州之繁畤、桑乾、靈丘,肆

音死傷者三千餘。後<u></u>余朱榮强擅之徵也。

十一月已酉,定、肆二州地震。十月壬申,秦州地震有聲。

十二月辛未,京師地震,東北有聲。

二年三月己未,濟州地震有聲。

□月丙戌、□京師地震。

三年正月辛亥,有司奏:「肆州上言秀容郡敷城縣自延昌二年四月地震,於今不止。」 | |

朱榮徵也。

四年正月癸丑,華州地震。

十一月甲午,地震從西北來,殷殷有聲。丁酉,又地震從東北來。

靈徵志上

肅宗熙平二年十二月乙巳,秦州地震有聲。

正光二年六月,秦州地震有聲,東北引。 五年,莫折念生反。

三年六月庚辰,徐州地震。孝昌元年,元法僧反。

七年夏,幷州鄉郡地震。 孝靜武定三年冬,幷州地震。

山崩

洪範論曰:山,陽,君也;水,陰,民也。 天戒若曰:君道崩壞,百姓將失其所也。

太祖天賜六年春三月,恒山崩。

世祖 太延四年四月己酉,華山崩 其占曰:山岳配天,猶諸侯之係天子。 山岳崩,諸侯

有亡者。沮渠牧犍將滅之應。

世宗景明元年五月乙丑,齊州山在縣太陰山崩,飛泉湧出,殺一百五十九人。

四年十一月丁巳,恒山崩。

正始元年十一月癸亥,恒山崩。

延昌三年八月辛巳,兗州上言:「泰山崩,頹石湧泉十七處。」泰山,帝王告成封禪之所

徴也。

大風

京房易傳曰:衆逆同志,至德乃潛,厥異風。

太宗永興三年二月甲午,京師大風。 五月己巳,昌黎王慕容伯兒謀反 伏誅

十一月丙午,叉大風。 五年,河西叛 胡曹龍、張大頭等各領部衆二萬入蒲子

四年正月癸卯,元會而大風晦冥,乃罷。

五年十一月庚寅,京師大風,起自西方。

神瑞

元年四月,京師大風。

二年正月,京師大風。 三月,河西飢胡反,屯聚上黨,推 白亞 栗斯爲盟主。

世 祖 太延 二年四月甲申,京師暴風,宮牆 倒,殺數十

三年十二月,京師大風,揚沙折樹。

<u>真</u>君元年二月,京師有黑風竟天,廣五丈餘。 四月庚辰,沮渠 無諱寇張掖,禿髮保周屯

於删丹嶺。

高宗和平二年三月壬午,京師大風晦暝。

高祖延興五年五月,京師赤風。

太和 二年七月庚 申,武川鎭大風,吹失六家,羊角而上,不知所在。

壬戌,雍州赤風。

三年六月壬辰,相州大風,從酉上來,發屋折樹。

七年四月,相、豫二州大風。

八年三月,冀、定、相三州暴風。

四月,濟、光、幽、肆、雍、齊六州暴風。

九年六月庚戌,濟、洛、肆、相四州及靈丘、廣昌鎭暴風折木。

十二年五月壬寅,京師連日大風,甲辰尤甚,發屋拔樹。

六月壬申,京師大風。

十四年七月丁酉朔,京師大風,拔樹發屋。

二十三年八月,徐州自甲寅至己未,大風拔樹。

閏月庚申,河州暴風,大雨雹。

世宗景明元年二月癸巳,幽州暴風,殺一百六十一人。

三年閏月甲午,京師大風,拔樹發屋,吹折閶闔門關。

九月丙辰,幽、岐、梁、東秦州暴風昏霧,拔樹發屋。

四年三月己未,司州之河北、河東、正平、平陽大風拔樹。

正始元年七月戊辰,東秦州暴風,拔樹發屋。

二年二月癸卯,有黑風羊角而上,起於柔玄鎭,蓋地一頃,所過拔樹。 甲辰,至於營州,

東入於海。

四年五月甲子,京師大風。

永平元年四月壬申,京師大風拔樹。 八月癸亥,冀州刺史、京兆王愉據州反。

三年五月己亥,南秦州廣業、仇池郡大風,發屋拔樹。

延昌四年三月癸亥,京師暴風,從西北來,發屋折樹。

四年四月辛巳,京師大風。

孝昌 二年五月丙寅,京師暴風,拔樹發屋,吹平昌門扉壞,永寧九層撜折。至 於時天下

所在兵亂。

前廢帝普泰元年夏,大風雨,吹普光寺門屋於地。

孝靜武定七年三月,潁川大風。

大水

洪範論 曰:大水者,皆君臣治失而陰氣稸積盛强,生水雨之災也。

太祖天賜三年八月、霖雨、大震,山谷水溢。

太宗泰常三年八月,河內大水。

世祖延和元年六月甲戌,京師水溢,壞民廬舍數百家。

真君八年七月,平州大水。

高祖太和二年夏四月,南豫、徐、兗州大霖雨。

六年七月,青、雍二州大水。

八月,徐、東徐、兗、濟、平、豫、光七州,平原、枋頭、廣阿、 臨濟四鎭大水。

九年九月,南豫、朔二州各大水,殺千餘人。

二十二年戊午,虎、豫二州大霖雨。

一十三年六月,青、齊、光、南青、徐、豫、兗、東豫八州大水。

世宗景明元年七月,青、齊、南青、光、徐、克、豫、東豫,司州之潁川、汲郡大水,平隰

灭五尺,民居全者十四五。

正始二年三月,青、徐州大雨霖,海水溢出於青州樂陵之隰沃縣,流漂一百五十二人。

永平三年七月,州郡二十大水。

延昌元年夏,京師及四方大水。

二年五月,壽春大水。

肅宗熙平元年六月,徐州大水。

二年九月、冀、瀛、滄三州大水。

正光二年夏、定、冀、瀛、相四州大水。

孝昌三年秋,京師大水。

孝靜元象元年,定、冀、瀛、滄四州大水。 出帝太昌元年六月庚午,京師大水,穀水汎溢,壞三百餘家。

興和四年,滄州大水。

湧泉

靈徵志上

太宗泰常五年十二月壬辰,湧泉出於平城。

高宗和平五年十一月,雁門泉水穿石湧出

前廢帝普泰元年秋,司徒府太倉前井並溢。 占曰: 民遷流之象。 永熙三年十月, 都遷

於鄴。

孝靜天平四年七月,泰州井溢。

元象元年二月,鄴城西南有枯井溢。

雨雹

洪範論曰:陽之專氣爲雹,陰之專氣爲霰。 此言陽專而陰脅之,陰專而陽薄之,不能相

入,則轉而爲雹。猶臣意不合於君心也。

高祖延興四年四月庚午,涇州大雹,傷稼。

承明元年四月辛酉,青、齊、徐、虎大風,雹。

八月庚申,幷州鄉郡大雹,平地尺,草木禾稼皆盡。

癸未,定州大雹殺人,大者方圓二尺。

世宗景明元年六月,雍、青二州大雨雹,殺靡鹿。

四 年五月癸酉,汾州大雨雹。

六月乙巳,汾州 大雨雹,草木、禾稼、雉兔皆死。

七月甲戌,暴風,大雨雹,起自汾州,經幷、相、同、虎,至徐州而止,廣十里,所過草木

無遺。

正始 二年三月丁丑,齊、濟二州大雹,雨雪。

永平三年五月庚子,南秦廣業郡大雨雹,殺鳥獸、禾稼。

雪

者,陰之稸積盛甚也。 洪範論曰:春秋之大雨雪,猶庶徵之恒雨也,然尤甚焉。 一曰與大水同,冬故爲雪耳。 夫雨, 陰也, 雪又陰也。

大雪.

世祖始光二年十月,大雪數尺。

八年五月,北鎭寒雪,人畜凍死。

是時爲政嚴急。CKI

眞君

高祖 太和四年九月甲子朔,京師大風,雨雪三尺。

雪。

世宗正始元年五月壬戌,武川鎭大雨 四年二月乙卯,司、相二州暴風,大雨雪。

靈 徴 忐 上

九月壬申,大雪。

肅宗正光二年四月,柔玄鎭大雪。

霜

京房易傳曰 興兵妄誅,茲謂亡法,厥災霜,夏殺五穀,冬殺麥,誅不原情,茲謂不仁,夏

先大霜。

太祖天賜五年七月,冀州實霜。

世祖太延元年七月庚辰,大實霜,殺草木。

高宗和平六年四月乙丑,實霜。

高祖 太和三年七月,雍、朔二州及枹罕、吐京、薄骨律、敦煌、仇池鎭並大霜,禾豆盡死。

六年四月,潁川郡實霜。

七年三月,肆州風霜,殺菽。

九年四月,雍、靑二州實霜。

六月、洛、肆、相三州及司州靈丘、廣昌鎭實霜。

十四年八月乙未,汾州實霜。

世宗景明元年四月丙子,夏州實霜殺草。

六月丁亥,建興郡實霜殺草。

八月乙亥,雍、幷、朔、夏、汾五州,司州之正平、平陽頻暴風實霜。

二年三月辛亥,齊州實霜,殺桑麥。

四年三月壬戌,雍州實霜,殺桑麥。

辛巳,青州實霜,殺桑麥。

正始元年五月壬戌、武川鎭實霜。

七月戊辰,東秦州實霜。六月辛卯,懷朔鎭實霜。

八月庚子,河州實霜殺稼。

二年四月,齊州實霜。

五月壬申,恒、汾二州實霜殺稼。

乙未,敦煌實霜。

七月辛巳,豳、岐二州實霜。

戊戌,恒州實霜。

靈徵志上

三年六月丙申,安州實霜。

四年三月乙丑,豳州頻實霜

四月乙卯,敦煌頻實霜。

八月,河州實霜。

|永平元年三月乙酉,岐、|豳二州實霜。

己丑,幷州實霜。

四月戊午,敦煌實霜。

二年四月辛亥,武州鎭實霜。

延昌四年三月癸亥,河南八州實霜。

|肅宗||熙平元年七月,|河南、北十一州霜。

無雲而雷

陰陽之合也。 洪範論曰:雷,陽也;雲,陰也。 故無雲而雷,示君獨處無臣民也。 有雲然後有雷,有臣然後有君也。雷託於雲,君託於臣,

顯祖皇興元年七月,東北無雲而雷。

二年七月,東北有聲如雷。

世宗延昌元年二月己酉,有」起東北,南引,殷殷如雷,二聲而止。

鼓妖

世祖太延四年十月辛酉,北有聲如大鼓,西北行。

雷

入地,入地百八十三日而復出地,是其常經也。 洪範論曰:陽用事百八十三日而終,陰用事亦百八十三日而終,雷出地百八十三日而 故雷安,萬物安,雷害,萬物害。 猶國也, 君

世祖神廳元年十月己酉,雨,雷電。

安,國亦安;君害,國亦害。不當雷而雷,皆失節也。

太延三年十月癸丑,雷。

四年十一月丁亥,雷。

高祖太和三年十一月庚戌,豫州雷雨。

戊申,豫州大雷雨,平地水三寸。

靈徵志上

二九一〇

四年十月戊戌,雷。

七年十一月辛巳,幽州雷電,城內盡赤。

世宗景明二年十一月辛卯,凉州雷,七發聲。

三年十二月己巳,夜雷,九發聲。

正始元年十一月甲寅、秦、齊、荆、朔四州雷電。

肅宗正光元年正月壬寅,雷。

震

春秋震夷伯之廟,左丘明謂展氏有隱慝焉。 劉向以爲夷伯世大夫,天戒若曰:勿使大

夫世官,將專事也。

太祖天賜六年四月、震天安殿東序。 帝惡之,令左校以衝車攻殿東西兩序屋毀之。 帝

竟暴崩。

顯祖皇興二年十一月夜,震電。

高祖太和三年五月戊午,震東廟東中門屋南鴟尾。

班固 說:上不寬大包容臣下,則不能居聖位。 貌、言、視、聽,以心爲主,四者皆失,則區

沓無識,故其咎霧。

世祖太延四年正月庚子,雨土如霧於洛陽。

高祖 太和十二年十一月丙戌,土霧竟天,六日不開, 到甲夜仍復濃密,勃勃如火煙,辛

慘人鼻。

世宗景明三年二月己丑、秦州黄霧、雨土覆地。

八月己酉,濁氣四塞。

四年八月辛巳,凉州雨土覆地,亦如霧。

正始二年正月己丑夜,陰霧四塞,初黑後赤。

三年正月辛丑,土霧四塞。

九月壬申,黑霧四塞。

延昌元年二月甲戌,黃霧蔽塞。 時高肇以外戚見寵,兄弟受封,同漢之五侯也。

桃李花

靈徴志上

庶徴 之恒 燠。 劉向 、班固以冬亡冰及霜,不殺草之應。 京房易傳曰:夏暑殺人,冬則物

華實。

世祖眞君五年八月,華林園諸果盡花。

高祖延興五年八月,中山桃李花。

承 明元年九月,幽州民齊淵家杜樹 結實旣 成, 朝盡落, 花葉復生,七日之中,蔚 如

春狀。

世宗景明四年十一月,齊州東淸河郡桃李花。

延昌四年閏十月辛亥,京師柰樹花。

火不炎上

洪範 ·傳曰:棄法律,逐功臣,殺太子,以妾爲妻,則火不炎上。 謂火失其性而爲災。

高宗 太安五年春三月,肥如城內大火, 官私廬舍焚燒略盡,唯有東西二寺佛圖像舍火

獨不及。

高 祖 太和八年五月戊寅,河內沁縣澤自燃,稍增至百餘步,五日乃滅。

世宗景明元年三月乙巳,恒岳祠災。

肅宗正光元年五月,鈎盾禁災。

孝昌二年夏,幽州遒縣地燃。

三年春,瀛州城內大火,燒三千餘家。

寧佛圖,靈像所在,天意若曰:永寧見災,魏不寧矣。 出帝永熙三年二月,永寧寺九層佛圖災。 旣而時人咸言有人見佛圖飛入東海中。 勃海,齊獻武王之本封也,神靈歸海, 永

則齊室將興之驗也。

三月,幷州三級寺南門災。

孝靜天平四年秋,鄴閶闔門東闕火。

武定三年冬,汾州西河北山有火潛行地下,熱氣上出。

黑眚黑祥

世祖始光一 |年正月甲寅夜,天東南有黑氣,廣一丈,長十丈。 占有兵。二月,慕容渴悉

隣反於北平。

顯祖皇興三年正月,河濟起黑雲,廣數里,掩東陽城上,昏暗如夜。 旣 而東陽城潰

世宗景明三年九月己卯、黑氣四塞。甲辰、揚州破蕭衍將張囂之,斬級二千。

靈 徴 志 上

赤眚

高祖太和二年十一月丁未夜,有三白氣從地出,須臾,變爲黃赤,光明照地。

十六年九月丁巳,昏時,赤氣見於西北,長二十丈,廣八九尺,食頃乃滅

世宗延昌元年三月丙申,有赤氣見於天,自卯至戌。

庸宗正光元年十一月辛未,西北赤氣竟天畔,似火氣。 京師不見,涼州以聞。

三年九月甲辰夜,西北有赤氣似火焰,東西一匹餘。 北鎭反亂之徵。

五年五月癸酉申時,北有赤氣,東西竟天,如火焰。

莊帝永安三年十一月己丑,有赤氣如霧,從顯陽殿階西南角斜屬步廊,高一丈許,連地

、絳紗幔,自未至戌不滅。帝見而惡之,終有幽崩之禍。

如

|孝靜||天平||三年正月己亥戌時,東方有赤氣,可三丈餘,三食頃而滅。

青售

北 ·戌地有黑赤黃雲,如山峯,頭有靑氣,廣四尺許,東南引。 莊帝永安三年六月甲子申時,辰地有靑氣,廣四尺,東頭緣山,西北引,至天半止。西 至天半,二氣相接。東南氣前

夜妖

班固說:夜妖者,雲風並起而杳冥,故與常風同象也。 溫而風,則生螟螣之孽。

世宗正始元年六月乙巳,晦。

八月甲辰、晝晦。

人痾

劉歆說:貌之不恭,是謂不肅。上嫚下暴,則陰氣勝,水傷百穀,衣食不足,姦宄並作,

故其極惡也。一曰,民多被刑,貌醜惡也。班固以爲六畜謂之禍,言其著也,及人,謂之痾,

痾,病貌,言寢深也。

太宗永興三年,民烏蘭喉下生骨,狀如羊角,長一尺餘。

高祖太和十六年五月,尚書李沖奏:「定州中山郡毋極縣民李班虎女獻容以去年九月

一十日右手大拇指甲下生毛九莖,至十月二十日長一尺二寸。」

肅宗熙平二年十一月己未,幷州表送祁縣民韓僧眞女令姬從母右脅而生。 靈太后令

付掖庭。

正 光元年五月戊戌,南兗州下蔡郡有大人跡,見行七步,跡長一尺八寸,廣七寸五分。

高祖 延興三年秋,秀容郡婦人一產四男,四產十六男。

莊帝永安三年十一月丁卯,京師民家妻產男,一頭、二身、四手、四脚、三耳。 太和十六年十一月乙亥,高祖與沙門道登幸侍中省。 ,日入六鼓, 見一鬼衣黃褶袴, 當

問諸左右,咸言不見,唯帝與道登見之。

顯祖皇興二年十月,豫州疫,民死十四五萬。

戶欲入。

帝以爲人,叱之而退。

世宗永平三年四月,平陽之禽昌、襄陵二縣大疫, 自正月至是月,死者二千七百三

太和十九年六月,徐州表言丈八銅像汗流於地。

永安、普泰、永熙中京師平等寺定光金像每流汗,國有事變,時咸畏異之。

|永安三年二月,京師民家有二銅像,各長尺餘,一頤下生白毫四,一頰傍生黑毛一。

龍蛇之孽

洪範論曰:龍,鱗蟲也,生於水。 雲亦水之象,陰氣盛,故其象至也,人君下悖人倫,上

亂天道,必有篡殺之禍。

世祖神愿三年三月,有白龍二見於京師家人井中。

之徵也。

肅宗正光元年八月,有黑龍如狗,南走至宣陽門,躍而上,穿門樓下而出。魏衰之徵也。

莊帝永安二年,晉陽龍見於井中,久不去。莊帝暴崩晉陽之徵也。

將興,聽於民,將亡,聽於神。 前廢帝普泰元年四月甲寅,有龍跡自宣陽門西出,復入城。乙卯,羣臣入賀,帝曰:「國 但當君臣上下,克己爲治,未足恃此爲慶。」

馬禍

洪範論曰:馬者,兵象也,將有寇戎之事,故馬爲怪也。

肅宗熙平二年十一月辛未,恒州送馬駒,肉尾長一尺,騣處不 生毛。

正 光元年九月,沃野鎭官馬爲蟲入耳,死者十四五。 蟲似魄,長五寸已下,大如箸。

靈徵志上

牛禍

洪範論:易曰「坤爲牛」,坤,土也,土氣亂則牛爲怪,一曰牛禍。 其象,宗廟將滅。

日,轉輸煩則牛生禍。

|世宗景明||二年五月、冀州上言長樂郡牛生犢、(+) 一頭、二面、二口、三目、三耳。

羊禍

洪範論曰:君不明,失政之所致。

高祖太和二十三年三月、肆州上言陽曲縣羊生羔,一頭,二身,一牝、一牡,三耳,八足。

葬高祖崩,六輔專事。

世宗正始元年七月,鄯善鎭送羊羔,一頭、兩身、八脚。

二年正月,鄯善鎭送八脚羊。

延昌四年五月,薄骨律鎭上言:羊羔一頭、六足、兩尾。

豕禍

京房傳曰:凡妖象其類足多者,所任邪也。 京房易:妖曰豕生人頭豕身者,邑且亂亡。

高祖延興元年九月,有司奏豫州刺史、臨淮公王讓表,有猪生子,一頭、二身、八足。

世宗景明四年九月、梁州上言,犬豕交。

正始四年八月,京師猪生子,一頭、四耳、兩身、八足。

延昌四年七月,徐州上言陽平戍猪生子,頭面似人,頂有肉髻,體無毛。 靈太后、

傾覆之徵也。

鷄禍

洪範論曰:京房傳曰:鷄小畜,猶小臣也。 角者,兵之象,在上,君之威也。 此小臣執事

者將秉君之威以生亂,不治之害。

高祖太和元年夏五月,有司奏京師有雌鷄二,頭上生冠如角, 與衆鷄異。 是時文明太

后臨朝,信用羣小之徵。

世宗正始元年四月,河南有鷄雛,四足四翼。 語在崔光傳。

八月,司州上言:河內民席衆家鷄雛,近尾上復有 頭,口目具。 二頭皆從頸後各有二

翼,二足旁行。 是時世宗頗任羣小,更有朋黨,邪佞干政之驗。

延昌四年十二月,洛州上言魏興太守常矯家黃雌鷄,頭上肉角大如棗,長寸三分,角上

生聚毛,長寸半。

肅宗正光元年正月,虎賁中郎將蘭兠家鷄雄、雌二,各頭上生兩角, 其毛雜色, 上鋒過

冠。時靈太后臨朝專政。

羽蟲之孽

洪範論曰:視不明,聽不聰之罰也。

太宗泰常三年十一月,京師獲白梟。

肅宗正光二年八月己卯,獲禿鶖鳥於殿內。

孝昌 二年四月、民有送死鴨雛、一頭、兩身、四足、四翅、兩尾。

孝靜天平二年三月,雄雉飛入尚書省,殿中獲之。

蝗蟲螟

{洪 範論 刑罰暴虐,取利於下,貪饕無厭,以興師動衆,取邑治城, 而失衆心,則蟲爲

害矣。

高祖太和五年七月,敦煌鎭蝗,秋稼略盡。

六年七月、青、雍二州虸蚄害稼。

八月,徐、東徐、兗、濟、平、豫、光七州,平原、枋頭、廣阿、臨濟四鎭,蝗害稼。

七年四月,相、豫二州蝗害稼。

八年三月,冀、州、相三州虸蚄害稼。云

四月,濟、光、幽、肆、雍、齊、平七州蝗。

六月乙巳,相、齊、光、靑四州虸蚄害稼。

十六年十月癸巳,枹罕鎭蝗,害稼。

世宗景明元年五月,青、齊、徐、克、光、南青六州虸蚄害稼。 四年三月壬午,河州大螟,二麥無遺。

五月,光州虸蚄害稼。、

六月,河州大蝗。

七月,東萊郡虸蚄害稼

正始元年六月,夏、同二州蝗害稼。

四年四月,青州步屈蟲害棗花。

盤徴志上

二九

八月,涇州黃鼠、蝗蟲、班蟲,河州虸蚄、班蟲,涼州、司州恒農郡蝗蟲並爲災。

永平元年六月已已,涼州蝗害稼。

五年五月、行一青州步屈蟲害棗花。

七月、蝗蟲、(10)京師好妨。

八月,青、齊、光三州虸蚄害稼,三分食二。

肅宗熙平元年六月,青、齊、光、南青四州虸蚄害稼。

北,赤主南。十一月,劉彧兗州刺史畢衆敬遣使內屬,詔鎭南大將軍尉元納之,大破賊將 顯祖天安元年六月,兗州有黑蟻與赤蟻交鬭,長六十步,廣四寸,赤蟻斷頭而死。 黑主

周凱等。

網

成幕,中有卷物似絹帶,長四尺,廣三寸,薄上復得黃繭二,狀如履 高祖太和十年七月,幷州治中張萬壽表 建興濩澤縣民賈日成以去四月中養蠶,有絲 形。

世宗正始二年三月,徐州蠶蛾喫人,尫殘者一百一十餘人,死者二十二人。

毛蟲之孽

謂變常而爲異也。[1]

太祖登國中,河南有虎七,臥於河側,三月乃去。後一年,蚍蜉、白鹿盡渡河北。 後

年,河水赤如血。此衞辰滅亡之應。及誅其族類,悉投之河中,其地遂空。

孝靜元象元年正月,有狼入城,至硤石,曹獲之。日日

武定五年十二月,北城銅爵臺上獲豹一。

高祖太和元年五月辛亥,有狐魅截人髮。時文明太后臨朝,行多不正之徵也。

庸宗熙平二年,自春,京師有狐魅截人髮,人相驚恐。六月壬辰,靈太后召諸截髮者,

使崇訓衞尉劉騰鞭之於千秋門外,事同太和也。

瑞圖:外鎮王公、刺史、二千石、令長酷暴百姓,人民怨嗟,則白鼠至。

太宗永興三年二月,京師民趙溫家有白鼠,以獻。

四年三月,上幸西宫,獲白鼠一。 三年春,於北苑獲白鼠一,尋死。 割之,腹中有三子,盡白。

八月,御府民張安獲白鼠一。

神瑞二年五月,帝獵於榼崙山,獲白鼠一,平城獲白鼠三。

六月,平城獲白鼠二。

八月,豫章王夔獲白鼠一。

盤微志上

泰常元年十一月,京師民獲白鼬一以獻。

二年六月,中山獲白鼠二。

三年三月,京師獲白鼠一。

十一月,京師獲白鼠一。

世祖始光三年八月,相州魏郡獲白鼠。

太延元年八月,雁門獻白鼠。

高祖太和二十三年八月,京師獲白鼠。

正始元年六月、京師獲白鼠。世宗景明四年五月、京師獲白鼠。

肅宗熙平元年四月,肆州表送白鼠。

校勘記

恒 州 刺史穆泰等在州謀反 諸本「恒」 訛「桓」,今據卷七下為祖紀下太和二十年十二月條及卷

二七穆崇附穆泰傳改。

九月夏州長史曹明謀反 按承上文,乃正始三年之九月,據卷八,世宗紀,事在四年九月,這裏

「九月」上當脫「四年」二字。

<u>/</u>¬\ = 秦州沙門劉光秀謀反 諸本「秦」作「泰」。 按卷八世宗紀永平三年二月作「秦州沙門」, 上文也

說「秦州地震」、「泰」乃「秦」形近而訛、今改正。

۲٦ 껃 □月丙戌 殿本考證云:「本書世宗紀卷八延昌二年有閏月,或以爲闕字應爲『閏』字。又下文云

『自延昌二年四月地震』,則此闕字應爲『四』字也。」按延昌二年閏月乙酉朔,四月甲申朔,都有

丙戌。

二五 永寧九層竖折 局本「撜」作「塔」。按「撜」即「拯」,用在這裏無所取義,局本當是以意改。 據 }洛

陽伽藍記卷一永寧寺條,為大風吹折的是刹上寶瓶。

ゲ 是時爲政嚴急 御覽卷八七八三八九九頁引後魏書下有「司徒崔浩濫被誅」句。 疑此脫去。 但 **}御**

覽咎徵部引後魏書不盡據本書,今不補。

ᆫ 冀州上言長樂郡牛生犢 作「生犢」。 按這裏應闕二字,南本逕接上文,非。今從北、汲等本。 百衲本「生犢」二字空二格,南本無此二字,也不空格,北、汲、殿、局本

. 元 山 冀州相三州虸蚄害稼 錢氏考異卷三〇云:「『冀州』之『州』字誤。」

. 少. ∪ 五. 年五月 按此承上文乃「永平五年」,然是年四月已改年延昌,不當系於五年。

[10] 七月蝗蟲 殿本秀證云:「蝗蟲不載地名,當有脫誤。」

靈徵志上 校勘記

[11] 謂變常而爲異也 按此句上當有脫文。

有狼 地 名,只稱「北 入城至硤石曹獲之 城 銅雀臺」,即是鄰城,則此條疑亦指鄰城。 諸本「曹」下並注「疑」字。 按此云「入城」,不知入何城。 **鄴為東魏** 國都 放以 狼 入城為 據下 條不舉 異 事 而

記之。 然鄴城 中不聞 有「峽石」,疑「石曹」連讀,爲「石竇」之訛,「峽」字衍。 水經注卷 0 {濁 [漳

水篇,有「石簽堰」, 在鄴城 中。 若謂「曹」姓,脫其名,則志舉某人必稱某地某官或某地 民,從. 無

只舉 姓名之例。 又淮水所經之硤石今安徽壽縣西北,黃河之峽石見卷一〇孝莊紀永安二年七月,在今河南孟

津縣西。都是山峽,當然不在城中。

魏書卷一百一十二下

靈徵志八下第十八

阻絕, 魏氏 仍欲止焉。 世居幽朔, 復有神獸,其形似馬,其聲類牛,先行導引,積年乃出。 至獻帝世,有神人言應南遷,於是傳位於子聖武帝, 命令南徙, 始居匈奴之故 山谷

高祖 延興元年十一月,肆州秀容民獲麟以獻。 王者不刳胎剖卵則至。 地。

世祖 王者不私人以官,尊耆任舊,無偏黨之應。

高宗興安二年六月,營州送大龜。

下掘得大龜獻之。 高 祖 延興元年十二月,徐州竹邑成士邢德於彭城南一 韶曰:「龜蓍與經文相合,所謂靈物也。 百二十里,得著 德可賜爵五等。」 株,四十九枝,

三年六月,京師獲大龜。

肅宗神龜元年二月,獲龜於九龍殿靈芝池,大赦改元。

蟹 徴 志 下

孝靜 武定 三年十月,有司奏南兗州陳留郡民賈興達於家庭得毛 龜 0

天平四年八月,有巨象至於南兗州 ,陽郡民陳天愛以告,送京師,大赦改年。 王者自養

有節則至。

高 祖 太和二年十一月,徐州獻黑狐。 周成王時,治致太平而黑狐見。

三年五月,獲白狐。王者仁智則至。

六月,撫冥獲白狐以獻。

八年六月,徐州獲黑狐以獻。

十年三月,冀州 獲 九尾狐 以獻。 王者六合一統則見。 周文王時,東夷歸之。 日,王者

不傾於色則至德至,鳥獸亦至。

十一年十一月,冀州獲九尾狐以獻。

二十三年正月、司州、河州各獻白狐狸。

十九年六月,司州平陽郡獲白狐以獻。

世宗景明三年二月,河州獻白狐。

|永平三年十月,白狐見於||汲郡。

延昌四年四月,兗州獻白狐。

九月,相州獻白狐。

閏月,汾州獻白狐二。

肅宗正光二年三月,南靑州獻白狐二。

三年六月,平陽郡獻白狐。

八月,光州獻九尾狐。

四年五月,平陽郡獻白狐。

孝靜天平四年四月,西兗州獻白狐,七月,光州獻九尾狐。

元象元年四月,光州獻九尾狐。

二年二月,光州獻九尾狐。

興和三年五月、司州獻九尾狐。

十二月,魏郡獻白狐。

四年四月,瀛州獻白狐二。

武定元年七月,幽州獲白狐,以獻上。

三年七月,瀛州獻白狐,二牡一牝。

九月,西兗州獻白狐。

太和二年十一月辛未、泰州獻五色狗。

三年三月,齊州獻五色狗,其五色如畫。

太祖 天興 四年五月,魏郡斥丘縣獲白鹿。 王者惠及下則至。

太宗永興四年九月、建興郡獻白鹿。

世祖 神쪮元年二月,定州 獲白 · 麝,白麝鹿又見於樂陵,(1) 因以改元。

三年二月,白鹿見於代郡倒刺山。

太延四年十二月,相州獻白鹿。

高宗太安二年十月,白鹿見於京師西苑。眞君八年五月,洛州送白鹿。

高祖承明元年六月,秦州獻白鹿。

太和元年正月,白鹿見於秦州。

三月,白鹿見於靑州。

四年正月,南豫州獻白鹿。

十九年七月,司州獲白鹿、麑以獻。

一十年六月,司州獻白鹿。

世宗景明元年四月,荆州獻白鹿。

永平四年八月,平州獻白鹿。

延昌二年五月,齊州獻白鹿。

四年六月,司州獻白鹿。

肅宗熙平元年五月,濟州獻白鹿。

二年五月,司州獻白鹿。

神龜二年六月,徐州獻白鹿。

孝靜元象元年六月,齊獻武王獲白鹿以獻。

武定元年六月,兗州獻白鹿。

太祖 登國六年十二月,上獵,親獲鹿一 角。 召問羣臣,皆曰:「鹿當二角,今一,是諸國

將幷之應也。」

高祖太和三年三月,肆州獻一角鹿。

神龜元年七月,徐州獻一角鹿。

世宗 正始 二年九月,後軍將軍 **介朱新興** 獻 角獸。 天下平一 則至。

肅宗熙平元年十一月、肆州獻一角獸。

盤 徴 志 下

神龜二年九月,徐州獻一角獸。

陽之世,故殷道用興,太平嘉名也。 高宗太安三年三月,有白 狼一,見於太平郡。 又先帝本封之國 議者曰:「古今瑞應多矣, 而白狼 見焉, 無窮之徵 然白 也。 狼 周宣王得 見於成

之而犬戎服。

太宗 永興四年十二月,章安子封懿獻白麞。 王者刑罰理則至。

高祖太和二年十二月,懷州獻白麞。

三年五月,白麞見於豫州。

二十三年正月,華州獻白麏。

肅宗熙平二年三月,徐州獻白麞。

神龜二年七月,徐州獻白麞。

孝靜武定七年七月,瀛州獻白麞。

高 祖 太和 七年六月, 青州 獻三足鳥。 王者慈孝天地則至。

十三年十一月,滎陽獻三足烏。

十四年六月,懷州獻三足烏。

十五年閏月,濟州獻三足烏。

十七年五月,冀州獻三足烏。

二十年六月,豫州獻三足烏。

二十三年六月,冀州獻三足烏。

世宗景明元年五月,徐州獻三足鳥。

三年二月、豫州獻三足烏。

正始元年二月,冀州獻三足烏。四年六月,幽州獻四足烏。

五月,幽州獻三足烏。

是月,相州獻三足烏。

六月、定州獻三足烏。

二年五月,肆州獻三足烏。

是月,豫州又獻三足烏。三年三月,豫州獻三足烏。

永平元年四月,豫州獻三足烏。

延昌三年二月,冀州獻三足烏。

肅宗熙平元年四月,汲郡獻三足烏。

二年四月,東郡獻三足烏。

是月,豫州獻三足烏。南兗州又獻三足烏。

神龜元年八月,雍州獻三足烏。

二年五月,潁川郡獻三足烏。

正光元年四月,濟州獻三足烏。

是月,濟州又獻三足烏。

二年閏月,東郡獻三足烏。

三年五月,東郡獻三足烏。 潁川郡許昌縣獻三足烏。 肆州獻三足烏。

六月,冀州獻三足烏。

四年六月,瀛州獻三足烏。

出帝太昌元年五月,齊獻武王獲三足烏以獻。

武定三年五月,瀛州獻三足烏。孝靜元象二年四月,京師獲三足烏。

四年四月,潁州獻三足鳥。

五月,潁州又獻三足烏。

高祖太和二年七月,白烏見於凉州。 王者宗廟肅敬則至。

九月,白鳥見於京師。

三年五月,白鳥見於豫州。

九月,白鳥見於秦州。

十七年六月,兗州獻白鳥。

世宗正始二年五月,司州獻白鳥。 二十三年十二月,司州獻白鳥。

三年九月,潁川郡獻白鳥。

四年七月,潁川又獻白鳥。

永平元年四月,潁川獻白鳥。

延昌二年八月,平陽郡獻白鳥。

三年六月,冀州獻白鳥

肅宗 正光元年十月,幽州獻白鳥。

孝靜天平二年七月,齊獻武王獲白鳥以獻。

徴 志 下

元象元年五月,冀州獲白鳥。

二年八月,徐州表:「濟陰郡廳

事前槐樹,烏巢於上,烏母死,有鵲銜食餔烏兒,

不失其

時,並皆長大。」賞太守帛十匹。

興和四年四月,魏郡貴鄉縣獲白烏鶵。

五月,京師獲白鳥。 是月,陽夏郡獻白烏。

七月,北豫州獻白鳥。

十月,瀛州獻白鳥

武定元年六月,東郡民獻白烏。

三年五月,北豫州獻白鳥。

是月,廣宗郡獻白鳥。 潁州 又獻白鳥。

六月,滄州獻白鳥。

四年四月、梁州獻白鳥。

五月,濟州獻白鳥。

八月,陽夏郡獻白烏。

高祖太和二年二月,涼州獻赤烏。 周武王時銜麥至而克殷。

肅宗熙平元年二月,赤烏見肆州秀容郡。

神龜元年四月,赤烏見幷州之晉陽縣。

世宗景明二年十二月,南靑州獻蒼烏。 君修行孝慈,萬姓不好殺生則至。

正始二年五月,雍州獻蒼烏。

六月,雍州又獻蒼烏。

永平二年四月,河內獻蒼烏。

肅宗熙平元年六月,冀州獻蒼烏。

前廢帝普泰元年五月,河內獻蒼烏。

孝靜興和四年五月,濟州獻蒼烏。

七月,瀛州又獻蒼烏。

五月,濟州又獻蒼烏。武定元年四月,兗州獻蒼烏。

二年五月,京師獲蒼鳥。

三年六月,京師獲蒼烏。

十月,光州獻蒼烏。

蟹 徴 志 下

高 祖 延興二年四月,幽 州 獻白 . 鵲。

四年 九月,白鵲見於中山

承明 元年八月、定、冀二州俱獻白鵲。

--- 月,定州又獻白鵲。

太和 二年十一月,洛州獻白鵲。

肅宗 熙平元年正月,定州 獻白 鵲。

正光 四 年正月,京師獲白 鵲。

孝靜 興平二年五月,京師獲白 鵲。

武定二年七月,林慮獻白鵲。

三年六月,京師獲白鵲。

世祖太平眞君二年七月,天有黃光洞照。 議者僉謂榮光也。

景明二年六月,有雲五色,見於申酉之間。

高宗

興光元年二月,有雲五色。

所謂景雲,太平之應也。

出帝太昌 元年六月,日初出,有大黄氣成抱。

世 祖 始光四年六月,甘露降於太學。 王者德至, 天和氣盛則降。 又王者敬老,則相受

甘露。王者尊賢愛老,不失細微,則竹葦受。

神麍元年二月、甘露降於范陽郡。

二年四月,甘露降於鄴。

六月,甘露降於平城宮。

三年三月,甘露降於鄴。

四年五月,甘露降於河西。

太平眞君元年四月,甘露降於平原郡。

和平二年七月,甘露降於京師。

高宗太安二年七月,甘露降於常

Щ

郡

世宗景明三年八月,甘露降於青州新城

延昌二年九月,甘露降於齊州淸河郡。永平元年十月,甘露降於靑州益都縣。

三年十月,齊州上言甘露降。

四年七月,甘露降於京師。

肅宗正光三年十月,甘露降華林園栢樹。

四年八月,甘露降顯美縣。

孝靜元象二年三月,甘露降於京師。

武定五年十月,甘露降齊文襄王第門柳樹

六年三月,甘露降於京師。

四月,太山郡上言甘露降。

太祖天興二年七月,獲嘉禾於平城縣,異莖同穎。

八月,廣寧送嘉禾一莖十一穗,平城南十里郊嘉禾一莖九穗,告于宗廟

太宗永興二年十月,嘉禾生於淸河郡

泰常三年八月,嘉禾生於勃海郡東光縣。

世祖神

開二年七月,

嘉禾生於魏郡安陽縣,三本同穎。

高祖 太和三年九月,齊州獻嘉禾。 承明元年八月,齊州獻嘉禾。

五年八月,常山獻嘉禾。

七年八月,定州獻嘉禾。

世宗景明元年七月,齊州獻嘉禾。

三年七月,齊州獻嘉禾。

四年八月,冀州獻嘉禾。

正始元年八月,濟州獻嘉禾。

二年六月,齊州獻嘉禾。 七月,魯陽郡獻嘉禾。 八月,同州獻嘉禾

三年七月,冀州獻嘉禾。

永平三年八月,榮陽獻嘉禾。

肅宗熙平二年八月,幽州獻嘉禾,三本同穗。

正光二年七月,朔州獻嘉禾。

三年八月,肆州獻嘉禾,一根生六穗。

孝靜天平三年七月,魏郡獻嘉禾。

四年八月,幷州獻嘉禾。

是月,京師又獲嘉禾。 虞曹郎中司馬仲璨又獻嘉禾,一 莖五穗。

興和三年八月,南靑州獻嘉禾。 元象元年八月,東雍州獻嘉禾。

四年八月,京師再獲嘉禾。

靈徵志下

武定 二年八月,京師獲嘉禾。

三年八月,幷州獻嘉禾。

高祖 太和三年十月,徐州獻嘉瓠,一 帶兩實。

太祖 天興二年七月,幷州獻白兔 王者敬耆老則見。

四年正月,幷州獻白冤。 三年五月,車駕東巡,幸廣寧,有白兔見於乘輿前,獲之。

太宗永興三年,上獵於西山,獲白兔。

八月,京師獲白兔。

泰常元年十一月,定州安平縣獻白兔。

二年六月,京師獲白兔。

三年六月,頓丘郡獲白兔。

世祖始光三年五月,洛州獻黑兔。

神磨 元年九月,章武 郡獻白兔。

四年二月,勃海郡獻白 冤。

真君七年二月, 青州獻白兔二。

高宗和平三年十月,雲中獲白兔。

四年閏月,鄴縣獲白趸。

高祖延興五年四月,白兔見於代郡。

承明元年八月,白兔見於雲中。

太和元年六月,雍州周城縣獻白兔。

八年六月,徐州獻白兔。三年三月,吐京鎭獻白兔。

十八年十月,瀛州獻白兔。

二十年七月,汲郡獻黑兔。

七月,京師獲白冤。

二十三年,獲黑冤。

世宗景明元年十一月,河州獻白兔。

八月,河內郡獻白兔。三年四月,潁川郡獻白兔。

四年六月,河內郡獻白兔。

鑑 徴 志 下

七月,夏州獻黑兔。

正始元年三月,河南郡獻黑兔。

四月,魯陽郡獻白兔。

二年八月,東郡獻白兔。

九月,河內郡獻黑冤。

是月、肆州獻白兔、東郡又獻白兔。 三年七月,薄骨律鎭獻白冤。

九月,肆州獻白兔。

四年四月,河內郡獻白兔。

永平元年四月,濟州獻白兔。

五月,河內獻黑兔。

十月,樂安郡獲白兔。 二年二月,相州獻白兔。

延昌三年七月,豫州獻白兔。

四年三月,河南獻白兔。

八月,河南又獻白兔。

九月,河內又獻白冤。

五月、東郡獻白兔。肅宗熙平二年四月、豫州獻白兔。

六月,京師獲白冤。

十一月,鄯善鎭獻白冤。

神龜元年六月,京師獲黑兔。

九月,正平郡又獻白兔。二年八月,正平郡獻白兔。

十月,京師獲黑兔。

正光元年正月,徐州獻白兔。

五月,冀州獻白兔。

三年五月,徐州獻白兔二。

是月,冀州獻白兔。

孝靜天平二年八月,光州獻白兔。

靈 徴 志 下

元象元年五月,徐州獲白兔。四年十月,光州獻白兔。

六月,齊獻武王獲白兔以獻。

是月,濮陽郡獻白冤。

興和二年四月,徐州獻白兔。

六月,京師獲白冤。

|武定元年三月,瀛州獻白兔。四年正月,光州獻白兔。

□月,汲郡獻白冤。

六年十一月,武平與獻白兔。

太宗永興三年六月,京師獲白燕。 太祖天興五年八月,上曜軍覽谷,見白燕

四年閏月,京師又獲白燕。

泰常二年六月,京師獲白燕。

高祖太和二年三月,白燕見於幷州。

八年四月,白燕集於京師。

是月,代郡獻白燕。

二十三年八月,荆州獻白燕。

閏月,正平郡獻白燕。

世宗景明三年六月,涇州獻白燕。

肅宗熙平元年七月,京師獲白燕。

孝靜元象元年八月,西中府獻白燕。

興和二年三月,京師獲白燕。

武定三年六月,北豫州獻白燕。

世祖神廳元年九月,滄水郡獻白雀 太宗泰常八年五月,雁門獻白雀。 王者爵祿均則白雀至。三

十月,魏郡獻白雀。

眞君八年五月,雁門郡獻白雀。

高祖延興二年二月,白雀見於扶風郡。

三年五月,白雀見於代郡。

靈 徴 志 下

魏

四 年正 月,青州 獻白雀。

太和 三年五月,白雀見於豫州。

十三年正月,清河武城縣獻白雀。

十月,薄骨律鎭獻白雀。 世宗景明三年六月,滎陽 郡獻白雀。

四年三月,敦煌鎭獻白雀。

五月,京師獲白雀。

六月,恒農郡獻白雀。

七月,京師獲白雀。 正始二年七月,薄骨律鎭獻白雀。

三年四月,獲白雀於京師。

十月,河州獻白雀。

四年二月,豫州獻白雀 十二月,雍州獻白雀。

|永平三年七月,京師獲白雀。

延昌三年七月,河南郡獲白雀。

十一月,秦州獻白雀。

八月,秦州獻白雀。

四年五月,滎陽獻白雀。

是月,青州獻白雀。

是月,恒州獻白雀。

是月,洛陽獲白雀。

十一月,荆州獻白雀。

肅宗熙平元年四月,京師再獲白雀

七月,宮中獲白雀。

六月,相州獻白雀。 二年四月,華州獻白雀。

是月,薄骨律鎭獻白雀。

七月,京師獲白雀。

八月,薄骨律鎭 又獻白雀。

靈 徴 志 下

是月,京師獲白雀。

十一月,京師獲白雀。

神龜元年五月,京師獲白雀

六月,京師獲白雀二。

八月,薄骨律鎭獻白雀。

是月,京師獲白雀。

二年五月,徐州獻白雀。

三年七月,京師又獲白雀。

正光元年六月,京師獲白雀。

二年六月,光州獻白雀。

六月,榮陽郡獻白雀。 三年四月,京師獲白雀。

九月,白雀見舍人省。 是月,光州獻白雀。

四年六月,京師獲白雀。

七月,京師獲白雀。

出帝太昌元年四月,京師獲白雀。

三年七月,京師獲白雀。

孝靜天平二年五月,北豫州獻白雀。

四年七月,兗州獻白雀。

元象元年五月,京師獲白雀。

七月,肆州獻白雀。六月,京師獲白雀。

是月,齊獻武王獲白雀。

二年五月,京師獲白雀。

是月,南兗州獲白雀。

六月,齊文襄王獲白雀以獻。

七月,京師獲白雀。

興和二年四月,京師獲白雀。

徴 志 下

閏月,京師獲白雀。

六月,光州獻白雀。

七月,京師獲白雀。 三年五月,京師獲白雀。

四年正月,京師獲白雀。

七月,京師獲白雀。 六月,京師獲白雀。

武定元年六月,京師獲白雀。

七月,京師獲白雀。

三年五月,梁州獲白雀。

七月,京師獲白雀。

四年六月,京師獲白雀。 十月,兗州獲白雀。

六年六月,京師獲白雀。

世宗景明三年三月,濟州獻赤雀。 周文王時銜書至。

四年五月,獲赤雀於京師。

永平元年四月,京師獲赤雀。

肅宗孝昌三年四月,河南獲赤雀以獻。

高祖承明元年十一月,冀州獻白鳩。

高宗和平四年三月,冀州獻白鳩。

殷湯時至。

王者養耆老,遵道德,不以新失舊則至。

太和二十三年七月,瀛州獻白鳩。

八月,滎陽郡獻白鳩。

世宗景明三年七月,涇州獻白鳩。

正始元年十月,京師獲白鳩。

是月,建興郡獻白鳩。

二年四月,幷州獻白鳩。

七月,冀州獻白鳩二。

三年七月,夏州獻白鳩。

|永平元年六月,洛州獻白鳩。

肅宗熙平二年九月,汲郡獻白鳩。

靈 徴 志 下

脛,見一老父,謂相曰:『自今以後四十二年當有聖人出於北方。 時當大樂,子孫永長,吾不 及見之。』言終而過。 太祖 天興四年春,新興太守上言:「晉昌民賈相,昔年二十二,爲雁門郡吏,入句注西 相顧視之,父老化爲石人。相今七十。下檢石人見存。 至帝破慕容

寶之歲,四十二年。」 之興,必有受命之符,故能經緯三才,維建皇極,三五之盛,莫不同之。 諱「應王,載記千歲」,凡七字;次記太宗明元皇帝諱「長子二百二十年」,凡八字;回次記 今。 「上愛皇孫,提攜臥起,不離左右,此卽上象靈契,真天授也。」於是衞大將軍、樂安王範,輔 錄又授「太平眞君」之號,與石文相應。|太宗名諱之後,有一人象,攜一小兒。見者皆曰: 「太平天王繼世主治」,凡八字,次記皇太子諱「昌封太山」,凡五字。初上封太平王,天文圖 五, 目 夏禹有洛書、九嚋,至乃神功播於往古,聖跡顯於來世。 伏惟陛下德合乾坤,明並日月,固 國大將軍、建寧王崇,征西大將軍、常山王素,征南大將軍、恒農王奚斤上奏曰:「臣聞帝王 ·大討曹』,而晉氏代魏。今石文記國家祖宗諱,著受命之符。」乃遣使圖寫其文。 大石有 皆青質白章,間成文字。其二石記張、呂之前,已然之效。其三石記國家祖宗以至於 其文記昭成皇帝諱「繼世四六,天法平,天下大安」,凡十四字; [三] 次記太祖道武皇帝 真君五年二月,張掖郡上言:「往曹氏之世,丘池縣大柳谷山石表龍馬之形,石馬脊文 伏羲有河圖、八卦,

內,溥 命 光 來 國 之 天 ,旗 號 電 縦 家 無 歸 祖宗之諱,著受命 聖,應運挺生,上靈 天 祥之驗, 一制 陛 率 以對揚 F 深 日 此 無思 未有今日之煥炳 執 天休,增 虚 天 不 冲, 地 服。 歷數之符。 歷 廣 況施,乃先祖父之遺徵,豈朕 垂顧, 徵善備集。 年 天 今張掖郡 ·乃受。 地,謹 11 與羣 王公已下,羣司 精 列言 斯乃上靈降命,國家無窮 誠 臣參議,宜 感 后: 是以始光元年經天師 於靈物 池 縣大 信 以石文之徵,宣告四 百辟,覩 (柳谷山 一人所能 惠協 大石 於天 此圖 之徵 獨 文 奉 有 人, 致。 清質 <u>Ш</u>, 天文圖 ,莫不感動 用能 可 海 自 臣等幸 如 威 一、令方 章 錄,授司 所 加 , 奏。」 間 四 遭盛化,沐浴 外僭 成 海, 太平眞君』 文字, 竊 自古以 澤流 知 記 天 宇

接 南 IIII Ш 採 太和 上,或方一尺二寸。或方一尺,方楞悉就。 藥,到 元 年冬十月,南部尚書安定侯鄧宗慶奏「鄉郡 遊越谷南嶺下,見清碧石柱數百枚。 其數旣多,不可具數,請付作曹採用。」奏可。 被詔案檢,稱所 民李飛、太原 見青碧柱, 民 王顯 長 前 者一 列 稱: 匹, 詣京 相

時

人

八神異

之。

汝 汝將軍,領衆從東 國 於營外 家 顯 淮畔為斷 旭 皇興三年六月,尉元表「臣於彭城遣別將以八日至睢口邀賊將陳顯達,至百戰 \mathcal{T}_{L} 里芻牧、見一白頭 北臨入,我當驅賊 下邳城我當驅出,任 翁,乘白 令走。 馬,將軍,日以呼之語,稱:『至十八日 不勞兵力。』後十日,此人復於彭城 申時,賊必大破,宿豫、淮陽皆克 辰 無疑。 南戲馬臺東二 必來到 我當 3此,語 與

助汝二將蕩除已定。汝上下喜不?』因忽然不見。」詔元於老人前後見所,爲壇表記之。 里見白頭翁,亦乘白馬,從東北來,呼此人謂曰:『我與東海、四瀆、太山、北嶽神共行淮北,

帝中書舍人,遣語李憲,勿憂賊堰,此月破矣。』興行兩步,錄興姓字,令興速白。興寤,曉遂 還城,具言夢狀。 七月二十七日,堰破。」 便再拜。問興何人。興對曰:『李公門下督,暫使|硤石。』其人語興: 『君可回,我是|孝文皇 夜夢渡肥水,行至草堂寺南,遙見七人,一人乘馬著朱衣,籠冠,六人從後。興路左而立,至 肅宗孝昌二年十月,揚州刺史李憲表云:「門下督周伏興以去七月息假還家,至十一日

世祖延和三年三月、樂安王範獲玉璽一、文曰「皇帝璽」以獻。

至潞縣侯孫家賣之。孫家得印,奇之,求訪婦人,莫知所在。其文曰:「旱疫平。」寇天師曰: 太延元年,自三月不雨至六月,使有司遍請羣神,數日,大雨。 是日,有婦人持一玉印

龍文紐書云,此神中三字印也。」

所授,非人爲也。」 詔天下大酺三日。 文曰:「富樂日昌,永保無疆,福祿日臻,長享萬年。」玉色光潤,模制精巧,百僚咸曰:「神明 高宗和平三年四月,河內人張超於壞樓所城北故佛圖處獲玉印以獻。〔<〕印方二寸,其

高祖承明元年八月,上谷郡民獻玉印,上有蛟龍文。

太和元年三月,武川鎭獻玉印,青質素文,其文曰「太昌」。

六月,雍州獻玉印。

是月,長安鎭獻玉印一,上有龜紐,下有文字,色甚鮮白,有殊常玉

三年七月,定州鉅鹿民獻玉印一方,七分,上有文字。

世宗永平元年四月、瀛州民獲玉璧、玉印各一以獻。

肅宗熙平二年十一月,京師仍獲玉璽二。

孝靜興和三年二月,東郡白馬縣民獻玉印一。

太宗永興三年十二月,北塞候人獲玉板二以獻。 王者慈仁則見。

高祖承明元年九月,京兆民獻青玉璧一雙,文色炳煥。王者賢良美德則至。

孝靜天平二年二月,員外散騎常侍穆禮得玉板一,廣三寸,長尺五寸,頭有兩孔以獻。

肅宗正光三年六月,幷州靜林寺僧在陽邑城西橡谷掘藥,得玉璧五,珪十,印一,玉柱

,玉蓋一,並以獻。

高祖太和五年六月,上邽鎭將上言:「於鎭城西二百五十里射獵,於營南千水中得玉車

釧三枚,二青一赤,制狀甚精。」

孝靜興和四年七月,鄴縣民獻白玉一璞。

靈 徴 志 下

肅宗熙平二年正月,金出岐州橫水縣赤粟谷。

太祖 天興三年四月,有木連理,生於代郡天門關之路左。 王者德澤純洽,八方爲一則

八月、勃海上言脩縣、東光縣木連理各一。

生。

十二月,豫州上言木連理生於河內之沁縣。〔五〕

四年春,河內郡木連理二。

八月,魏郡上言內黃縣木連理。

太宗泰常元年十月,范陽郡上言木連理。

十一月、常山郡上言木連理。

三年正月,勃海上言東光縣木連理。

八月、廣寧郡上言木連理。

世祖神麍四年九月,滎陽郡上言木連理。

延和二年三月,樓煩南山木連理。

三年九月,上谷郡上言木連理。

太延元年二月、魏郡上言木連理。

五年二月、遼西上言木連理。

高 祖 延興元年十一月,秘書令楊崇奏,鍾 律郎李生於京師見長生連 理 樹。

承明元年九月,幷州上言木連理,相去一丈二尺,中有五枝相連。

太和元年三月,冀州上言木連理。

十七年六月,京師木連理。

十八年十月,河南上言鞏縣木連理。

二十三年十月,幷州上言百節連理生 縣 貔 Щ 濟州上言木連 理。

十二月,瀛州上言木連理。

世宗景明二年正月,瀛州上言平舒縣木連理。

三年正月,潁川郡上言木連理。

四月,荆州上言南陽宛縣木連理。二月,平陽郡上言襄陵縣木連理。

六月,徐州上言東海木連理。

十月,秦州上言南稻、新興二縣木連理各一。

四年二月,趙平郡上言鶉觚縣木連理。

一月,齊郡上言臨淄縣木連理

四月,汾州上言五城郡木連理。

五月,青州上言莒縣木連理。

六月,恒農盧氏縣木連理。

是月,徐州上言梁郡下邑縣木連理。

九月,秦州上言當亭四縣界各木連理。

正始元年五月,司州上言榮陽京縣木連理。

六月,京師西苑木連理。

七月,河東郡上言聞喜縣木連理。

八月,河南郡上言,慈水濱木連理。

十月,恒農郡上言崤縣木連理。

十二月,涼州

上言石城

縣

木

連

理

0

二年正月,汾州上言平昌縣木連理。

二月,司州上言崤縣木連理。

九月,司州上言潁川陽翟縣木連理。

三年六月,汾州上言永安縣木連理。

是月,京師木連理。

七月,潁川陽霍縣上言木連理。

是月,建德郡上言石城縣木連理。

永平元年四月,司州上言潁川郡木連理。

三年十一月,夏州上言橫風山木連理。二年四月,司州上言恒農北陝縣木連理。

延昌二年正月,徐州上言建陵戍木連理。

三年正月,司州上言軹縣木連理。

六月,京師木連理。 . . 四年三月,冀州上言信都縣木連理。

九月,雍州上言鄠縣木連理。

肅宗熙平元年正月,光州上言曲城縣木連理

二年十一月,京師木連理。

十二月,敦煌鎭上言晉昌戍木連理。

神 龜元年正月,汾州上言永安縣 木 連 理。

三月,滄州上言饒安縣 木 連 理

八月,燕州上言上谷郡 木 連 理

九月、秦州上言隴西之武 陽 川 木 連 理

二年六月,夏州上言 山鹿 縣 木 連 理

正光元年五月,幷州 上言上黨 東 山谷中木 連 理

十一月,齊州上言濟南郡 二年六月,齊州上言魏郡 逢陵 靈壽 縣 Щ 木連 木 連 理。 理

二年二月,涼州上言楡中 縣 木 連 理

三月,青州上言平昌郡 木 連 理

四年二月,揚州上言汝 八月,徐州上言龍亢戍 陰縣 東 木 木 連 連 理 理

八月,涼州 上言顯美縣 木 連 理

孝昌元年十月,魏郡 元 城縣 木 連 理。

孝靜天平二年四月,臨 水 郡 木連 理。

七月、魏郡木連理。

三年五月,司州上言淸河郡木連理。

四年六月、廣平郡上言木連理。

八月,幷州上言木連理。

元象元年二月,洛州上言木連理。

八月,上黨郡上言木連理。 五月,林慮縣上言木連理。

一年四月,光州上言盧鄉縣木連理。 興和元年九月,有司奏西山採材司馬張神和

上言司空谷木連理

武定元年閏月,西兗州上言濟陰郡木連二年四月,光州上言盧鄉縣木連理。

理。

九月,齊獻武王上言幷州木連理。

五年十一月,孙州二言大惠里。 三年九月,瀛州上言,河間郡木連理。

六年五月,晉州上言木連理。五年十一月,汾州上言木連理。

八年四月,青州上言齊郡木連理。

靈徵志下

世宗景明三年七月,魯陽獻鳥芝。 王者慈仁則生,食之令人度世

太祖 天興二年七月,幷州獻白雉 周成王時越裳氏來獻。

四年正月,上黨郡獻白雉。

二月,幷州獻白雉。

五月,河內郡獻白雉。

太宗神瑞二年十一月,右民尚書周幾獲白雉 於博陵安平以獻。

泰常三年正月,勃海郡高城縣獻白雉

十一月,中山行唐縣獻白雉。三月,勃海郡南皮縣獻白雉二。

四年正月,新興郡獻白雉。十二月,又獻白雉二。

五年二月,白雉見於河內郡。

世祖神麍元年二月,相州獻白雉。

二年二月,上黨郡獻白雉。

高祖延興二年正月,青州獻白雉。

五年正月,白雉見於上谷郡。

太和元年二月,秦州獻白雉

三月,白雉見於秦州

十一月,白雉見於安定郡

二年十一月,徐州獻白雉

三年正月,統萬鎭 (獻白: 獻白雉。 雉。

四年正月,南豫州

六年三月,豫州獻白雉。

十七年正月,幽州獻白雉。 八年六月,齊州淸河郡獻白雉。

四月、瀛州獻白雉

二十年三月,兗州獻白雉

世宗景明三年正月、徐州獻白雉。

一月,冀州獻白雉。

正始三年三月,齊州獻白雉。

十月,青州獻白雉

靈 徴 志 下

四年十一月,秦州獻白雉。

永平二年四月,河內郡獻白雉。

六月,河南獻白雉。

十二月,豫州獻白雉。

延昌四年二月,冀州獻白雉。

是月,京師獲白雉。

閏月,岐州獻白雉。

十二月,幽州獻白雉。

肅宗熙平元年二月,相州獻白雉。

三月,肆州獻白雉。

二年三月,徐州獻白雉。

神龜元年三月,潁川郡獻白雉。

二年正月,豫州獻白雉。

正光三年二月,夏州獻白雉。

四年三月,光州獻白雉。

二九六六

孝靜天平三年正月,青州獻白雉。

四年二月,青州獻白雉。

十二月,梁州獻白雉。

元象二年正月,魏郡繁陽縣獻白雉。

武定元年正月,廣宗郡獻白雉。

是月,兗州獻白雉。

四年三月,青州獻白雉。

太宗泰常七年九月,溫泉出於涿鹿,人有風寒之疾,入者多愈。

高祖 太和八年正月,上谷郡惠化寺醴泉涌。 醴泉,水之精也。 味甘美,王者修治則出。

齊獻 興和 武王令於泉所營立廬舍。 元年冬,西兗州濟陰郡宛句縣濮水南岸,有泉涌出,色清味甘,飲者愈疾,四遠奔 尚書奏賞刺史栗千石,太守栗五百石,縣令栗二百石,

以旌善政所感;先列言者依第出身。詔可。

湊。

高宗太和 二年九月、鼎出於洛州澄水、送於京師。 王者不極滋味,則神鼎出也。

校勘記

- □□ 定州 獲白麍白麍鹿又見於樂陵 按「麍」乃牡鹿、無須下着「鹿」字、疑下「麍」或「鹿」字衍其一。
- 王者爵祿均則白雀至 百衲本「均」字空格、他本注「闕」字。今據宋書卷二九符瑞志下補
- 其文記昭成皇帝 諱繼世四六天法平天下大安凡十四字 百衲、北、汲三本「帝」作「后」,南、殿、

大安』十一字合之,恰與十四字之數相符」。按考證說是,今從南、殿、局本。 局三本作「帝」。殿本考證云「昭成帝諱什翼犍,今以『什翼犍』三字幷下『繼世四六天法平天下

「八」。殿本考證云:明元帝諱嗣,今以『嗣』字幷下『長子二百二十年』七字合之,則『六』字必係 次記太宗明元皇帝諱長子二百二十年凡八字 百衲、北、汲、局四本「八」作「六」,南、

殿

本作

、 五 山 臣於彭城遣別將以八 作「八日」。按上云尉元於六月上表,豈得敍八月事。「月」字訛,今據改 日至睢 口 邀賊將陳顯 達 諸本「八日」作「八月」,册府卷三九八四七三六頁

『八』字之訛。」按義證說是,今從南、殿本

- ファビ 將軍 「將杖」猶言「持杖」,疑是。 册府 同上卷頁「軍」作「杖」。 此「將軍」乃因舊本與次行「語汝將軍」相 按「將軍」謂此白頭 翁率領一批軍士,然統觀此段,似只一人。 並 而 訛
- -63 下邳 城我當驅出 册府同上卷頁「城」下有「賊」字。 按無「賊」字較晦 疑 當 有此 字。
- 河內人張超於壞樓所城北故佛 圖處 獲玉 印以獻 册府卷二三三四六頁、卷七九九一七頁「壞樓所

城」作「懷樓新城」。按一〇六上地形志上河內是懷州屬郡,懷州武德郡有懷縣,這裏「壞」當是

「懷」之訛,指懷縣。 地形志於懷縣下云「有懷城」、志例、已遷治者、稱「有某城」、皆指故城、可知

當時懷遷治新城。 册府作「新城」當是。但「樓」字不可解,疑亦字訛。

貌州上言木連理生於河內之沁縣 此縣當屬豫州。 據水經注卷九沁水篇,亦作「沁水城」,疑這裏「沁」下脫「水」字。 按卷一〇六上地形志上懷州河內郡有沁水縣。

懷州未置前,

完

魏書卷一百一十三

官氏志九第十九

知矣。 家,非一人之力也。 時適務。 百姓不能以自治,故立君以司牧,元首不可以獨斷,乃命臣以佐之。 唐虞六十,夏商倍之,周過三百,是爲大備。 且國異政,家殊俗,設官命職,何常之有。 書契已外,其事蔑聞,至於巖、軒、昊、珥之間,龍、火、鳥、人之職, 而秦、漢、魏、晉代有加減,罷置盛衰,隨 帝王爲治,禮樂不相沿,海內作家,物 然則安海內,正國 頗 可

色非一用。

其由來尙矣。

位,已命燕鳳爲右長史,許謙爲郎中令矣。 諸方雜人來附者,總謂之「烏丸」,各以多少稱會、庶長,分爲南北部,復置二部大人以統攝 嚴,機辯才幹者應選。 侍之職,無常員,或至百數,侍直禁中,傳宣詔命。 魏氏世君玄朔,遠統□臣,掌事立司,各有號秩。及交好南夏,頗亦改創。 又置內侍長四人,主顧問,拾遺應對,若今之侍中、散騎常侍也。 餘官雜號,多同於晉朝。 皆取諸部大人及豪族良家子弟儀貌端 建國二年,初置 昭成之卽王 左右近 其

時帝弟孤監北部,子寔君監南部,分民而治,若古之二伯焉。

已下中散已上皆統之,外朝大人無常員, 主受詔命 外使, 出入禁中, 國有大喪大禮皆 朝大人官。 其都 統 長領殿內之兵,直王宮,幢將員六人,主三郞衞士直宿禁中者 自 侍 中 與參知,隨所典焉。 太祖 登國元年,因而不改,南北猶置大人,對治二部。是年置都統長,又置幢將及外

而置之。 皇始元年,始建曹省,備置百官,封拜五等,外職則刺史、太守、令長已下有未備者,隨

|天興元年十一月,詔吏部郎|鄧淵典官制,立爵品。

十二月,置八部大夫、散騎常侍、待詔等官。[1] 其八部大夫於皇城四方四維面置一人,

以擬八座,謂之八國。常侍、待詔侍直左右,出入王命。

其有文簿,當曹敷奏,欲以省彈駁之煩。初令五經諸書各置博士,國子學生員三十人。 二年三月,分尙書三十六曹及諸外署,凡置三百六十曹,令大夫主之。 大夫各有屬官,

望者爲之。蒙養職比光祿大夫,無常員,取勤舊休閑者。長德職比中散大夫,無常員。訓 三年十月,置受恩、蒙養、長德、訓士四官。受恩職比特進,無常員,有人則置,親貴器

士 職比諫議大夫,規諷時政,匡刺非違。 又置仙人博士官,典煮鍊百藥。

四 . 年七月,罷匈奴中郎將官,令諸部護軍皆屬大將軍府。

九月,罷外蘭臺御史,總屬內省。

十二月,復尙書三十六曹,曹置代人令史一人,譯令史一人,書令史二人。

元士,秩七品。元士屬官有署令長,秩八品。令長屬官有署丞,秩九品。 天賜元年八月,初置六謁官,準古六卿,其秩五品。屬官有大夫,秩六品。 大夫屬官有

十二人,侯者七十九人,子者一百三人。王封大郡,公封小郡,侯封大縣,子封小縣。 封王,宗室及始蕃王皆降爲公,諸公降爲侯,侯、子亦以此爲差。於是封王者十人,公者二 下,才能秀異者總比之造士,亦有五等。 郎,七品散官比太中、中散、諫議三大夫,八品散官比郎中,九品散官比舍人。 文官五 一品,公第二品,侯第三品,子第四品。 九月,減五等之爵,始分爲四,曰王、公、侯、子,除伯、男二號。 叉制散官五等:五品散官比三都尉,六品散官 武官五品已下堪任將帥者,亦有五等。 皇子及異姓元功上勳者 若百官有 品已 1比議 王第

皆擬遠古雲鳥之義。 初,帝欲法古純質,每於制定官號,多不依周漢舊名,或取諸身,或取諸物,或以民事, 諸曹走使謂之鳧鴨,取飛之迅疾,以伺察者爲候官,謂之白鷺,取其延

闕者,則於中擢以補之。

官氏志

頸遠望。 自餘之官,義皆類此,咸有比況。又制諸州各置都尉以領兵。

各自立師、職分如八國,比今之中正也。宗室立宗師,亦如州郡八國之儀。 十一月,以八國姓族難分,故國立大師、小師,令辯其宗黨,品舉人才。 自八國以外,郡

人,侯二十五人,子十二人,皆立典師,職比家丞,總統羣隸。 十二月、韶始賜王、公、侯、子國臣吏、大郡王二百人、次郡王、上郡公百人、次郡公五十

二年二月,復罷尚書三十六曹,別置武歸、修勤二職。武歸比郎中,修勤比令史,分主

省務。

二年正月,日置內官員二十人,比侍中、常侍,迭直左右。

郡置三太守,用七品者。 史、省事、典籤等。 有令長,雖置而未臨民。 又制諸州置三刺史,刺史用品第六者,宗室一人,異姓二人,比古之上中下三大夫也。 縣置三令長,八品者。刺史、令長各之州縣,以太守上有刺史,下 自前功臣爲州者徵還京師,以爵歸第。置散騎郎、獵郎、諸省令

四年五月,增置侍官,侍直左右,出內詔命,取八國良家,代郡、上谷、廣寧、雁門四郡民

中年長有器望者充之。

永興元年十一月,置騏驎官四十人,宿直殿省,比常侍、侍郎。

神瑞元年春,置八大人官,大人下置三屬官,總理萬機,故世號八公云。

泰常二年夏,置六部大人官,有天部,地部,東、西、南、北部,皆以諸公爲之。 大人置

三屬官。

始光元年正月、置右民尚書。

神愿元年三月,置左右僕射、左右丞、諸曹尚書十餘人,各居別寺。

七月,詔諸征鎭大將依品開府,以置佐吏。

延和元年三月,改代尹爲萬年尹,代令爲萬年令。後復。

眞君五年正月,侍中、中書監、宜都王穆壽,司徒、東郡公崔浩,侍中、廣平公張黎輔政,

置通事四人。又選諸曹良吏,給事東宮。

正平元年七月,以諸曹吏多,減其員。

興安二年正月,置駕部尚書、右士尚書。

太安三年五月,以諸部護軍各爲太守。

延興二年五月,詔曰:「非功無以受爵,非能無以受祿,凡出外遷者皆引此奏聞,求乞假

品。 在職 有效,聽下附正,若無殊稱, 隨而削之。 舊制諸鎭將、刺史假五等爵,及有所貢獻

而得假爵者,皆不得世襲。」

四年二月、置外牧官。

五年九月,置監御曹。

太和二年五月,滅置候職四百人,司察非違。

四年,省二部內部幢將。

十一年八月、置散官員一百人、朝請員二百人。

十五年七月,置司儀官。

外散騎常侍、侍郎,各六人。又置司空、主客、太倉、庫部、都牧、太樂、虞曹、宮輿、覆育少卿官。 十二月,置侍中、黄門各四人,又置散騎常侍、侍郎,員各四人,通直散騎常侍、侍郎,員

又置光爵、驍游、五校、中大夫、散員士官。又置侍官一百二十人。改立諸局監羽林、虎賁。

舊制,諸以勳賜官爵者子孫世襲軍號。 十六年,改降五等,始革之,止襲爵而已。

舊制,緣邊皆置鎭都大將,統兵備禦,與刺史同。

城隍、倉庫皆鎭將主之,但不治。

故

爲重於刺史。疑〔三〕

直意將軍之徒是也。 自太祖至高祖初,其內外百官屢有減置,或事出當時,不爲常目,如萬騎、飛鴻、常忠、 舊令亡失,無所依據。 太和中高祖詔羣僚議定百官,著於令,今列於

左,勳品、流外位卑而不載矣。

太師

太傅

太尉

大司馬 右三師 太保

大將軍

司空

司徒

右第一品上

右第一品中

左右光祿大夫

太子太傅

太子太師

太子太保

四征加大者,次衞將軍。

尚書 左僕射

都督中外諸軍事 儀同三司

特進

諸開府

驃騎將軍

車騎將軍二將軍加大者,位在三司

上。

衛將軍加大者,次儀同三司。

右三將軍

四鎭加大者,次尚書令。 右第一品下

太常

吏部尚書

二九七七

官 氏 志

右東宮三師

尚書令

都督府州諸軍事

尙 書右僕射

中

書監

衞尉

光祿

勳

中軍將三 軍

右三卿

鎭軍 將 軍

撫軍 將 軍

右三將軍加大者,

秩次四征下。

金紫光祿大夫

右從第一品下

四安加大者,秩次三少下,

凡將軍三品已下、五品已上加大者。

太子左右詹事

散騎常侍

護軍二職若侍臣帶者

加 中。

同

州

刺史

領

軍

中

書

令

右從第一品上

太子 太子少傅 少師

列

曹尚

書

右從第一品中

太子少保

右東宮三少

中侍中

都督三州諸軍事

宗正 大司 農

大鴻

臚

少府

右六卿

領軍將軍

護軍將軍二將軍與領護不並置。

右第二品上

前、後、左、右將軍

四平加大者,秩次護軍下。

大長秋卿

右從第二品上 左衞將軍

官 氏 志

秘書監

右第二品中

光祿大夫銀青者。

右從第二品中

武衛將 右第二品下 軍

都督 一州諸軍

將作大匠

右衞將軍

右從第二品下

二九七九

駙馬

諸王 師

御史中尉 太子左右衛率

輔國將

軍

龍驤將軍

中常侍

征虜將軍

給事黃門侍郎

太子中庶子

南、北、東、西中郎將

羽林

中郎將

太中大夫

城門

|校尉

通直散騎常侍

二九八〇

護匈奴、羌、戎、夷、蠻、越中

郎將

護羌、戎、夷、蠻、越校尉

右第三品中

代尹

右第三品上

光爵

少卿

中尹

司

衞 監

右第三品下

二九		官氏志
右從第三品	右從第三品中	右從第三品上
直閤將軍		
顯武將軍		
昭武將軍		
曜武將軍	•	給事
勇武將軍		秘書令
恢武將軍		中大夫
立節將軍		前、後、左、右軍將軍
立忠將軍	監軍	給事中
立義將軍	長水校尉	太子庶子
建節將軍	步兵校尉	太子僕
建中將軍	屯騎校尉	太子率更令
建遠將軍	越騎校尉	太子家令
安遠將軍	射聲校尉	驍騎將軍
鎭遠將軍	中給事	員外散騎常侍

國 子祭酒

公府長· 下大 夫 史

太子三 散 、騎侍 校 郎

尙

書

左丞

中 ·書侍 郎

中 中 散 謁 者 大 大夫 夫

中 堅 將 軍

寧朔 中 壨 將 將 軍 軍

揚威 將 軍

元 右 第 士 四 上

> 公 府 司 馬

司 尙 馬 書 別駕 右 丞

中黄門令 太子中舍人

內署令 令 至

符節 都水使者 令

建 威 將 軍 通

直

散騎侍郎「~」

奮 威 將 軍 振

威

將

軍

諸 右 第

開 府 司 馬

四 品 中

> 諫 議 大 夫

建 秘 武 書 將 丞 軍

奮武 揚 武 將 將 軍 軍

振

武

將

軍

廣 武 將 軍

廣 威 將 軍

諸王 右 第 友 四 品下

諸 公府 開 諮議 府 長 参軍 史

太子 尙 書 洗 吏 部 馬 郎

中

武

騎

侍

郎

駙 奉 馬 車 都 都 尉 尉

騎

都

尉

中散 羽 林 庶 中 長 郎

謁 者 僕 射

高 車 377 林 郎

右 從 第 官 四 氏 品 志

羽 林 郎 將

冗

從 僕 射 上 將

右 從第四 品中

同 州 功曹都官

五 局 司 直

司

敗

符 諸 璽 局 郞 校 中 尉

太子 協 員 律 外 散騎 中 門 郎 大 侍 夫 郎

戟 募 員 楯 (虎賁 虎賁 將 將 軍 軍

右 車 虎賁 積 弩射 將 將 軍 軍

左

高

强弩將| 軍

右從 第 四 品 下

二九八三

中軍、鎭軍 、撫軍長史

鷹揚將軍

寧遠將 軍

折衝將

軍

揚烈將軍

諸開府諮議參軍

秘書著作郎

治書侍御史 中謁者僕 射

中 黄門冗從僕射

侍 御 中散

公府 中軍 從事 - 、鎭軍 中 撫軍 郎 司

馬

伏波將軍 尙 書 郞 中

> 中書議. 郞

公府正參軍 諸開府從事 市郎

廷尉正、監、評 公府主簿

司州主簿

太子舍人

中黃門 輕 車將 軍

虎威將軍 威遠將軍

散 殿 中 中將 散 臣 監 軍

太子 倉 令

> 皇宗博 士

率 歸 義 義 侯 侯

朝服侯 順 義侯

太常丞

秘書 右第 太子 平 太子食官 陵 漠 江 將 中 將 郎 五 밂 盾 軍 軍 **F**:

國子 博 士

太學祭酒

武 秘 書著 土 將 作佐 軍 郎

侍御

史

尙

書

郎

率

義

中

郎

將

歸

義

中

郎

將

附

義

中

郎

將

右

第

五

딞

下

殿

中

御

史

太子 諸 局 監 厩 長

右

第

五.

品

中

京邑市· 水 典 牧 都尉 令

虎賁

郎

將

方

舞

郞

庶長

宿

衞

軍

將

司

鹽

都

尉

司

竹

都

尉

掖

庭

監

官

氏

志

虎賁

司

馬

衡 都 尉

> 戟 順 義 楯 虎 中 賁 郎 將

虎 賁 司 馬

車 虎 賁 將

高

募

員

虎

賁

將

戟

楯虎

資將

高 募 車 員 虎 賁 司 司 馬 馬

二丸八五

右從第五品中

崇虛都尉

詹事 列 卿 丞 丞

代尹丞

宗聖士

諸開府正參軍

諸門府主簿

宮門司

馬

中謁

者

小黄門

謁者

員 八外將軍

散員 太樂祭酒 大夫

中監

郎

奉

乘

郎

羽

林

郞

門下錄事

高 車羽林郎

瞻

人

鄎

辨章郎 翼馭 廪犧令 太宰令 殿

方 右 者郎 從第五品下

嘗 藥監

二九八六

公府行參軍

宣

威

將

軍

襄武 明 威 將 將 軍 軍

厲威 將軍

公府掾 中軍、撫軍 屬

主書郞

詹 事五官

門下 門下主書舍人 通 事舍人

同 司 州 州 從 司 事 事

代 右第六品上 郡 功曹主簿

官

氏

志

、鎭軍正參軍

威虜 威寇 將 將 軍 軍

威烈

將

軍

威武將 威戎 將 軍 軍

> 河 隄 謁

武毅將 武 奉 太 武 樂博 奮將 烈 朝 將 請 者 軍 士 軍 軍

禮官

博

士

律

博

士

太

史

博

士

太

學

博

士

散

騎

公府記

室督

右第六品 中

右第六品下

二九八七

九
八
Л

散員士	諸開府行參軍	-
諸局中校尉	監淮海津都尉	
募員占	戟楯虛	

中書舍人

領、護二衞主簿

主事郞

集書舍人

詹事主簿

方 舞郎

高車

虎賁

、虎賁

虎賁

治

禮

郎

丞

諸開府記室督 諸宮門僕

司 馬督

校尉

千

人督

中軍、鎭軍、撫軍行參軍 [+]

領、護功曹掾

領、護五官

散臣中校

宿衞統 太子常從虎賁督

寺人 侍幹

獄

太子守舍人 掌 閽 璽 人 郎

掌筵 郎

掌服

郎

虎賁郎 諸開府掾

屬

集書校 秘書校書郎 書郎

秘書 鍾 律 郞

公府舍人

右從第六品 上

國子 右從第六品中 學

生

討難 計虜將軍 將軍

討寇

將軍

符史郎

盪

盗窓將軍

秘書舍人 右從第六品下

盪 房將 軍

二九八九

官 氏 志 都令史

太子主衣舍人

太子主書舍人

主書令史

門下令史

司事 太子左、右衞率主簿 郞

代郡通事 同州錄事

御屬

綏遠將軍

綏虜將軍

綏邊將軍 右第七品 上

諸門府舍人

主書令史 集書令史 秘書令史

討夷將軍

盪難

將

軍

盪逆將軍 太廟門僕

祝史 太常齋郎

右第七品中

王家尉 公主家令

太 獄 太史博士 學典 掾 錄

諸局督事

右第七品下

二九九〇

散 宿 司 衞 州 臣 幢 督 本 將 事 曹

右從第· 公府令史 七品 上

太子

太子 典書令史

典衣令史

太 右 學 從第七品 助 敎 中

掃 逆 將 軍 掃

難

將

軍

掃

虜

將

軍

掃

寇

將

軍

諸

局

通

事

司

事

令

史

太常 太 太 醫 h 博 日 博 者 士 上

厲鋒 厲武 虎 虎 右 奮將 牙 從第七品下 將 將 將 軍 軍 軍 軍

太樂典

錄

扶

令

官 氏 志 殄

夷

將

軍

殄

難

將

軍

殄

虜

將

軍

殄

寇

將

軍

二九九

右 !第八品· 上

直

事令史

宿 衞 軍 司 馬

諸局省

事

尚書記室令史

右從第

八品

上

諸 開府 令史

宿 衞 軍 吏

諸 局 書 吏

主書幹 書幹

典

書幹

横 廣 野將 野 將 軍 軍

偏

將

軍

右第 八品中

尚書 典客舍人 算 生

符券 公府閣下令史 吏

祀官 右從 第八品 |齋郎

中

典客參軍

太醫、太史助教

右第八品 下

諸局書令史 諸寺算生

乘傳使 者

虎賁軍書令史

右從第八品下

白 |衣臣

二九九二

裨將軍

右第九品上

方驛博士

八書 東 九品下

中校尉

統史

右從第九品上

右從第九品中

右從第九品下王家吏

太和十八年十二月,降車、驃將軍,侍中,黃門秩,依魏晉舊事。

十九年八月,初置直齋、御仗左右武官。

太師 太傅 太保

一十三年,高祖復次職令,及帝崩,世宗初班行之,以爲永制。

右三師上公

王

大司馬 大將軍

右二十

官氏志

二九九三

太尉 司 徒 司空公

開國郡公

右第一品

開國縣公

儀同三司

都督中外諸軍事

諸開府

散公

右從第一品

太子太師 太子太傅

太子太保 特進

尙書令

驃騎將軍

車騎將軍

四征將軍加大者,位次衛大

左右光祿大夫 開國縣侯

衛將軍加大者,位在太子太師之上。

右第二品

將軍。

諸將軍加大者

二將軍加大者,

位在都督中外之下。

尚書僕射若並置左右, 則左居其上, 右居其下。

軍。

中書監

司州牧

四鎮將軍加大者, 次御將

中軍將軍 鎭軍將軍 撫軍將軍[10]

右三將軍

金紫光祿大夫 散侯

右從第二品

吏部尚書 四安將軍 中領軍 中護軍二軍加將軍,則去中,位次撫

光祿 衛尉

右三卿

太子少師 太子少傅

太子少保

中書令

太子詹事

侍中

列曹尚

書 四 一平將軍

右六卿

太僕

廷尉

大鴻臚 宗正

大司農

太府

諸王師

左右衛將軍

前、左、右、後將軍

光祿大夫銀青者。 開國 [縣伯 河南

尹

上州刺

史

秘書監

右第三品

散騎常侍 四方郎將二二 護匈奴、羌、戎、夷、蠻、越中郎將

史中尉

大長秋卿

騎常侍下,

右在中庶子下。

太

子左右衛率

將作大匠

征虜將軍

國子祭酒

御

二大、二公長史 若司徒置二長史,左在散

武衛將軍 冠軍將軍

護羌、戎、夷、蠻、

散伯

龍驤將軍

右從第三品

越校尉

太中大夫

輔

國

開軍

中州

刺史

官 氏 志

二九九五

二九九六

二大、二公司馬

太常 光祿 衞尉

右三少卿

尚書吏部郎中CIEI 給事黃門侍郎

大鴻臚

太僕

廷尉

宗正

大司農

太子中庶子

司空、皇子長史

太府

右六少卿

中常侍

中尹

城門校尉

司空、皇子司馬

從第一

品將軍開府長史

驍騎

游擊將軍

將

軍

以前上階

鎭遠將軍 安遠將軍

平遠將軍

義將軍 立忠將軍

將軍

顯武將軍

事二言

中散大夫

立節將軍

恢武將軍

從第一品將軍 開府司馬

下州刺史

上郡太守、內史、相

二大、二公諮議 參軍 事

司州別駕從事

建義將軍 建忠將軍

建節將軍

立

勇武將軍

曜 武

將

軍

昭武

通直散騎常侍

開國縣子 司徒諮議參軍

右第四品

中壘將軍

中

堅將軍

尚書左丞

郎 史 太子庶子 第二品將軍、始蕃 第一 딞 王長史 將 軍、始蕃王 太子家令 司 馬 前 、左、右、後軍將軍 太子率更令 太子僕 中 書 侍

以前上階

寧朔將軍 建威 浴將軍 振威將軍 奮威將軍 揚威將軍 廣威將軍

議 大夫 尙 書 右 丞 司 空、 皇子諮議參軍 事 司 州治 中從事史 左、 右中郎

軍開府諮議參軍事 散子

將

建

武

將軍

振

武將軍

奮武將軍

揚武將軍

廣武將軍

從第

品將

諫

右從第四品

寧遠將 軍 鷹揚 將軍 折 衝將軍 揚烈將 軍 從第二 品將軍、

員 外散騎常侍 從第二品將軍、二蕃王司馬

二大、

二公從事

中郎

秘書丞

皇子友

國

子博士

散騎侍郎

太子中舍

二蕃王長史

以前上階

射聲校 尉 越 騎校尉 屯騎校尉 步軍校尉 長 八水校尉 司

空、皇子之開府

第 品將軍、 始蕃王諮議參軍事 開府從事 中郎 中郡太守、內史、

宿 氏 志 相 開國縣男

從

事

中

郎

二九九七

右第 五品

伏波將軍 陵江將軍 平漢將軍口回 第三品將軍、三蕃王長史 二大、二公

掾屬 著作郎 通直散騎侍郎 太子 ,洗馬 從第二品將軍、二蕃王諮議參軍

事 第三品將軍、三蕃王司馬

奉車都尉

以前上階

太子屯騎校尉 太子步兵校尉

太子翌軍校尉 都水使者

司

皇子之開

侯

輕

車將

領、 護長史、 司馬 歸義侯 率義侯 順義 侯 朝服

府掾

屬

軍 威遠將軍 開府掾屬 虎威將軍 洛陽令 中給事中 散男

右從第五品

宣威將軍 明威將軍 從第三品將軍長史

事二吾

皇子郎中令

馬

事

司空主簿 司空、皇子錄事參軍事 二大、二公主簿

從第三品將軍司

司

二大、二公錄

第三品將軍、三蕃王諮議參軍 事 二大、二公功曹、 記室、戶曹、倉曹、中兵參軍

空、皇子功曹、記室、戶曹、倉曹、中兵參軍事 皇子文學 治書侍御史 謁者僕射 皇子功曹史 從第一 品將軍開府錄事參軍

以前上階

河南郡 丞 虎賁中郎將 羽林監 冗從僕射 駙馬都尉 廷 尉 IĘ. 監 評

尙 書 鄓 中 中 書 舍 人 從 第 品將 軍開 府 功 曹 記室 倉曹、 戶 曹、 中兵參軍 事 , 功

曹史 下郡太守、內史、相 上縣令、相

右第六品

襄威將軍 厲威 終軍 第二品將軍、始蕃王錄事參軍 大、二公列

曹參軍

事

太子門大夫 皇子大農 騎 都 尉 符璽郎

以前上階

給

事

中

舍人 軍、始蕃王功曹、記室、戶曹、倉曹、中兵參軍事,功曹史 曹參軍 從第二品將軍、二蕃王錄事參軍 事 三卿 丞 從第二品將軍 ·、二蕃王功曹、記室、戶曹、倉曹、中兵參軍事,功曹史 皇子主簿 司 空、 皇子列曹參軍事 從第一品將軍開府主簿、 第二品將 太子 列

右從第六品

酒 史司 威烈將軍 馬 武 烈將軍 一大、 威寇將軍 二公祭酒 武毅將軍 威虜將軍 第三品將軍三蕃王錄事 武奮將軍 威戎將軍 王、公國郎中令 参軍 威武將軍 司空 積弩將軍 皇子之 四 品正從將軍長 開 府 積 射 祭

官氏志

魏皆卷一百一十三

11:000

將軍 員 外散騎侍郎 皇子中尉 二大、二公參軍事 二大、二公列曹行參

開府祭酒

軍

以前上階

司空、 軍、始蕃王主簿、列曹參軍事 皇子參軍 事 司空、 皇子列曹行參軍 從第一品將軍開府列曹行參軍 從第三品將軍錄事參軍 第三品將軍、三蕃王 第二品將

功曹、記室、戶曹、倉曹、中兵參軍,功曹史口於 從第二品將軍、二蕃王主簿、 列曹參軍

軍功曹、戶曹、倉曹、中兵參軍事 詹事丞 列卿丞 秘書郎中 著作佐郎

中縣令、相

事

二衞司

馬

討寇將軍

討虜將軍

討難將

軍

討夷將軍

從第三品將

右第七品

盪寇將軍 盪虜將軍 盪難 將軍 盪逆將軍 五品正從將軍長史、 司 馬

强弩將軍 一大、二公行參軍 司空、 皇子行參軍 第二品將軍、始蕃 王列曹

第三品將軍、三蕃王主簿、列曹參軍事 第 品將軍開府行參軍

公國大農

行參軍

以前上階

將軍 曹、戶曹、倉曹、中兵參軍 太學博士 、二蕃王列曹行參軍 皇子常侍 事 太常博士二引 從第三品將軍主簿、 司 州主簿 從第二品將軍、二蕃 奉朝請 列 曹參軍 國子助教 事 王參軍事 四 品正從將軍錄事 從第二品 、功

右從第七品

第三 列 殄寇將軍 曹參軍 一品將 軍 殄虜將 一蕃王參軍 侯、伯國 軍 事 郎中令 殄難將軍 第 三品將軍、三蕃王列曹行參軍 司 州 西曹書佐 殄夷將軍 第二品將軍、 殿中將軍 四品正從將軍主簿、 始蕃王行參軍 皇子侍郎

以前上階

秋

丞

侍御 事 事 史 王、公國中尉 從第三品將軍 協 律郎 列 曹行參軍 辨章 司 州祭酒從事 郎 從第二品將軍、二蕃王行參軍 五品 正從將軍錄 下縣令、相 事 功曹、 戶曹、 從第三品將軍參軍 倉曹、 中兵參軍

右第八品

長兼 掃寇將軍 **派行參軍** 掃虜將軍 公車令 符節 掃難將軍 令 諸署令千石已上者。 掃逆將軍 司 州議曹從事史 中黃門令 門下錄事 二大、二公

111001

官

氏

志

11001

尚書都令史 主書令史 殿中侍御史 中謁者僕射 中黄門冗從僕射

以前上階

宮門僕射 侯、伯國大農 司空、皇子長兼行參軍 二大、二公長兼行參軍口公

皇子上、中、下將軍 皇子中大夫 二率丞 四品正從將軍列曹行參軍 王、公

國常侍 列曹行參軍 厲武將軍 司州文學 厲鋒將軍 從第一品將軍、開府長兼行參軍 虎牙將軍 虎奮將軍 員外將軍 五品正從將軍主簿、

右從第八品

曠野將軍 横野將軍 子、男國郎中令 太祝令 諸署令六百石已上者

中

黄門 公主家令 皇子典書令 四門小學博士 律博士 校書郎

一公參軍督護 檢校御史[12]

以前上階

公國侍郎 侯、 伯國中尉 謁者 太子三卿丞 五品正從將軍列 曹行參

司 空、皇子參軍督護 弟二品將軍、始蕃王長兼行參軍 從第一品將軍、開府參

軍督護 殿中司馬督

軍

偏 皇子學官令 將軍 裨將軍 皇子典衞令 太子廐長 王公國上中下將軍 監淮海津都尉 王公國中大夫 諸局都尉 皇子典祠令 諸署令不滿六百

石者。

以前上階

第二品將軍、始蕃王參軍督護 從第二品將軍、二蕃王長兼行參軍

太常、 光禄、衞

尉、領、護詹事功曹、五官[:0]

右從第九品

治禮郎 子、

男國大農 小黄門

員外司馬督

前世職次皆無從品、魏氏始置之,亦一代之別制也。

正始元年十一月,罷郡中正。

都尉二十人,騎都尉六十人,殿中司馬二百人,員外司馬三百人。」 遂爲冗職。 四年九月詔曰:「五校昔統營,位次於列卿,奉車都尉禁侍美官,顯加通貴。 旣典名猶昔,宜有定員,幷殿中二司馬亦須有常數。 今五校可各二十人, 世移時變,

|永平元年十二月,尚書令高肇,尚書僕射、淸河王懌等奏置小學博士員三千人。

二年正月,尚書令高肇奏,都水臺請依舊二使者,參軍事、謁者幷錄事、令史亦隨事更

官 氏 志

置一,謁者加一,令史依舊。」肇又奏諸州諮議、記室、户曹、刑獄、田曹、水曹、集曹、 立。行三韶曰:「使者置二,可如所奏。其下屬司,唯須充事耳,亦何勞多也。參軍、録事並更

軍悉併省之。

四年七月,韶改宗子羽林爲宗士,其本秩付尚書計其資集,敍從七已下、從八已上官。

正光元年七月,置左、右衞將軍各二人。

十二月,罷諸州中正,郡縣定姓族,後復。

孝昌二年十月, 韶宗士、庶子二官各增二百人。置望士隊四百人,取肺腑之族有武

藝者。

孝莊初,以亦朱榮有扶翼之功,拜柱國大將軍,位在丞相上,又拜大丞相、天柱大將軍,

增佐吏。又以太尉、上黨王天穆爲太宰,增佐吏。

永安二年,各詔復置司直十人,視五品,隸廷尉,覆治御史檢劾事。

<u></u>普泰初,以<u></u>
小朱世隆爲儀同三師,位次上公。〔三〕又侍中、黄門、武衞將軍,並增置六人。

永安已後,遠近多事,置京畿大都督,復立州都督,俱總軍人。

天平四年夏,罷六州都督,悉隸京畿,其京畿大都督仍不改焉。 立府置佐。

舊制:有大將軍,不置太尉;有丞相,不置司徒。 自正光已後,天下多事,勳賢並軌,乃

俱置之。

陵,今請置長一人,丞一人,錄事一人,戶曹史一人,禁備史一人, 侍一人,皆降帝陵官品一 武定二年十一月,有司奏:「齊獻武王勳高德重,禮絕羣辟。 昔霍光陵邑亦置長、丞主

等。其侍依舊。」詔「可」。

中散各置六人。 七年三月,詔左右光祿大夫各置二人,金紫光祿大夫置四人,光祿大夫置四人,太中、 五月,又詔以四中郎將,世宗永平中權隸領軍,今還屬護軍。

邑亦 使諸兄弟各攝領之,乃分其氏。 互以改易,興衰存滅,間有之矣,今舉其可知者。 用官爵,或用事物,雖緣時不同,俱其義矣。 ,亦如長勺、尾氏、終葵之屬也。 如之。 自古天子立德,因生以賜姓,胙之土而命之氏,諸侯則以家與諡,官有世功,則有宦族, 姓則表其所由生,氏則記族所由出,其大略然也。 自後兼幷他 初,安帝統國,諸部有九十九姓。 國,各有本部,部中別族,爲內姓焉。年世稍久, 魏氏本居朔壤,地遠俗殊,賜姓命氏,其事不 至於或自所居,或以國號,或 至獻帝時,七分國

獻帝以兄爲統骨氏,後改爲胡氏。

次兄爲普氏,後改爲周氏。

次兄爲拓拔氏,後改爲長孫氏。三言

弟爲達奚氏,後改爲奚氏。

次弟爲伊婁氏,後改爲伊氏。

次弟爲丘敦氏,後改爲丘氏。

次弟爲侯氏,後改爲亥氏。日國

七族之興,自此始也。

又命叔父之胤曰乙旃氏,後改爲叔孫氏。

又命疏屬曰車焜氏,後改爲車氏。

凡與帝室爲十姓,百世不通婚。 太和以前,國之喪葬祠禮,非十族不得與也。 高祖革之,各

以職司從事。

神元皇帝時,餘部諸姓內入者。

丘穆陵氏,後改為穆氏。

步六孤氏,後改為陸氏。

獨孤氏,後改爲劉氏。賀賴氏,後改爲賀氏。

勿忸于氏,後改爲害氏。

僕闌氏,後改爲僕氏。是連氏,後改爲連氏。

若干氏,後改爲苟氏。

撥略氏,後改爲略氏。[三] 拔列氏,後改爲梁氏。[三]

叱羅氏,後改爲羅氏。

若

口引氏,後改爲寇氏。

賀葛氏,後改爲葛氏。

普

陋茹氏,後改爲茹氏。

是賁氏,後改爲封氏。

氏志

官

阿伏于氏,後改爲阿氏。[14]

可地延氏,後改爲延氏。

他駱拔氏,後改爲駱氏。阿鹿桓氏,後改爲鹿氏。

鳥丸氏,後改爲桓氏。 薄奚氏,後改爲薄氏。

素和氏,後改爲和氏。

胡古口引氏,後改爲侯氏曰己吐谷渾氏,依舊吐谷渾氏。

賀若氏,依舊賀若氏。

匹婁氏,後改爲婁氏。 谷渾氏,後改爲渾氏。

俟力伐氏,後改爲鮑氏。

牒云氏,後改爲云氏。 吐伏盧氏,後改爲盧氏

是云氏,後改爲是氏。

那氏,依舊那氏。叱利氏,後改爲副氏。

阿單氏,後改為單氏。[元]如羅氏,後改為扶氏。

賀兒氏,後改爲兒氏。

俟幾氏,後改爲幾氏。[10]

出連氏,後改爲畢氏。· 吐奚氏,後改爲古氏。

賀拔氏,後改爲何氏。庾氏,依舊庾氏。

莫那婁氏,後改爲莫氏。

叱呂氏,後改爲呂氏。

官氏志

奚斗盧氏,後改爲索盧氏。

莫蘆氏,後改爲蘆氏。

沒路眞氏,後改爲路氏。 出大汗氏,後改爲韓氏。 [三]

扈地于氏,後改爲扈氏。至三

莫輿氏,後改爲輿氏。「圖」

統干氏,後改爲干氏。

是樓氏,後改為高氏。 俟伏斤氏,後改為伏氏。

尸突氏,後改爲屈氏。〔三〕

唱石蘭氏,後改爲石氏 沓盧氏,後改爲沓氏。

解批氏,後改爲解氏。

須卜氏,後改爲卜氏。 奇斤氏,後改爲奇氏。

大莫干氏,後改爲林氏。

蓋樓氏,後改爲蓋氏。

渴單氏,後改爲單氏。 素黎氏,後改爲黎氏。

吧門氏,後改爲門氏。
壹斗眷氏,後改爲明氏。

|翻邪氏,後改爲||邪氏。[言]||宿六斤氏,後改爲||宿氏。

屋引氏,後改爲房氏。土難氏,後改爲山氏。

乙弗氏,後改爲乙氏。樹洛于氏,後改爲樹氏。「試

東方字文、慕容氏,卽宣帝時東部,此二部最爲强盛,別自有傳。

南方有茂眷氏,後改爲茂氏。〔尋〕

宥連氏,後改爲雲氏。

次南有紀豆陵氏,後改爲竇氏。

侯莫陳氏,後改爲陳氏。

庫狄氏,後改爲狄氏。〔三六〕

太洛稽氏,後改爲稽氏。

柯拔氏,後改為柯氏。

西方尉遲氏,後改爲尉氏。

被多羅氏,後改爲潘氏。 步鹿根氏,後改爲步氏。

叱干氏,後爲薛氏。

长如氏,後改爲展氏。

費連氏,後改爲費氏。

其連氏,後改爲綦氏。[景]

去斤氏,後改爲艾氏。

渴侯氏,後改爲**緱氏**。

叱盧氏,後改爲祝氏。

宛賴氏,後改爲就氏。[80]和稽氏,後改爲緩氏。

達勃氏,後改爲褒氏。唱盆氏,後改爲溫氏。

獨孤渾氏,後改爲杜氏。

凡此諸部,其渠長皆自統衆,而尉遲巳下不及賀蘭諸部氏。

北方賀蘭,後改爲賀氏。

紇奚氏,後改爲嵇氏。

郁都甄氏,後改爲甄氏。[8]]

越勒氏,後改爲越氏。四日

叱奴氏,後改爲狼氏。

官氏志

渴燭渾氏,後改爲味氏。^[2]

庫褥官氏、後改爲庫氏。

鳥洛蘭氏,後爲蘭氏。

羽弗氏,後改爲羽氏。一那蔞氏,後改爲蔞氏。

凡此四方諸部,歲時朝貢,登國初,太祖散諸部落,始同爲編民。

充猥官,一同四姓。 已來官不及前列,而有三世爲中散、監已上,外爲太守、子都, 已來,職官三世尚書已上,及品登王公而中間不降官緒,亦爲姓。 已來,有三世官在給事已上,及州刺史、鎮大將,及品登王公者爲姓。 若本非大人,而皇始 劉、樓、于、嵇、尉八姓,皆太祖已降,勳著當世,位盡王公,灼然可知者,且下司州、吏部,勿 人,而皇始已來,三世有令已上,外爲副將、子都、太守,品登侯已上者, 卿,其功衰之親,仍居猥任。 太和十九年,詔曰:「代人請胄,先無姓族, 自此以外,應班士流者,尋續别敕。原出朔土,舊爲部落大人,而自皇始 比欲制定姓族,事多未就,且宜甄擢,隨時漸銓。其穆、陸、賀、 雖功賢之胤,混然未分。 品登子男者爲族。 諸部落大人之後,而皇始 亦爲族。 故官達者位極公 若本非大 凡此姓族

簿帳,送門下以聞。」於是昇降區別矣。 實者,訴人皆加『傳旨問而詐不以實』之坐,選官依『職事答問不以實』之條。令司空公穆亮、 皆須問宗族,列疑明同,然後勾其舊籍,審其官宦,有實則奏,不得輕信其言,虛長僥偽。不 領軍將軍元儼、中護軍廣陽王嘉、尚書陸琇等詳定北人姓,務令平均。隨所了者,三月一列 族之例也。 自計之,不蒙宗人之蔭也。雖緦麻而三世官不至姓班,有族官則入族官,無族官則不入姓 之支親,與其身有總麻服已內,微有一二世官者,雖不全充美例,亦入姓族,五世已外,則各 凡此定姓族者,皆具列由來,直擬姓族以呈聞,股當決姓族之首末。 其此諸狀,

世宗世,代人猶以姓族辭訟,又使尚書于忠、尚書元匡、侍中穆紹、尚書元長等量定

校勘記

- 待詔等官 諸本「等」訛「管」,不可通,今據經覽卷二〇三九七八頁改。
- (三) 二年正月 按上條已見「二年二月」,這裏不當又記「二年正月」,「二」字當是「三」之訛,下條記

「四年五月」可證。

官 但不治故為重於刺史 氏 志 校 勘 記 按「但不治」下當脫「民」字,其下又有脫文,致語不可解。 三〇二五 今於「治」字

下句斷。

 \cap 29 司 馬別 駕 按此「司馬別駕」不舉所屬,若是公府,則上已有「公府司馬」。 據下太和後令,從第

四品上階有「司州別駕、從事史」、疑「司馬」乃「司州」之訛。

[H] 令 按此「令」不知哪一官署之令,上當有脫文。

ベ 通直散騎侍郎 百衲、南、北、汲四本「侍郎」作「侍常」,殿本、局本作「常侍」。 按「侍常」顯誤。

「通直散騎常侍」已見前第三品下,且員外散騎常侍在從第三品上,「通直」高於員外,豈有反在

第四品 中之理。 檢第四品上有散騎侍郎,第四品下有「員外散騎侍郎」, 這裏應是「通直散騎侍

郎」,今改正。

1-1-1 中軍鎭軍撫軍行參軍 諸本「鎭」及「撫」下無「軍」字。按上有「中軍、鎭軍、撫軍長史」」「中軍、

鎭軍,撫軍正參軍」,這裏脫兩「軍」字,今補正。

初置直齋御仗左右武官 諸本「齋」作「齊」,御覽卷二四〇一一三九頁作「齋」。 按卷七五介朱世

<u>操集稱「肅宗末爲 直齋,轉直寢,後兼直閣」,卷一一出帝紀永熙三年五月丙戌稱「騎官秩比直</u>

齋。 通典卷三八載北齊職品,直寢、直齋在從五品,當循魏制。 這裏「齊」乃「齋」字形近而訛,

今據改。

へ た し 太尉司徒司空 按次行當有「右三公」三字爲行、故「開國郡公」另行。 傳本脫去。

- 撫軍將軍 通典卷三八載太和後令,於「中軍、鎭軍、撫軍將軍」下有注云:「三將軍加『大』者四通典卷三八載太和後令,於「中軍、鎭軍、撫軍將軍」下有注云:「三將軍加『大』者四
- 鎭 !之。」意謂與上四鎭將軍注「加『大』者,次衞將軍」同。 當是此志傳本脫去。
- 四方郎將 ;;;;;; 通典卷三八「郞將」上有「中」字。 按此指東、南、西、北四中郞將。 「中」字不宜省,當
- 尚書吏部郎中 亦作「尙書吏部郞中」可證。這裏是涉下「給事黃門侍郞」而訛,今改正。 「郎中」、雖自漢以來、諸曹郎也間稱「侍郎」、但這是職令、應按當時正式官稱。、前令從第四品上 諸本「郎中」作「侍郎」、通典卷三八作「郎中」。按太和定令時尚書諸曹郎都稱
- 司徒諮議參軍事 「徒」訛「從」,知唐時已同今本。 徒諮議參軍, 更不應高於二大和太尉的諮議參軍事。 按下從四品上階有「二大二公諮議參軍事」、二公卽太尉、司徒、 此條當是行文或有訛字。 通典卷三八 不應別出司
- 平漢將軍 軍號意相似。 按前令第五品上作「平漠」,殿本據後令改「漢」。「平漠」指平朔漠,與「伏波」「臨江」 疑作「漠」是。但通典卷三八也作「漢」,今不改。
- 二大二公錄事 通典卷三八「錄事」下有「參軍事」三字。 不宜省,當是脫文。
- 第三品將軍三蕃王功曹記室至參軍功曹史 品將 軍例與三蕃王爲一等,從三品將軍不得與三蕃王並列, 諸本「第三品」上有「從」字,通典卷三八無。 且下文自有「從第三品將軍功曹、

戶 曹 倉曹 中 兵參軍 事」,不應重 世。 這裏「從」字顯行,今據删。

にに 太常 博 士 通典卷三八下有「武騎常侍」一官。 疑此 脫 去。

二大二公長兼行 | 參軍 按此官己見前上階,這 裏重 出, 且在「司空、皇子長兼行參軍」 之後,於

例不合,當是衍文或有訛字。

ニカン 檢校御 史 諸本「校」作「授」、通典卷三八作「校」。 按東晉太元中置檢校御史, 北魏、 北齊皆 有

但通典卷三八亦重出,

傳誤

已久。

此 官, 見晉書卷二四 職官志、隋書卷二七百官志中、 通典卷二四監察侍御史條。 今據 改。 **叉** }通

}典 此下 有「都水參事」一官。 院書百官志中,北齊都水臺有「參事」十人,當循魏制。 此志脫 去。

太常光 禄 衞 尉領護詹事 功曹五官 諸本於「詹事」另提行,「太常、光祿 衞 尉 領 、護」自爲一行,

令

人不

解何以太常等三品官忽列於九品。

衞 尉、宗正、太僕、大理、鴻臚、司農、太府, 是爲九寺、中略各有 功曹 五官主簿、錄 事等員 。」其領

考隋書卷二七百官志中敍

北齊列

卿云:「太常、光祿、

軍 府 條、護軍 府條及詹事 條下屬官都有「功曹、五官主簿」。 知這裏誤分, 今改正。 叉 功曹五 官

是主簿之名,「主簿」二字不宜省,疑此脫去。

令史亦隨事 更」形近 丽 更立 訛,今改正 諸本「更」作「史」, 不可通。 按下文詔書云「參軍、錄事並更置一」,「史」乃

普泰初以介朱世隆爲儀同三師位次上公 諸本「師」作「司」。按卷七五介朱世隆傳云:「前廢帝

特置儀同三師之官,次上公之下,以世隆爲之。」若「儀同三司」則舊已有之,何云「特置」。 這裏

原文當作「師」,後人以不經見妄改,今改正。

次兄爲拓拔氏後改爲長孫氏 魏書官氏志疏證下簡稱疏證據古今姓氏書辯證下簡稱辯證卷三七

末韵下、通鑑卷一一九三七四六頁、卷一四〇四三九三頁,云:「拓跋氏當作拔拔氏。」北朝胡姓考下簡稱

初姓考 引元宏吊比干碑陰題名有「拔拔臻」、證此「拓跋」爲「拔拔」之訛。

次弟爲侯氏後改爲亥氏 胡姓考據元和姓纂下簡稱姓纂卷六止韵下通志氏族略簡稱氏族略六、辯證

卷二二止酌下云:「侯氏當係「俟亥氏」之脫誤。」

拔列氏後改爲梁氏 列蘭』,蓋今本脫一『蘭』字,通志氏族略五亦作『拔列蘭』,列於代北三字姓。」疏證又據廣韵卷五 沈濤銅熨斗齋隨筆下簡稱沈濤隨筆卷五云:「古今姓氏書辯證卷三七末韵作『拔

末韵及姓解一並作「拔列蘭」、證沈說是。

撥略氏後改為略氏

作「拔略氏改爲蘇氏」。經歷云「一作拔晷」,誤, 疏證以爲「拔」「撥」音近通用了略氏」蓋「蘇」氏之訛。

姓纂卷三模韵下、卷一〇末韵下, 辯證卷三七末韵下引此志, 氏族略三及五並

阿伏于氏後改為阿氏 姓纂卷五歌的下、辯證卷二六智的下、通鑑卷一一八三七〇二頁胡注引此志,

「阿伏于」並作「阿伏干」。胡姓考據此謂「今官氏志『于』爲『干』之刊誤」。

胡古口引氏後改爲侯氏 (Windows) (Wind

官

氏志

校勘記

「胡引祖 房,在讀音上原姓與改 既改侯、舊氏必有「胡」字之說、實不盡然,如出連之改畢,是樓之改高, <u>硫證以爲古「胡」「侯」音通,「氏旣改侯,明舊氏必有『胡』字無疑」。</u> 卷五侯韵下、辯證卷一九侯韵下、氏族略四及五作「古引」。 文。「古口 「胡引祖 概視爲省文或脫字。 」,以爲此 引」旣亦作「胡口引」,亦可省作「古引」或「胡引」,故姓氏書或作「古引」,而肅宗紀有 姓「當爲『胡引氏』,官氏志作『胡古口引氏』,葢涉上若口引氏 姓並 疑志本作「古口引氏」,當時又別作「胡口引」,後人旁注「胡」字,羼入正 無關 係。 諸姓氏書皆無「胡」字,簽酌且注明「古」字「公戶切」,豈可 沈濤隨筆五以爲「今本誤衍一『胡』字」。 胡姓考據本書卷九肅宗紀 土難之改山, 而衍。 屋引之改 今按氏 見

二式 單」並: 阿單氏後改為單氏 作「可單」。 胡姓考以爲與下「渴單氏後改爲單氏」重出,「可」「渴」音近相 通,此「阿」字當

是「可」之訛

俟幾氏後改爲幾氏 ※ 傳見「侯幾益傳作「機」長貴」゙以爲「俟」當作「侯」゙「幾」字不誤。今按「幾」「畿」 音近通用 並作「畿」,姓纂於「畿氏」前又別有「幾氏」,疑此志原文當作「畿」。 姓纂「俟」作「侯」,與「侯幾長 ·疏證以爲「幾」當作「畿」,「俟」字不誤。.胡姓考據本書卷七五介朱天光傳、卷八○賀拔岳 廣韵卷三止的下及諸姓氏書「幾」並作「畿」、姓纂卷二微的下引志「俟」作 二,但諸

貴」之姓合,胡姓考之說疑是。

出大汗氏後改為韓氏 班齊書卷 二○步大汗薩傳,中岳嵩高廟碑陰題名有「步大 汗契 □眞」 證此志 「出」字爲「步」 姓纂卷八暮韵下、氏族略五「出大汗」並作「步大汗」。 疏證及胡姓考又據

之部

扈地于氏後改爲扈氏 廣韵卷三雄的下及諸姓氏書「于」並作「干」。疏證、胡姓考都以爲「于」

當作「干」。

莫輿氏後改爲輿氏 姓纂卷八華的下、通志略五「莫輿」作「慕輿」,又「慕輿」之姓屢見晉書前、

後、南燕等載記。疏證、胡姓考據此謂「莫」當作「慕」。

尸突氏後改為屈氏 廣韵卷五物韵下、通志略五「尸突」作「屈突」。 姓纂卷一〇物韵下屈氏條稱

屈六友改爲屈氏」,屈突氏條云「孝文改爲屈氏」。疏證以爲姓纂「屈六友」之「六友」乃隸書

之訛

全芸 秘那氏後改為
那氏 廣韵卷十質韵下引後魏書「邦」作「邦」、姓纂卷四寒韵下引志作「邗」、氏族略

六作「邘」。 疏證以爲廣韵作「邦」誤,未言「邦」「邗」「邘」孰是。 今按姓纂列於寒韵,其字必作

「邗」,所見官氏志自亦作「邗」,疑這裏「邘」字爲「邗」之訛。、氏族略作「邘」亦誤。

官氏志 校勘記

- 〇〇〇 樹洛于氏後改為樹氏 深傳補見可汗「樹洛干」,以爲「于」字爲「干」之訛。 姓解卷二、辯證卷三○過韵下「于」作「干」。疏證又據本書卷一○一吐谷
- 氏」,不云引官氏志,但上一字亦作「莪」。 辯證卷一東的下作「莪」,而卷三四條的下又採唐孔至 和姓纂一東所引亦同,是今本兩『茂』字皆『茙』字傳寫之訛。」今按廣韵、姓纂皆明引官氏志,又 列於東韵下,此志兩「茂」字當如沈說爲「莪」之訛。 南方有茂眷氏後改爲茂氏 沈濤隨筆卷五云:「廣韵一東莪字注引作『莪眷氏後改為茂氏』,元 姓纂卷九線的下眷氏,稱「代北茂眷氏改爲眷
- 後 庫狄氏後改爲狄氏 人以去點作「庫」者讀作舍,以示區別。 姓解卷三「庫」作「庫」、音「含」。按「庫」字本有含音、「庫狄」讀作「含狄 本書他處「庫狄」之「庫」都統一作「厙」,這裏不改,以

存原字。

姓氏雜錄作「茂」,沈氏譏其進退失據,可以不論

- ○これし 連氏」, 引志作『纂』誤、然『綦』『纂』形似、可知唐已前志本作『綦』也。」 其連氏後改爲綦氏 云「代北人號綦連部、因氏焉」。 疏證 廣韵卷二仙韵下、辯證卷四之韵下引志「其」並作「綦」,姓纂卷二之韵下有 云:「志作『共連』 係『綦』奪半。 姓纂二十四緩卷七 綦
- [80] 證錢本校勘記中宥韵下、姓氏急就篇注引皆作『莬』。 冤賴氏後改爲就氏 沈濤隨筆云:「『兔』當作『菟』,字之誤。 通志氏族略六代北複姓所引亦同, 元和姓纂卷九宥韵下、古今姓氏書辯 去聲就姓注

又引作『就賴氏改爲就氏』,上『就』字乃傳寫之誤。」按疏證又引廣韵卷四幕的及有韵引後魏有韵下

訛後漢書亦作「菟」,沈氏未舉。

郁都甄氏後改為甄氏 廣韵卷五屋的下引後魏書「都」作「原」。諸姓氏書同。按卷一五常山王

「郁」字而訛。

越勒氏後改為越氏 疏證云:「姓纂十月卷1○引志」『越勒、越彊並改姓越』,通志略二引志亦云

越區改越』。『勤』『彊』古韵相通,故岐爲二氏,卽此可證字當作『勤』。」並引本書卷二太祖紀

天興五年十二月、卷三太宗紀永興五年四月及七月、卷一六陽平王熙傳並見「越勤部」,證此志

按字疑當作「勤」,但卷二六尉古眞傳、卷二九奚斤傳、卷一〇三高車傳補並作「越勒」,今皆不 ·勒」字爲「勤」之訛。 胡姓考又引北齊書卷一七斛律光傳見周將「越勤世良」,補疏證 所未 舉。

改。

渴燭渾氏後改爲味氏 廣韵卷五易的下引後魏書「味」作「朱」。 諸姓氏書同。 疏證據謂「朱」或

作「昳」,訛作「味」。

侍中穆紹尚 訛 一个改正。 書元 又「元長」即「元萇」、附卷一四高涼王孤傳、「萇」「長」同音通用 長等量定之 諸本「紹」作「詔」。 按穆紹附卷二七穆崇傳,「詔」 乃「紹」形近而

官氏志 校勘記

魏書卷一百一十四

釋老志十第二十

殺休屠王,將其衆五萬來降。獲其金人,帝以爲大神,列於甘泉宮。 氏之學,所未曾紀。案漢武元符中,遺霍去病討匈奴,至臯蘭,過居延,斬首大獲。 Щ 其神言秘策,蘊圖緯之文,範世率民,垂墳典之迹。秦肆其毒,滅於灰燼,漢採遺籍,復若丘 祀,但燒香禮拜而已。 此則佛道流通之漸也。 司馬遷區別異同,有陰陽、儒、墨、名、法、道德六家之義。劉歆著七略,班固志藝文,釋 大人有作,司牧生民,結繩以往,書契所絕,故靡得而知焉。 自羲軒已還,至於三代, 金人率長丈餘,不祭 昆邪王

景等使於天竺,寫浮屠遺範。 夜夢金人,項有日光,[1]飛行殿庭,乃訪羣臣,傅毅始以佛對。 元年,博士弟子秦景憲受大月氏王使伊存口授浮屠經。中土聞之,未之信了也。 及開西域,遣張騫使大夏還,傳其旁有身毒國,一名天竺,始聞有浮屠之敎。 悟仍與沙門攝摩騰、竺法蘭東還洛陽。 帝遣郎中蔡悟、博士弟子 中國有沙門及跪拜之 後孝明帝 哀帝元 秦

法,自此始也。 上,經緘於蘭臺石室。 悟又得佛經四十二章及釋迦立像。 情之還也,以白馬負經而至,漢因立白馬寺於洛城雍門西。

三摩騰 明帝令畫工圖佛像,置淸涼臺及顯節陵

法蘭咸卒於此寺。

則 明,三乃致無生而得佛道。 畏也。又有五戒,去殺、盜、淫、妄言、飲酒,大意與仁、義、禮、智、信同,名爲異耳。云奉持之, 於積仁順,蠲嗜慾,習虛靜而成通照也。故其始修心則依佛、法、僧,謂之三歸,若君子之三 言滅穢成明,道爲聖悟。 歷三世, 生天人勝處,虧犯則墜鬼畜諸苦。又善惡生處,凡有六道焉。 浮屠正號曰佛陀,佛陀與浮圖聲相近,皆西方言,其來轉爲二音。 識 神常不滅。凡爲善惡, 凡其經旨,大抵言生生之類,皆因行業而起。 其間階次心行,等級非一,皆緣淺以至深,藉微而 必有報應。 漸積勝業, 陶冶粗鄙, 華言譯之則謂淨覺, 有過去、當今、未來, 經無數形, 爲著。率在 澡 練神

比丘 給。 彌, 爲 謂之沙門,或曰桑門,亦聲相近,總謂之僧,皆胡言 而終於二百五十, 諸服其道者,則剃落鬚髮,釋累辭家,結師資,遵律度,相與 行乞。 俗人之信憑道法者,男曰 則具足成大僧。 優婆塞,女日 婦入道者曰比丘尼。[四] 其誠至于五百, 優婆夷。 也。 僧, 其爲 譯爲 和居,治 沙 和 門者,初修 命衆, 心修 一淨,行乞以自 桑門爲息心, 皆以□爲 誠, 日沙

根人為中乘,受十二因緣,上根人為大乘,則修六度。雖階三乘,而要由修進萬行,拯度億 乘運以至道爲名。此三人惡迹已盡,但修心盪累,濟物進德。初根人爲小乘,行四諦法,中 階聖迹。 正言,總謂之十善道。能具此,謂之三業淸淨。凡人修行粗爲極。csi云可以達惡善報,漸 本,[5] 隨事增數,在於防心、攝身、正口。 心去貪、忿、癡,身除殺、淫、盜,口斷妄、雜、諸非 初階聖者,有三種人,其根業各差,守謂之三乘,聲聞乘、緣覺乘、大乘。取其可

流,彌歷長遠,〇八万登佛境矣。

年。 繼六佛而成道,處今賢劫。文言將來有彌勒佛,「己」方繼釋迦而降世。 般涅槃。 異者三十二種。 王之子。 天竺其總稱,迦維別名也。 初,釋迦於四月八日夜,從母右脅而生。 釋迦年三十成佛,導化羣生,四十九載,乃於拘尸那城娑羅雙樹間,以二月十五日而入 春秋魯莊公七年夏四月,恒星不見,夜明,是也。至魏武定八年,凡一千二百三十七年 所謂佛者,本號釋迦文者,譯言能仁,謂德充道備,堪濟萬物也。 涅槃譯云滅度,或言常樂我淨,明無遷謝及諸苦累也。 天降嘉瑞以應之,亦三十二。其本起經說之備矣。 釋迦生時,當周莊王九 釋迦卽天竺迦維 釋迦前有六佛, 旣生,姿相 衞 或

處期,不可以形量限,有感斯應,體常湛然。 法身有二種義,一者眞實,二者權應。眞實身,謂至極之體,妙絕拘累,不得 權應身者,謂和光六道,同塵萬類, 生滅隨時,

有光 非實 造八 塔亦胡言,猶宗廟也,故世稱塔廟。 修 其遺迹焉。 短 (生)滅: 萬四千塔,布於世界,皆同日而就。今洛陽、彭城、姑臧、臨淄皆有阿育王寺、江江蓋承 【明神驗,胡言謂之「舍利」。 弟子收奉,置之寶瓶,竭香花,致敬慕,建宮宇,謂爲「塔」。 應物,形 非實滅也。 釋迦 由 感生,體非實有。權形雖謝,眞體不遷,但時無妙感,故莫得常見耳。 !雖般涅槃,而留影迹爪齒於天竺,於今猶在。 佛旣謝世,香木焚尸。 於後百年,有王阿育,以神力分佛舍利,役諸鬼神,[10] 靈骨分碎,大小如粒,擊之不壞,焚亦不燋,或 中土來往,並稱見之。 明佛 生

統,其大歸終以三乘爲本。後數百年,有羅漢、菩薩相繼著論,贊明經義,以破外道,摩訶衍 承囑授,多聞總持,蓋能綜覈深致,無所漏失。 大、小阿毗曇,中論,十二門論,百法論,成實論等是也。 初,釋迦所說敎法,旣湼槃後,有聲聞弟子大迦葉、阿難等五百人,撰集著錄。 乃綴文字,撰載三藏十二部經, 皆傍諸藏部大義,假立外問, 如 九流之異 阿難親 而以

內法釋之。

桑門之盛饌。」因以班示諸國。 · 楚王尙浮屠之仁祠,潔齋三月,與神爲誓,何嫌 漢章帝時,楚王英喜爲浮屠齋戒,遣郎中令奉黃縑白紈三十匹, 桓帝時,襄楷言佛陀、黃老道以諫,欲令好生惡殺, 何疑,當有悔吝。 其還 詣國相 贖, 以 以助伊 贖愆。 少嗜慾, 蒲塞、 詔報

間。 之於 律之始 而 去 奢 重構之,從一 水 泰 佛 也。 圖 乃有 尚 故處,鑿爲濛氾池,種芙蓉於中。 無爲。 自洛中構白馬寺,盛飾 五 級至三、五、七、九。 色光 漢世沙門,皆衣赤布,後乃易 魏 起, 明 帝曾欲 於是帝歎曰:「自 壞 宮西 佛圖,畫迹 世人相承,謂之「浮圖」, 佛 圖 非 ò 後有天竺沙門曇柯 鰋 外國 起妙 異, 沙門乃金盤 安得 ,爲四方式。 爾乎? 或云「佛圖」。 盛 |遂徙 迦羅 水, 凡宮塔制 於道東,自己為 置於 入洛,宣譯誠 殿 度, 晉世, 前 猶依 , 以 律, 洛 作 佛 天竺 中 中 周 舍利投 一舊狀 佛 或 閣 圖 誡 百

有

四十二所矣。

以雜色。

苻堅 宗在 至 驗。 國 精 沙 毎 勸 就 ,神悟妙賾,以前 門常山 安,恨不及安,以爲深慨。 所流 羅漢 堅 道安 晉元 堅素欽 致羅什。 布, 曾 入道, 衞 康 道 中, 至鄴候澄,澄 德問,旣見,宗以師禮。 分遣弟子,各趣諸方。 安性聰敏 有胡沙門支恭明譯佛經維摩 劉 什 曜時到 所 亦承安令問,謂之東方聖人,或時遙 出經,多有舛駁,乃正 見而 襄國。 日稲 異之。 經 道安所正經義,與羅什譯出,符 後為 萬餘言,研求幽旨。 法汰詣揚州 時西域有胡沙門 澄卒後,中 石勒所宗信, 其乖謬。 了、法華 法和 國紛亂 、三本起等。 號爲大和 石勒時,有天竺沙門浮圖 入蜀 慨 鳩摩羅什,思 拜致敬。 ,道安乃率門徒,南 無師匠, 道安與慧遠 尚, 會 微言隱義,未之能究。 道安卒後 如 軍 獨 通法 國規謨頗訪之, 坐靜室十二年, , 初 之襄陽。 門,道安思 無 遊新野。 二十餘 乖 澄,少 舛 載 道安後入 與講釋, 所 覃 而 於 於是法 欲 羅什 烏萇 令玄 後有 思 構

旨大著中原。

所犯。 沙門敷導民俗 座,莫不嚴具焉。 銀鉢爲禮。今猶號曰朗公谷焉。 然時時旁求。先是,有沙門僧朗,與其徒隱于泰山之琨聏谷。 佛法之事。太祖平中山,經略滅趙,所逕郡國佛寺,見諸沙門、道士,皆致精敬,禁軍旅無有 得聞,或聞而未信也。及神元與魏、晉通聘,文帝久在洛陽,自己昭成又至襄國,乃備究南夏 有所居止。」是歲,始作五級佛圖、耆闍崛山及須彌山殿,加以績飾。 冥及存沒,神蹤遺軌,信可依憑。 魏先建國於玄朔,風俗淳一,無爲以自守,與西域殊絕,莫能往來。故浮圖之敎,未之 帝好黃老,頗覽佛經。但天下初定,戎車屢動,庶事草創,未建圖宇,招延僧衆也 |太宗踐位,遵太祖之業,亦好||黃||老,又崇佛法,京邑四方,建立圖像,仍令 其敕有司,於京城建飾容範,修整宮舍,曰即令信向之徒, 天興元年,下詔曰:「夫佛法之興,其來遠矣。濟益之功, 帝遣使致書,以繒、素、旃罽 別構講堂、禪堂及沙門

後以爲道人統,結攝僧徒。 後授以輔國、宜城子、忠信侯、安成公之號,皆固辭。 初,皇始中,趙郡有沙門法果,誠行精至,開演法籍。 每與帝言,多所愜允,供施甚厚。 至太宗,彌加崇敬,永 帝常親幸其居,以門小狹,不容輿輦, 太祖聞其名,詔以禮徵赴京師 興 中,前

宗, 言 更 我 產 非拜 太祖 大之。 有 沙 天 明叡好 門曇證 子,乃是禮 年八十餘,泰常 道,即是當 , 年且百歲。 佛耳。」 | 今如 法果 中 卒。 邀見於路, 來, 四 干, 未殯,帝三臨其 沙 門宜應盡禮, 始爲 奉致果物。 沙 門。 喪,追贈 有子 逐常 帝敬其年老志力不 日 致拜。 猛 老壽將軍 , 詔令襲果 謂 人 、趙胡靈 日 「能鴻道 所加 衰, 亦加 舒。 公。 者 初,法果每 以老 帝後 人主也, 壽將 幸 廣

軍

號。

思,達· 图 通 學者宗之。 ,僧肇尤爲 致。 是時, 東西方言 諸深 鳩摩羅什為姚興所敬, 大經論 其 最。 時 十有餘部,更定章句, 沙門道肜 羅什之撰譯,僧肇常執筆,定諸辭義,注維摩經, 、三三僧略 於長安草堂寺集義學八百人, 道恒 辭義 、道標、僧肇、曇影等, 通明, 至今沙門共所 重譯經本。 祖習。 與羅什共相 又著數論, 道肜 羅什聰辯有淵 等皆識學洽 提 皆有 挈, 妙旨, 發明

所 郡 而 得 不 寫 門所 之。 其勞山, 律,通譯 叉沙門 持受。 + 法 年,乃於南 未能盡正。 南 顯,慨律藏不具,自長安遊天竺。 下 先是,有沙門法領,從揚州入西域,得華嚴經本。 乃出 海 海 至江 焉。 師子國, ·南,更與天竺禪師跋陀羅辯定之,謂之僧祗律, 是歲, 隨 商 神瑞二年也。 人汎 舟 東下。 歷三十餘國,隨有經律之處, 法顯 晝夜昏迷, 所逕諸 國,傳記之, 將 定律後數年,跋陀羅共沙 二百日。 乃至 大備 學其書語, 於世 青州 于前, 長 爲 廣 其

門法業重 加譯撰 写宣 行 於時。

世 祖 初卽位,亦遵太祖、太宗之業,每引高德沙門,與共談論。 於四月八日, 輿諸佛像,

行 於 廣衢,帝親 御 門樓,臨觀散花,以致 《禮敬

塢相 嵩等, 變。 食。 知涼 篤 謂門徒曰:「今時將有客來,可早食以待之。」食訖而走使至。時人謂之知命。 志 心經籍。 屬, 州將有兵役, 神魔中, 嵩以戒自誓, 時人以爲誦 先 譯涅槃諸經十餘部。 是,沮渠蒙遜在凉州,亦好佛法。 多有 多,詔罷 後乃以新出經論,於凉土教授。 、塔寺。 帝命蒙遜送讖詣京師,惜而不遣。 說 與門徒數人,欲往胡地。 年五十已下者 遂餓死於酒泉之西山。 功報 太延 中 涼州自張軌後, 又曉術數、 涼州 平, 徙其國人於京邑,沙門佛事皆俱東, 禁咒,歷言他國安危,多所中驗。 有罽 世信 弟子積薪焚其屍, 道路飢饉,絕糧積日,弟子求得禽獸肉, 辯論幽旨,著涅槃義記。 賓沙門曇摩讖,習諸經論。 佛教。 旣而,懼魏威責,遂使人殺讖。 敦煌地接西域, 骸骨 灰燼 戒行峻整,門人齊肅 道俗交得 唯舌獨全, 於姑臧,與沙門智 象教彌增矣。 蒙遜每以 智嵩亦爽悟, 其舊式,村 讖 死 國 色狀不 請嵩强 之日, 事諮

世 祖初平赫連昌,得沙門惠始,姓張。 家本淸河,聞羅什出新經, **遂詣長安見之**, 觀習

以

沙門

衆

坑戮。 子義眞鎭 經 典。 惠始身被白刃,而體不傷。 坐禪於白渠北,晝則入城聽講, 長安,義眞及僚佐皆敬重焉。 衆大怪異,言於屈丐。 夕則還處靜坐。 義眞之去長安也, 三輔有識多宗之。 屈丐大怒,召惠始於前,以 赫 連 屈丐追敗之,道俗少長 劉裕滅 姚泓 所 持 咸 見 寶

重之,每加禮敬。 劍擊之,又不能害,乃懼 始自習禪,至於沒世,稱五十餘年,未嘗寢 而謝 罪。 統萬平、惠始到京都、多所 臥。 訓 導,時人莫測其迹。 或時 跣行,雖履泥 塵, 世 初 祖 甚

留 絕。 汙足,色愈鮮白,世號之曰白脚師。 瘞,乃葬於南郊之外。 停屍十餘日,坐旣不改,容色如 始死十年矣, 一,舉 太延中, 開殯儼然, 世 神異之。 臨終於八角寺, 初不傾壞。 遂瘞寺內。 齊潔端 送葬者六千餘人,莫不感慟。 至眞君六年,制城 坐, 僧徒滿側 凝 內 不得 泊 而

中

書監高

允爲其傳,頌其德迹。

惠始冢上,立石精舍,圖

其形像。

經毀法時,猶自全立。

是, 誕,爲世費 未存覽經教,深 司徒崔浩,博學多聞 長安沙門種 世祖卽位,富於春秋。 害。 帝以 麥寺內,御騶牧馬於麥中,帝入觀馬。 求 緣 其辯博,頗信之。 ,帝每訪 報之意。 旣 以大 及得寇謙之道,帝以淸淨無爲,有仙化之證,遂信行其 而銳志武功,每以平定禍亂 事。 會蓋吳反杏城,關中騷 浩奉謙之道,尤不信佛, 沙門飲從官酒, 爲先。 動, 與帝言,數 雖歸宗佛法,敬重沙門,而 帝乃西 從官入其便室, (伐, 加 至於長安。 非毁, 常謂 術。 見大 時 虚

出,沙門身死,容止者誅一門。」 於天下也。自王公已下,有私養沙門者,皆送官曹,不得隱匿。限今年二月十五日,過期不 令一依·長安行事。又詔曰:「彼沙門者,假西戎虛誕,妄生妖孽,非所以一齊政化,布淳德 行淫亂。 有弓矢矛盾,出以奏聞。帝怒曰:「此非沙門所用,當與蓋吳通謀,規害人耳!」命有司案誅 一寺,閱其財產,大得釀酒具及州郡牧守富人所寄藏物,蓋以萬計。又爲屈室,與貴室女私 帝旣忿沙門非法,浩時從行,因進其說。韶誅長安沙門,焚破佛像,敕留臺下四方,

於此。 虚假,附而益之,皆非真實。 自 季之世,闇君亂主,莫不眩焉。由是政教不行,禮義大壞,鬼道熾盛,視王者之法,蔑如也。 杜諸寺門,世不修奉,土木丹青,自然毀滅。 庶無謝於風氏矣。 惑邪偽,妄假睡夢,事胡妖鬼,以亂天常,自古九州之中無此也。 夸誕大言,不本人情。 叔 人,共云無有。 :此以來,代經亂禍,天罰亟行,生民死盡,五服之內,鞠爲丘墟,千里蕭條,不見人迹,皆由 時恭宗爲太子監國,素敬佛道。頻上表,陳刑殺沙門之濫,又非圖像之罪。今罷其道, 朕承天緒,屬當窮運之弊,欲除偽定眞,復羲農之治。其一切盪除胡神,滅其蹤迹, 皆是前世漢人無賴子弟劉元眞、呂伯强之徒,接乞胡之誕言,江以用老莊之 自今以後,敢有事胡神及造形像泥人、銅人者,門誅。 至使王法廢而不行,蓋大姦之魁也。 如是再三,不許。乃下詔曰:「昔後漢荒君,信 有非常之人,然後能行非 雖言胡神、問今胡

遠近皆豫聞 皆擊破 常之事。 焚燒 非股孰能去此歷代之偽物! 知 一沙門 得 各爲計。 無少長悉坑之。」是歲,眞君七年三月也。 四方沙門,多亡匿獲줲,在京邑者,亦蒙圣濟。 有司宣告征鎭諸軍、 刺史, 恭宗言雖不用,然猶緩宣 諸有佛圖形像及胡 金銀寶像及諸經 經,盡

論,大得秘藏。

而土木宮塔,聲敎所及,莫不畢毀矣。

法服誦習焉。 年, 敢言也。 浩誅,備 始謙之與浩同從車駕, 佛淪 五 唯不得顯行於京都矣。 刑,時年七十。 廢終帝世,積七八年。 苦與浩諍, 浩旣誅死,帝頗悔之。 然禁稍寬強,篤信之家,得密奉事, 浩不肯,謂浩曰:「卿今促年受戮,滅門戶矣。」後四 業已行,難中修復。 沙門專 恭宗潛欲興之,未 至者, 猶竊

曜誓欲守死, 先是,沙 門曇曜有操尚,又爲恭宗所知禮。 恭宗親加勸喻,至於再三,不得已,乃止。 佛法之滅,沙門多以餘能自效,還俗求見。 密持法服器物,不 ·暫離身,聞者歎

雖在 惠流 塵境,等生死者歎其達觀,覽文義者貴其妙明,助王政之禁律,益仁智之善性,排斥群 古昔,猶序其 高宗踐極,下詔曰:「夫爲帝王者,必祗奉明靈,顯彰仁道,其能惠著生民,濟益 風烈。 是以春秋嘉崇明之禮,祭典載功施之族。 況釋迦如 來 功濟大千, 群品者,

其 述 德澤 邪 率 司 怪 先志 下 好 物 大 失旨,一 開 承 州 樂 遐 多 演 風 道 有 五 及 IE 一十,小 法、欲 朝 ,姦淫 隆 切 覺。 沙門道士 不 斯 禁斷 及 州四十人,其郡遙遠臺者十人。 爲 道。 之徒,得容假 故前 夕,往 沙門,不 景穆 今制 代已來,莫不 一善行 時 皇帝每日 諸州 所 問 純 毁圖寺,仍還修矣。 託 誠 長幼,出 那縣,於衆居之所 一講寺 惠始 為慨 - 崇尙, 之中, 然,值 之倫 於 、良家、 亦 ",無遠| 我國家常所尊事 軍 致 性行 國 有兇黨。 多 各當局 不 佛像經 各聽 至, 素篤,無諸嫌 事,未遑修復。 風 分,皆足 建佛圖一區,任 是以先朝 論 義 ,皆復 也。 相 威,往往 穢、鄕 以化惡就善 世祖 得 因 朕 顯 其 承 太武 里 瑕 洪 其財 如 一所明 釁, 緒, 林。 皇帝, 一,播 用, 者 戮 君 夫 揚 其 臨 不 聽 開 Щ 有罪。 道 萬 制 其 海 廣 邦,思 出家。 會限 之深, 邊荒, 有

匠,摹寫其容,莫能及難提所造者,去十餘步,視之炳然,轉近轉微。 等五人,奉佛像三,到京都。 論 五 人 醫 各長 者以為純誠 術還俗,而 京 是年 師 一丈六尺,都用赤金二十五萬斤。日日太安初,有師子國 沙 ·,詔有司 門師賢,本罽賓國 守道不 所感。 改。 爲石像, 興光元年秋,敕有司於五 於修復日,卽反沙門,其同 皆云,備歷西域諸國,見佛影迹及肉髻,外國諸王相 令如 王種 、帝身。 人,少入道,東遊涼城,涼 旣成, 一級大寺內,Clも為太祖已下五 顔 上足下, 輩五 人。 各有黑石,冥同帝體上下 平赴京。 帝乃親 胡沙門邪 又沙勒胡沙門、赴京師 爲下髮。 罷 佛法時,師賢假 審遺多 帝,鑄釋迦立 師 、浮陀難提 承,成遣 賢 仍 ·黑子。 為道 像 爲

致佛鉢幷畫像迹。

曇曜 宗並許之。 經十四部。 儉歲,賑給飢民。又請民犯重罪及官奴以爲「佛圖戶」,以供諸寺掃洒,歲兼營田輸粟。 高 州 値 塞 帝 奏:平齊戶及諸民,有能歲輸穀六十斛入僧曹者,卽爲「僧祇戶」,粟爲「僧祇粟」,至於 `鑿山石壁`開窟五所`鐫建佛像各一。高者七十尺`次六十尺` 彫飾奇偉,冠於一世。 山 和 平初, 見于路,御馬前銜曜衣,時以爲馬識善人。 於是僧祇戶、粟及寺戶,偏於州鎭矣。 又有沙門道進、僧超、法存等,並有名於時,演唱諸異。日日 師賢卒。 曇曜代之,更名沙門統。 初曇曜以復佛法之明年,自中山被命赴京, 曇曜又與天竺沙門常那邪舍等,譯出新 帝後奉以師禮。 曇曜白帝,於京城西武

架博敞,爲天下第一。又於天宮寺,造釋迦立像。 降。 中興爲天安寺。 起問之,答名惠明。 宗太安末,劉駿於丹陽中興寺設齋。 明年,盡有淮北之地。 顯祖卽位,敦信尤深,覽諸經論,好老莊。 是後七年而帝踐祚,號天安元年。 又問所住,答云,從天安寺來。 其歲、高祖誕載。 有一沙門,容止獨秀,舉衆往目,皆莫識焉。 於時起永寧寺,構七級 每引諸沙門及能談玄之士,與論理要。初,高 是年,劉彧徐州刺史薛安都始以城地來 高四十三尺,用赤金十萬斤,黄金六百 語訖,忽然不見。 佛圖,高三百餘尺,基 駿君臣以 爲靈感,改 沙門惠璩

華壯

觀

斤。 皇興 中,又 構三級 石佛圖。 榱棟楣楹,上下重結,大小皆石,高十丈。 鎭固 巧密, 爲京

高 祖 踐位,顯祖移御北苑崇光宮,覽習玄籍。 建鹿野佛圖於苑中之西山, 去崇光右十

巖房禪堂,禪僧居其中焉

欲建爲 都,使道俗咸觀實相之容,普告天下,皆使聞知。」 巡民 成 則 尚,貧富相競,費竭財產,務存高廣,傷殺昆蟲含生之類。 曰:「內外之人,興建福業,造立圖寺,高敞顯博,亦足以輝隆至敎矣。 五 金銅之色。 應遠,行篤則感深,歷觀先世靈瑞,乃有禽獸易色,草木移性。 相 教化者,在外齎州鎭維那文移,在臺者齎都維那等印牒,然後聽行。 保,不得容止。 延 [福之因,未知傷生之業。 朕爲民父母,慈養是務。 興二年夏四月,詔曰:「比丘不在寺舍,遊涉村落,交通姦猾,經歷年歲。 殊常之事,絕於往古,熙隆妙法,理在當今。 無籍之僧,精加隱括,有者送付州鎭, **苟能精致,累土聚沙,福** 自今一切斷之。」又詔曰:「夫信誠 其在畿郡, 送付本曹。 有司 濟州 與沙門統曇曜令州送像達 東平郡,靈像發輝,變 然無知之徒, 違者加罪。」 若爲三寶 令民間五 鍾不朽。 各相 叉 高 認

鳴者,為雌為雄。」左右對曰:「臣以為雌。」帝曰:「何以知。」對曰:「陽性剛,陰性柔,以剛柔 三年十二月,顯祖因田鷹獲鴛鴦一,其偶悲鳴,上下不去。 帝乃惕然,問左右曰:「此飛

推之,必是雌矣。」帝乃慨然而歎曰:「雖人鳥事別,至於資識性情,竟何異哉!」於是下詔,禁

斷鷙鳥,不得畜焉。

僧尼,中州五十人,下州二十人,以爲常準,著於令。」十七年,詔立體制四十七條。 僧尼合一千三百二十七人。」奏可。 四月,帝幸徐州白塔寺。 道行精勤者,聽仍在道,爲行凡粗者,有籍無籍,悉罷歸 稱入道,以避輸課,其無籍僧尼罷遣還俗。重被旨,所檢僧尼,寺主、維那當寺隱審。 士女觀者有千百。 報德寺。〔三〕九年秋,有司奏,上谷郡比丘尼惠香,在北山松樹下死,屍形不壞。 器有差。 施 赦死罪囚。三月,又幸永寧寺設會,行道聽講,命中、秘二省與僧徒討論佛義,施 二千餘人,四方諸寺六千四百七十八,僧尼七萬七千二百五十八人。 四年春, 以 僧服,令修道戒,資福於顯祖。 承明元年八月,高祖於永寧寺,設太法供,度良家男女爲僧尼者百有餘人,帝爲剃髮, 又於方山太祖營壘之處,建思遠寺。自興光至此,四回京城內寺新舊且百所,僧尼 於時人皆異之。十年冬,有司又奏:「前被敕以勒籍之初,愚民僥倖,假 顧謂諸王及侍官曰:「此寺近有名僧嵩法師,受成實論於羅什, 十六年詔:「四月八日、七月十五日,聽大州度 是月,又詔起建明寺。 齊民。今依旨簡遣,其諸州還俗者, 太和元年二月,幸永寧寺設齊 詔以鷹師爲 爾來三年, 僧衣服、寶 一百 十九年 其 有 人為

旣暫同俗禮,應有子胤,可推訪以聞,當加叙接。」 登法 寺焉。 」 寺,猶有遺地,欽悅修蹤,情深遐遠,可於舊堂所,爲建三級浮圖。 素榮之。行司又有西域沙門名跋陀,有道業,深爲高祖所敬信。詔於少室山陰,立少林寺而 十年 居之,公給衣供。 此 流 卒 師奄至徂背,痛怛摧慟,不能已已。 通。 時 ,高祖甚悼惜之,詔施帛一千匹。 沙 後授淵法 門道登,雅有義業,爲高 二十一年五月,詔曰:「羅什法師可謂神出五才,志入四行者也。 師,淵法師授登、紀二法師。 殷每玩成實論,可以釋人染情,自己故至此 祖眷賞,恒侍講論。 比藥治慎喪、未容卽赴,便準師義,哭諸門外。」 又設一切僧齋,幷命京城七日行道。 曾於禁內與帝夜談,同 又見逼昏虐, 為道殄軀, 見一鬼。 又詔:「朕師 今常住 緇

紀、僧範、道弁、惠度、智誕、僧顯、僧義、僧利,並以義行知重。 先是,立監福曹,又改爲昭玄,備有官屬,以斷僧務。 高祖時,沙門道順、惠覺、僧意、惠

制 諸州、鎭、郡維那、上坐、寺主,各令戒律自修,咸依內禁,若不解律者,退其本次。又,出 自今已後,衆僧犯殺人已上罪者,仍依俗斷,餘犯悉付昭玄,以內律僧制治之。至三二年 沙門統惠深上言:「僧尼浩曠,清濁混流,不遵禁典,精粗莫別。 世宗. 即位,永平元年秋,詔曰:緇素旣殊,法律亦異。故道教彰於互顯,[言]禁勸各有所 輒與經律法師群議立

民。 若在見前,限以七日。或有不安寺舍,遊止民間,亂道生過,皆由此等。若有犯者,脫服還 檢有德行合三藏者聽住,若無德行,遣還本國,若其不去,依此僧制治罪。」詔從之。 外州。云宫僧尼之法,不得爲俗人所使。若有犯者,還配本屬。其外國僧尼來歸化者,求精 緣州外。[〒]又,出家捨著,本無凶儀,不應廢道從俗。其父母三師,遠聞凶問,聽哭三日。 不得爲己私畜。 家之人,不應犯法,積八不淨物。 其有造寺者,限僧五十以上,啓聞聽造。若有輒營置者,處以違敕之罪,其寺僧衆擯出 先是,於恒農荆山造珉玉丈六像一。三年冬,迎置於洛濱之報德寺,世宗躬觀致敬。 唯有老病年六十以上者,限聽一乘。又,比來僧尼,或因三寶,出貸私財。 然經律所制,通塞有方。依律,車牛淨人,回己不淨之物,

數,出入贏息,賑給多少,幷貸償歲月,見在未收,上臺錄記。 窘弊,亦卽賑之。但主司冒利,規取贏息,及其徵責,不計水旱,或償利過本,或翻改券契, 律発之,勿復徵責。 已後,不得專委維那、都尉、行司可令刺史共加監括。 侵蠹貧下,莫知紀極。 四年夏,詔曰:「僧祇之粟,本期濟施,儉年出貸,豐則收入。山林僧尼,隨以給施,民有 或有私債、轉施償僧、卽以丐民、不聽收檢。 細民嗟毒,歲月滋深。 '非所以矜此窮乏,宗尙慈拯之本意也。 尚書檢諸有僧祇穀之處, 州別列其**元** 若收利過本,及翻改初券,依 後有出貸,先盡貧窮,徵債 自今

之科,一準舊格。富有之家,不聽輒貸。脫仍冒濫,依法治罪。」

律,謬奏之愆,請付昭玄,依僧律推處。」詔曰:「暹等特可原之,餘如奏。」 安之。請聽尚子等還鄉課輸,儉乏之年,周給貧寡,若有不虞,以擬邊捍。 等,行號巷哭,叫訴無所,至乃白羽貫耳,列訟宮闕。悠悠之人,尙爲哀痛,況慈悲之士,而可 道,棄子傷生,自縊溺死,五十餘人。 豈是仰贊聖明慈育之意,深失陛下歸依之心。 遂令此 而都維那僧暹、僧頻等,進達成旨,退乖內法,肆意任情,奏求逼召,致使吁嗟之怨,盈於行 家爲僧祇戶,立課積粟,擬濟飢年,不限道俗,皆以拯施。又依內律,僧祇戶不得別屬一寺。 又尚書令高肇奏言:「謹案:故沙門統曇曜,昔於承明元年,奏凉州軍戶趙苟子等二百 其暹等違旨背

焉。 上旣崇之,下彌企尙。 世宗篤好佛理,每年常於禁中,親講經論,廣集名僧,標明義旨。 至延昌中,天下州郡僧尼寺、ᠬ司積有一萬三千七百二十七所, 沙門條錄,爲內起居

熙平元年,詔遣沙門惠生使西域,採諸經律。 正光三年冬,還京師。 所得經論一百七

十部,行於世。

徒侶逾衆。

二年春,靈太后令曰:「年常度僧,依限大州應百人者,州郡於前十日解送三百人,其中

婢者,亦移五百里外爲僧。僧尼多養親識及他人奴婢子,年大私度爲弟子,自今斷之。 褫,不能改肅也。 及已,容多隱濫。自今有一人私度,皆以違旨論。隣長爲首,里、黨各相降一等。 犯還俗,被養者歸本等。寺主聽容一人,出寺五百里,二人千里。私度之僧,皆由三長罪不 人,郡滿三十人,州鎭滿三十人,殆官,僚吏節級連坐。私度之身,配當州下役。」時法禁寬 今奴婢悉不聽出家,諸王及親貴,亦不得輒啓請。有犯者,以違旨論。 非人,刺史爲首,以違旨論,太守、縣令、綱僚節級連坐,統及維那移五百里外異州爲僧。 州二百人,小州一百人。州統、維那與官及精練簡取充數。〔三〕若無精行,不得濫採。 其僧尼輒度他人奴 縣滿十五 若取 自

刹。 十萬二千三百六十六。肅宗熙平中,於城內太社西,起永寧寺。靈太后親率百僚,表基立 中,中尹劉騰奏爲世宗復造石窟一,凡爲三所。從景明元年至正光四年六月已前,用 長秋卿王質、謂斬山太高、費功難就、奏求下移就平、去地一百尺、南北一百四十尺。 營石窟二所。初建之始,窟頂去地三百一十尺。至正始二年中,始出斬山二十三丈。 佛圖九層,高四十餘丈,其諸費用,不可勝計。 景明初,世宗詔大長秋卿白整準代京靈巖寺石窟,於洛南伊闕山,爲高祖、文昭皇太后 景明寺佛圖,亦其亞也。 至於官私寺 至大

三〇四四

塔,其數甚衆。

|神龜元年冬,司空公、尚書令、任城王澄奏日:

莫從者也。不俗不道,務爲損法,人而無厭,其可極乎! 爾來十年,私營轉盛,罪擯之事,寂爾無聞。 者、限僧五十已上、聞徹聽造。若有輒營置者,依俗違敕之罪,其寺僧衆,擯出外州。」 仍卷不行,後來私謁,彌以奔競。永平二年,深等復立條制,啓云:「自今已後,欲造寺 便云:「營就之寺,不忍移毁,求自今已後,更不聽立。」先旨含寬,抑典從請。前班之詔, 俗眩虛聲,僧貪厚潤,雖有顯禁,猶自冒營。至正始三年,沙門統惠深有違景明之禁, 尼寺舍,亦欲絕其希覬。」文武二帝,豈不愛尙佛法,蓋以道俗殊歸,理無相亂故也。 無敢踰矩。 都城制云,城內唯擬一永寧寺地,郭內唯擬尼寺一所,餘悉城郭之外。欲令永遵此制, 仰惟|高祖,定鼎|嵩|瀍,卜世悠遠。慮括終始,制洽天人,造物開符,垂之萬葉。 逮景明之初,微有犯禁。 故世宗仰修先志,爰發明旨,城內不造立浮圖、僧 **豈非朝格雖明,恃福共毁,僧制徒立,顧利**

其盜竊,資營寺觀。 冥深,匪尙華遁。 **夫學迹沖妙,非浮識所辯,玄門曠寂,豈短辭能究。 然淨居塵外,道家所先,功緣** 苟能誠信,童子聚沙,可邁於道場,純陀儉設,足薦於雙樹。 此乃民之多幸,非國之福也。 然比日私造,動盈百數。 或乘請公 何必縱

不問。 冀州,遭大乘之變。 塔纒於腥臊,性靈沒於嗜慾,眞僞混居,往來紛雜。 而杜遠; 途,抑亦防微深慮。世宗述之,亦不錮禁營福,當在杜塞未萌。今之僧寺,無處不有。 乃至於斯!自遷都已來,年踰二紀,寺奪民居,三分且一。。高祖立制,非徒欲使緇素殊 務,奉遵成規,裁量是總。所以披尋舊旨,研究圖格,輒遣府司馬陸昶、屬崔孝芬,都城 或比滿城邑之中,或連溢屠沽之肆,或三五少僧,共爲一寺。 梵唱屠音,連簷接響,像 之中及郭邑之內檢括寺舍、數乘五百、至三空地表刹、未立塔宇、不在其數。民不畏法, 地,〔三輒樹私福;或啓得造寺,限外廣制。 其於汙染眞行、塵穢練僧、薰蕕同器,不亦甚歟!往在北代,有法秀之謀;近日 景明之禁,慮大乘之將亂。 皆初假神教,以惑衆心,終設姦誑,用逞私悖。 始知祖宗叡聖, 如此欺罔,非可稍計。臣以才劣,誠忝工 下司因習而莫非,「」」曾曹對制而 防遏處深。[三]履霜堅冰, 太和之制,因法秀 不可

廣占田宅,有傷慈矜,用長嗟苦。 社鼠,內戒所不容,王典所應棄矣。 宅,當由利引其心,莫能自止。處者旣失其真,造者或損其福,乃釋氏之糟糠,法中之 昔如來闡教,多依山林,今此僧徒,戀著城邑。豈湫隘是經行所宜,浮諠必栖 且人心不同,善惡亦異。 非但京邑如此,天下州、鎭僧寺亦然。 或有栖心眞趣,道業淸遠 侵奪細民, 福之

不愼。

贊善,凡人所知,矯俗避嫌,〔長〕物情同趣。 臣獨何爲,孤議獨發。 至難,法網暫失,條綱將亂。 ,或外假法服,內懷悖德者。 是以冒陳愚見,兩願其益。 如此之徒,宜辨涇渭。 若雷同一貫,何以勸善。 誠以國典一廢,追理 然覩法

雖有僧數,而事在可移者,令就閑敞,以避隘陋。 耳。 旨者,不在 不可移撤 擇所便。 行,而私造之徒,不懼制旨。豈是百官有司,怠於奉法?將由網漏禁寬,容託有他故 立榜證公,須營之辭,指言嘗禮。 日。 以嚴科,特設重禁,糾其來違,懲其往失。脫不峻檢,方垂容借,恐今旨雖明,復如往 殉 頃明詔屢下,而造者更滋,嚴限驟施,而違犯不息者, 豊不以假福託善,幸罪不加。 人 其私,吏難苟劾。前制無追往之辜,後旨開自今之恕,悠悠世情,遂忽成法。今宜加 如臣愚意,都城之中,雖有標榜,營造粗功,事可改立者,請依先制。 又旨令所斷,標榜禮拜之處,悉聽不禁。 臣聞設令在於必行,立罰貴能肅物。令而不行,不如無令。罰不能肅,孰與亡罰 **,請依今敕,如舊不禁,悉令坊內行止,不聽毁坊開門,以妨里內通巷。** 其地若買得,劵證分明者,聽其轉之。若官地盜作,卽令還官。 斷限。 郭內準此商量。 其廟像嚴立、而逼近屠沽, 請斷旁屠殺, 如此則徒有禁名,實通造路。且徙御已後,斷詔四 愚以爲,樹榜無常,禮處難驗,欲云有造, 如今年正月赦後造者,求依僧制,案 若靈像 在於郭外,任 以潔 《旣成》 靈居。

依前科。 今外州,若欲造寺,僧滿五十已上,先令本州表列,昭玄量審,奏聽乃立。 法科治。 州郡已下,容而不禁,罪同違旨。 若僧不滿五十者,共相通容,小就大寺,必令充限。 庶仰遵先皇不朽之業,俯奉今旨慈悲之令, 其地賣還,一 若有 如上式。 違犯、悉 自

則繩墨可全,聖道不墜矣。

奏可。 爲寺矣。 未幾,天下喪亂,加以河陰之酷,朝士死者,其家多捨居宅,以施僧尼,京邑第舍,略 前日禁令,不復行焉。

所出,并計所營功庸,悉以枉法論。」興和二年春,詔以鄴城舊宮爲天平寺。 自丰 帳,其新立之徒,悉從毀廢。」冬,又詔:「天下牧守令長,悉不聽造寺。 有,假此一名。終恐因習滋甚,有虧恒式。宜付有司,精加隱括。且城中舊寺及宅,並有定 更擬後須,非爲永久。 **一來遷**鄴 元象元年秋,詔曰:「梵境幽玄,義歸淸曠,伽藍淨土,理絕囂塵。 ,率由舊章。 如聞諸人,多以二處得地,或捨舊城所借之宅,擅立爲寺。 而百辟士民,届都之始,城外新城,並皆給宅。 若有違者,不問財之 前朝城內,先有禁斷, 舊城中暫時 普借, 知非己

光、惠顯、法榮、道長,並見重於當世。 世宗以來至武定末,沙門知名者,有惠猛、惠辨、惠深、僧暹、道欽、僧獻、道縣、僧深、惠

自 IE 中國 光 已後,天下多虞,王役尤甚,於是所在編 魏 之有 有 天下,至於禪讓,佛經流通,大集中國,凡有四百一十五部,合一千九百一十九卷。 佛法、未之有也。 略而計之,僧尼大衆二百萬矣,其寺三萬有餘。 民,相 與入道,假慕沙門,實避調 役,猥濫 流弊不歸, 一之極,

至於此,識者所以歎息也。

漢、赤明、開皇之屬,皆其名也。 爲 法道,<<<!>(三八) 有三元九府、百二十官,一切諸神,咸所統攝。 乃至白日昇天,長生世上。所以秦皇、漢武,甘心不息。 靈 牧德、大禹聞長生之訣、尹喜受道德之旨。至於丹書紫字、昇玄飛步之經、玉石金光、妙有 紫微,爲飛仙之主。千變萬化,有德不德,隨處應物,厥迹無常。授軒轅於峨嵋,教帝譽於 洞之說。 道家之原,出於|老子。其自言也,先天地生,以資萬類。上處玉京,爲神王之宗,下在 及張陵受道於鵠鳴,因傳天官章本千有二百,弟子相授,其事大行。齋祠跪拜,各成 如此之文,不可勝紀。其爲敎也,咸蠲去邪累,澡雪心神,積行樹功,累德增善, 及其劫終,稱天地俱壞。 又稱劫數,頗類佛經。其延康、龍 其書多有禁秘,非其徒也,不得輒 靈帝置華蓋於濯龍、「言」設壇場 III

觀。 至於化金銷玉,行符敕水,奇方妙術,萬等千條,上云羽化飛天,次稱消災滅禍。

異者往往而尊事之。

仍爲不息。久之,太祖意少懈,乃止。 曜懼死,因請辟穀。 太祖許之,給曜資用,爲造靜堂於苑中,給洒掃民二家。 而錬藥之官, **猶將修焉。** 士,立仙坊,煮鍊百藥,封西山以供其薪蒸。令死罪者試服之,非其本心,多死無驗。 太祖好老子之言,誦詠不倦。天興中,儀曹郎董謐因獻服食仙經數十篇。於是置仙人博 初文帝入賓於晉,從者務勿塵,姿神奇偉,登仙於伊闕之山寺。識者咸云魏祚之將大。 太醫周澹,苦其煎採之役,欲廢其事。乃陰令妻貨仙人博士張曜妾,得曜隱罪。

將還,令其開舍南辣田。〔三〕、謙之樹下坐算,興墾發致勤,〔四〕時來看算。 作,何爲看此。」二三日後,復來看之,如此不已。 有絕俗之心。少修張魯之術,服食餌藥,歷年無效。幽誠上達,有仙人成公興,不知何許 人,至謙之從母家傭賃。謙之嘗覲其姨,見興形貌甚强,力作不倦,請回賃興代已使役。乃 世祖時,道士寇謙之,字輔眞,南雍州刺史讚之弟,自云寇恂之十三世孫。 後謙之算七曜,有所不了,惘然自失。 謙之謂曰:「汝但力 早好仙道, 興

出走。 火燒七間屋,被謫爲寇謙之作弟子七年。」始知謙之精誠遠通,興乃仙 持鉢及錫杖。 之欣然從之。 珍麗,空而 三重石室而卒。 而謂之曰:「興不得 後,當有人將藥來。 藥,不復飢。 人王胡兒, 謂謙之曰 知,何勞問 興固辭不肯,但求爲謙之弟子。 興還問狀,謙之具對,興歎息曰:「先生未便得仙,政可爲帝王師耳。」興事謙之七年, ··「先生何爲不懌。〕謙之曰:「我學算累年,而近算周髀不合,以此自愧。 無 共叔父亡,頗有靈異。 也。」興日:「先生試隨興語布之。」俄然便決。 人,題曰「成公興之館」。 乃將謙之入嵩山。有三重石室,令謙之住第二重。 謙之引入,至興尸所,興欻然而起, 興乃令謙之潔齋三日,共入華山。 謙之躬自沐浴。 **外留**,明日中應去。 得但食之,莫爲疑怪。」尋有人將藥而至,皆是毒蟲臭惡之物,謙之大懼 曾將胡兒至嵩高 明日 未幾,謂謙之曰:「先生有意學道,豈能與興隱遁 中,有叩石室者,謙之出視, 胡兒怪而問之,其叔父曰:「此是仙人成公興館, 興亡後,先生幸爲沐浴,自當有人見迎。」興乃入第 令謙之居一石室, 著衣持鉢、執杖而 別嶺,同行觀望,見金室玉堂, 謙之歎伏, 不測興之深淺, 歷年,與謂謙之曰:「 見兩童子,一 去。 自出採藥,還與謙之食 者調 先是,有京兆灞城 滿 而 去 持法服,一 有一 且非 請 館尤 興出 汝所 師 事

玉

女,左右侍衞,集止山頂,稱太上老君。

謙之守志嵩岳,精專不

懈,以

神瑞二年十月

乙卯,忽遇

大神

乘雲駕龍,導從百

掘

仙

謂謙之曰: 「往辛亥年,嵩岳鎭靈集仙宮主,

衣冠 宮靜輪之法。「四〇能興造克就,則起眞仙矣。「四〇又地上生民,末劫垂及,其中行敎甚難。但 數也。 專以 身直 師 雖無大功,且有百授之勞。「眾」今賜汝遷入內宮,太眞太寶九州眞師、治鬼師、治民師、繼天 |謙之。作誥曰:「吾處天宮,敷演眞法,處汝道年二十二歲,除十年爲竟蒙,其餘十二年,敎化 漢武之世得道,爲牧土宮主,領治三十六土人鬼之政。地方十八萬里有奇,蓋歷術一章之 訣之法。 汝宣吾新科,清整道教,除去三張僞法,租米錢稅,及男女合氣之術。 科之誠二十卷。號曰『並進』。」[5]言:「吾此經誠,自天地開闢已來,不傳於世,今運數應出 曹,稱自天師張陵去世已來,地上曠誠,四心修善之人,無所師授。嵩岳道士上谷寇謙之,立 四錄。 日陰陽太官,二日正府眞官,三日正房眞官,四日宿宮散官,五日並進錄主。壇位、禮拜、 **「儀式各有差品。凡六十餘卷,號曰錄圖眞經。付汝奉持,輔佐北方泰平眞君,[智]出天** 一禮度爲首,而加之以服食閉練。」使王九疑人長客之等十二人,「毘」授謙之服氣導引口 理 泰常八年十月戊戌,有牧土上師李譜文來臨嵩岳,云:老君之玄孫,昔居代郡桑乾,以 其中爲方萬里者有三百六十方。日思遣弟子宣教,云嵩岳所統廣漢平土方萬里,以授 ,行合自然,才任軌範,首處師位,

(四)百故來觀汝,授汝天師之位,賜汝雲中音誦新 修動不懈,依勞復遷。賜汝天中三眞太文錄,劾召百神,以授弟子。文錄有五等, 遂得辟穀,氣盛體輕,顏色殊麗。 弟子十餘人,皆得其術。 大道清虚, 豈有斯事。

告焉。 殷時 形 主。 令 餘 君 染衣 莮 種 擇賢推德,信者爲 皆正 得道 最 民。」 女 爲) 斷 絕 **經**云:: 立 高 翼從。 眞書曹趙道覆所 藥 ,牧土之師 者 壇 1無極 別 字 佛 人 授方 朝朝 道,諸天衣服 者,昔於西胡 牧土命謙之爲子,與群 至尊,次曰大至真尊,次天覆 夕 ,銷練金丹、雲英、八石、玉 也。 禮 先, 拜,若家 勤者 牧土之來,赤松、王喬 書。 悉然。 得道,在三十二天,至三為延眞宮主。 次之。 古文鳥迹, 有嚴君,功及上世。 叉言二儀之間 仙結為徒 **篆隸雜體,辭義約辯,** 一漿之法,皆有 地載陰陽眞尊。 之倫,及韓終、張安世 友。 有三十六天,中有三十六宫,至司宫有 其中能修身練藥, 幽冥之事 決 要。 ,世所不了,謙之具 次洪正眞尊 婉而 勇猛苦教,故其弟子皆髠 上師李君 成章。 、劉根、張陵,近世 學長 一姓趙 生之術, 手筆 大 自 名道隱,以 有 問, 與 數篇,其 卽爲 世 禮 仙 相 眞

使 妙,自古 亡,未全信 謁 下 則 作 暰 始光初 者奉玉帛牲牢,祭嵩岳,迎致其餘弟子在山中者。 有 無比。 大 軒黄, 應。 也。 "。 奉其· 昔漢高雖復英聖,四皓猶或耻之,不爲 崔浩獨異其言,因 應天之符也,豈可 加 八書而 {河 {圖 獻之,世 、
浩書,皆寄言於蟲獸之文。 祖乃令謙之止於張曜之所,供其食物。 師 以 事之,受其法 世俗常談,而忽上靈之命。 術。 未若 屈節。 於是上 於是崇奉天師,顯揚新法,宣布天 ||今日 疏 人神接對,手筆粲然, 今淸德隱仙 ,讚明其 臣竊懼 時朝野 之。 事曰:「臣聞 ,不召自至。 世 聞之,若存 欣然,乃 辭旨 聖王 斯 受 誠 深

之東南、重壇五層、遵其新經之制。給道士百二十人衣食、齊肅祈請、六時禮拜,月設厨會 才非賢哲,今奉天師,足以不愧於古人矣。」及嵩高道士四十餘人至,遂起天師道場於京城 下,道業大行。 浩事天師, 拜禮甚謹。 人或譏之,浩聞之曰:「昔張釋之爲王生結襪。 吾雖

數千人。

百功。」 之。 |恭宗之言,但以崔浩贊成,難違其意,沉吟者久之,乃曰:「吾亦知其無成,事旣爾,何惜五三 財力費損,百姓疲勞,無乃不可乎。必如其言,未若因東山萬仞之上,爲功差易。」世祖深然 年不成。乃言於世祖曰:「人天道殊, 卑高定分。今謙之欲要以無成之期, 說以不然之事, 下以真君御世,建靜輪天宮之法,開古以來,未之有也。應登受符書,以彰聖德。」世祖從 武 應期,天經下治,當以兵定九州,後文先武,以成太平眞君。」眞君三年,謙之奏曰:「今陛 恭宗見謙之奏造靜輪宮,必令其高不聞雞鳴狗吠之聲,欲上與天神交接,功役萬計,經 於是親至道壇,受符錄。備法駕,旗幟盡青,以從道家之色也。 世祖將討赫連昌,太尉長孫嵩難之,世祖乃問幽徵於謙之。 謙之對曰:「必克。 自後諸帝,每卽位皆如 陛 下神

去之後,天宮眞難就。」復遇設會之日,更布二席於上師坐前。 九年,謙之卒,葬以道士之禮。 先於未亡,謂諸弟子曰:「及謙之在,汝曹可 弟子問其故, 謙之曰:「仙官 求遷錄。 吾

中氣 至斂量之,長六寸。三於是諸弟子以爲尸解變化而去,不死也。 來。」是夜卒。 狀 若烟雲,上出窗中,至天半乃消。 前一日,忽言「吾氣息不接,腹中大痛」,而行止如常, 屍體引長,弟子量之,八尺三寸。 至明旦便終。 三日已後,稍縮, 須臾,口

世祖 河東郡給所須。崇入穴,行百餘步,遂窮。 鄉里,立壇祈請。 旨可聽。 引養氣, 曰:「神道幽昧,變化難測,可以闇遇,難以豫期。臣昔者受敎於先師,曾聞其事,未之爲也。 人,好方術,少嗜慾。 一崇修道之人,豈至欺妄以詐於世,或傳聞不審,而至於此。古之君子,進人以禮,退人以 今治之,是傷朕待賢之意。」遂赦之。又有東萊人王道翼,少有絕俗之志,隱韓信山,四 至者前後數人。河東祁纖,好相人。世祖賢之,拜纖上大夫。潁陽絳略、聞喜吳劭,道 以文秀關右豪族,風操溫雅,言對有方,遺與尚書崔賾詣王屋山合丹,竟不能就。時 時有京兆人韋文秀、隱於嵩高,徵詣京師。世祖會問方士金丹事,多曰可成。 積年百餘歲,神氣不衰。恒農閻平仙,博覽百家之言,然不能達其意,辭占應對,義 世祖欲授之官,終辭不受。扶風魯祈,遭赫連屈孑暴虐,避地寒山,敎授弟子數百 崇云·「條山有穴,與崐崘、蓬萊相屬。 入穴中得見仙人,與之往來。」 詔令 河東羅崇之,常餌松脂,不食五穀,自稱受道於中條山。 後召至,有司以崇誣罔不道,奏治之。 世祖令崇還 世祖曰: 文秀對

焉。 十餘年,斷粟食麥,至三通達經章,書符錄。常隱居深山,不交世務,年六十餘。 青州刺史韓頹遣使就山徵之,翼乃赴都。 顯祖以其仍守本操,遂令僧曹給衣食,以終 顯祖聞而召

其身。

虚寺。 敬神道。 可歸,用立寺宇。 昔京城之內,居舍尙希。 今者里宅櫛比,人神猥湊,非所以祗崇至法,清 太和十五年秋,詔曰:「夫至道無形,虛寂爲主。自有漢以後,置立壇祠,先朝以其至順 可召諸州隱士,員滿九十人。」 可移於都南桑乾之陰,岳山之陽,永置其所。給戶五十,以供齋祀之用,仍名爲崇

年,有司執奏罷之。 壇主、道士、哥人一百六人,〔吾〕以行拜祠之禮。 遷洛移鄴,踵如故事。其道壇在南郊,方二百步,以正月七日、七月七日、十月十五 其有道術,如河東張遠遊、河間趙靜通等, 諸道士罕能精至, 齊文襄王別置館京師而 又無才術可高。 武定六 日,

校勘記

释

接焉。

項有 老 日 志 光 校 諸本作「頂有白光」,册府卷五一五六六頁作「頂有日光」,廣弘明集卷二錄 勘 記 釋老志如

摘 句。 按水經注卷一六穀水篇作「項佩日光」,洛陽伽藍記卷四白馬寺條作「項背日月光明」,

年子理惑論作「身有日光」。可證廣弘明集引志是,今據改。

ヘニン 漢因立白馬寺於洛城雍門西 諸本「門」作「關」。 按水經注穀水篇、伽藍記並稱北魏洛陽之西

陽門即漢之「雍門」,年子理惑論云:「時於洛陽城西雍門外起佛寺。」這裏「關」乃「門」之訛,今

改正。

澡練 **松神明** 諸本「澡」作「藻」、御覽卷六五三二九一七頁、廣弘明集卷二引志作「澡」。按下文敍道

教也說「澡雪精神」,這裏「藻」字訛,今據改。

四四 婦入道者曰比丘尼 者」,舊本脫「入」字,北本改「人」爲「入」。 今姑從北、殿本。 百衲、南、汲、局四本「入」作「人」、北本、殿本作「入」。 疑當作「婦人入道

五 皆以□爲本 百衲本空格作墨釘,北、汲、殿三本注「闕」,南本、局本作「五戒」。按南本當是以

意補,今作空格。

, . 六 山 凡人修行粗 爲極 按語不 可解,疑有訛脫,今於「極」字句

トトン 其根 業 各差 諸本「各」作「太」、廣弘明集卷二作「各」。 按上云「有三種人」,作「各」是,今據改。

ヘカリ 彌 文言將來有彌勒佛 歷 長 遠 諸本無「歷」字,廣弘明集卷二有。 按「文」疑當作「又」。 按文義當有此字,今據補。

- 塔的 役諸鬼神 神話屢見佛教紀載。「於」乃「役」之訛,今據改。 諸本「役」作「於」,廣弘明集卷二作「役」。 按阿育王役鬼神,一日一夜造八萬四千
- 今洛陽彭城姑臧臨淄皆有阿育王寺 諸本「淄」作「渭」,廣弘明集卷二作「淄」。按廣弘明集卷
- 形象露盤在深林巨樹下」。 五列塔像神瑞迹列舉所謂阿育王塔無「臨渭」而 語出高僧傳卷一〇竺佛圖澄傳。 有「臨淄」,云「靑州臨淄城中有阿育王寺,其 這裏「渭」字乃「淄」 形近 一而訛, 今

據改。

- 遂徙於道東 東造 周閭 百間 1.],知此志所脫是「東」字,今據補。 「閣」「閭」皆可通。 百衲本「東」字空格,諸本注「闕」字。 按法苑珠林卷五三舍利篇敍此云:「乃於道
- 文帝久在 字重複。 一洛陽 卷一字紀稱文帝沙漠汗自力微之四十二年至洛陽,四十八年始返,故云「久在洛陽」, 諸本「久」作「又」、册府卷五一五六七頁作「久」。按下稱「昭成又至襄國」、兩「又」
- 修整宫舍 室」,知上一字當作「宮」,今從北、殿本。 百衲、南、汲、局四本「宮」作「官」,北本、殿本作「宮」。 按册府卷五一五六七頁作「宮

「又」字訛、今據改。

二吾 時沙門道肜 「肜」,訛作「肜」,今改正 諸本「肜」作「肜」。 按高僧傳卷六有道融傳,曾參預鳩摩羅什譯經。 「融」古亦作

釋老志 校勘記

- 二合 接乞胡之誕言 諸 本 無「接」字,廣弘明集卷二有。 按「接乞胡」與下「用老莊」 相對,原當有此
- 安五 敇 指寺之塔,也即 有司: 級寺,亦名五重寺,雖非一地,可以類比。 於五級大寺內 稱此寺爲「五級寺」。 諸本「級」作「緞」,册府卷五一五六八頁、廣弘明集卷二作「級」。 卷七五分朱兆傳見晉陽五級寺,高僧傳卷五 「緞」字訛,令據改 釋道安傳見長 按五
- 長 十五 都用赤金二十五萬斤 一丈六尺。 一萬斤」。 按下文稱造釋伽立像,高四十三尺,用赤金十萬斤,黃金六百斤。 像雖較小,却有五個,決不會僅用二萬五千斤。 諸本「二十五萬斤」作「二萬五千斤」、册府同上卷頁、 今據改。 廣弘明集卷二作「二 這次造像五,各
- 二九 演唱諸異 册府卷五一五六九頁「異」作「典」。 按「諸異」指諸故事,亦通
- 其後。 興光至此 興光是文成帝元濬年號四五四 諸本「興」作「正」、册府同上卷頁作「興」。按上文敍太和元年四七七事,正光五二〇 ——四五九,其時佛敎重興。 這裏「正」字顯訛,今據改。 遠在
- **福紀** 是畜養鷹 詔以鷹師爲報德寺 上太和四年正月丁巳作「罷畜鷹鷂之所,以其地爲報德佛寺」。鷹師是訓練鷹的人,鷹師曹 ,的機構與場所,「曹」字不宜省,當是脫文。 按卷一三文明皇后馮氏傳稱:「罷鷹師曹,以其 地爲報德佛寺。」卷七 上高
- 可以釋人染情 諸本「染」作「深」,册府同上卷頁作「染」。按「染汚」是佛教術語,「釋人染情」意為

¯破除煩惱障」。「深情」用在這裏不適合´「深」乃「染」之形訛,今據改。

弘明集卷二如上摘句。按「緇素」卽僧俗`傳本「緇」訛「繢」、「績」,又脫「榮」字,語不可解,册府 緇素榮之 諸本此句作「繢素之」三字,百衲本作「績素之」,册府卷五一五七〇頁作「祭奠之」,廣

以意改作,今據廣弘明集補正。

故道教彰於互顯 册府同上卷頁「瓦」作「玄」。按「玄顯」猶言「幽顯」,疑作「玄」是。

立 三 三 以內律僧制治之 諸本脫「治」字,不可通,今據册府同上卷頁補。廣弘明集卷二引志「治」作

「判」,乃避唐諱改。

車牛淨人 諸本「淨」作「淫」、無所同上卷頁作「淨」。按「淨人」是僧寺的僕役、「淫」乃「淨」形近而

訛、今據改。

緣州外 按此三字文義不相連,疑有訛脫,册府同上卷頁作「自此不得更爾」,或是以意改,今於

「外」字句斷。

其寺僧衆擯出外州 亦無「僧」字,知這裏衍文,今據删。 諸本「寺」上有「僧」字、册府同上卷頁無。按下文元澄上奏引此條制、「寺」上

二記 不得專委維那都尉 又當時管理僧人的機構「昭玄」,有都統、維那等,不聞有都尉,下文正光二年靈太后令有「州 諸本「專」作「傳」、册府卷五一五七一頁作「專」。 按文義當作「專」,今據改。

統 ☆、維那」,卷一一○食貨志敍莊帝初入粟買官之制,僧人依入粟多寡授 州統、大州都殷「統」字、

畿郡都統、郡維那、縣維那等。 疑此「都尉」當作「都統」。

天下州郡僧尼寺 諸本「寺」作「等」,張明府同上卷頁作「寺」。按下接稱「積有一萬三千七百二十

七所」,明是指「寺」,非指人。「等」乃「寺」之形訛,今據改。

州統維那與官及精練簡取充數 按「及」字與文義不協,疑是「司」之訛,或衍文。

或乘請公地

禁傳有「至有貧人」實非賸即剩長買匿」語、意爲實非額外多買、隱匿田地。 所謂「剩請公田」,亦卽

額外多請公地。「乘」疑當作「剩」。

數乘五百

册府同上卷頁作「剩」。

按「數剩五百」卽數踰五百之意了「乘」也是「剩」之訛。

下司因習 而 莫非 册府同上卷頁「下」作「有」,疑是。

呈 防遏處深 册府同上卷頁「處」作「慮」,疑是。

矯俗避嫌 册府同上卷頁「矯」作「隨」。 按「矯俗」與下「物情同 趣」相背,疑作「隨」是。

帝紀延熹九年 靈帝置華蓋 於濯龍 七月庚午「祠黃老於濯龍池」,續漢書祭祀志同。「灌」乃「濯」形近而訛,今據改。 諸本「濯」作「灌」,廣弘明集卷二作「濯」,注一作「灌」。 按後漢書卷七桓

叉「靈帝」也當作「桓帝」。

- Clica 各成法道 廣弘明集卷二作「各有成法」,疑是。
- 二売し 令其開舍南辣田 册府卷五三五八五頁「辣」作「棗」,疑是。
- 興墾發致勤 諸本「墾」作「懇」、下有「一」字、無府同上卷頁也作「懇」、但無「一」字。按「一」字乃

行文`據删。「懇」必是「墾」之訛,今改正。

- [1] 地上曠誠 廣弘明集卷二「誠」作「職」。疑是。
- 才任軌範首處師位 · 册府卷五三五八六頁作「才任範首`可處師位」。按前有「天師張陵」,不得云

「首處師位」,且這是捏造所謂太上老君的命令,「才任」什麽, 可 官 什 么 也 是 通用格式。 疑}}

}府 是。

- 號曰並進 並進不可解,下見「並進錄主」,疑「並進」下有脫文。
- 使王九疑人長客之等十二人 册府同上卷頁無「王」字,「客」作「容」,廣弘明集卷二作「玉女九疑 十二人」。按「使」字下入名訛脫,廣弘明集恐也是以意節改,今仍之。
- 公里し 其中爲方萬里者有三百六十方。諸本「方」作「万」,廣弘明集卷二作「方」。按上云「爲方萬里」,
- 下稱「廣漢平土方」。「万」乃「方」的殘缺,今據改。
- 公司公司 「四十」 且有百授之勞 輔佐北方泰平眞君 册府同上卷頁「百授」作「指授」。 按「百授」語晦,疑作「指授」是。 諸本「輔」訛「轉」,今據册府同上卷頁、廣弘明集卷二、通鑑卷一一 九三七六二

釋

老志

出天宮靜輪之法 諸本「輪」作「論」、册府卷五三五八七頁、廣弘明集卷二、通鑑同上卷頁並作「輪」。

按下文寇謙之奏有云:「陛下以眞君御世,建靜輪天宮之法」,此「靜輪宮」又見於水經注卷一三

「論」乃「輪」形近而訛,今據改。

則起真仙矣

濃水篇。

公司 中有三十六宫 諸本脫「六」字,今據册府同上卷頁、廣弘明集卷二補。

廣弘明集卷二作「超登眞仙矣」。按「起眞仙」語晦了起」當是「超」之訛。

誕無稽,前後也應照應不得又稱「四十二天」。 「四」乃「三」之訛,今據改。

在三十二天。諸本「三」作「四」、廣弘明集卷二作「三」。按上云:「兩儀之間有三十六天」,雖荒

至三 長六寸 册府卷五三五八八頁作「長六尺六寸」,疑此脫「六尺」二字。

全三 斷粟食荽 諸本「 麥」作「麥」,册府同上卷頁作「 麥」。按「斷粟食麥」,又何足異。 「 麥」是香草。今

據改。

今仍之。

壇主道士哥人一百六人 頁作「奇」。按「哥人」不可解,北、殿本作「高人」,當是以意改。「奇」字與「哥」 形近,但無他證。 北本、殿本「哥」作「高」、百衲本、南本、汲本作「哥」、册府卷五五五八九

舊本魏書目錄叙

魏書,十二紀、九十二列傳、十志,凡一百一十四篇,舊分爲一百三十卷,北齊尙書右僕

射魏收撰。

隆,與綦雋更主國書,二十餘年,事迹蕩然,萬不記一。 子昇作莊帝紀三卷,濟陰王暉業撰辨宗室錄三十卷。魏末山偉以代人諂附元天穆、介朱世 分紀、傳、表、志之目。。宣武時,邢巒撰高祖起居注,崔鴻、王遵業補續,下逮明帝。 初,魏史官鄧淵、崔浩、高允皆作編年書,遺落時事,三不存一。太和中,李彪、崔光始 其後,溫

情, 不能抗。 批齊書卷三十七、卷四十五校記。〕刁柔、裴昂之、高孝幹皆不工纂述,其三十五例、二十五序、九十 四論、前後二表、一啓,咸出於收。五年,表上之。悉焚凗、李舊書。 悉。收所取史官,本欲才不逮己,故房延祐、辛元植、眭仲讓、〔校注:原作「睦仲」,據北齊書改。 時論以爲不平。 北齊文宣天保二年,詔魏收修魏史。博訪百家譜狀,搜采遺軼,包舉一代始終,頗爲詳 范陽 盧斐、頓丘李庶、太原王松年,並坐謗史,受鞭配甲坊,有致死者。 文宣命收於尚書省與諸家子孫訴訟者百餘人評論。 收黨齊毀魏,褒貶肆 收始亦辯答, 衆口沸騰, 說見

重論 號爲「穢史」。 其冢,棄骨于外。 之。 亦未 羣臣競攻其失。武成復敕收更易刊正。 頒 行。 時僕射楊悟、高德正用事,收皆爲其家作傳,二人深黨助之, 孝昭皇建中,命收更加審覈。 收請寫二本,一送并省,一付鄴 收旣以魏史招衆怨咎,齊亡之歲, 抑塞訴辭, 下, 欲 傳錄 不復 盜

叉 等十七人分撰後魏、北齊、周、隋、梁、陳六代史,歷年不成。 止 更敕楊素及潘徽、褚亮、歐陽詢別修魏書。 卷,以西魏爲正,東魏爲爲,義例簡要,大矯收、繪之失,文帝善之。 煬帝以澹書猶未盡善, 有 一撰 五 張 隋文帝以收書不實,平繪中興書敍事不倫,命魏澹、顏之推、辛德源更撰魏書九十二 代史。 大素後魏書一百卷、裴安時元魏書三十卷,今皆不傳。 高宗時, 魏澹孫同州刺史克已續十志十五卷, 未成而素卒。唐高祖武德五年,詔侍中陳叔達 太宗初,從秘書奏,罷修魏書, 魏之本系附焉。 稱魏史者,惟以魏收書爲 唐書藝文志

前古遺風餘烈,流而未絕。 之才,博學善敍事,不虛美隱惡,故傳之簡牘,千餘年而不磨滅。 議,諫諍辯說,嘉謀奇策,皆可以驚聽動俗,爲後世軌範。 孔 子稱「質勝文則野,文勝質則史」。三代文章,莫盛於周。 賢君忠臣蹈道之徒,功業行誼,彰灼顯布。 而左丘明、司馬遷、班固,以良史 東漢、魏、晉,去聖人稍遠, 東周、秦、漢雖戰爭喪亂 高才秀士,詞章論

死上。

史官才益淺溝。 永興失政,戎狄亂華,先王之澤掃地盡矣。

習,故數百年間,其書亡逸不完者,無慮三十卷。 直,其事不核,終篇累卷,皆官爵州郡名號,雜以冗委瑣曲之事,覽之厭而遺忘,學者陋而不 皆故部落酋大,雖參用趙魏舊族,往往以猜忌夷滅。 鹤而無祿,故吏多貪墨,刑法峻急,故 旣無足紀述,謀臣辯士將帥功名,又不可希望前世。而修史者言詞質俚,取捨失衷,其文不 於六鎮、釁成於今朱,國分爲二而亡矣。雖享國百餘年,典章制度,內外風俗,大抵與劉、 弱,孝明沖幼,政刑弛緩,風俗婾惡,上下相蒙,紀綱大壞。母后亂於內,羣盜撓其外,禍始 周、齊、隋、唐,百六十年廢興大略,不可闕也。 石、慕容、苻、姚略同。 相殘賊,不貴禮義,故士無風節,貨賂大行,故俗尙傾奪。遷洛之後,稍用夏禮。宣武柔 拓 跋氏乘後燕之衰,蠶食幷、冀,暴師喋血三十餘年,而中國略定。 道武、太武暴戾甚於聰、虎、孝文之强、不及苻堅。其文章儒學之流、 今各疏于逐篇之末。 臣傚、臣恕、臣燾、臣祖禹,謹敍目錄,昧 然上繼魏、晉,下傳 其始也,公卿方鎭

